

3 1761 06176613 5



UNIVERSITY  
OF  
TORONTO  
LIBRARY









~~11~~  
S5838B

# SILI ITALICI PUNICA

EDIDIT

LUDOVICUS BAUER.

---

VOLUMEN PRIUS.

LIBROS I—X CONTINENS.



LIPSIAE

IN AEDIBUS B. G. TEUBNERI.

MDCCCXC.

H 33 90  
7 / 11 / 98



MEMORIAE

HERMANNI BLASS.





## Praefatio.

---

Sili Italici Punica edenti mihi, priusquam ad ipsam rem accedam, paucis admonere liceat, quam bene sint de illo poeta meriti Georgius Thilo et Hermannus Blass, quippe qui libris mss. diligenter excussis huius editionis posuerint fundamenta.

Atque ille quidem iam ante triginta fere annos cum Sili edendi consilium cepisset, plurimum operae studiique consumpsit in codicibus et conferendis et aestimandis. Qua in re quid profecerit, cognoscitur ex quaestionibus, quas scripsit, Silianis:<sup>1)</sup> undeviginti, quos inspexerat, codicum et antiquissimum et optimum sibi persuasit esse Vaticanum 1652, quem totum contulit. In eodem ille libello et in emendationibus Silianis<sup>2)</sup> specimina dedit artis criticae qua esset in edendo poeta usus. Ita omnibus in spem adductis brevi fore ut Silius revivisceret, nescio qua de causa ab incepto destitit ille vir doctissimus ac pro sua liberalitate atque humanitate, quae collegerat congesseratque, detulit ad Hermannum Blass, qui et ipse huic carmini emendando operam dabat.<sup>3)</sup>

---

1) Quaestiones Silianae scripsit Georgius Thilo in „*Nachrichten über das kgl. Pädagogium zu Halle*“ 1858. — 2) Emendationes Silianae in *Symbolis philol. Bonnensium* 1864 I. p. 399—410. — 3) *Emendationen zu Silius Italicus im Jahresbericht über die Louisenstädtische Realschule, Berlin* 1867.

Hic vir opus a Thilone inchoatum cum perficiendum suscepisset, illius aliorumque virorum doctorum auxilio benigne adiutus, viginti quinque codicum, qui aetatem tulerunt,<sup>1)</sup> summa cura ac diligentia rationem habuit eorumque genera, quo erat ingenii acumine, tam accurate tamque argute discrevit, ut quin recta sint, quae de ea re exposuit, vix possit dubitari; inscribitur autem ea commentatio „*Die Textesquellen des Silius Italicus*“.<sup>2)</sup> Neque minus acute in eodem libro quae de archetypis amissis possent erui quove consilio veteres viri docti eis usi essent, exquisivit.

Codicibus igitur diligenter collatis definitisque, qui novae editioni essent fundamento, undique, quidquid pertinebat ad poëtam vel explicandum vel emendandum, miro quodam studio collegit, collecta aut in margine editionis, qua potissimum utebatur, Rupertianae adscripsit aut innumerabilibus fere notata schedulis illi libro inseruit. Ipsum autem poëtam quam diligenter perspectum habuerit quamque recte aestimaverit, cognoscere licet ex commentatione, quam scripsit de Ernesti Wezelii dissertatione „De C. Silii Italici cum fontibus tum exemplis“ (Lipsiae 1874) in Fleckeiseni Annall. 1874 p. 471—512.

Iam omnibus rebus ita praeparatis ut brevi editio in lucem prodire posse videretur, praematura ille morte est absumptus, nil nisi parte libri primi ad edendum perfecta; pauca quoque, quae ad praefationem pertinebant, scripta reliquit, ex quibus infra nonnulla, quae sunt de codicibus, depromuntur.

---

1) His codicibus unum, qui est Romae in Museo Propagandae, addidit Georgius Wartenberg in Fleckeiseni Annall. 1887 p. 431 sq.; alterum, qui est ex bibliotheca Matthiae Corvini, ego contuli eodem loco 1889 p. 796 sq. — 2) Exstat in Fleckeiseni Annall. 1875 p. 161—251; etiam separatim impressa est.

Gratiam, quam illi viro et doctissimo et sagacissimo pro egregiis in Silium meritis debemus, ita reddere volui, ut hunc librum dedicarem illius memoriae.

---

Opus ipsum *Sili Italici Punicorum libros* inscripsi. Etsi enim, id quod primus Theodorus Mommsen monuit (Ind. Plin. p. 425), plene nomina leguntur apud Gruterum p. 300 n. 1 (cf. etiam CIL VI, 1984),<sup>1)</sup> ubi *Ti. Catius Silius Italicus* appellatur, tamen, cum omnes libri mss. praenomen omittant praeter unum Malatestianum, cui nulla omnino fides est (T. p. 178 et 217)<sup>2)</sup>, Publii praenomen poëtae tribuentem, codicum auctoritatem sequi malui. Quem codex Coloniensis saec. IX prae se tulerit titulum nescimus; neque enim Ludovicus Carrio aut Franciscus Modius, qui librum ms. tractaverunt, quidquam monent de titulo neque utuntur praenomine, praeterquam quod semel apud Modium Ep. XLI p. 191 legimus: quae nunc ex Caio S. I. allegabo. Illud praenomen autem a Marso aliisque Silio nulla alia de causa praepositum est, nisi quod creberrime occurrat nobis apud Silios (Dausqueius in editione sua p. 2). Attamen verisimile est Modium, qua erat diligentia, si invenisset in Coloniensi, restitutum fuisse poëtae suum praenomen, ut restituisse se gloriatur cognomen Q. Curtio Rufo (cf. Rutgers, *Variae Lectiones Lugduni Batavorum* 1618 III. c. 4). Accedit quod „Sili“ volumen in catalogo libri cuiusdam ms. Lassbergiani saec. IX. laudatur (T. p. 160); etiam in codice Bernensi 363 fol. 147<sup>b</sup> scriptum est „Silius Italicus XV lib. de bellis punicis“ cf. Th. Gottlieb:

---

1) Minus recte de Rossi aliam inscriptionem stelae marmoreae (CIL XIV, 2653) refert ad Silium poëtam. — 2) T. littera significatur liber H. Blassii, qui inscribitur „*Die Textesquellen*“ etc.

„Randbemerkungen des Cod. Bernensis 363“ in „Wiener Studien“ IX (1877) p. 151 sq. (Woelfflin p. l.).

In verbis ipsis poëtae recensendis eos codices secutus sum, quibus imprimis fidem habendam esse Hermannus Blass l. l. demonstravit. Omnium autem codicum facile princeps est **L** (cod. biblioth. Laurentianae plut. XXXVII. cod. 16 membran. fol.); secundum locum obtinet **F** (cod. biblioth. Aedilium Florentinae Ecclesiae CXCVI chartac. in fol. min.), qui, quamquam lituris lacunis coniecturis est valde corruptus, tamen ex eodem apographo quo **L** fluxisse videtur. His proximi sunt codex Oxoniensis (**O**) et Vaticanus 1652 (**V**), qui secundum **L** librariorum interpolatione maxime sunt liberi habendi.<sup>1)</sup>

Qui codices quattuor quotiens inter se consentiunt, lectionem habemus non suspectam; significavit autem H. Blass hunc codicum consensum littera **S**, non quo ipsius Sangallensis lectiones assecutos nos putemus (T. p. 239), sed quod proxime ad verba cod. Sang. accessisse nobis videmur. Illorum igitur codicum lectiones a textu diversas omnes fere expressi omissis tantum et mere orthographicis, in quibus *e* simplex posita est pro *oe* vel *ae*, ut fere fit in codd. (T. p. 235), vel ubi *i* et *y* commutantur Graecis in vocabulis, ut *libicus*, *tirius*, *friges*, *micene* pro *Libycus*, *Tyrius*, *Phryges*, *Mycene*, et levioribus singulorum codicum mendis, ut I. 27 *Agamenoniam* **L** pro *Agamemnoniam*, I. 83 *pitee* **L** pro *piceae*, I. 44 *teneris* **F** pro *Teucris* aliisque id genus. Ubicumque repudiavi scripturas illorum codicum neque quidquam monui, unde sit lectio textus emendata, habes Italorum i. e. vetustiorum editionum emen-

---

1) Lectiones codicis Casanatensis corruptissimi (T. p. 178) protulit Onorato Occioni: *Le Puniche di Tiberio Cazio Silio Italico, traduzione con proemio e note. Seconda edizione riveduta e corretta. Torino 1889.*



dationes, quae inde in omnes, quae secutae sunt, editiones sunt receptae; idem significare volui vocabulo *vulgo* illis locis, quibus libros secutus a ceteris editionibus discessi.

At codicis Coloniensis saec. IX, qui fuit Coloniae in bibliotheca Ecclesiae Cathedralis, quas viri docti enotaverunt scripturas, ut res postulabat, sive cum textu dissentiebant sive, ut plerumque fit, consentiebant, ad unum omnes attuli, ut qualis fuerit ille codex, quem periisse valde dolemus, coniectura quasi augurari possimus. Auctoritate eum Sangallensi fere parem esse cum Blass censuerit, equidem aliquanto plus valere eum mihi persuasi collatis omnibus, quas ex eo novimus, scripturis cum ceteris codicibus; nam ille ut permultis locis solus veram lectionem praebet, ita plerumque, ubi quattuor nostri codices inter se dissentiunt, ab eis stat, quorum lectio praefenda videtur.

Cum autem duo tantum viri Coloniensem ipsi viderint, Ludovicus Carrio et Franciscus Modius, quorum hic in libro *Novantiquarum Lectionum Francofurti 1584 edito* plurimos, ille in *Emendationum et Observationum libris II Antverp. 1576 et Paris. 1583 minus triginta poëtae locos* sanavit, his viris fidem habebimus maximam. Paulo minoris momenti lectiones eae videntur esse, quae ab Nicolao Heinsio ex editione Sili Gryphiana quadam depromptas, cum Burmanni humanitate nactus esset, Drakenborchius publici iuris fecit. Quibus quamquam fidem abrogare — quisquis fuit, qui codicem Coloniensem contulerit cum illa editione Gryphiana sive Carrio, ut N. Heinsius voluit, sive alius quis homo doctus — plane esset insipientis, tamen meminerimus oportebit longum fuisse iter, quo ex codice ipso lectiones in Gryphianam, ex hac per N. Heinsium in editionem Parisiensem Colinaei 1531, ex hac denique a Drakenborchio descriptae in nostrum tandem

conspectum devenerunt in editione Drakenborchiana, unde nunc nos eas haurimus; atque docuit Blass (T. p. 208 sq.) errasse revera aliquotiens sive Heinsium sive Drakenborchium, etsi raro ei contigit, ut illos erroris convinceret.

Ceteri viri docti, qui ex codice Coloniensi varias attulerunt lectiones, Dausqueius, Barthius, Drakenborchius, quo iure id fecerint, disseruit Blass (T. p. 200. 204. 212.); de qua re qui velint accuratius facere iudicium, ipsum adeant libellum.

In rebus orthographicis codices ita sum secutus, ut neque manifesta librariorum menda sequi neque sine causa a libris discedere vellem. Haec autem imprimis commemoranda mihi videbantur:

*Accusativos pluralis* in *is finitos* quod modo usurpaverim, modo spreverim, facile quis vituperaverit; sed in ea re, quamquam ne hac inconstantia offendantur legentium oculi timeo, ad librorum scripturam reverti, quod mirum in modum illi consentiunt inter se; cuius rei pauca proferre exempla mihi liceat:

artes exhibent **LFOV** V. 351, VIII. 99 — artis II. 140, V. 362, XI. 311. 422, XIII. 537. XVI. 402. — aures I. 216, II. 580, VI. 80. 508, IX. 57, XI. 69. 580, XV. 63, XVI. 212. 294. 344, XVII. 85. 523 (**V** h. l. **is**) — auris VI. 519 (**O** — **es**) XI. 77. 189 (**O** **auras**). 290. 432, XII. 211. 338, XIII. 22. 153, XV. 459 (**O** **auras**) — Alpes I. 487. 589, II. 333, III. 645, IV. 66. 407. 746, V. 160. 386, VI. 106. 703, IX. 550 etc. — Alpīs I. 65, XIII. 741, XV. 662 — *tenuēs* I. 291 — *tenuis* IV. 114, XIV. 225 aliisque locis.

In *praeverbis* assimilandis codices ita variant, ut neque in universum inter se consentiant<sup>1)</sup> neque singuli

---

1) Excepta haec pauca sunt: **LFOV** semper exhibent *ads* in verbo *adsum*: II. 551, XII. 113 *adsunt*; IV. 127, XIII. 137

ipsi sibi constant; cui rei documento haec sunt: *affundere* XIII. 695 **LF**, XIV. 347 **LFOV**, XV. 219 **LF** — *adfundere* V. 65 **LFOV**, XIII. 695 **OV**, XV. 219 **OV**; *agglomerare* V. 238 **OV**, XV. 149 **LFOV** — *adglomerare* V. 238 **LF**; *allabi* VI. 383 **LO**, VIII. 74 **LF** — *adlabi* VI. 383 **FV**, VIII. 74 **OV**; *allatrare* VIII. 290 **LOV** — *adlitrare* VIII. 290 **F**, XI. 428 **LFOV**; *anniti* XI. 540 **LF**, XV. 575 **LF** — *adniti* II. 123 **LFOV**, XI. 540 **OV**, XV. 104 **LFOV**, XV. 575 **OV**. — Quid multa? eandem inconstantiam invenimus in ceteris praeverbis; modo legimus in libris *collabi*, modo *conlabi*: modo *illabi*, modo *inlabi*; modo *irrorare*, modo *inrorare*, modo *summittere*, modo *submittere* aliaque id genus. Quae cum ita sint, certa norma ex codicibus non elucet. Quoniam autem optimus codex **L** plerumque utitur assimilatione, equidem constanter assimilare malui. — Similem in modum variant libri in *obt* — et *opt* —: IV. 413 *optusae* **L** *obtusae* **F**; VI. 385 *optutu* **LF**, X. 263 *obtutu* **L** *optutu* **F**; X. 227 *optendit* **LF**, XIII. 341 *obtendens* **L** *optendens* **F**. — Post *ex* insequens *s* semper fere libri omittunt, ut *exanguis*, *excidere*, *excindere*, *exerere*, *existere*, *expectare*, *expirare*, *extare*, *extinguere*, *extruere*, *exudare*, *exul*, *exultare*, *exuperare*, *exurgere*; exhibent tamen omnes *exsatiare* VII. 535, *exsibilare* VI. 219, *exsomnia* IX. 5. — In singulis denique verbis, quoad id fieri potuit, optimi codicis scripturam retinui; quae huc pertinent, invenias in apparatu critico.

In verborum **distinctione**, cum summa mihi lex esset sententiarum perspicuitas, fortasse nimius fui. **Coniecturas** satis multas in apparatus criticum recepi eo consilio ut, quae viri docti in carmine emendando tentaverint, demonstrarem.

---

*adsis*; XV. 664. 801 *adsit*. item X. 611 *adnatet*, contra XIV. 354 *adnabat* **Fov** *annabat* **L**.

Sequitur, ut quae recentiore aetate de Silio scripta sint, enumerem:

- 1) de ipso poëta eiusque carmine, quale sit, disputavere:

J. Fr. Chr. Kortüm in „*Geschichtliche Forschungen*“  
*Leipzig 1863 p. 209—252.*

Onorato Occioni, *Caio Silio Italico e il suo poëma*,  
*Padova 1869, ed. II. Firenze 1871.* (cf. etiam  
 supra p. VIII. n.)

H. Blass, l. l. p. VI.

F. E. Brandstaeter, *De Punicorum carminis epici  
 a Silio Italico conditi cum argumento tum stilo  
 atque ornatu poëtico in „Jahresbericht über die  
 höhere Bürgerschule zu Witten“ 1877.*

Fr. Buecheler, *Coniectanea de Silio, Iuvenale,  
 Plauto aliis poëtis latinis in Museo Rhenano 1880  
 p. 390.*

J. Schinkel, *Quaestiones Silianae, Diss. Lipsiae  
 1884 p. 1—34.*

- 2) ad fontes et historicos et poëticos pertinent  
 haec:

G. Cosack, *Quaestiones Silianae, Diss. Halis 1844.*

E. Wezel, *De C. Silii Italici cum fontibus tum  
 exemplis, Diss. Lipsiae 1873.*

M. Heynacher, *Ueber die Quellen des Silius Italicus,  
 Ilfeld 1874.*

idem, *Ueber die Stellung des Silius Italicus unter  
 den Quellen zum zweiten punischen Krieg, Nord-  
 hausen 1877.*

J. Schlichteisen, *De fide historica Sili Italici  
 quaestiones historicae et philologicae, Regimonti  
 Prussorum 1881.*

A. Kerer, *Ueber die Abhängigkeit des C. Silius*



*Italicus von Livius, Programm des Staatsgymnasiums in Bozen 1881.*

L. Bauer, *Das Verhältniß der Punica des C. Silius Italicus zur dritten Dekade des T. Livius, Diss. Erlangen 1883.*

J. S. van Veen, *Quaestiones Silianae, Lugduni Batavorum 1884.*

---

L. Cholevius, *Epitheta ornantia, quibus utitur Vergilius, cum iis comparata, quibus posteriores epici Latini, maxime quidem Silius, carmina sua distinxerunt, Diss. Regimonti Pr. 1865.*

G. Barchfeld, *De comparationum usu ap. Silium Italicum, Diss. Gottingae 1880.*

J. Groesst, *Quatenus Silius Italicus a Vergilio pendere videatur, Diss. Aquis Mattiacis 1887.*

3) ad genus dicendi et rem metricam spectant:

J. Schinkel l. l. p. 35—77.

P. Verres, *De Tib. Silii Italici Punicis et Italici Iliade Latina quaestiones grammaticae et metricae, Diss. Monasterii Guestf. 1888.*

J. Franke, *De Tib. Silii Italici Punicorum tropis, Diss. ibidem 1889.*

4) quo tempore Silius carmen suum condiderit, quaesivere:

F. Buchwald, *Quaestiones Silianae, Diss. Gorlicii 1886, p. 1—22.*

A. Cartault, *Est-il possible de fixer exactement la date de la composition des „Puniques“ de Silius Italicus in „Revue de philologie“ etc. XI. p. 11—14.*

K. Fr. Hermann in *Philologo* IV. p. 575.

H. Blass in *Fleckeiseni Annal.* 1874 p. 497 n. 14.

- 5) num Silius auctor sit Iliadis Latinae, disputavere:

Fr. Buecheler in Museo Rhenano XXXV. p. 391 sq.

R. Doering, *Ueber den Homerus Latinus im Programm des Lyceums zu Strassburg, 1884.*

idem, De Silii Italici Epitomes re metrica et genere dicendi, Diss., Argentorati 1886.

Fr. Plessis, Italici Ilias Latina, Paris 1885, praef. p. XV—XVII.

P. Verres l. l.

- 6) ad rem criticam pertinent haec<sup>1)</sup>:

I. Livinei emendationes manu scriptae in editione Silii Basileensi a. 1543, quae est in bibliotheca Guelferbytiana (cf. T. p. 199).

J. Fr. Gronovii

a) em. in Observationum libris, Devent. 1652.

b) em. mss. in ed. Silii Parisiensi 1531.

c) em. mss. in ed. Silii, Amstelodami 1631.<sup>2)</sup>

R. Bentleii emendationes ad Silium publici iuris factae

a) in „*Classical Journal*“ 1811 vol. III. p. 381—386.

b) in M. Hauptii opusc. III. 1. p. 89—107.

I. Schraderi em.

a) in Observationum libro, Franeq. 1761.

b) editae a M. Hauptio, Hermes IV. p. 345 sq.

c) editae a van Veen, ibidem XXIII. p. 211 sq.

I. A. Nodellii em. in appendice editionis Aviani, Amstelodami 1787 (has van Veen mecum communicavit).

---

1) Non commemoro hoc loco, quae iam a Rupertio in editione sua sunt laudata aut quae infra singulis carminis locis laudabuntur. — 2) Utrumque librum ex bibliotheca Leidensi contulit H. Blass.

---

F. H. Bothe, *Des C. Silius Italicus Punischer Krieg*, Stuttgart 1855.

G. Thilo ll. ll. p. V.<sup>1)</sup>

H. Blass l. l. (nonnullas alias emendationes hic vir in margine editionis Rupertianae adscripsit uel schedulis notavit).

Aem. Baehrens in *Fleckeiseni Annall.* 1872 p. 631 sq.

idem, in „*Bursians Jahresbericht*“ V, H. 6. 7 p. 52 sq.

A. Chory, *Emendationum Silianarum specimen*, Diss. Ratiboriae 1877.

E. Koch, *Quaestiones Silianae criticae et exegeticae*, Diss. Monasterii 1877.

H. Koestlin in *Philologo* XXXVIII. p. 58—60.

I. Schlichteisen l. l.

I. S. van Veen, a) l. l.

idem, b) *Notulae criticae ad Sil. Ital. Mnemosyne* XVI p. 292 sq. et XVII. p. 368 sq.

F. Buchwald, l. l. p. 23 sq.

L. Bauer, *Zu Silius Italicus* in *Fleckeiseni Annall.* 1888 p. 193—224.

---

1) Hic vir doctus opere iam perfecto varias coniecturas mecum communicavit, quas h. l. proferre mihi liceat: l. 293 nunc] sanctum 425 Iamque ruit geminans c. v. d. *improbata versuum translatione* IV. 71 quanto hoc stat celsius — vallum. 72 et maius quid 86 cantus] saltus 224 Herculei taciturno murmure luci 348 fronte quieta (*quae emendatio egregia in textum est recipienda*) VI. 314 sq. et, nulla quos morte nec igni Exuero, servans portarem i. T. luctus VII. 33 Hic ardens exire malis et r. v. VII. 245 *verba sic distincta vult*: iam c. quanto Artior, et n. T. c. quantum Detritum e. f. 293 uel] tibi IX. 78 Aduectus] Adiunctus X. 332 Hortatur] Marte sati uel Sorte datas.

---

His expositis reliquum est, ut viris doctis qui me et consilio et re adiuverunt, gratias agam publicas: Eduardo Woelfflino, praeceptori dilectissimo, quo auctore librum edendum suscepi, Karolo Ernesto Georges, Ioanni Hilberg, Ioanni Schlichteisen, quem praematura morte esse abreptum valde doleo, Ferdinando Schoentag Ratisbonensi, Iacobo Simoni van Veen, Georgio Helmreich.

Scripsi Augustae Vindelicorum  
mense Aprili 1890.

**L. B.**



## Addenda et corrigenda.

- p. 15 *adde in apparatu critico*: 409 captare **S** raptare *uulgo*.  
p. 53 *adde in apparatu critico*: 126 Bele, oro, g. *Bentley*.
- 

- p. 32 lege II. 221 conexae *pro* connexae, *item* III. 675 conexa,  
IX. 379 conixus.  
p. 104 lege V. 107 Sicine *pro* Siccine.  
p. 130 lege VI. 214 Balistas *pro* Ballistas, *item* VI. 269 balista.  
p. 132 lege VI. 273 phalarica *pro* falarica, *item* IX. 339.  
p. 171 lege VII. 729 coniuvent *pro* conniuent.
-

## Index notarum.

---

**Cm** Ep. 93 = lectio codicis Coloniensis a Modio prolata  
in Novantiquarum Lectionum epistula 93.

**CcEm. II, 11** = lectio cod. Col. a Carrione prol. in Emen-  
dationum libro II cap. 11.

**Ch** = lectio cod. Col. a Nicolao Heinsio prol. in  
editione Sili Drakenborchiana.

**Cd** = lectio cod. Col. a Drakenborchio prolata  
eodem loco.

**S** = consensus quattuor codicum **LFOV**.

**T. p. . .** = Textesquellen des Silius Italicus p. . .

---

# SILI ITALICI P U N I C O R U M

## LIBER PRIMUS.

Ordior arma, quibus caelo se gloria tollit  
Aeneadum, patiturque ferox Oenotria iura  
Carthago. Da, Musa, decus memorare laborum  
Antiquae Hesperiae, quantosque ad bella crearit  
Et quot Roma viros, sacri cum perfida pacti 5  
Gens Cadmea super regno certamina mouit;  
Quaesitumque diu, qua tandem poneret arce  
Terrarum Fortuna caput. ter Marte sinistro  
Iuratumque Ioui foedus conuentaue patrum  
Sidonii fregere duces, atque impius ensis 10  
Ter placitam suasit temerando rumpere pacem.  
Sed medio finem bello excidiumque uicissim  
Molitae gentes, propiusque fuere periculo,  
Quis superare datum: reserauit Dardanus arces  
Ductor Agenoreas, obsessa Palatia uallo 15  
Poenorum, ac muris defendit Roma salutem.

Tantarum causas irarum odiumque perenni  
Seruatum studio et mandata nepotibus arma  
Fas aperire mihi superasque recludere mentes.  
Iamque adeo magni repetam primordia motus. 20

---

4 hesperiae F experie LV in O deest uocabulum cum mar-  
gine 11 placitam Cm Ep. 93 14 quis non queis Cd ubique  
(T. p. 215) ut S quoque 15 obsessa FOV obsepsa L unde ob-  
saepta Blass

Pygmalioneis quondam per caerula terris  
 Pollutum fugiens fraterno crimine regnum  
 Fatali Dido Libyes appellitur orae.  
 Tum pretio mercata locos noua moenia ponit,  
 Cingere qua secto permissum litora tauro. 25  
 Hic Iuno ante Argos — sic credidit alta uetustas —  
 Ante Agamemnoniam, gratissima tecta, Mycenen  
 Optauit profugis aeternam condere gentem.  
 Uerum ubi magnanimis Romam caput urbibus alte  
 Exerere ac missas etiam trans aequora classes 30  
 Totum signa uidet uictoria ferre per orbem,  
 Iam propius metuens bellandi corda furore  
 Phoenicum extimulat. sed enim conanime primae  
 Contuso pugnae fractisque in gurgite coeptis  
 Sicanio Libycis, iterum instaurata capessens 35  
 Arma remolitur; dux agmina sufficit unus  
 Turbanti terras pontumque mouere paranti.

Iamque deae cunctas sibi belliger induit iras  
 Hannibal; hunc audet solum componere fatis.  
 Sanguineo tum laeta uiro atque in regna Latini 40  
 Turbine mox saeuo uenientum haud inscia cladum:  
 'Intulerit Latio, spreta me, Troïus', inquit,  
 'Exul Dardanium et bis numina capta penates  
 Sceptraque fundarit uictor Lauinia Teucris,  
 Dum Romana tuae, Ticine, cadauera ripae 45  
 Non capiant, similisque mihi per Celtica rura  
 Sanguine Pergameo Trebia et stipantibus armis  
 Corporibusque uirum retro fluat, ac sua largo  
 Stagna reformidet Thrasyennus turbida tabo;

---

24 locos Ch      28 profugos Koch      29 magnam aliis  
*Baehrens coll. Verg. ecl. I. 24*      32 propriis Koch, sed cf.  
 XVII. 535      36 agmina LFO magnae Ch magna V sed in marg.  
*m. 1 agmina — dux omnia s. u. T. terra Madwig Aduers. crit.*  
*II. p. 461*      39 Hannibal, ut Hamilcar, Hasdrubal, Hannon,  
 Hammon Ch constanter (T. p. 215)      40 tum O cum LFV  
 46 rutilusque Hilberg in *Fleckeiseni Annal.* 1872 p. 792, sed  
 cf. *Verg. Aen. XII. 477*      49 Thrasyennus L fere semper

Dum Cannas tumulum Hesperiae campumque cruore 50  
 Ausonio mersum sublimis Iapyga cernam  
 Teque uadi dubium coëuntibus, Aufide, ripis  
 Per clipeos galeasque uirum caesosque per artus  
 Uix iter Hadriaci rumpentem ad litora ponti.’

Haec ait ac iuuenem facta ad Mauortia flammant. 55

Ingenio motus audis fideique sinister  
 Is fuit, exuperans astu, sed deuius aequi.  
 Armato nullus diuum pudor; improba virtus  
 Et pacis despectus honos; penitusque medullis  
 Sanguinis humani flagrat sitis; his super, aevi 60  
 Flore uirens, haeret Aegatis abolere, parentum  
 Dedecus, ac Siculo demergere foedera ponto.  
 Dat mentem Iuno ac laudum spe corda fatigat.  
 Iamque aut nocturno penetrat Capitolia uisu  
 Aut rapidis fertur per summas passibus Alpes. 65  
 Saepe etiam famuli turbato ad limina somno  
 Expauere trucem per uasta silentia uocem  
 Ac largo sudore uirum inuenere futuras  
 Miscentem pugnas et inania bella gerentem.

Hanc rabiem in finis Italum Saturniaque arua 70  
 Addiderat tantam puero patris heu furor altus.  
 Sarrana prisci Barcae de gente, uetustos  
 A Belo numerabat auos. namque orba marito  
 Cum fugeret Dido famulam Tyron, impia diri  
 Belides iuuenis uitauerat arma tyranni 75  
 Et se participem casus sociarat in omnis.  
 Nobilis hoc ortu et dextra spectatus Hamilcar,  
 Ut fari primamque datum distinguere lingua

54 hadriaci Cd (*T. p. 215*) 59 despectus V dispectus  
 LFO 61 auct OV habet L (*cf. V. 533, VII. 22, XIV. 183, XV. 373*) in F desunt uu. 61—66 cum inferiore folii parte abscissa  
 66 limina O lumina LV (*cf. XI. 81*) 71 tantam uel candens  
 Blass tandem LOV deest uocabulum in F quondam uulgo—patris  
 heu furor Hilberg (*p. l.*) qui et interpunctionem post furor  
 sustulit patrius furor S-altus scr. oscus LO ostus V escus (*an*  
*estus?*) corr. m. 2 in astus F ortus uulgo; an legendum: Addi-  
 derat sacrum p. patris et furor. ollus? (*cf. II. 296, III. 139*)



Hannibali uocem, sollers nutrire furores,  
 Romanum seuit puerili in pectore bellum. 80  
 Urbe fuit media sacrum genetricis Elissae  
 Manibus et patria Tyriis formidine cultum,  
 Quod taxi circum et piceae squalentibus umbris  
 Abdiderant caelique arcebant lumine, templum.  
 Hoc sese, ut perhibent, curis mortalibus olim 85  
 Exuerat regina loco. stant marmore maesto  
 Effigies, Belusque parens omnisque nepotum  
 A Belo series; stat gloria gentis Agenor,  
 Et qui longa dedit terris cognomina Phoenix.  
 Ipsa sedet tandem aeternum coniuncta Sychaeo; 90  
 Ante pedes ensis Phrygius iacet; ordine centum  
 Stant arae caelique deis Ereboque potenti.  
 Hic, crine effuso, atque Hennaee numina diuae  
 Atque Acheronta uocat Stygia cum ueste sacerdos.  
 Immugit tellus rumpitque horrenda per umbras 95  
 Sibila; inaccensi flagrant altaribus ignes.  
 Tum magico uolitant cantu per inania manes  
 Exciti, uultusque in marmore sudat Elissae.  
 Hannibal haec patrio iussu ad penetralia fertur;  
 Ingressique habitus atque ora explorat Hamilcar. 100  
 Non ille euhantis Massylae palluit iras,  
 Non diros templi ritus aspersaque tabo  
 Limina et audito surgentis carmine flammās.  
 Olli permulcens genitor caput oscula libat  
 Attollitque animos hortando et talibus implet: 105  
 'Gens recidiua Phrygum Cadmeae stirpis alumnos  
 Foederibus non aequa premit; si fata negarint  
 Dedecus id patriae nostra depellere dextra,  
 Haec tua sit laus, nate, uelis; age, concipe bella

92 Erebiq̃ue *Bothe* 93 Hennaee *Ch* hennee *corr. m. 1 in*  
*aetnee LF (T. p. 236) emiee O ethnee V* 93.94 Hunc—Utque  
 sacerdos, Immugit *Bothe* 96 inaccensi *Cm ad Curtium (T.*  
*p. 197)* 103 carmine] cardine *S* 106 recidiua *L* redi-  
 uiua *FOV (V in marg. m. 2 recidiua)* 109 uelim *Heinsius*  
*uelint Vonck in Lect. lat. p. 156*

Latura exitium Laurentibus; horreat ortus 110  
 Iam pubes Tyrrhena tuos, partusque recusent,  
 Te surgente, puer, Latiae producere matres.'

His acuit stimulis, subicitque haud mollia dictu:  
 'Romanos terra atque undis, ubi competet aetas,  
 Ferro ignique sequar Rhoeteaque fata reuoluam. 115  
 Non superi mihi, non Martem cohibentia pacta,  
 Non celsae obstiterint Alpes Tarpeiaque saxa.  
 Hanc mentem iuro nostri per numina Martis,  
 Per manes, regina, tuos.' Tum nigra triformi  
 Hostia mactatur diuae, raptimque recludit 120  
 Spirantis artus poscens responsa sacerdos  
 Ac fugientem animam properatis consulit extis.

Ast ubi quaesitas artis de more uetustae  
 Intrauit mentes superum, sic deinde profatur:  
 'Aetolos late consterni milite campos 125  
 Idaeoque lacus flagrantis sanguine cerno.  
 Quanta procul moles scopulis ad sidera tendit,  
 Cuius in aërio pendent tua uertice castra!  
 Iamque iugis agmen rapitur; trepidantia fumant  
 Moenia, et Hesperio tellus porrecta sub axe 130  
 Sidoniis lucet flammis. fluit ecce cruentus  
 Eridanus. iacet ore truci super arma uirosque,  
 Tertia qui tulerit sublimis opima Tonanti.  
 Heu quanam subitis horrescit turbida nimbis  
 Tempestas, ruptoque polo micat igneus aether! 135  
 Magna parant superi. tonat alti regia caeli,  
 Bellantemque Iouem cerno.' Uenientia fata  
 Scire ultra uetuit Iuno, fibraeque repente  
 Conticuere. latent casus longique labores.

Sic clausum linquens arcano pectore bellum 140

---

111 suos *Schrader* 113 His agitur st. *Baehrens* Hic ca-  
 ruit st. *Chory* 117 que om. *LFV* talpeiaque *O* 121 Spi-  
 lantis *Ch* 122 extis *FO* estis *LV* 126 stagnantes *Heinsius*  
 et *Bothe* spumantes *Drakenborch* et *Koch* 128 aërio *F* aëreo  
*LOV* 133 tulerit *S* tulerat *uulgo* 134 quianam *Liuius* et  
*Heinsius* — horrescit *OV* horrescet *LF*

Atque hominum finem Gadis Calpenque secutus,  
Dum fert Herculeis Garamantica signa columnis,  
Occubuit saeuo Tyrius certamine ductor.

Interea rerum Hasdrubali traduntur habenae,  
Occidui qui solis opes et uulgus Hiberum 145  
Baeticolasque uiros furiis agitabat iniquis.  
Tristia corda ducis, simul immedicabilis ira,  
Et fructus regni feritas erat; asper amore  
Sanguinis, et metui demens credebat honorem;  
Nec nota docilis poena satiare furores. 150  
Ore excellentem et spectatum fortibus ausis  
Antiqua de stirpe Tagum, superumque hominumque  
Immemor, erecto suffixum robore maestis  
Ostentabat ouans populis sine funere regem.  
Auriferi Tagus ascito cognomine fontis 155  
Perque antra et ripas nymphis ululatus Hiberis,  
Maeonium non ille uadum, non Lydia mallet  
Stagna sibi, nec qui riguo perfunditur auro  
Campum atque illatis Hermi flauescit harenis.  
Primus inire manus, postremus ponere Martem; 160  
Cum rapidum effusis ageret sublimis habenis  
Quadrupedem, non ense uirum, non eminus hasta  
Sistere erat; uolitabat ouans aciesque per ambas  
Iam Tagus auratis agnoscebatur in armis.  
Quem postquam diro suspensum robore uidit 165  
Deformem leti famulus, clam corripit ensem  
Dilectum domino pernixque irrumpit in aulam  
Atque immite ferit geminato uulnere pectus.  
At Poeni, succensa ira turbataque luctu

146 furiis **Ch** fatis **LOV** *deest in F (T. p. 232)* frenis  
*Schrader* furtis *Chory* 147 duci *Heinsius* 149 honorum  
*Schrader* 153 suffixum **O** *in rasura suffocum LFV, sed in L*  
*ss pro c suprascr. et in F in marg. m. 2* suspensum *(T. p. 232)*  
156 ululatur *Lefebure* 158 nec **FOV** ne **L** 159 hermi  
flauescit **F** her (mus m. 2 *suprascr.*) inflauescit **V** hec infla-  
uescit **O** hermus inflauescit **L** *(T. p. 243)* 160 manus **L** manu  
**FOV** 166 leti **Cm** *Ep. 57* **LOV** lateri **F** *(T. p. 232 et 234)*  
167' pernixque **Cm** l. l. 169 succensa **S** succensi *uulgo*

Et saevis gens laeta, ruunt tormentaue portant. 170  
 Non ignes candensque chalybs, non uerbera passim  
 Ictibus innumeris lacerum scindentia corpus,  
 Carnificaeue manus penitusue infusa medullis  
 Pestis et in medio lucentes uulnere flammae  
 Cessauere; ferum uisu dictuque, per artem 175  
 Saeuitiae extenti, quantum tormenta iubebant,  
 Creuerunt artus, atque, omni sanguine rupto,  
 Ossa liquefactis fumarunt feruida membris.  
 Mens intacta manet; superat ridetque dolores,  
 Spectanti similis, fessosque labore ministros 180  
 Increpitat dominique crucem clamore reposcit.

Haec inter spretae miseranda piacula poenae  
 Erepto trepidus ductore exercitus una  
 Hannibalem uoce atque alacri certamine poscit.  
 Hinc studia accendit patriae uirtutis imago, 185  
 Hinc fama in populos iurati didita belli,  
 Hinc uirides ausis anni feruorque decorus  
 Atque armata dolis mens et uis insita fandi.

Primi ductorem Libyes clamore salutant,  
 Mox et Pyrenes populi et bellator Hiberus. 190  
 Continuoque ferox oritur fiducia menti,  
 Cessisse imperio tantum terraeque marisque.  
 Aeoliis candens austris et lampade Phoebi  
 Aestifero Libye torretur subdita Cancro,  
 Aut ingens Asiae latus, aut pars tertia terris. 195  
 Terminus huic roseos amnis Lageus ad ortus  
 Septeno impellens tumefactum gurgite pontum;  
 At qua diuersas clementior aspicit Arctos,  
 Herculeo dirimente freto, diducta propinquis  
 Europes uidet arua iugis; ultra obsidet aequor, 200

173 Carnificaeue **S** Carnificesue *primum ed. Basil. 1522*  
 177 rupto **S** rapto *edd. recc.* 185. 186. 187 Hinc **Cm** *Ep. 57*  
 et **O** Huic **LFV** *quod probat Thilo* 186 famae **Cm** *l. l.* didita  
**Cm** dedita **S** 187 anni **Cm** *l. l.* 194 torretur *Liuiineius*  
 torquetur **S** 195 terrae *Koch* 196 lageus **L** *ex corr. lar-*  
 geus **FOV**



Nec patitur nomen proferri longius Athlas,  
 Athlas subducto tracturus uertice caelum.  
 Sidera nubiferum fulcit caput, aetheriasque  
 Erigit aeternum compages ardua ceruix.  
 Canet barba gelu, frontemque immanibus umbris 205  
 Pinea silua premit; uastant caua tempora uenti,  
 Nimbosoque ruunt spumantia flumina rictu.  
 Tum geminas laterum cautes maria alta fatigant;  
 Atque ubi fessus equos Titan immersit anhelos,  
 Flammiferum condunt fumanti gurgite currum. 210  
 Sed qua se campis squalentibus Africa tendit,  
 Serpantum largo coquitur fecunda ueneno;  
 Felix qua pinguis mitis plaga temperat agros,  
 Nec Cerere Hennaea Phario nec uicta colono.  
 Hic passim exultant Numidae, gens inscia freni, 215  
 Quis inter geminas per ludum mobilis aures  
 Quadrupedem flectit non cedens uirga lupatis.  
 Altrix bellorum bellatorumque uirorum  
 Tellus nec fidens nudo sine fraudibus ensi.  
 Altera complebant Hispanae castra cohortes, 220  
 Auxilia Europe genitoris parta trophaeis.  
 Martius hinc campos sonipes hinnitibus implet,  
 Hinc iuga cornipedes erecti bellica raptant;  
 Non Eleus eat campo feruentior axis.  
 Prodigia gens animae et properare facillima 225  
 mortem.  
 Namque ubi transcendit florentis uiribus annos,  
 Impatiens aevi spernit nouisse senectam,  
 Et fati modus in dextra est. hic omne metallum:  
 Electri gemino pallent de semine uenae,

201 athlas S      208 geminas Bothe et Maduig Aduers.  
 crit. II. p. 162 geminae S — cautes Ch fauces S      214 hen-  
 naea Ch (cf. u. 93) hennea F ennea L sed in utroque cod. corr.  
 in aetnea      215 numide S in F m. 2 suprascr. nomades  
 (T. p. 233) nomades Ch      221 europe L europa FOV      222 hic  
 Koch — campos sonipes S sonipes c. uulgo      224 Eleus eat]  
 eleuseo LFO eleusco V eat m. 2 suprascr. (T. p. 243)



Atque atros chalybis fetus humus horrida nutrit. 230  
 Sed scelerum causas operit deus. Astur auarus  
 Uisceribus lacerae telluris mergitur imis  
 Et redit infelix effosso concolor auro.

Hinc certant, Pactole, tibi Duriusque Tagusque,  
 Quique super Grauios lucentis uoluit harenas, 235  
 Infernae populis referens obliuia Lethes.

Nec Cereri terra indocilis nec inhospita Baccho,  
 Nullaque Palladia sese magis arbore tollit.

Hae postquam Tyrio gentes cessere tyranno,  
 Utque dati rerum freni, nunc arte paterna 240  
 Conciliare uiros armis, consulta senatus

Uertere nunc donis. primus sumpsisse laborem,  
 Primus iter carpsisse pedes partemque subire,  
 Si ualli festinet opus. nec cetera segnis,  
 Quaecumque ad laudem stimulant; somnumque 245  
 negabat

Naturae noctemque uigil ducebat in armis,  
 Interdum proiectus humi turbaeque Libyssae  
 Insignis sagulo duris certare manipulis;

Celsus et in magno praecedens agmine ductor  
 Imperium perferre suum; tum uertice nudo 250  
 Excipere insanos imbris caelique ruinam.

Spectarunt Poeni, tremuitque exterritus Astur,  
 Torquentem cum tela Iouem permixtaque nimbis  
 Fulmina et excussos uentorum flatibus ignes

Turbato transiret equo; nec puluere fessum 255  
 Agminis ardenti labefecit Sirius astro.

Flammiferis tellus radiis cum exusta dehiscit,  
 Candentique globo medius coquit aethera feruor,

---

234 Hic *Dausqueius* 235 granios L grouios F groinos O  
 gronios V 236 Infernam p. r., Obliuio, Lethen *Bothe* 241 uiros  
 armis, c. s. *interpunxi* uiros; armis *uulgo* uiros; tum armis *Blass* —  
 consulta] nunc cita *Dausqueius* 249 ac *LFV* in *Fm. 1* *suprascr.*  
 et in O *deest* voc. c. *marg.* 250 proferre *Blass* 252 ex-  
 territus S in O *corr. ex* *exercitus* (*T. p. 205*) *exercitus uulgo*  
 254 flictibus *Bentley* 256 astro] aestu *van Veen*

Feminum putat humenti iacuisse sub umbra  
 Exercetque sitim et spectato fonte recedit. 260  
 Idem correptis sternacem ad proelia frenis  
 Frangere equum et famam letalis amare lacerti  
 Ignotique amnis tranare sonantia saxa  
 Atque e diuersa socios accersere ripa.  
 Idem expugnati primus stetit aggere muri, 265  
 Et quotiens campo rapidus fera proelia miscet,  
 Qua sparsit ferrum, latus rubet aequore limes.  
 Ergo instat fatis, et rumpere foedera certus,  
 Quo datur, interea Romam comprehendere bello  
 Gaudet et extremis pulsat Capitolia terris. 270  
 Prima Saguntinas turbarunt classica portas,  
 Bellaque sumpta uiro belli maioris amore.  
 Haud procul Herculei tollunt se litore muri,  
 Clementer crescente iugo, quis nobile nomen  
 Conditus excelso sacrauit colle Zacynthos. 275  
 Hic comes Alcidae remeabat in agmine Thebas  
 Geryone extincto caeloque ea facta ferebat.  
 Tris animas namque id monstrum, tris corpore dextras  
 Armarat ternaue caput ceruice gerebat.  
 Haud alium uidit tellus, cui ponere finem 280  
 Non posset mors una uiro, duraeque sorores  
 Tertia bis rupto torquerent stamina filo.  
 Hinc spolia ostentabat ouans captiuoque uictor  
 Armenta ad fontis medio feruore uocabat,  
 Cum tumidas fauces accensis sole uenenis 285  
 Calcatus rupit letali uulnere serpens  
 Inachiumque uirum terris prostrauit Hiberis.  
 Mox profugi ducente Noto aduertere coloni,  
 Insula quos genuit Graio circumflua ponto

259 uementi **Ch** inuenta **LOV** iuueni **F** sed *m. 2* suprascr. *l'*  
 inuenta (*T. p. 237*) uuenti *Heinsius* 264 Atque e diuersa  
 socios **Ch** — accersere **Cd** (*T. p. 214*) et **S** *constanter excepto*  
*VI. 95 ubi arcessere* 269 Quo datur **Ch** 275 zachinthos **L** *con-*  
*stanter* 277 facta **Ch** 278 Tris **Ch** 289 circumflua **L** *ut circum*  
*caput* 315 circunualare 328 circundata 339 circunlita 355 etc.

Atque auxit quondam Laertia regna Zacynthos. 290  
 Firmauit tenues ortus mox Daunia pubes,  
 Sedis inops, misit largo quam diues alumno,  
 Magnanimis regnata uiris, clarum Ardea nomen.  
 Libertas populis pacto seruata decusque  
 Maiorum, et Poenis urbi imperitare negatum. 295  
 Admouet abrupto flagrantia foedere ductor  
 Sidonius castra et latos quatit agmine campos.  
 Ipse caput quassans circumlustrauit anhelu  
 Muros saeuus equo, mensusque pauentia tecta,  
 Pandere iamdudum portas et cedere uallo 300  
 Imperat et longe clausis sua foedera, longe  
 Ausoniam fore, nec ueniae spem Marte subactis;  
 Scita patrum et leges et iura fidemque deosque  
 In dextra nunc esse sua. uerba ocius acer  
 Intorto sancit iaculo figitque per arma 305  
 Stantem pro muro et minitantem uana Caicum.  
 Concidit exacti medius per uiscera teli,  
 Effusisque simul praerupto ex aggere membris,  
 Victori moriens tepefactam rettulit hastam.  
 At multo ducis exemplum clamore secuti 310  
 Inuoluunt atra telorum moenia nube.  
 Clara nec in numero uirtus latet; obuia quisque  
 Ora duci portans, ceu solus bella capessit.  
 Hic crebram fundit Baliari uerbere glandem  
 Terque leui ducta circum caput altus habena 315

290 Et quae *L. Müller d. r. m. p. 172 et van Veen, sed cf. III. 100* 293 clarum *scr. nunc S urbi Blass, nisi duo hemistichia exciderunt* 295 urbi *Heinsius ubi Ch S (T. p. 188)*  
 297 latos . . . campos *Cm Ep. 46 latas (corr. ex latos) . . . terras L latos . . . cās (m. 2 corr. in cāpos) F latas . . . cās V . . . as . . . causas O (litterae lat c. marg. abscissae) in marg. m. 2 cāpos (T. p. 217 not. 53)* 300 et *S ac uulgo* 306 min-  
 tantem uana Caicum *Cm Ep. 46 Cc Em. II, 11 mutantem mem- bra naicum L mutantem membra uaicum F nutantem (nut corr. ex mut) naicum O mutantem^uaicum V et in marg. m. 2^membra (T. p. 245)* 307 exacti—teli *Cc l. l. Concidit V*  
 Condidit *LF deest uoc. c. marg. in O* 309 rettulit *Ch S*  
 310 Ac *S* 314 baliari *S (sed III. 365 balearis, ubi baliaris Ch)*

Permissum uentis abscondit in aëre telum,  
 Hic ualido librat stridentia saxa lacerto,  
 Huic impulsa leui torquetur lancea nodo.  
 Ante omnis ductor, patriis insignis in armis,  
 Nunc picea iactat fumantem lampada flamma, 320  
 Nunc sude, nunc iaculo, nunc saxis impiger instat  
 Aut hydro imbutas, bis noxia tela, sagittas  
 Contendit neruo atque insultat fraude pharetræ:  
 Dacus ut armiferis Geticae telluris in oris,  
 Spicula qui patrio gaudens acuisse ueneno 325  
 Fundit apud ripas inopina binominis Histri.

Cura subit, collem turrita cingere fronte  
 Castelloque urbem circumuallare frequenti.  
 Heu priscis numen populis, at nomine solo  
 In terris iam nota Fides! Stat dura iuuentus 330  
 Ereptamque fugam et claudi uidet aggere muros,  
 Sed dignam Ausonia mortem putat esse Sagunto,  
 Seruata cecidisse fide. iamque acrius omnis  
 Intendunt uires; adductis stridula neruis  
 Phocais effundit uastos balista molaris; 335  
 Atque eadem, ingentis mutato pondere teli,  
 Ferratam excutens ornum media agmina rumpit.  
 Alternus resonat clangor. certamine tanto  
 Conseruere acies, ueluti circumdata uallo  
 Roma foret; clamatque super: 'Tot milia, gentes 340  
 Inter tela satae, iam capto stamus in hoste?  
 Anne pudet coepti? pudet ominis? en bona uirtus  
 Primitiaeque ducis! taline implere paramus  
 Italiam fama? talis praemittere pugnas?'

316 Permissum V et Gronouio teste qui ccd. Oxon. non mutilatum inspexit O Ter missum LF — ascondit corr. m. 1 ex ascendit L ascendit FOV accendit Heinsius 318 Huic F Hinc LV deest c. marg. in O 325 qui Heinsius et Bentley quae S — gaudent Liuius 329 at Ch O ac LFV 332 Sagunto Cm Ep. 46 340 clamatque Heinsius clamantque S 342 Nonne pudet coepti Ch — ominis Cm Ep. 46 V omnis (i m. 1 suprascr.) L ois F ōnis O (T. p. 188 et 202) 343 taline LO taliue FV



Accensae exultant mentes, haustusque me- 345  
dullis

Hannibal exagitat, stimulantque sequentia bella.  
Inuadunt manibus uallum caesasque relinquunt  
Deiecti muris dextras. subit arduus agger  
Imponitque globos pugnatum desuper urbi.  
Armauit clausos ac portis arcuit hostem 350  
Librari multa consueta phalarica dextra,  
Horrendum uisu robur celsisque niuosae  
Pyrenes trabs lecta iugis, cui plurima cuspis —  
Vix muris toleranda lues — sed cetera pingui  
Uncta pice atque atro circumlita sulphure fu- 355  
mant.

Fulminis haec ritu summis e moenibus arcis  
Incita, sulcatum tremula secat aëra flamma,  
Qualis sanguineo praestringit lumina crine  
Ad terram caelo decurrens ignea lampas.  
Haec ictu rapido pugnatum saepe per auras, 360  
Attonito ductore, tulit fumantia membra;  
Haec uastae lateri turris cum turbine fixa,  
Dum penitus pluteis Uulcanum exercet adesis,  
Arma uirosque simul pressit flagrante ruina.  
Tandem condensis artae testudinis armis 365  
Subducti Poeni uallo caecaque latebra  
Pandunt prolapsam suffossis moenibus urbem.  
Terribilem in sonitum procumbens aggere uicto  
Herculeus labor atque immania saxa resoluens  
Mugitum ingentem caeli dedit. Alpibus altis 370  
Aeriae rupes, scopulorum mole reuulsa,  
Haud aliter scindunt resonanti fragmine montem.  
Surgebat cumulo certantum prorutus agger,

---

355 fumat *Heinsius* fumans *Chory* 358 praestringit  
Cd (*T. p. 214*) 365 arte **F** arcte **LV** artae **O** artae *coni.*  
*Koch* actae *uulgo* 366 Subducti *Koch* Subducto **S** 370 caeli  
**Ch S** caelo *uulgo* 372 scandunt **L** 373 tumulo **L** — cer-  
antem **S** *corr. m. 1 in* certantum **LF** certatim *m. 2 suprascr.*  
*in F* certatim **Ch** (*T. p. 233*) — prorutus **Cm** *Ep. 46*



Obstabatque iacens uallum, ni protinus instent  
Hinc atque hinc acies media pugnare ruina. 375

Emicat ante omnis primaueo flore iuuentae  
Insignis Rutulo Murrus de sanguine; at idem  
Matre Saguntina Graius geminoque parente  
Dulichios Italis miscebat prole nepotes.

Hic magno socios Aradum clamore uocantem, 380  
Qua corpus loricam inter galeamque patescit,  
Conantis motus speculatus, cuspidē sistit;

Prostratumque premens telo, uoce insuper urget:  
'Fallax Poene, iaces; certe Capitolia primus  
Scandebas uictor. quae tanta licentia uoti? 385

Nunc Stygio fer bella Ioui!' Tum feruidus hastam  
Aduersi torquens defigit in inguine Hiberi;

Oraque dum calcat iam singultantia leto:  
'Hac iter est', inquit, 'uobis ad moenia Romae,  
O metuenda manus. sic, quo properatis, eundum.' 390

Mox instaurantis pugnam circumsilit arma  
Et rapto nudum clipeo latus haurit Hiberi.

Diues agri, diues pecoris famaēque negatus  
Bella ferens arcu iaculoque agitabat Hiberus,  
Felix heu nemorum et uitae laudandus opacae, 395

Si sua per patrios tenuisset spicula saltus.  
Hunc miseratus adest infesto uulnere Ladmus.

Cui saeuum arridens: 'Narrabis Hamilcaris umbris  
Hanc', inquit, 'dextram, quae iam post funera uulgi  
Hannibalem uobi sdederit comitem' — et ferit alte 400

Insurgens gladio cristatae cassidis aera

374 ni **FO** ni *corr. m. 1 in ne L (T. p. 236) ne V* 377 ac **S**  
378 Itala *van Veen* 380 aradum **F** aiadum *corr. m. 1 in*  
aradum **L** aiadum **V** eneadum **O** 381 corpus] pectus *Schrader*  
394 ferens **S** feris *uulgo serens Heinsius* 396 tenuasset  
*Heinsius* tentasset *Chory* torsisset *Blass* 397 ladiuus **L** et  
*in marg. m. 1* laius — ladiuus **F** (*sed m. 1 suprascr.*) lauius  
**O** om. **V** *sed in marg. m. 2* ladiuus (*T. p. 236*) Laudus *Draken-*  
*borch* 400 dederit comitem *Blass* comitem dedit **L** *sed in*  
*marg. m. 1* dabit — dedit **O** dabit **V** comitem et ferit dedit  
alte **F**

Perque ipsum tegimen crepitantia dissipat ossa.  
 Tum frontem Chremes intonsam umbrante capillo  
 Saeptus et horrentis effingens crine galeros;  
 Tum Masulis crudaque uirens ad bella senecta 405  
 Kartalo, non pauidus fetas mulcere leaenas,  
 Flumineaque urna caelatus Bagrada parmam  
 Et uastae Nasamon Syrtis populator Hiempsal,  
 Audax in fluctu laceras captare carinas —  
 Una omnes dextraque cadunt iraque perempti; 410  
 Nec non serpentem diro exarmare ueneno  
 Doctus Athyr tactuque grauis sopire chelydros  
 Ac dubiam admoto subolem explorare ceraste.  
 Tu quoque fatidicis Garamanticus accola lucis,  
 Insignis flexo galeam per tempora cornu, 415  
 Heu frustra reditum sortes tibi saepe locutas  
 Mentitumque Iouem increpitans, occumbis, Hiarba.  
 Et iam corporibus cumulatus creuerat agger,  
 Perfusaeque atra fumabant caede ruinae,  
 Tum ductorem auido clamore in proelia poscit. 420  
 At parte ex alia, qua se insperata iuuentus 426  
 Extulerat portis, ceu spicula nulla manusque  
 Uim ferre exitiumue queant, permixtus utrisque  
 Hannibal agminibus passim furit et quatit ensem,  
 Cantato nuper senior quem fecerat igni 430  
 Litore ab Hesperidum Temisus, qui carmine pollens  
 Fidebat magica ferrum crudescere lingua,  
 Quantus Bistoniis late Graduius in oris  
 Belligero rapitur curru telumque coruscans,

403. 404 Cc Em. II. 11 ita ut supra, nisi quod horrentes  
 Carrio scripsit — 403 umbrante capillo Ch — Chremetes Gronov  
 405 masulis S Masulus uulgo 406 Kartalo Cc l. l. Karthalo  
 Ch (T. p. 202 et 206) Harcalo LF Harchalo V . . rchalo O (duae  
 litt. c. marg. desunt) — fetas FOV corr. m. 1 in feras L 407 Ba-  
 grada Cd (T. p. 215) — parmum m. 1 corr. in parmam LF  
 parum OV 408 hiemsal L 412 Athyr Ch 417 Jarba  
 Cd (T. p. 215) 421—425 hos uersus transposui post u. 532  
 cf. quae exposui in Fleckeis. Annal. 1888 p. 209 sqq. 431 Te-  
 misus Cm Ep. 46

Titanum quo pulsa cohors, flagrantia bella 435  
 Cornipedum afflatu domat et stridoribus axis.  
 Iamque Hostum Rutulumque Pholum ingentemque Me-  
 tiscum,

Iam Lygdum Duriumque simul flauumque Galaesum  
 Et geminos, Chromin atque Gyan, demiserat umbris.  
 Daunum etiam, grata quo non spectatior alter 440

Uoce mouere fora atque orando fingere mentes  
 Nec legum custos sollertior, aspera telis  
 Dicta admiscentem: 'Quaenam te, Poene, paternae  
 Huc adigunt Furiae? non haec Sidonia tecta  
 Feminea fabricata manu pretioe parata, 445  
 Exulibusue datum dimensis litus harenis.

Fundamenta deum Romanaque foedera cernis' —  
 Ast illum, toto iactantem talia campo,  
 Ingenti raptum nisu medioque uirorum  
 Auulsum inter tela globo et post terga reuinctum 450  
 Hannibal ad poenam lentae mandauerat irae;  
 Increpitansque suos inferri signa iubebat  
 Perque ipsos caedis cumulos stragemque iacentum  
 Monstrabat furibundus iter cunctosque ciebat  
 Nomine et in praedas stantem dabat improbus urbem. 455

Sed postquam a trepidis allatum feruere partem  
 Diuersam Marte infausto, Murroque secundos  
 Hunc superos tribuisse diem, ruit ocius amens  
 Lymphato cursu atque ingentis deserit actus.  
 Letiferum nutant fulgentes uertice cristae, 460  
 Crine ut flammifero terret fera regna cometes,  
 Sanguineum spargens ignem: uomit atra rubentis  
 Fax caelo radios, ac saeua luce coruscum  
 Scintillat sidus terrisque extrema minatur.  
 Praecipiti dant tela uiam, dant signa uirique, 465

---

436 domat S tonat *uulgo* 437 Ostum Ch Oscum *Heinsius*  
 438 Durium Ch 439 Chromin Ch — Gyan Ch 449 uisu  
*corr. m. 1 in nisu L uisu FO iussu V* 457 mauroque *corr.*  
*m. 1 in murroque L mauroque FOV* 458 Hunc OV Nunc LF  
 460 Letiferum nutant Cm *Ep. 57*

Atque ambae trepidant acies; iacit igneus hastae  
 Dirum lumen apex, ac late fulgurat umbo.  
 Talis ubi Aegaeo surgente ad sidera ponto  
 Per longum uasto Cori cum murmure fluctus  
 Suspensum in terras portat mare, frigida nautis 470  
 Corda tremunt; sonat ille procul flatuque tumescens  
 Curuatis pauidas tramittit Cycladas undis.  
 Non cuncta e muris unum incessentia tela  
 Fumantesque ante ora faces, non saxa per artem  
 Tormentis excussa tenent. ut tegmina primum 475  
 Fulgentis galeae conspexit et arma cruento  
 Inter solem auro rutilantia, turbidus infit:  
 'En, qui res Libycas inceptaque tanta retardet,  
 Romani Murrus belli mora. foedera, faxo,  
 Iam noscas, quid uana queant et uester Hiberus. 480  
 Fer tecum castamque fidem seruataque iura,  
 Deceptos mihi linque deos'. Cui talia Murrus:  
 'Exoptatus ades. mens olim proelia poscit  
 Speque tui flagrat capitis; fer debita fraudum  
 Praemia et Italiam tellure inquire sub ima. 485  
 Longum in Dardanios finis iter, atque niuaalem  
 Pyrenen Alpesque tibi mea dextera donat'.

Haec inter cernens subeuntem comminus hostem  
 Praeruptumque loci fidum sibi, corripit ingens  
 Aggere conuulso saxum et nitentis in ora 490  
 Deuoluit, pronoque silex ruit incitus ictu.  
 Subsedit duro concussus fragmine muri.  
 Tum pudor accendit mentem, nec conscia fallit  
 Uirtus pressa loco; frendens luctatur et aegro  
 Scandit in aduersum per saxa uetantia nisu. 495  
 Sed postquam propior uicino lumine fulsit  
 Et tota se mole tulit, uelut incita clausum  
 Agmina Poenorum cingant, et cuncta pauentem

472 pauidus — cycladus S      481 Fer tecum *Liuiineius* Fert  
 equum F Fert equum LOV      495 uetantia nisu Ch uertantia F  
 nutantia LOV — nisu FV uisu corr. m. 1 in nisu L uisci corr. in  
 uisu O



Castra premant, lato Murrus caligat in hoste.  
 Mille simul dextrae densusque micare uidetur 500  
 Ensis, et innumerae nutare in casside cristae.  
 Conclamant utrimque acies, ceu tota Saguntos  
 Igne micet; trahit instanti languentia leto  
 Membra pauens Murrus supremaque uota capessit:  
 'Conditor Alcide, cuius uestigia sacra 505  
 Incolimus terra, minitantem auerte procellam,  
 Si tua non segni defenso moenia dextra'.  
 Dumque orat caeloque attollit lumina supplex —  
 'Cerne', ait, 'an nostris longe Tirynthius ausis  
 Iustius affuerit. ni displicet aemula uirtus, 510  
 Haud me dissimilem, Alcide, primoribus annis  
 Agnosces, inuicte, tuis; fer numen amicum  
 Et, Troiae quondam primis memorate ruinis,  
 Dexter ades Phrygiae delenti stirpis alumnos'.  
 Sic Poenus pressumque ira simul exigit ensem, 515  
 Qua capuli statuere morae, teloque relato  
 Horrida labentis perfunditur arma cruore.  
 Illicet ingenti casu turbata iuuentus 520  
 Procurrit, nota arma uiri corpusque superbo  
 Victori spoliare negant. coit aucta uicissim 525  
 Hortando manus, et glomerata mole feruntur.  
 Hinc saxis galea, hinc clipeus sonat aereus hastis;  
 Incessunt sudibus librataque pondera plumbi  
 Certatim iaciunt. decisae uertice cristae,  
 Direptumque decus nutantum in caede iubarum. 525  
 Iamque agitur largus per membra fluentia sudor,  
 Et stant loricae squamis horrentia tela.  
 Nec requies tegimenue datur mutare sub ictu.

---

499 laeto *Dausqueius* late *Thilo* tanto *Blass* 501 innu-  
 mera *Heinsius* et *Bothe* 506 terra *OV* ut *coni. Gronov* terrae  
**LF** 507 defenso **S** defendo **Ch** (*T. p. 247*) 516 moras  
*van Veen* 522 Hinc **O** Huic **LFV** 524 decisae uertice  
**Ch L** densae de (*de m. 1 suprascr.*) **F** et dense *OV* (*T. p. 222*  
*et 225*) 525 Direptumque **FOV** Directumque **L** Dereptumque  
*Lefebure et Ruperti* — iubarum **FOV** uibrarum **L**



Genua labant, fessique humeri gestamina laxant.  
 Tum creber penitusque trahens suspiria sicco 530  
 Fumat ab ore uapor, nisuque elisus anhelio  
 Auditur gemitus fractumque in casside murmur. 532  
 Fulmineus ceu Spartanis latratibus actus, 421  
 Cum siluam occursu uenantum perdidit, hirtio  
 Horrescit saetis dorso et postrema capessit  
 Proelia, canentem mandens aper ore cruorem,  
 Iamque gemens geminat contra uenabula dentem. 425  
 Mente aduersa domat gaudetque nitescere duris 533  
 Uirtutem et decoris pretio discrimina pensat.  
 Hic subitus scisso densa inter nubila caelo 535  
 Erupit quatiens terram fragor, et super ipsas  
 Bis pater intonuit geminato fulmine pugnās.  
 Inde inter nubes uentorum turbine caeco  
 Ultrix iniusti uibrauit lancea belli  
 Ac femine aduerso librata cuspide sedit. 540  
 Tarpeiae rupes superisque habitabile saxum  
 Et uos, uirginea lucentes semper in ara  
 Laomedontaeae, Troiana altaria, flammae,  
 Heu quantum uobis fallacis imagine teli  
 Promisere dei! propius si pressa furenti 545  
 Hasta foret, clausae starent mortalibus Alpes,  
 Nec, Thrasymerne, tuis nunc Allia cederet undis.  
 Sed Iuno, aspectans Pyrenes uertice celsae

530 Dum — trahit *van Veen* 531 nisu **FO** uisu **LV**  
 422 hirtum — dorsum *van Veen* 423 saetis **Ch** seuus **LFV** sen-  
 nus **O** saetas *Heinsius* 424 canentem **Ch** cadentem **F** *sed n*  
*m. 1 suprascr.* candentem **L** tenentem **OV** (*T. p. 217*) 425 sic  
*u. restitui cum Lefeburio* — Iamque gemet geminum c. u. den-  
 tem **Ch** et **S** nisi quod pro dentem in **LF** torquens, in **OV** ul-  
 timum uersus uocabulum uenabula est (*T. p. 217 et 221*) uersum  
 uncis includit *Bentley* — Iamque acuens geminum c. u. torquet  
*Barth* Iamque terit g. c. u. dentem *Ruperti* Iamque acuit g. c.  
 u. d. *Thilo* Iamque gemens geminum dentem in uenabula tor-  
 quet *Schlichteisen* (*p.l.*) 533 gaudetque **Cm** *Ep. 57* 538 uen-  
 torum] telorum *Bentley* 540 femine **Cm** *ad Liuium* (*T. p. 198*)  
**Ch F** femure **L** femore **OV**

Naua rudimenta et primos in Marte calores,  
 Ut uidet impressum coniecta cuspide uulnus, 550  
 Aduolat, obscura circumdata nube, per auras  
 Et ualidam duris euellit ab ossibus hastam.  
 Ille tegit clipeo fusum per membra cruorem,  
 Tardaue paulatim et dubio uestigia nisu  
 Alternata trahens, auersus ab aggere cedit. 555

Nox tandem optatis terras pontumque tenebris  
 Condidit et pugnās erepta luce diremit.  
 At durae inuigilant mentes, molemque reponunt,  
 Noctis opus. clausos acuunt extrema pericli  
 Et fractis rebus uiolentior ultima uirtus. 560  
 Hinc puer inualidique senes, hinc femina ferre  
 Certat opem in dubiis miserando naua labori,  
 Saxaque mananti subuectat uulnere miles.  
 Iam patribus clarisque senum sua munia curae.  
 Concurrunt lectosque uiros hortantur et orant, 565  
 Defessis subeant rebus reuocentque salutem  
 Et Latia extremis implorent casibus arma.  
 'Ite citi, remis uelisque impellite puppim,  
 Saucia dum castris clausa est fera; tempore Martis  
 Utendum est rupto et grassandum ad clara periclis. 570  
 Ite citi, deflete fidem murosque ruentis  
 Antiquaque domo meliora accersite fata.  
 Mandati summa est: dum stat, remeate, Saguntos'.  
 Ast illi celerant, qua proxima litora, gressum  
 Et fugiunt tumido per spumea caerula uelo. 575  
 Pellebat somnos Tithoni roscida coniux,

---

549 Naua Cm *Ep.* 41 Cc *Em.* II. 11 550 et 551 inser.  
 Cm et Cc *ll. ll.* desunt uu. in S (*T. p.* 173) 552 Et ualidam  
 Cm et Cc *ll. ll.* Eualidam ed. *Roman.* 3 554 nisu FO uisu LV  
 cf. u. 531 555 auersus Cd FO aduersus LV 558 reponunt O in rasura seponunt LFV 561 puer Ch F pueri LOV  
 562 naua Cc *Em.* II. 11 Ch uana S 566—68 uerba salutem — uelisque inser. Cm *Ep.* 41 Cc *Em.* II, 11 reuocentque impellite puppim in eodem uersu S (*T. p.* 173 et 240) 567 Et Latia Cm Ac Latia Cc *ll. ll.* (*T. p.* 197) 570 rupto Cd S raptio uulgo

Ac rutilus primis sonipes hinnitibus altos  
 Afflarat montis roseasque mouebat habenas.  
 Iam celsa e muris extracta mole iuuentus  
 Clausam nocturnis ostentat turribus urbem. 580  
 Rerum omnes pendent actus, et milite maesto  
 Laxata obsidio, ac pugnandi substitit ardor,  
 Inque ducem uersae tanto discrimine curae.

Interea Rutulis longinqua per aequora uectis  
 Herculei ponto coepere existere colles, 585  
 Et nebulosa iugis attollere saxa Monoeci.  
 Thracius hos Boreas scopulos immitia regna  
 Solus habet semperque rigens nunc litora pulsat,  
 Nunc ipsas alis plangit stridentibus Alpes;  
 Atque ubi se terris glaciali fundit ab Arcto, 590  
 Haud ulli contra fiducia surgere uento.  
 Uerticibus torquet rapidis mare, fractaque anhelant  
 Aequora, et iniecto conduntur gurgite montes;  
 Iamque uolans Rhenum Rhodanumque in nubila tollit.  
 Hunc postquam Boreae dirum euasere furorem, 595  
 Alternos maesti casus bellique marisque  
 Et dubium rerum euentum sermone uolutant.  
 'O patria, o Fidei domus inclita, quo tua nunc sunt  
 Fata loco? sacraene manent in collibus arces?  
 An cinis, heu superi! tanto de nomine restat? 600  
 Ferte leues auras flatusque ciete secundos,  
 Si nondum insultat templorum Poenicus ignis  
 Culminibus, Latiaequae ualent succurrere classes'.

Talibus illacrimant noctemque diemque querelis,  
 Donec Laurentis puppis defertur ad oras, 605

577 Ac F At LOV      578 roseasque LF roseaque OV  
 581 Poenum omnes *Schrader*      582 Lassata L      583 Inque LF  
 Iamque V *deest in O*      586 iugi se attollere *Blass*      587 Thra-  
 cius] Circius *Bentley*      588 habet L hēt F hichet O om V  
 (T. p. 218)      589 plangit Cm *Ep. 83 F tangit LOV (T. p. 229)*  
 595 Hunc LF Nunc OV      598 O patria, o Fidei domus in-  
 clyta Cm *Ep. 41 alterum o deest in S*      599 sacraene S  
 602 Poenicus Cc *Em. II. 11 penitus S (T. p. 218)*

Qua pater, acceptis Anienis ditior undis,  
In pontum flauo descendit gurgite Thybris.  
Hinc consanguineae subeunt iam moenia Romae.

Concilium uocat augustum castaque beatos  
Paupertate patres ac nomina parta triumphis 610  
Consul et aequantem superos uirtute senatum.  
Facta animosa uiros et recti sacra cupido  
Attollunt; hirtaeque togae neglectaque mensa  
Dexteraque a curuis capulo non segnis aratris;  
Exiguo faciles et opum non indiga corda, 615  
Ad paruos curru remeabant saepe penates.

In foribus sacris primoque in limine templi  
Captiui currus, belli decus, armaque rapta  
Pugnantum ducibus saeuaeque in Marte secures,  
Perfossi clipei et seruantia tela cruorem 620  
Claustaque portarum pendent; hic Punica bella,  
Aegatis cernas fusaque per aequora classe  
Exactam ponto Libyen testantia rostra;  
Hic galeae Senonum pensatique improbus auri  
Arbiter ensis inest, Gallisque ex arce fugatis 625  
Arma reuertentis pompa gestata Camilli;  
Hic spolia Aeacidæ, hic Epirotica signa  
Et Ligurum horrentes coni parmaeque relatae  
Hispana de gente rudes Alpinaque gaesa.

Sed postquam clades patefecit et horrida bella 630  
Orantum squalor, praesens astare Sagunti  
Ante oculos uisa est extrema precantis imago.  
Tum senior maestro Sicoris sic incipit ore:  
'Sacrata gens clara fide, quam rite fatentur  
Marte satam populi ferro parere subacti, 635  
Ne crede emensos leuia ob discrimina pontum.

---

609 Concilium O *in rasura* Consilium LFV 612 et]  
quia O 613 togae Cm *Ep.* 57 comae S 614 curui — aratri  
*Heinsius* 628 coni Cm *Ep.* 48 L om. O (*m.* 2 *inser. tonse*)  
co . . V comparmaq; F (*T. p.* 217) 629 gesa *m.* 2 *corr. ex*  
cesa L cesa V caesa F cesa O *corr. in gessa cui suprascr. tela*  
Gallica 635 subacti Ch 636 emensos F emensum LOV



Uidimus obsessam patriam murosque trementis;  
 Et, quem insana freta aut coetus genuere ferarum,  
 Uidimus Hannibalem. procul his a moenibus, oro,  
 Arcete, o superi, nostroque in Marte tenete 640  
 Fatiferae iuuenem dextrae! qua mole sonantis  
 Exigit ille trabes! et quantus crescit in armis!  
 Trans iuga Pyrenes, medium indignatus Hiberum,  
 Exciuit Calpen et mersos Syrtis<sup>h</sup>arenis  
 Molitur populos maioraque moenia quaerit. 645  
 Spumeus hic, medio qui surgit ab aequore, fluctus,  
 Si prohibere piget, uestras effringet in urbes.  
 An tanti pretium motus ruptique per enses  
 Foederis hoc iuueni iurata in bella ruenti  
 Creditis, ut statuatur superatae iura Sagunto? 650  
 Ocius ite, uiri, et nascentem extinguite flammam,  
 Ne serae redeant post aucta pericula curae.  
 Quamquam o, si nullus terror, non obruta iam nunc  
 Semina fumarent belli, uestraene Sagunto  
 Spernendum consanguineam protendere dextram? 655  
 Omnis Hiber, omnis rapidis fera Gallia turmis,  
 Omnis ab aestifero sitiens Libys imminet axe.  
 Per uos culta diu Rutulae primordia gentis  
 Laurentemque larem et genetricis pignora Troiae,  
 Conseruate pios, qui permutare coacti 660  
 Acrisioneis Tirynthia culmina muris.  
 Uos etiam Zanclem Siculi contra arma tyranni  
 Iuuisse egregium; uos et Campana tueri  
 Moenia, depulso Samnitum robore, dignum

638 coitus *L. Müller d. r. m. p. 172* 642 exigit *Cc*  
*Em. II. 11* exycit *Ch (T. p. 206 et 209)* 647 uestras se  
 effringet *i. u. Bentley et Maduig Aduers. crit. II. p. 162* se  
 effundet *Blass* uestram se effringet in urbem *opinor, si quid*  
*mutandum* 650 superatae *Ch F* superatae *LV* superatae *O*  
*(T. p. 229)* 654 uestrene *m. 2 corr. ex* uestreue *L* uestraue *FV*  
 uestire ue *O* 656 et 657 *Buchwald* post 652 ponendos esse  
*censet* 662 Zanclem *Cm Ep. 41 Zanclem Cc Em. II. 11*  
*(T. p. 197)* Zanclem *L F in marg. (T. p. 232)* tandes *O* tan-  
 dem *V* — tyranni *Cm l. l.*



Sigeis duxistis auis. uetus incola Daunus, 665  
 Testor uos, fontes et stagna arcana Numici,  
 Cum felix nimium dimitteret Ardea pubem,  
 Sacra domumque ferens et aui penetralia Turni,  
 Ultra Pyrenen Laurentia nomina duxi.  
 Cur ut decisa atque auulsa a corpore membra 670  
 Despiciar, nosterque luat cur foedera sanguis?  
 Tandem, ut finitæ uoces, — miserabile uisu —  
 Summissi palmas, lacerato tegmine uestis,  
 Affigunt proni squalentia corpora terrae.  
 Inde agitant consulta patres curasque fatigant. 675  
 Lentulus, ut cernens accensae tecta Sagunti,  
 Poscendum poenae iuuenem celerique negantis  
 Exuri bello Carthaginis arua iubebat.  
 At Fabius, cauta speculator mente futuri  
 Nec laetus dubiis parcusque lacescere Martem 680  
 Et melior clauso bellum producere ferro:  
 Prima super tantis rebus pensanda, ducisne  
 Ceperit arma furor, patres an signa moueri  
 Censuerint; mittique uiros, qui exacta reportent.  
 Prouidus haec, ritu uatis, fundebat ab alto 685  
 Pectore praemeditans Fabius surgentia bella.  
 Ut saepe e celsa grandaeuus puppe magister,  
 Prospiciens signis uenturum in carbasa Corum,  
 Summo iam dudum substringit lintea malo.  
 Sed lacrimae atque ira mixtus dolor impulit omnis 690  
 Praecipitare latens fatum. lectique senatu,  
 Qui ductorem adeant; si perstet surdus in armis  
 Pactorum, uertant inde ad Carthaginis arces  
 Nec diuum oblitis indicere bella morentur.

---

665 Daunus *Blass* Dauni **S** 669 nomina duxi **Ch**  
 670 auulsa a corpore **Ch** 671 Despiciat **LOV** Dispinat **F** —  
 nosterque **LFO** uesterque **V** — luam *Heinsius* 673 Summissi  
 palmas **Cc** *Em. II. 11 S* Submissis palmis **Ch** (*T. p. 206*)  
 674 Accingunt **F** 679 tanta **F** 680 laetius **Cc l. l.**  
 (*T. p. 197*) — parcusque **Cm Ep. 83 Cc l. l.** paruisque **S** 691 se-  
 natus **S** 694 oblitis **L** *in rasura* oblitus **FOV**

# SILI ITALICI

## P U N I C O R U M

### LIBER SECUNDUS.

Caeruleis prouecta uadis iam Dardana puppis  
 Tristia magnanimi portabat iussa senatus  
 Primoresque patrum. Fabius, Tirynthia proles,  
 Ter centum memorabat auos, quos turbine Martis  
 Abstulit una dies, cum Fors non aequa labori 5  
 Patricio Cremerae maculauit sanguine ripas.  
 Huic comes aequato sociauit munere curas  
 Publicola, ingentis Uolesi Spartana propago.  
 Is, cultam referens insigni nomine plebem,  
 Ausonios atauo ducebat consule fastus. 10

Hos ut depositis portum contingere uelis  
 Allatum Hannibali consultaque ferre senatus  
 Iam medio seram bello poscentia pacem  
 Ductorisque simul conceptas foedere poenas,  
 Ocius armatas passim per litora turmas 15  
 Ostentare iubet minitancia signa recensque  
 Perfusos clipeos et tela rubentia caede.  
 Haud dictis nunc esse locum; strepere omnia clamat  
 Tyrrhenae clangore tubae gemituque cadentum.  
 Dum detur, relegant pontum neu se addere clausis 20  
 Festinent; notum, quid caede calentibus armis,  
 Quantum irae liceat, motusue quid audeat ensis.  
 Sic ducis affatu per inhospita litora pulsi,  
 Conuerso Tyrios petierunt remige patres.

---

1 Caeruleis **Ca** (*T. p. 214*) Herculeis proiecta **O** (*T. p. 242*)  
 8 Publicola **LFV** deest in **O** c. marg. Poplicola *Heinsius* —  
 Uolesi] uolsci **S** Folci pro Folschi **Ch** (*T. p. 203*) 10 fastus  
**FOV** corr. m. 2 in fasces **L** (*T. p. 236*) 11 consurgere **F**  
 18 clamât **L** 20 neu se **F** sed i. marg. m. 2 ne an ut **LOV**  
 (*T. p. 232*)

Hic alto Poenus fundentem uela carinam 25  
 Incensens dextra: 'Nostrum, pro Iupiter!' inquit,  
 'Nostrum ferre caput parat illa per aequora puppis.  
 Heu caecae mentes tumefactaque corda secundis!  
 Armatum Hannibalem poenae petit impia tellus!  
 Ne deposce, adero; dabitur tibi copia nostri 30  
 Ante expectatum, portisque focisque timebis,  
 Quae nunc externos defendis, Roma, penatis.  
 Tarpeios iterum scopulos praeruptaque saxa  
 Scandatis licet et celsam migretis in arcem,  
 Nullo iam capti uitam pensabitis auro'. 35

Incensi dictis animi, et furor additus armis.  
 Conditur extemplo telorum nubibus aether,  
 Et densa resonant saxorum grandine turres.  
 Ardor agit, prouecta queat dum cernere muros,  
 Inque oculis profugae Martem exercere carinae. 40  
 Ipse autem incensas promissa piacula turmas  
 Flagitat, insignis nudato uulnere, ductor  
 Ac repetens questus furibundo personat ore:  
 'Poscimur, o socii, Fabiusque e puppe catenas  
 Ostentat, dominique uocat nos ira senatus. 45  
 Si taedet coepti, culpandaue mouimus arma,  
 Ausoniam ponto propere reuocate carinam.  
 Nil moror, euincta lacerandum tradite dextra.  
 Nam cur, Eoi deductus origine Beli,  
 Tot Libyae populis, tot circumfusus Hiberis, 50  
 Seruitium perferre negem? Rhoeteius immo  
 Aeternum imperet et populis saeculisque propaget  
 Regna ferox; nos iussa uirum nutusque tremamus'.  
 Effundunt gemitus atque omina tristia uertunt  
 In stirpem Aeneadam ac stimulant clamoribus iras. 55

26 *hunc uersum qui deest in S inser.* Cm *Ep.* 76 Cc *Em.* II. 4  
 (T. p. 173) 29 *petis Heinsius* 43 Ac OV At LF  
 48 *euincta Ch en uic̃ta L en uicta FOV* 52 *Aeternum im-*  
*peret et Ch S Imperet aeternum uulgo imperitet Heinsius —*  
*seclisque Cm Ep.* 76 V *seculisque O sedisque L edisque F*  
 53 *Regna Ch LF Segna OV (T. p. 218) Signa uulgo*

Discinctos inter Libyas populosque bilinguis  
 Marmaricis audax in bella Oenotria signis  
 Uenerat Asbyte, proles Garamantis Hiarbae.  
 Hammone hic genitus, Phorcynidos antra Medusae  
 Cinyphiumque Macen et iniquo e sole calentis 60  
 Battiadas late imperio sceptrisque regebat;  
 Cui patrius Nasamon aeternumque arida Barce,  
 Cui nemora Autololum atque infidae litora Syrtis  
 Parebant nullaue leuis Gaetulus habena.  
 Atque is fundarat thalamos Tritonide nympha, 65  
 Unde genus proauumque Iouem regina ferebat  
 Et sua fatidico repetebat nomina luco.  
 Haec, ignara uiri uacuoque assueta cubili,  
 Uenatu et siluis primos defenderat annos;  
 Non calathis mollita manus operataue fuso, 70  
 Dictynnam et saltus et anhelum impellere planta  
 Cornipedem ac strauisse feras immitis amabat.  
 Quales Threiciae Rhodopen Pangaeaque lustrant  
 Saxosis nemora alta iugis cursuque fatigant  
 Hebrum innupta manus. sprete Ciconesque Getaeque 75  
 Et Rhesi domus et lunatis Bistones armis.  
 Ergo habitu insignis patrio, religata fluentem  
 Hesperidum crinem dono dextrumque feroci  
 Nuda latus Marti ac fulgentem tegmine laeuam  
 Thermodontiaca munita in proelia pelta, 80  
 Fumantem rapidis quatiebat cursibus axem.

---

56 Libyas Ch 58 asbite L asbi'te F asbt'te V asbierte O  
 — Iarbae Ch (cf. I. 417) 59 arua Schrader coll. Lucan  
 IX. 626 62 patiens van Veen coll. Lucan IX. 439 Nasamon,  
 gens dura 63 syrtis S 68 Hec L ex. corr. Nec FOV 69 de-  
 fenderat Ch S dependerat Lefebure impenderat Burmann exe-  
 gerat Heinsius 70 mollita F mollita L (alterum l m. 1 su-  
 praser.) molita OV 73 Threiciam Schrader 75 Hebrum]  
 Haemum Burmann et Drakenb. prob. van Veen Eurum Ruperti  
 prob. Ribbeck (Proll. in Verg. p. 364) sed cf. Gössrau ad Verg.  
 Aen. I. 317 et Kvičala in „Vergilstudien“ p. 104 78 dono  
 crinem Ch crinem dono S nodo Heinsius cf. Thilo p. 20 79 ful-  
 gentem — laeuam Ch laeuum S



Pars comitum biuigo curru, pars cetera dorso  
 Fertur equi; nec non Ueneris iam foedera passae  
 Reginam cingunt, sed uirgine densior ala est.  
 Ipsa autem gregibus per longa mapalia lectos 85  
 Ante aciem ostentabat equos; tumuloque propinqua  
 Dum sequitur gyris campum, uibrata per auras  
 Spicula contorquens summa ponebat in arce.

Hanc hasta totiens intrantem moenia Mopsus  
 Non tulit et celsis senior Gortynia muris 90  
 Tela sonante fugat neruo liquidasque per auras  
 Dirigit aligero letalia uulnera ferro.

Cres erat, aerisonis Curetum aduectus ab antris,  
 Dictaeos agitare puer leuioribus annis  
 Pennata saltus assuetus harundine Mopsus. 95

Ille uagam caelo demisit saepe uolucrem;  
 Ille procul campo linquentem retia ceruum  
 Uulnere sistebat; rueretque inopina sub ictu  
 Ante fera incauto, quam sibila poneret arcus.  
 Nec se tum pharetra iactauit iustius ulla, 100  
 Eois quamquam certet Gortyna sagittis.

Uerum ut, opum leuior, uenatu extendere uitam  
 Abnuit, atque artae res exegere per aequor,  
 Coniuge cum Meroë natisque inglorius hospes  
 Intrarat miseram, fato ducente, Saguntum. 105

Coryti fratrum ex humeris calamique paterni  
 Pendebant uolucerque chalybs, Minoia tela.  
 Hic, medius iuuenum, Massylae gentis in agmen  
 Crebra Cydoneo fundebat spicula cornu.

Iam Garamum audacemque Thyrum pariterque 110  
 ruentis

---

86 propinqua *scr.* propinquo **S** propinquum *Best cf. Dra-*  
*kenborch a. h. l.* 88 condebat *Schrader* 92 Dirigit **LO**  
 Derigit **FV** Deligit **Ch** 94 melioribus *Bentley* — armis *Gro-*  
*nouijs et Heinsius* 96 demisit **Cd** (*T. p. 214*) **S** diuisit  
*uulgo* 97 uincentem *Schrader* 98 rueretque **LV** rese-  
 retque **O** reueretque **F** rueratque *Liuiineius et Bothe* 100 ullus  
*Schrader* 107 alacerque *Chory* 110 thyrum **V** tyrum **L**  
 tirum **O** thereus **F**



Gisgonem leuemque Bagam indignumque sagittae,  
 Impubem malas, tam certae occurrere Lixum  
 Fuderat et plena tractabat bella pharetra.  
 Tum, uultum intendens telumque in uirginis ora,  
 Desertum non grata Iouem per uota uocabat. 115  
 Namque ut fatiferos conuerti prospicit arcus,  
 Opposito procul insidiis Nasamonias Harpe  
 Corpore praeripuit letum calamumque uolantem,  
 Dum clamat, patulo excipiens tramisit hiatu,  
 Et primae ferrum a tergo uidere sorores. 120  
 At comitis frendens casu labentia uirgo  
 Membra leuat paruaque oculos iam luce natantis  
 Irrorat lacrimis totisque annisa doloris  
 Uiribus intorquet letalem in moenia cornum.  
 Illa uolans humerum rapido transuerberat ictu 125  
 Conantis Dorylae, iunctis iam cornibus arcus,  
 Educti spatium nerui complente sagitta,  
 Excutere in uentos resoluta pollice ferrum.  
 Tum subitum in uulnus praeceps deuoluitur altis  
 Aggeribus muri, iuxtaque cadentia membra 130  
 Effusi uersa calami fluxere pharetra.  
 Exclamat paribus frater uicinus in armis  
 Icarus ulciscique parat lacrimabile fatum.  
 Atque illum raptim prominentem in proelia telum  
 Hannibal excussi praeuertit turbine saxi. 135  
 Labuntur gelido torpentia frigore membra,  
 Deficiensque manus pharetrae sua tela remisit.  
 At pater in gemino natorum funere Mopsus  
 Correptos arcus ter maesta mouit ab ira,

111 leuemque V leuumque LFO saeuumque *Heinsius et Bothe*  
 112 Impubem, malis *Vonck (Spec. crit. Traj. 1744)*  
 — lixum S Lyxum *edd. rec.* 117 Nasamonias Harpe Ch  
 nasamonias *ex corr.* L nasamonius F nasomonius O nasamo-  
 mus V 121 At comitis frendens casu Ch Et c. casu fren-  
 dens S 122 iam in luce *Liuius cf. V. 409* 123 an-  
 nisa Ch adnixa S 125 umerum Cd (*T. p. 215*) — rabido  
*Bothe* 127 Educti Cm *Ep. 76* Et ducti S Adducti *Heinsius*  
 132 Et clamat S

Ter cecidit dextra, et notas dolor abstulit artis. 140  
 Paenitet heu sero dulcis liquisse penatis,  
 Arreptoque auide, quo concidis, Icare, saxo,  
 Postquam aeuum senior percussaque pectora frustra  
 Sentit et, ut tantos compescat morte dolores,  
 Nil opis in dextra, uastae se culmine turris 145  
 Praecipitem iacit et delapsus pondere pronò  
 Membra super nati moribundos explicat artus.

Dum cadit externo Gortynius aduena bello,  
 Iam noua molitus stimulado milite Theron,  
 Alcidae templi custos araeque sacerdos, 150  
 Non expectatum Tyriis effuderat agmen  
 Et fera miscebat reserata proelia porta.  
 Atque illi non hasta manu, non uertice cassis,  
 Sed, fisus latis humeris et mole iuuentae,  
 Agmina uastabat claua, nihil indigus ensis. 155  
 Exuiae capiti impositae tegimenque leonis  
 Terribilem attollunt excelso uertice rictum.  
 Centum angues idem Lernaeeque monstra gerebat  
 In clipeo et sectis geminam serpentibus hydram.  
 Ille Iubam Thapsumque patrem clarumque Micipsam 160  
 Nomine aui Maurumque Sacen, a moenibus actos  
 Palantisque fuga, praeceps ad litora cursu  
 Egerat, atque una spumabant aequora dextra.  
 Nec contentus Idi leto letoque Cothonis  
 Marmaridae nec caede Rothi nec caede Iugurthae, 165  
 Asbytes currum et radiantis tegmina laenae  
 Poscebat uotis gemmataque lumina peltae  
 Atque in belligera uersabat uirgine mentem.  
 Quem ruere ut telo uidit regina cruento,  
 Obliquos detorquet equos laeuumque per orbem 170

---

140 notas L m. 2 corr. noctis FOV (*T. p. 236*) 149 The-  
 ron Cd 151 effuderat OV effunderat LF offuderat Heinsius  
 160 tapsum S cf. IV. 635 — patris Heinsius 161 nomen  
 anis Bothe 166 tegmina V tegmine LFO — laenae Ch lene LV  
 laene F leue O 167 gemmataque V geminataque LFO

Fallaci gyro campum secat ac uelut ales  
 Auerso rapitur sinuata per aequora curru.  
 Dumque ea se ex oculis aufert, atque ocior Euro  
 Incita pulueream campo trahit ungula nubem,  
 Aduersum late stridens rota proterit agmen, 175  
 Ingerit et crebras uirgo trepidantibus hastas.  
 Hic cecidere Lycus Thamyrisque et nobile nomen  
 Eurydamas, clari deductum stirpe parentis;  
 Qui thalamos ausus quondam sperare superbos,  
 Heu demens! Ithacique torum; sed enim arte pudica 180  
 Fallacis totiens reuoluto stamine telae  
 • Deceptus, mersum pelago iactarat Ulixen.  
 Ast Ithacus uero ficta pro morte loquacem  
 Affecit leto, taedaeque ad funera uersae.  
 Gens extrema uiri campis deletur Hiberis 185  
 Eurydamas Nomados dextra; superinstrepat ater  
 Et seruat cursum perfractis ossibus axis.

Iamque aderat remeans uirgo, inter proelia postquam  
 Distringi Therona uidet, saeuamque bipennem  
 Perlibrans mediae fronti, spolium inde superbum 190  
 Herculeasque tibi exuias, Dictynna, uouebat.  
 Nec segnis Theron tantae spe laudis in ipsos  
 Aduersus consurgit equos uillosaque fului  
 Ingerit obiectans trepidantibus ora leonis.  
 Attoniti terrore nouo rictuque minaci 195  
 Quadrupedes iactant resupino pondere currum.  
 Tum saltu Asbyten conantem linquere pugnas  
 Occupat, incussa gemina inter tempora claua,  
 Feruentisque rotas turbataque frena pauore  
 Disiecto spargit collisa per ossa cerebro; 200  
 Ac rapta properans caedem ostentare bipenni,  
 Amputat e curru reuolutae uirginis ora.

---

178 Eurymachus *Heinsius et Bothe* 182 ulixen *L*  
 ulixem **FOV** 186 Nomades **Ch** 190 Praelibrans *Liuius*  
*et Heinsius* 193 Aduersus **LO** Auersus **FV** Aduersos *van*  
*Veen* 197 bigas *Schrader* 200 spargit **Ch** 201 Ac  
 rapta **Ch**

Necdum irae positae; celsa nam figitur hasta  
 Spectandum caput; id gestent ante agmina Poenum,  
 Imperat, et propere currus ad moenia uertant. 205  
 Haec caecus fati diuumque abeunte fauore  
 Uicino Theron edebat proelia leto.  
 Namque aderat toto ore ferens iramque minasque  
 Hannibal et caesam Asbyten fixique trophaeum  
 Infandum capitis furiata mente dolebat. 210  
 Ac simul aerati radiauit luminis umbo,  
 Et concussa procul membris uelocibus arma  
 Letiferum intonuere, fugam perculsa repente  
 Ad muros trepido conuertunt agmina cursu.  
 Sicut agit leuibus per sera crepuscula pennis 215  
 E pastu uolucres ad nota cubilia uesper;  
 Aut, ubi Cecropius formidine nubis aquosae  
 Sparsa super flores examina tollit Hymettos,  
 Ad dulcis ceras et odori corticis antra  
 Mellis apes grauidae properant densoque uolatu 220  
 Raucum connexae glomerant ad limina murmur.  
 Praecipitat metus attonitos, caecique feruntur.  
 Heu blandum caeli lumen! tantone cauetur  
 Mors reditura metu nascentique addita fata?  
 Consilium damnant portisque atque aggere tuto 225  
 Erupisse gemunt; retinet uix agmina Theron  
 Interdumque manu, interdum clamore minisque:  
 'State, uiri; meus ille hostis; mihi gloria magnae,  
 State, uenit pugnae. muro tectisque Sagunti  
 Hac abigam Poenos dextra; spectacula tantum 230  
 Ferte, uiri; uel, si cunctos metus acer in urbem,  
 Heu deforme! rapit, soli mihi claudite portas'.

205 Imperat **L** ex rasura Temperat **FOV** (cf. u. 652)  
 208 Iamque *Heinsius* — iramque **ChFOV** iram **L** sed s m. 1  
 suprascr. 211 luminis] tegminis *van Veen* 221 cōnexae **O**  
 conuexae **LV** conexe **F** 225 Consilium damnant portisque **Cm**  
*Ep. 76* — damnant **L** clamant **FOV** portaque **S** 230—231 spec-  
 tacula tantum Ferte, uiri **Ch** — tanta **S** — Feste **F** (*T. p. 230*)  
 Este **LOV**



At Poenus rapido praeceps ad moenia cursu,  
 Dum pauitant trepidi rerum fessique salutis,  
 Tendebat; stat primam urbem murosque patētis 235  
 Postposita caede et dilata inuadere pugna.  
 Id postquam Herculeae custos uidet impiger arae,  
 Emicat et uelox formidine praeuenit hostem.  
 Gliscit Elissaeo uiolentior ira tyranno:  
 ‘Tu solue interea nobis, bone ianitor urbis, 240  
 Supplicium, ut pandas’, inquit, ‘tua moenia leto’.  
 Nec plura effari sinit ira, rotatque coruscum  
 Mucronem; sed contortum prior impete uasto  
 Daunius huic robur iuuenis iacit; arma fragore  
 Icta graui raucum gemuere, alteque resultant 245  
 Aere illisa cauo nodosae pondera clauae.  
 At uiduus teli et frustrato proditus ictu,  
 Pernici uelox cursu rapit incita membra  
 Et celeri fugiens perlustrat moenia planta.  
 Instat atrox terga increpitans fugientia uictor. 250  
 Conclamant matres, celsoque e culmine muri  
 Lamentis uox mixta sonat; nunc nomine noto  
 Appellant, seras fesso nunc pandere portas  
 Posse uolunt; quatit hortantum praecordia terror,  
 Ne simul accipiant ingentem moenibus hostem. 255  
 Incutit umbonem fesso assultatque ruenti  
 Poenus et ostentans spectantem e moenibus urbem:  
 ‘I, miseram Asbyten leto solare propinquo’.  
 Haec dicens, iugulo optantis dimittere uitam  
 Infestum condit mucronem ac regia laetus 260  
 Quadrupedes spolia abreptos a moenibus ipsis,  
 Quis aditum portae trepidantum saepserat agmen,  
 Uictor agit curruque uolat per ouantia castra.

At Nomadum furibunda cohors miserabile humandi  
 Deproperat munus tumulique adiungit honorem 265

237 aras Ch arcis *Heinsius* 241 ut FOV et L 247 et  
 frustrato Ch 249 ter lustrat *Heinsius* 255 urgentem  
*Heinsius* 258 I, miser, A. *Bothe* 261 a LOV e F



Et raptō cineres ter circum corpore lustrat.  
 Hinc letale uiri robur tegimenque tremendum  
 In flammās iaciunt; ambustoque ore genisque  
 Deforme alitibus liquere cadauer Hiberis.

Poenorum interea quis rerum summa potestas, 270  
 Consultant bello super, et quae dicta ferantur  
 Ausoniae populis, oratorumque minaci  
 Aduentu trepidant. mouet hinc foedusque fidesque  
 Et testes superi iurataque pacta parentum,  
 Hinc popularis amor coeptantis magna iuuentae, 275  
 Et sperare iuuat belli meliora. sed, olim  
 Ductorem infestans odiis gentilibus, Hannon  
 Sic adeo increpitat studia incautumque fauorem:  
 'Cuncta quidem, patres, — neque enim cohibere mi-  
 nantur

Irae se ualuere — premunt formidine uocem. 280  
 Haud tamen abstiterim, mortem licet arma propin-  
 quent.

Testabor superos et caelo nota relinquam,  
 Quae postrema salus rerum patriaeque reposcit.  
 Nec nunc obsessa demum et fumante Sagunto  
 Haec serus uates Hannon canit; anxia rupi 285  
 Pectora, ne castris innutriretur et armis  
 Exitiale caput, monui et, dum uita, monebo,  
 Ingenitum noscens uirus flatusque paternos.  
 Ut, qui stelligero speculatur sidera caelo,  
 Uenturam pelagi rabiem Caurique futura 290  
 Praedicat miseris haud uanus flamina nautis.  
 Consedit solio rerumque inuasit habenas —  
 Ergo armis foedus fasque omne abrumpitur armis,

---

267 Hinc **O** Huic **LFV** — tegimenque **LV** tegmenque **FO**  
 272 Ausoniae populis **S** Ausoniae a populis **Ch** — mina-  
 cem Aduentum *van Veen* 275 coeptantis **Ch** ceptan-  
 tis **FO** ceptantis **L** (a *suprascr. m. 2*) captantis **V** 276 bello  
*uel bellis Burmann* 277 Hannon **Ch** (*T. p. 203*) 279 Cuncti  
*equidem Liuencius et Heinsius* 282 nota **Ch F** uota **LOV**  
 289 speculatus *Heinsius* 292 Consedit **O** Concedit **LFV**

Oppida quassantur, longeque in moenia nostra  
 Aeneadum arrectae mentes, disiectaque pax est. 295  
 Exagitant manes iuuenem furiaeque paternae  
 Ac funesta sacra et conuersi foedere rupto  
 In caput infidum superi Massylaque uates.  
 An nunc ille noui caecus caligine regni  
 Externas arces quatit? haud Tirynthia tecta — 300  
 Sic propria luat hoc poena nec misceat urbis  
 Fata suis — nunc hoc, hoc inquam, tempore muros  
 Oppugnat, Carthago, tuos teque obsidet armis.  
 Lauimus Hennaenas animoso sanguine uallis  
 Et uix conducto produximus arma Lacone. 305  
 Nos ratibus laceris Scyllaea repleuimus antra  
 Classibus et refluxo spectauimus aequore raptis  
 Contorta e fundo reuomentem transtra Charybdin.  
 Respice, pro demens! pro pectus inane deorum!  
 Aegatis Libyaeque procul fluitantia membra. 310  
 Quo ruis? et patriae exitio tibi nomina quaeris?  
 Scilicet immensae, uisis iuuenilibus armis,  
 Subsident Alpes, subsidet mole niuali  
 Alpibus aequatum attollens caput Apenninus.  
 Sed campos fac, uane, dari. num gentibus istis 315  
 Mortales animi? aut ferro flammaue fatiscunt?  
 Haud tibi Neritia cernes cum prole laborem.  
 Pubescit castris miles, galeaque teruntur  
 Nondum signatae flaua lanugine malae.  
 Nec requies aeui nota, exanguesque merendo 320  
 Stant prima inter signa senes letumque lacesunt.  
 Ipse ego Romanas perfosso corpore turmas

299 An nunc Ch Annuit S 300 haud Tirynthia Ch  
 ut LF aut OV 301 Sic] Ut *Bachrens* Dis *Chovy* — luat hoc  
 poena Ch 302 Fata Cm *Ep.* 76 — nunc hoc hoc inquam  
 tempore Cm l. l. nunc hoc inquam hoc in tempore Ch (*T. p.* 210)  
 nunc hoc inquam hoc tempore S 304 Hennaenas Ch eth-  
 naeas S cf. *I.* 93 310 Libyaeque *Ruperti* 311 h. u. inser. Cm  
*Ep.* 76 Cc *Em.* II. 4 deest in S (*T. p.* 173) iuuenilibus Cm et Cc  
 iuuenalibus Ch (*T. p.* 210) 315 num LV nunc FO 316 fatisc-  
 cunt L fatescunt FOV 320 aeuo *Liuiuius*

Tela intorquentis correpta e uulnere uidi;  
 Uidi animos mortisque uirum decorisque furorem.  
 Si bello obsistis nec te uictoribus offers, 325  
 Quantum heu, Carthago, donat tibi sanguinis Hannon!'

Gestar ad haec — namque impatiens asperque co-  
 quebat

Iamdudum immites iras mediamque loquentis  
 Bis conatus erat turbando abrumpere uocem —:  
 'Concilione', inquit, 'Libyae Tyrioque senatu, 330  
 Pro superi! Ausonius miles sedet? armaque tantum  
 Haud dum sumpta uiro? nam cetera non latet hostis.  
 Nunc geminas Alpes Apenninumque minatur,  
 Nunc freta Sicaniae et Scyllaei litoris undas;  
 Nec procul est, quin iam manes umbrasque pa- 335  
 uescat

? Dardanias; tanta accumulatur praekoniam leto  
 Uulneribusque uirum ac tollit sub sidera gentem.  
 Mortalem, mihi crede, licet formidine turpi  
 Frigida corda tremant, mortalem sumimus hostem.  
 Uidi ego, cum, geminas artis post terga catenis 340  
 Euinctus palmas, uulgo traheatur ouante  
 Carceris in tenebras spes et fiducia gentis  
 Regulus Hectoreae; uidi, cum robore pendens  
 Hesperiam cruce sublimis spectaret ab alta.  
 Nec uero terrent puerilia protinus ora 345  
 Sub galea et pressae properata casside malae.  
 Indole non adeo segni sumus. aspice, turmae  
 Quot Libycae certant annos anteire labore  
 Et nudis bellantur equis. ipse, aspice, ductor,  
 Cum primam tenero uocem proferret ab ore, 350  
 Iam bella et lituos ac flammis urere gentem

323 retorquentes *Burmann* 325 obsistis *S* absistis *uulgo*  
 332 interrogationis signum post uiro tollit *van Veen* 333 mi-  
 natur *LF* minati *O* (*sed m. 2 tus suprascr.*) minaci *V* minari  
*Heinsius* 337 ac tollit sub sidera *g.* *Ch* attollit *L* ad si-  
 dera *OV* 339 tremant *L ex corr.* *p*mant *FOV* 341 Euinc-  
 tus *ChLF* Succinctus *OV* 348 Quo *Bothe*

Iurabat Phrygiam atque animo patria arma mouebat.  
Proinde polo crescant Alpes, astrisque coruscos  
Apenninus agat scopulos: per saxa niuesque —  
Dicam etenim, ut stimulent atram uel inania 355  
mentem —

Per caelum est qui pandat iter. pudet Hercule tritas  
Desperare uias laudemque timere secundam.  
Sed Libyae clades et primi incendia belli  
Aggerat atque iterum pro libertate labores  
Hannon ferre uetat. ponat formidinis aestus 360  
Parietibusque domus imbellis femina seruet  
Singultantem animam; nos, nos contra ibimus hostem,  
Quis procul a Tyria dominos depellere Byrsa,  
Uel Ioue non aequo, fixum est. sin fata repugnant,  
Et iam damnata cessit Carthagine Mauors, 365  
Occumbam potius nec te, patria inclita, dedam  
Aeternum famulam liberque Acheronta uidebo.  
Nam quae, pro superi! Fabius iubet? ocius arma  
Exuite et capta descendite ab arce Sagunti.  
Tum delecta manus scutorum incendat acervos, 370  
Uranturque rates, ac toto absistite ponto.  
Di, procul o, merita est numquam si talia plecti  
Carthago, prohibete nefas nostrique solutas  
Ductoris seruare manus! Ut deinde resedit —  
[Factaque censendi patrum de more potestas, 375  
Hic Hannon reddi propere certamine rapta  
Instat et auctorem uiolati foederis addit] —  
Tum uero attoniti, ceu templo irrumperet hostis,

352 patrio **O** — post hunc uersum deteriores codd. exhibent: ultor erit caedis iam te spectante propinquae. *h. u. deest in Col. et S* (*T. p. 227*) 353 Proinde **F** Satque **L** in rasura Propinque polo **OV** (*T. p. 227 et 243*) — astrisque **Cm** *Ep. 76 Ch* astusque **V** (*T. p. 220*) 355 artam *Ernesti et Bothe* 364 repugnant **S** repugnent *edd. nonnullae* 366 dedam **Cm** *Ep. 81* dudum **S** (*T. p. 248*) ductam *Chory* 372 unquam *Buchwald* 374 ut **Cm** *Ep. 81* 375—377 *desunt in Col. teste Modio* (*T. p. 173*). cum *Thilone* spurios hos uersus esse iudico 377 addit **S** addi *Gronovius et Heinsius*



Exiluere patres, Latioque id uerteret omen,  
 Orauere deum. At postquam discordia sensit 380  
 Pectora et infidas ad Martem uergere mentes,  
 Non ultra patiens Fabius rexisse dolorem,  
 Consilium propere exposcit, patribusque uocatis,  
 Bellum se gestare sinu pacemque profatus,  
 Quid sedeat, legere ambiguus neu fallere dictis 385  
 Imperat ac, saeuo neutrum renuente senatu,  
 Ceu clausas acies gremioque effunderet arma:  
 'Accipite infaustum Libyae euentuque priori  
 Par', inquit, 'bellum' — et laxos effundit amictus.  
 Tum patrias repetit pugnandi nuntius arces. 390

Atque ea dum profugae regnis agitantur Elissae,  
 Accisis uelox populis, quis aegra lababat  
 Ambiguo sub Marte fides, praedaque grauatus  
 Ad muros Poenus reuocauerat arma Sagunti.

Ecce autem clipeum saeuo fulgore micantem 395  
 Oceani gentes ductori dona ferebant,  
 Callaicae telluris opus, galeamque coruscis  
 Subnexam cristis, uibrant cui uertice coni  
 Albentis niueae tremulo nutamine pennae;  
 Ensem unam ac multis fatalem milibus hastam. 400  
 Praeterea textam nodis auroque trilicem  
 Loricam, nulli tegimen penetrabile telo.

Haec, aere et duri chalybis perfecta metallo  
 Atque opibus perfusa Tagi, per singula laetis  
 Lustrat ouans oculis et gaudet origine regni: 405

380 ac **S** — sensit **Ch** sentit **V** 382 rexisse **Ch** 383 Con-  
 silium *Koch* Concilium **S** propere exposcit **S** exp. prop. *uulgo* —  
*uu.* 383 et 387 eiciendos esse putant *Ruperti et Thilo* 392 Ac-  
 cis *Barth* Accitis **S** Ascitis *Liuius et Drakenborch* Attritis  
*Heinsius* Afflictis *Withof* Pacatis *Schrader* Accessis *Koch*  
 398 Subnexam *scr.* Subnixam **S** Suffixam *Schrader* 399 Al-  
 bentis **Ch** Ardentis *Bothe* 400 unam ut coni. *Koch* **Ch** **LF**  
 unum **OV** unum *Chory* 401 texam **Ch** intexam *Heinsius*  
 nexam *Ruperti* 402 Loricam nulli **Ch** **O** Loricam et nulli **LFV**  
 405 et gaudet or. **Ch** gaudetque i origine **L** (i m. 1 *suprascr.*)  
 gaudetque **F** gaudetque et or. **OV**



<sup>work</sup> Condebat <sup>fortress</sup> primae Dido Carthaginiſ arces,  
<sup>falling down</sup> Instabatque <sup>fallen down</sup> operi, subducta classe, iuuentus.  
Molibus hi claudunt portus, his tecta domosque  
Partiris, iustae Bitia uenerande senectae.  
Ostentant caput effossa tellure, repertum 410  
Bellatoris equi atque omen clamore salutant.  
Has inter species orbatum classe suisque  
Aenean pulsum pelago dextraque precantem  
Cernere erat. fronte hunc auide reginā serena  
Infelix ac iam uultu spectabat amico. 415  
Hinc et speluncam furtiuaeque foedera amantum  
Callaicae fecere manus; it clamor ad auras  
Latratuſque canum, subitoque exterrita nimbo  
Occultant alae uenantum corpora siluis.  
Nec procul Aeneadam uacuo iam litore classis 420  
Aequora nequicquam reuocante petebat Elissā.  
Ipsa, pyram super ingentem stans, saucia Dido  
Mandabat Tyriis ultricia bella futuris;  
Ardentemque roguſ mediā spectabat ab unda  
Dardanus et magnis pandebat carbasa fatiſ. 425  
Parte alia, supplex inferniſ Hannibal aris  
Arcanum Stygia libat cum uate cruorem  
Et primo bella Aeneadam iurabat ab aeuo.  
At senior Siculis exultat Hamilcar in aruiſ —  
Spirantem credas certamina anheld mouere, 430  
Ardor inest oculiſ, toruumque minatur imago.  
Necnon et laeuum clipei latus aspera signiſ  
Implebat Spartana cohors; hanc ducit ouantem  
Ledaeiſ ueniens uictor Xanthippus Amycliſ.  
Iuxta triste decus pendet sub imagine poenae 435  
Regulus et fidei dat magna exempla Sagunto.

408 domosque s domusque edd. 413 Aenean, quod  
 Heinsius suaserat, LfV Aeneam O 421 petebat Cd  
 (T. p. 214) preibat L peribat F pibat OV redibat Barth operibat  
 Heinsius tenebat Burmann secabat Wilhof premebat Lefebure  
 429 Ac s — aruiſ fV armiſ LO 436 sagunto corr. m. 2 ex  
 saguntos O saguntos LfV

Laetior at circa facies, agitata ferarum  
 Agmina uenatu et caelata mapalia fulgent.  
 Nec procul <sup>BURNED SKINS</sup>usta cutem nigri soror horrida Mauri  
 Assuetas mulcet patrio sermone leaenas. <sup>LIONES</sup> 440  
 It liber campi pastor, cui fine sine ullo  
 Inuettitum saltus penetrat pecus; omnia Poenum  
 Armenti uigilem patrio de more secuntur;  
 Gaesaque latratorque Cydon tectumque focique  
 In silicis uenis et fistula nota iuuenicis. 445  
 Eminet excelso consurgens colle Saguntos,  
 Quam circa immensi populi condensaque cingunt  
 Agmina certantum pulsantque trementibus hastis.  
 Extrema clipei stagnabat Hiberus in ora,  
 Curuatis claudens ingentem flexibus orbem. 450  
 Hannibal, abrupto transgressus foedere ripas,  
 Poenorum populos Romana in bella uocabat.  
 Tali sublimis dono, noua tegmina latis  
 Aptat concutiens humeris celsusque profatur:  
 'Heu quantum Ausonio sudabitis, arma, cruore! 455  
 Quas, belli iudex, poenas mihi, Curia, pendes!  
 Iamque senescebat uallatus moenibus hostis,  
 Carpebatque dies urbem, dum signa manusque  
 Expectant fessi socias. tandem aequore uano  
 Auertunt oculos frustrataque litora ponunt 460  
 Et propius suprema uident. sedet acta medullis  
 Iamdudum atque inopes penitus coquit intima pestis.  
 Est furtim lento misere durantia tabo  
 Uiscera et exurit siccitas sanguine uenas  
 Per longum celata fames; iam lumina retro 465

437 at V ac LFO 438 uenātū L 448 mulcet patrio S  
 patr. mulc. uulgo 441 campi Cm Ep. 81 campis V 445 ui-  
 uentis O 447 circa LFO circum V 456 iudex ChS corr. m.  
 2 in iudex L 457 uallatus Cm Ep. 81 LF uallatis OV  
 459 uanos Burmann uani Lefebure 460 norunt Chory  
 463 misere Ch LF miseris OV — rurantia Heinsius ardentia  
 Schrader rugantia Chory — lenta macies d. tabe Bentley  
 465 fames] sitis Bentley

Exesis fugere genis, iam lurida sola  
 Tecta cute et uenis male iuncta trementibus ossa  
 Extant, consumptis uisu deformia membris.  
 Humentis rores noctis terramque madentem  
 Solamen fecere mali, cassoque labore 470  
 E sicco frustra presserunt robore sucos.  
 Nil temerare piget; rabidi ieiunia uentris  
 Insolitis adigunt uesci; resolutaque, nudos  
 Linquentes clipeos, armorum tegmina mandunt.

Desuper haec caelo spectans Tirynthius alto 475  
 Illacrimat fractae nequicquam casibus urbis.  
 Namque metus magnique tenent praecepta parentis,  
 Ne saeuae tendat contra decreta nouercae.  
 Sic igitur, coepta occultans, ad limina sanctae  
 Contendit Fidei secretaque pectora tentat. 480  
 Arcanis dea laeta polo tum forte remoto  
 Caelicolum magnas uoluebat conscia curas;  
 Quam tali alloquitur Nemeae pacator honore:  
 ‘Ante Iouem generata, decus diuumque hominumque,  
 Qua sine non tellus pacem, non aequora norunt, 485  
 Iustitiae consors tacitumque in pectore numen,  
 Exitiumne tuae dirum spectare Sagunti  
 Et tot pendentem pro te, dea, cernere poenas  
 Urbem lenta potes? moritur tibi uulgus, et unam  
 Te matres, uincente fame, te maesta uirorum 490  
 Ora uocant, primumque sonant te uoce minores.  
 Fer caelo auxilium et fessis da surgere rebus’.

Haec satus Alcmena; contra cui talia uirgo:  
 ‘Cerno equidem, nec pro nihilo est mihi foedera rumpi;  
 Statque dies, ausis olim tam tristibus ultor. 495  
 Sed me, pollutas properantem linguere terras,  
 Sedibus his tectisque nouis succedere adegit  
 Fecundum in fraudes hominum genus; impia liqui

---

467 nervis *Lefebure* 469 Humentis *ex corr.* L Umen-  
 tis Ch O Uiuentis FV Uuentis Barth 483 tali — Nemeae Cm  
 Ep. 83 uenie LOV nemae F 497 nouis OV iouis LF

Et, quantum terrent, tantum metuentia regna  
 Ac furias auri nec uilia praemia fraudum 500  
 Et super haec ritu horrificos ac more ferarum  
 Uiuentis raptō populos luxuque solutum  
 Omne decus multaque oppressum nocte pudorem.  
 Uis colitur, iurisque locum sibi uindicat ensis,  
 Et probris cessit uirtus. en, aspice gentes: 505  
 Nemo insons; pacem seruant commercia culpaē.  
 Sed securā tuā fundatā ut moenia dextra  
 Dignū te seruent memorando fine uigorem,  
 Dedita nec fessi tramittant corpora Poeno —  
 Quod solum nunc fata sinunt seriesque futuri — 510  
 Extendam leti decus atque in saecula mittam  
 Ipsaque laudatas ad manes prosequar umbras’.

Inde seuera leui decurrens aethere uirgo  
 Luctantem fati petit inflammata Saguntum;  
 Inuadit mentes et pectora nota pererrat 515  
 Immittitque animis numen. tum, fusa medullis,  
 Implicat atque sui flagrantem inspirat amorem.  
 Arma uolunt tentantque aegros ad proelia nisus.  
 Insperatus adest uigor, interiusque recursat  
 Dulcis honor diuā et sacrum pro uirgine letum. 520  
 It tacitus fessis per ouantia pectora sensus,  
 Uel leto grauiora pati saeuasque ferarum  
 Attentare dapes et mensis addere crimen.  
 Sed prohibet culpa pollutam extendere lucem  
 Casta Fides paribusque famem compescere mem- 525  
 bris.

Quam simul inuisae gentis conspexit in arce,  
 Forte ferens sese Libycis Saturnia castris,  
 Uirgineum increpitat miscentem bella furorem  
 Atque, ira turbata gradum, ciet ocus atram

---

500 Ac LF Et OV      507 Sed si cura *Heinsius* sessura  
 (= casura cf. u. 549) *Bothe*      513 leui Cm *Ep.* 83 V ioui LFO  
 521 It Ch LF Et OV      522 foedasque *Burmān* — suorum  
*Bentley*      526 conspexit Ch LF inspexit OV      529 ira Ch LF  
 ita OV



Tisiphonen, imos agitantem uerbere manes, 530  
 Et palmas tendens: 'Hos', inquit, 'noctis alumna,  
 Hos muros impelle manu populumque ferocem  
 Dextris sterne suis; Iuno iubet, ipsa propinqua  
 Effectus studiumque tuum de nube uidebo.  
 Illa deos summumque Iouem turbantia tela, 535  
 Quis Acheronta moues, flammam immanesque chelydros  
 Stridoremque tuum, quo territa comprimit ora  
 Cerberus, ac, mixto quae spumant felle, uenena  
 Et quicquid scelerum, poenarum quicquid et irae  
 Pectore fecundo coquitur tibi, congere praeceps 540  
 In Rutulos totamque Erebo demitte Saguntum.  
 Hac mercede Fides constet delapsa per auras'.

Sic uoce instimulans dextra dea concita saeuam  
 Eumenida incussit muris; tremuitque repente  
 Mons circum, et grauior sonuit per litora fluctus. 545  
 Sibilat insurgens capiti et turgentia circa  
 Multus colla micat squalenti tergore serpens.  
 Mors graditur, uasto caua pandens guttura rictu,  
 Casuroque inhiat populo: tunc Luctus et atri  
 Pectora circumstant Planctus Maerorque Dolorque, 550  
 Atque omnes assunt Poenae, formaque trifauci  
 Personat insomnis lacrimosae Ianitor aulae.  
 Protinus assimulat faciem mutabile monstrum  
 Tiburnae gressumque simul sonitumque loquenti.  
 Haec bello uacuos et saeui turbine Martis 555  
 Lugebat thalamos, Murro spoliata marito;  
 Clara genus Daunique trahens a sanguine nomen.  
 Cui uultus induta pares disiectaue crinem

---

531 palma ostendens *Heinsius* palmam tendens *Lefebure*  
 533 suis *Cm Ep. 41 Cc Em. II. 4 LF* tuis *OV* 534—537 uerba  
 de nube uidebo — quo territa *inser. Cm et Cc ll. ll. in S legitur:*  
 studiumque tuum quo comprimit ora (*T. p. 173. 238. 240*)  
 546 circa *Ch S* circum *uulgo* 548 caua pandens *g. Ch S* pan-  
 dens caua *uulgo* 553 adsimilat *Ruperti* 554 loquenti *S*  
 loquentis *uulgo* 557 Daunique *Cc Em. II. 4* clarumque *S* —  
 a sanguine *Cc l. l.*



Eumenis, in medios irrumpit turbida coetus  
 Et maestas lacerata genas: 'Quis terminus?' in- 560  
 quit,

'Sat Fidei proavisque datum! uidi ipsa cruentum,  
 Ipsa meum uidi lacerato uulnere nostras  
 Terrentem Murrum noctes et dira sonantem:  
 Eripe te, coniux, miserandae casibus urbis  
 Et fuge, si terras adimit uictoria Poeni, 565  
 Ad manes, Tiburna, meos; cecidere penates,  
 Occidimus Rutuli, tenet omnia Punicus ensis.  
 Mens horret, nec adhuc oculis absistit imago.  
 Nullane iam posthac tua tecta, Sagunte, uidebo?  
 Felix, Murre, necis patriaque superstita felix. 570  
 At nos, Sidoniis famulatum matribus actas,  
 Post belli casus uastique pericula ponti  
 Carthago aspiciet uictrix; tandemque suprema  
 Nocte obita, Libyae gremio captiua iacebo.  
 Sed uos, o iuuenes, uetuit quos conscia uirtus 575  
 Posse capi, quis telum ingens contra aspera mors est,  
 Uestris seruitio manibus subducite matres.  
 Ardua uirtutem profert uia. pergite primi  
 Nec facilem populis nec notam inuadere laudem'.

His ubi turbatas hortatibus impulit aures, 580  
 Inde petit tumulum, summo quem uertice montis  
 Amphitryoniades spectandum ex aequore nautis  
 Struxerat et grato cineres decorarat honore.  
 Excitus sede, horrendum! prorumpit ab ima  
 Caeruleus maculis auro squalentibus anguis; 585  
 Ignea sanguinea radiabant lumina flamma,  
 Oraque uibranti stridebant sibila lingua;  
 Isque inter trepidos coetus mediamque per urbem  
 Uoluitur et muris propere delabitur altis

561 Sat — datum *Cc l. l.* 562 laceratum *Thilo* — funere  
*Lefebure* laniato funere uel laniatum uulnere *Ruperti* 571 *Ac*  
*LFO* *Hac V* 573 *Suprema Bothe et van Veen* supremum *S*  
 574 *Nocte Ch S* Morte uulgo 575 concita uel insita *Schrader*  
 578 praefert *Heinsius*

Ac similis profugo uicina ad litora tendit 590  
Spumantisque freti praeceps immergitur undis.

Tum uero excussae mentes, ceu prodita tecta  
Expulsi fugiant manes, umbraeque recusent  
Captiuo iacuisse solo. sperare saluti  
Pertaesum, damnantque cibos, agit abdita Erinnyes. 595  
Haud grauior duris diuum inclementia rebus,  
Quam leti proferre moras; abrumpere uitam  
Ocius attoniti quaerunt lucemque grauantur.  
Certatim structus surrectae molis ad astra  
In media stetit urbe rogos; portantque trahuntque 600  
Longae pacis opes quaesitaque praemia dextris,  
Callaico uestes distinctas matribus auro  
Armaque Dulichia proauis portata Zacyntho  
Et prisca aduectos Rutulorum ex urbe penates;  
Huc, quicquid superest captis, clipeosque simulque 605  
Infaustos iaciunt enses et condita bello  
Effodiunt penitis terrae gaudentque superbi  
Uictoris praedam flammis donare supremis.

Quae postquam congesta uidet feralis Erinnyes,  
Lampada flammiferis tinctam Phlegethontis in undis 610  
Quassat et inferna superos caligine condit.  
Inde opus aggressi, toto quod nobile mundo  
Aeternum inuictis infelix gloria seruat.  
Princeps Tisiphone, lentum indignata parentem,  
Pressit ouans capulum cunctantemque impulit ense 615  
Et dirum insonuit Stygio bis terque flagello.  
Inuitas maculant cognato sanguine dextras

---

592 excussae mentes **Cm** *Ep. 81* excussi amentes **S** 594 iacuisse **Ch** latuisse **LOV** (*in L m. 1 corr. ut uidetur ex licuisse*)  
icuisse **F** — salutem *van Veen* 595 damnantque cibos **Ch**  
— abdita **LO** adita **FV** addita *cod. Put. et con. Gronouius*  
597 perferre **S** 601 Longae **Cm** *Ep. 81* Longas **S** 605 captis]  
raptim *Ruperti arcis Chory* 607 penitis *scr. cum uiro*  
*quodam, quem laudat Drakenborch a. h. l.* penitus **S** — terre **S**  
terra *edd. ex con. Dausquei* 610 tinctam **L** tractam **FOV**  
613 uictis *Heinsius et Bothe* 614 parentem **Cm** *Ep. 34 S*  
(*in L tamen m. 1 suprascr. parentum*)

Miranturque nefas auersa mente peractum  
 Et facto sceleri illacrimant. hic, turbidus ira  
 Et rabie cladum perpessaeque ultima uitae, 620  
 Obliquos uersat materna per ubera uisus;  
 Hic, raptam librans dilectae in colla securim  
 Coniugis, increpitat sese mediumque furorem  
 Proiecta damnat stupefactus membra bipenni.  
 Nec tamen euasisse datur; nam uerbera Erinnyes 625  
 Incutit atque atros insibilat ore tumores.  
 Sic thalami fugit omnis amor, dulcesque marito  
 Effluxere tori, et subiere obliuia taedae.  
 Ille iacit, totis connisus uiribus, aegrum  
 In flammis corpus, densum qua turbine nigro 630  
 Exundat fumum piceus caligine uertex.

At medios inter coetus pietate sinistra,  
 Infelix Tymbrene, furis, Poenoque parentis  
 Dum properas auferre necem, reddentia formam  
 Ora tuam laceras temerasque simillima membra. 635  
 Uos etiam primo gemini cecidistis in aeuo,  
 Eurymedon fratrem et fratrem mentite Lycorma,  
 Cuncta pares; dulcisque labor sua nomina natis  
 Reddere et in uultu genetrici stare suorum.  
 Iam fixus iugulo culpa te soluerat ensis, 640  
 Eurymedon, inter miserae lamenta senectae,  
 Dumque malis turbata parens deceptaque uisis:  
 'Quo ruis? huc ferrum', clamat, 'conuerte, Lycorma',  
 ✓ Ecce simul iugulum perfoderat ense Lycormas.  
 Sed magno: 'Quinam, Eurymedon, furor iste?' so- 645  
 nabat

Cum planctu, geminaeque nota decepta figurae,

618 auersa Cm l. l. aduersa O 620 perpessusque Lefebure  
 626 tumores O timores LFV 629 connisus Heinsius con-  
 nisum Cm Ep. 34 F connixum LOV 631 fumum Cm l. l.  
 fumans S sed in F um m. 2 suprascr. (T. p. 233) — picea  
 van Veen 634 reddentia Cm l. l. 639 stare suorum Ch  
 errare Schrader 645 quinam Cm l. l. 646 nota Ch  
 notis S

Funera mutato reuocabat nomine mater,  
 Donec, transacto tremebunda per ubera ferro,  
 Tunc etiam ambiguos cecidit super inscia natos.

Quis diros urbis casus laudandaque monstra 650

Et Fidei poenas ac tristia fata piorum

Imperet euoluens lacrimis? uix Punica fletu  
 Cessassent castra ac miserescere nescius hostis.

Urbs, habitata diu Fidei caeloque parentem  
 Murorum repetens, ruit inter perfida gentis 655

Sidoniae tela atque immania facta suorum,

Iniustis neglecta deis; furit ensis et ignis,

Quique caret flamma, scelerum est locus. erigit atro  
 Nigrantem fumo rogos alta ad sidera nubem.

Ardet in excelso proceri uertice montis 660

Arx, intacta prius bellis — hinc Punica castra

Litoraue et totam soliti spectare Saguntum —

Ardent tecta deum. resplendet imagine flammae

Aequor, et in tremulo uibrant incendia ponto.

Ecce inter medios caedum Tiburna furores, 665

Fulgenti dextram mucrone armata mariti

Et laeua infelix ardentem lampada quassans

Squalentemque erecta comam ac liuentia planctu

Pectora nudatis ostendens saeua lacertis,

Ad tumulum Murri super ipsa cadauera fertur. 670

Qualis, ubi inferni dirum tonat aula parentis,

Iraque turbatos exercet regia manes,

Alecto solium ante dei sedemque tremendam

Tartareo est operata Ioui poenasque ministrat.

Arma uiri, multo nuper defensa cruore, 675

Imponit tumulo illacrimans; manesque precata,

---

647 Funera — nomine Cm l. l. 649 Tunc etiam Cm l. l.  
 — hoc loco uu. 665—80 inserendos putat Bothe 651 ac LF  
 et OV — fata Ch LF facta OV 652 Temperet F (cf. u. 205)  
 656 facta S fata Ch 662 solita hinc spectare Heinsius solita  
 inspectare Lefebure 663 resplendet Cm Ep. 34 Cc Em. II. 4  
 665 sqq. cf. ad u. 649 668 erecta OV erepta LF 674 poe-  
 nisque Heinsius



Acciperent sese, flagrantem lampada subdit.  
Tunc rapiens letum: 'Tibi ego haec', ait, 'optime  
coniux,

Ad manes, en, ipsa fero'. Sic ense recepto  
Arma super ruit et flammās inuadit hiatu. 680

Semiambusta iacet nullo discrimine passim  
Infelix obitus, permixto funere, turba.  
Ceū, stimulante fame, cum uictor ouilia tandem  
Faucibus inuasit siccis leo, mandit hianti  
Ore fremens imbelles pecus, patuloque redundat 685  
Gutturē ructatus large cruor; incubat atris  
Semēsae stragis cumulis, aut, murmure anhelo  
Infrendens, laceros inter spatiat̄ur acervos.

Late fusa iacent pecudes custosque Molossus  
Pastorumque cohors stabulique gregisque magister, 690  
Totaque uastatis disiecta mapalia tectis.

Irrumpunt uacuum Poeni tot cladibus arcem.  
Tum demum ad manis, perfecto munere, Erinnys  
Iunoni laudata redit magnamque superba  
Exultat rapiens secum sub Tartara turbam. 695

At uos, sidereae, quas nulla aequauerit aetas,  
Ite, decus terrarum, animae, uenerabile uulgus,  
Elysium et castas sedes decorate piorum.

Cui uero non aequa dedit uictoria nomen —  
Audite, o gentes, neu rumpite foedera pacis 700  
Nec regnis postferte fidem! — uagus exul in orbe  
Errabit toto, patriis proiectus ab oris,  
Tergaque uertentem trepidans Carthago uidebit.

Saepe Saguntinis somnos exterritus umbris  
Optabit cecidisse manu; ferroque negato, 705  
Inuictus quondam Stygias bellator ad undas  
Deformata feret liuenti membra ueneno.

---

686 ruptatus L (cf. I. 525, II. 668) — artis Schrader 691 sep-  
tis Heinsius 697 uulgus Elysio Heinsius 699 Cui Ch F  
Quis LOV



SILI ITALICI  
P U N I C O R U M

## LIBER TERTIUS.

Postquam rupta fides Tyriis, et moenia castae,  
 Non aequo superum genitore, euersa Sagunti,  
 Extemplo positos finiti cardine mundi  
 Uictor adit populos cognataque limina Gades.  
 Nec uatum mentes agitare et praescia corda 5  
 Cessatum super imperio. citus aequore Bostar  
 Uela dare et rerum praenoscere fata iubetur.  
 Prisca fides adytis longo seruatur ab aeuo,  
 Qua sublime sedens, Cirrhaeis aemulus antris,  
 Inter anhelantis Garamantas corniger Hammon 10  
 Fatidico pandit uenientia saecula luco.  
 Hinc omen coeptis et casus scire futuros  
 Ante diem bellique uices nouisse petebat.  
 Exin clauigeri ueneratus numinis aras  
 Captiuis onerat donis, quae nuper ab arce 15  
 Uictor fumantis rapuit semusta Sagunti.  
 Uulgatum, nec cassa fides, ab origine fani  
 Impositas durare trabes solasque per aeuum  
 Condentum nouisse manus. hinc credere gaudent  
 Consedissee deum seniumque repellere templis. 20  
 Tum, quis fas et honos adyti penetralia nosse,  
 Femineos prohibent gressus ac limine curant  
 Saetigeros arcere sues; nec discolor ulli  
 Ante aras cultus; uelantur corpora lino,  
 Et Pelusiaco praefulget stamine uertex. 25  
 Discinctis mos tura dare atque e lege parentum  
 Sacrificam lato uestem distinguere clauo.

14 clauigeri] cornigeri Cm *Ep.* 34 S    19 hinc Ch    21 quis V  
 qui LO q F    25 Et Pelusiaco Cd    26 e om. OV

Pes nudus tonsaeque comae castumque cubile;  
 Irrestincta focis seruant altaria flammae.  
 Sed nulla effigies simulacraue nota deorum 30  
 Maiestate locum et sacro impleuere timore.

In foribus labor Alcidae: Lernaea recisis  
 Anguibus hydra iacet, nexuque elisa leonis  
 Ora Cleonaei patulo caelantur hiatu.

At Stygius, saeuis terrenis latratibus umbras, 35  
 Ianitor, aeterno tum primum tractus ab antro,  
 Uincla indignatur, metuitque Megaera catenas.

Iuxta Thraces equi pestisque Erymanthia et altos  
 Aeripedis ramos superantia cornua cerui.  
 Nec leuior uinci Libycae telluris alumnus 40

Matre super stratique genus deforme bimembres  
 Centauri frontemque minor nunc amnis Acarnan.  
 Inter quae fulget sacratis ignibus Oete,  
 Ingentemque animam rapiunt ad sidera flammae.

Postquam oculos uaria impleuit uirtutis imago, 45  
 Mira dehinc cernit: surgentis mole profundi  
 Iniectum terris subitum mare nullaue circa  
 Litora et infuso stagnantis aequore campos.

Nam qua caeruleis Nereus euoluitur antris  
 Atque imo freta contorquet Neptunia fundo, 50  
 Proruptum exundat pelagus, caecosque relaxans  
 Oceanus fontis torrentibus ingruit undis.

Tum uada, ceu saeuo penitus permota tridenti,  
 Luctantur terris tumefactum imponere pontum.  
 Mox remeat gurgis tractoque relabitur aestu, 55

---

29 flammas *Bothe et van Veen* 30 nullae *Heinsius*  
 34 cleonaei **F** cleonea **LV** cleonaea **O** 35 At **S** Ast *uulgo*  
*cf. L. Müller, d. r. m. 395* — Stygias *Burmman et van Veen*  
 39 cervi **Ch S** cervae *uulgo* 42 amnis *cod. Put. frontemque*  
 minor nunc omnis Acarnan **Ch LF** fr. rumor n. o. **OV** (*T. p. 224*)  
 nunc] truncam *Heinsius* 47 Iniectum **F** *ex corr.* Inuec-  
 tum **LOV** 51 Proruptum **Ch LF** Proruptum **OV** — relap-  
 sans **L** 52 Oceanus **Ch** 55 fractoque *Heinsius* stratoque  
*Ruperti* tardoque *Chory*

Ac ratis erepto campis deserta profundo,  
 Et fusi transtris expectant aequora nautae.  
 Cymothoes ea regna uagae pelagique labores  
 Luna mouet, Luna, immissis per caerula bigis, 59  
 Fertque refertque fretum, sequiturque reciproca Tethys.

Haec propere spectata duci; nam multa fatigant.  
 Curarum prima exercet, subducere bello  
 Consortem thalami paruumque sub ubere natum.  
 Uirgineis iuuenem taedis primoque Hymenaeo  
 Imbuerat coniux memorique tenebat amore. 65  
 At puer, obsessae generatus in ore Sagunti,  
 Bissenos Lunae nondum compleuerat orbes.  
 Quos ut seponi stetit et secernere ab armis,  
 Affatur ductor: 'Spes o Carthaginis altae,  
 Nate, nec Aeneadum leuior metus, amplior, oro, 70  
 Sis patrio decore et factis tibi nomina condas,  
 Quis superes bellator auum; iamque aegra timoris  
 Roma tuos numerat lacrimandos matribus annos.  
 Ni praesaga meos ludunt praecordia sensus,  
 Ingens hic terris crescit labor; ora parentis 75  
 Agnosco toruaque oculos sub fronte minacis  
 Uagitumque grauem atque irarum elementa mearum.  
 Si quis forte deum tantos inciderit actus  
 Et nostro abrumpat leto primordia rerum,  
 Hoc pignus belli, coniux, seruare labora. 80  
 Cumque datum fari, duc per cunabula nostra;  
 Tangat Elissaeas palmis puerilibus aras  
 Et cineri iuret patrio Laurentia bella.  
 Inde ubi flore nouo pubescet firmior aetas,  
 Emicet in Martem et, calcato foedere, uictor 85

---

56 Stat ratis *Liuiineius et Heinsius* 57 Et fusi *Ch S*  
 Effusi *vulgo* 58 Cymothoes *F ex corr.* Cymotheos *LOV*  
 61. 62 fatigant. Curarum p. e. *Cm Ep. 98* 66 At *V Ac LFO*  
 68 secedere *Buchwald* 72 Qui *S* — iam gesta aegra ti-  
 moris *O* 73 numerat (*t suprascr.*) *V* numerata *LFO* numeret  
*vulgo* 78 tantis inuiderit actis *Bentley* 79 Et *Liuiineius*  
*et Bentley* Ut *S*

In Capitolina tumulum mihi uindicet arce.  
 Tu uero, tanti felix quam gloria partus  
 Expectat, ueneranda fide, discede periclis  
 Incerti Martis durosque relinque labores;  
 Nos clausae niuib. rupes suppostaque caelo 90  
 Saxa manent; nos Alcidae, mirante nouerca,  
 Sudatus labor et, bellis labor acrior, Alpes.  
 Quod si promissum uertat Fortuna fauorem  
 Laeuaque sit coeptis, te longa stare senecta  
 Aeuumque extendisse uelim; tua iustior aetas, 95  
 Ultra me improperae ducant cui fila sorores.'

Sic ille. at contra Cirrhaei sanguis Imilce  
 Castalii, cui materno de nomine dicta  
 Castulo Phoebei seruat cognomina uatis,  
 Atque ex sacrata repetebat stirpe parentes; 100  
 Tempore quo Bacchus populos domitabat Hiberos,  
 Concutiens thyrsos atque armata Maenade Calpen,  
 Lasciuo genitus Satyro nymphaque Myrice,  
 Milichus indigenis late regnabat in oris,  
 Cornigeram attollens genitoris imagine frontem. 105  
 Hinc patriam clarumque genus referebat Imilce,  
 Barbarica paulum uitiatum nomine lingua.  
 Quae tunc sic lacrimis sensim manantibus infit:  
 'Mene, oblite tua nostram pendere salute,  
 Abnuis inceptis comitem? sic foedera nota 110  
 Primitiaeque tori, gelidos ut scandere tecum  
 Deficiam montis coniux tua? crede uigori  
 Femineo; castum haud superat labor ullus amorem.  
 Sin solo aspicimur sexu, fixumque relinqui,  
 Cedo equidem nec fata moror; deus annuat, oro: 115

91 sic interpunxi cum Bentleio nos, Alcidae m. n. uulgo  
 97 at L ac FOV — Imilce] inulte LOV in ultae corr. m. 2 in  
 in ulcae F Himilce Schlichteisen 99 natis OV unde nati  
 Ruperti et Thilo, sed cf. Schlichteisen p. 17 100 Et quae  
 van Veen, sed cf. I. 290 101 Bacchus] bacelus S 104 regna-  
 bat van Veen regnarat S 106 inulte LO inulce FV 109 sa-  
 lute Ch salutem V quod prob. Bothe 110 nota] nobis Chory  
 111 ut scandere Ch



I felix, i numinibus uotisque secundis  
 Atque acies inter flagrantiaque arma relictæ  
 Coniugis et nati curam seruare memento.  
 Quippe nec Ausonios tantum nec tela nec ignes,  
 Quantum te, metuo; ruis ipsos acer in enses 120  
 Obiectasque caput telis; nec te ulla secundo  
 Euentu satiat uirtus, tibi gloria soli  
 Fine caret, credisque uiris ignobile letum  
 Belligeris in pace mori. tremor implicat artus,  
 Nec quemquam horresco, qui se tibi conferat unus. 125  
 Sed tu, bellorum genitor, miserere nefasque  
 Auerte et serua caput inuiolabile Teucris.'

Iamque adeo egressi steterant in litore primo,  
 Et promota ratis, pendentibus arbore nautis,  
 Aptabat sensim pulsanti carbasa uento, 130  
 Cum, lenire metus properans aegramque leuare  
 Attonitis mentem curis, sic Hannibal orsus:  
 'Ominibus parce et lacrimis, fidissima coniux.  
 Et pace et bello cunctis stat terminus æui,  
 Extremumque diem primus tulit; ire per ora 135  
 Nomen in æternum paucis mens ignea donat,  
 Quos pater ætheriis caelestum destinat oris.  
 An Romana iuga et famulas Carthaginis arces  
 Perpetiar? stimulant manes noctisque per umbras  
 Increpitans genitor; stant arae atque horrida sacra 140  
 Ante oculos, breuitasque uetat mutabilis horae  
 Prolatare diem. sedeamne, ut nouerit una  
 Me tantum Carthago? et, qui sim, nesciat omnis  
 Gens hominum? letique metu decora alta relinquam?  
 Quantum etenim distant a morte silentia uitæ? 145  
 Nec tamen incautos laudum exhorresce furores;  
 Et nobis est lucis honos, gaudetque senecta  
 Gloria, cum longo titulis celebratur in æuo.

---

121 nec ulla S      124 arctus FO armis LV      125 con-  
 ferat V conferet LFO      128 gressi S      136 paucis] pacis S  
 141 horae FV orae L ore O      147 Est nobis et *van Veen*



Te quoque magna manent suscepti praemia belli;  
Dent modo se superi, Thybris tibi seruiet omnis 150  
Iliacaeque nurus et diues Dardanus auri.'

Dumque ea permixtis inter se fletibus orant,  
Confisus pelago celsa de puppe magister  
Cunctantem ciet. abripitur diuulsa marito.  
Haerent intenti uultus et litora seruant, 155  
Donec, iter liquidum uolucris rapiente carina,  
Consumpsit uisus pontus, tellusque recessit.

At Poenus belli curis auertere amorem  
Apparat et repetit properato moenia gressu.  
Quae dum perlustrat crebroque obit omnia uisu, 160  
Tandem sollicito cessit uis dura labori,  
Belligeramque datur somno componere mentem.

Tum pater omnipotens, gentem exercere periclis  
Dardaniam et fama saeuorum tollere ad astra  
Bellorum meditans priscosque referre labores, 165  
Praecipitat consulta uiri segnemque quietem  
Terret et immissa rumpit formidine somnos.  
Iamque per humentem noctis Cyllenius umbram  
Aligero lapsu portabat iussa parentis.

Nec mora. mulcentem securo membra sopore 170  
Aggreditur iuuenem ac monitis incessit amaris:

'Turpe duci totam somno consumere noctem,  
O rector Libyae. uigili stant bella magistro.  
Iam maria effusas cernes turbare carinas  
Et Latiam toto pubem uolitare profundo, 175  
Dum lentus coepti terra cunctaris Hibera.

Scilicet, id satis est decoris memorandaque uirtus,  
Quod tanto cecidit molimine Graia Saguntos?  
En age, si quid inest animo par fortibus ausis,  
Fer gressus agiles mecum et comitare uocantem; 180  
Respexisse ueto — monet hoc pater ille deorum —  
Victorem ante altae statuam te moenia Romae.'

---

150 si *Blass*    154 arripitur *LV*    179 animi, par *Bur-*  
*mann*    181 ipse *Liuius et van Veen*

Iamque uidebatur dextram iniectare graduque  
 Laetantem trahere in Saturnia regna citato,  
 Cum subitus circa fragor et uibrata per auras 185  
 Exterrent saeuis a tergo sibila linguis;  
 Ingentique metu diuum praecepta pauenti  
 Effluxere uiro, et turbatus lumina flectit.  
 Ecce iugis rapiens siluas ac robora uasto  
 Contorta amplexu tractasque per inuia rupes, 190  
 Ater letifero stridebat turbine serpens.  
 Quantus non aequas perlustrat flexibus Arctos,  
 Et geminum lapsu sidus circumligat Anguis,  
 Immani tantus fauces diducit hiatu  
 Attollensque caput nimbosis montibus aequat. 195  
 Congeminat sonitus rupti uiolentia caeli  
 Imbriferamque hiemem permixta grandine torquet.  
 Hoc trepidus monstro — neque enim sopor ille nec  
 altae

Uis aderat noctis, uirgaque fugante tenebras  
 Miscuerat lucem somno deus — ardua quae sit, 200  
 Scitatur, pestis terrasque urgentia membra  
 Quo ferat et quosnam populos deposcat hiatu.  
 Cui gelidis almae Cyllenes editus antris:  
 ‘Bella uides optata tibi. te maxima bella,  
 Te strages nemorum, te moto turbida caelo 205  
 Tempestas caedesque uirum magnaeque ruinae  
 Idaei generis lacrimosaque fata secuntur.  
 Quantus per campos populatis montibus actas  
 Contorquet siluas squalenti tergore serpens  
 Et late humectat terras spumante ueneno, 210  
 Tantus, perdomitis decurrens Alpibus, atro  
 Inuolues bello Italiam tantoque fragore  
 Eruta conuulsis prosternes oppida muris.’

His aegrum stimulis liquere deusque soporque.

---

196 rupti Ch LF rapti OV    197 permixtam Cd (*T. p. 214*)  
 203 altae Bothe    207 sequentur van Veen    211, 212 decur-  
 rens — Inuolues Ch

It membris gelidus sudor, laetoque pauore 215  
 Promissa euoluit somni noctemque retractat.  
 Iamque deum regi Martique sub omine fausto  
 Instauratus honos; niueoque ante omnia tauro  
 Placatus meritis monitor Cyllenius aris.

Extemplo edicit conuellere signa, repensque 220  
 Castra quatit clamor permixtis dissona linguis.

Prodite, Calliope, famae, quos horrida coepta  
 Excierint populos tulerintque in regna Latini,  
 Et quas indomitis urbes armarit Hiberis  
 Quasque Paraetonio glomerarit litore turmas 225

Ausa sibi Libye rerum deposcere frenos  
 Et terris mutare iugum. non ulla nec umquam  
 Saeuior it trucibus tempestas acta procellis;  
 Nec bellum raptis tam dirum mille carinis  
 Acrius infremuit trepidumque exterruit orbem. 230

Princeps signa tulit Tyria Carthagine pubes,  
 Membra leuis celsique decus fraudata superbum  
 Corporis, at docilis fallendi et nectere tectos  
 Numquam tarda dolos. rudis his tum parma, breuique  
 Bellabant ense; at uestigia nuda, sinusque 235

Cingere inassuetum, et rubrae uelamine uestis  
 Ars erat in pugna fusum oculuisse cruorem.  
 His rector fulgens ostro super altior omnis  
 Germanus nitet Hannibalis gratoque tumultu  
 Mago quatit currus et fratrem spirat in armis. 240

Proxima Sidoniis Utica est effusa manipulis,  
 Prisca situ ueterisque ante arces condita Byrsae.

---

222 Prodite Cm *Ep.* 98 et Ch 224 Hiberas Ch — indo-  
 mitus turbas a. Hiberus *van Veen* 228 Saenior LF Senior OV  
 229 ruptis Cd S (*T. p.* 188) rapidis *D. Heinsius* — tam dirum]  
 in Troiam *Salmasius* in Pergama *Heinsius* Graiorum *Ruperti*  
 molitum *Baehrens* trans aequor *Thilo* Atridum *Blass* 233 at Ch  
 ac S 234 radis (*sed u m. 2 suprascr.*) iis tū V radix ijs  
 tum LF radijs tum O rude sutum p. *Heinsius* crates tum p. uel  
 aclis tunc arma *Blass* 235 at Ch ac S 239 nauoque  
*Markland ad Stat. Silv. V. 1. 76*

Tunc, quae Sicanio praecinxit litora muro,  
 In clipei speciem curuatis turribus, Aspis.  
 Sed dux in sese conuerterat ora Sychaeus, 245  
 Hasdrubalis proles, cui uano corda tumore  
 Maternum implebat genus, et resonare superbo  
 Hannibal haud umquam cessabat auunculus ore.

Affuit undosa cretus Berenicide miles,  
 Nec, tereti dextras in pugnam armata dolone, 250  
 Destituit Barce sitientibus arida uenis.  
 Nec non Cyrene Pelopei stirpe nepotis  
 Battiadas prauos fidei stimulauit in arma.  
 Quos trahit, antiquo laudatus Hamilcare quondam,  
 Consilio uiridis, sed belli serus, Ilertes. 255

Sabratha tum Tyrium uulguS Sarranaque Leptis  
 Oeaeque Trinacrios Afris permixta colonos  
 Et Tingim rapido mittebat ab aequore Lixus.  
 Tum Uaga et antiquis dilectus regibus Hippo,  
 Quaeque procul cauit non aequos Ruspina fluctus, 260  
 Et Zama et uberior Rutulo nunc sanguine Thapsus.  
 Ducit tot populos, ingens et corpore et armis,  
 Herculeam factis seruans ac nomine famam,  
 Antaeus celsumque caput super agmina tollit.

Uenere Aethiopes, gens haud incognita Nilo, 265  
 Qui magneta secant; solis honor ille, metalli  
 Intactum chalybem uicino ducere saxo.  
 His simul, immitem testantes corpore solem,  
 Exusti uenere Nubae. non aerea cassis  
 Nec lorica riget ferro, non tenditur arcus; 270

243 Tunc S Tum uulgo 247 implebant S 253 paruos V  
 — Battiadae proauos Heinsius gnauos Barth pariles Bothe  
 255 ilertes S Ilertes Ch 256 Sabratha LV Sabrata FO  
 257 Oeaeque Ch LF Oraque OV 258 tingim V tingun L tin-  
 gum F tingū O Tingingedd. 259 Tamuaga Ch 260 cauit Ch  
 canit S (T. p. 218) 261 Rutulo nunc Ch rutulomine S —  
 thapsus LF tapsus OV Dapsus Ch 263 ac Cm Ep. 98 264 An-  
 taeus FV Antheus LO 266 solis h. ille, m. interpunxi solis  
 h. i. metalli, Int. uulgo soli est h. ille metallo, Int. Rupertii  
 solis h. ille, metallis Bothe 270 non Ch OV nec LF



Tempora multiplici mos est defendere lino  
 Et lino munire latus scelerataque sucis  
 Spicula dirigere et ferrum infamare ueneno.  
 Tum primum castris Phoenicum tendere ritu  
 Cinyphii didicere Macae. squalentia barba 275  
 Ora uiris, humerosque tegunt uelamine capri  
 Saetigero; panda manus est armata cateia.  
 Uersicolor contra caetra et falcatus ab arte  
 Ensis Adyrmachidis ac laeuo tegmina crure.  
 Sed mensis asper populus uictuque maligno; 280  
 Nam calida tristes epulae torrentur harena.  
 Quin et Massyli fulgentia signa tulere,  
 Hesperidum ueniens lucis domus ultima terrae.  
 Praefuit, intortos demissus uertice crinis,  
 Bocchus atrox, qui sacratas in litore siluas 285  
 Atque inter frondes reuirescere uiderat aurum.  
 Uos quoque desertis in castra mapalibus itis,  
 Misceri gregibus Gaetulia sueta ferarum  
 Indomitique loqui et sedare leonibus iras.  
 Nulla domus; plaustri habitant; migrare per arua 290  
 Mos atque errantes circumuectare penates.  
 Hinc mille alipedes turmae — uelocior Euris  
 Et doctus uirgae sonipes — in castra ruebant.  
 Ceu pernix cum densa uagis latratibus implet  
 Uenator dumeta Lacon, aut exigit Umber 295  
 Nare sagax e calle feras, perterrita late  
 Agmina praecipitant uolucres formidine cerui.  
 Hos agit haud laeto uultu nec fronte serena,  
 Asbytes nuper caesae germanus, Acherras.

---

271 Pectora Gronov 273 inflammare Heinsius 274 phe-  
 nicum *m. 1* corr. ex phenum F phemeum LV phenitum O  
 278 caetra Ch 279 Adyrmachidis Cd (*T. p. 215*) adymara-  
 dis L achimaradis OV acinaradis (— cidis *m. 1* *suprascr.*) F  
 285 Bocchus V Boccus LFO 288 Gaetulia sueta Ch getula  
 sueta O gens assueta LFV (*in V m. 1 in marg.* l'getula sueta  
*T. p. 236 et 243*) 290 arma S (*in F arua, sed m. 1* *suprascr.*  
*l'arma T. p. 232*) 292 Hinc Ch LO Huic FV 299 Acherras Ch



Marmaridae, medicum uulguſ, ſtrepuere cateruiſ; 300  
 Ad quorum cantuſ ſerpens oblita ueneni,  
 Ad quorum tactum mites iacuere ceraeſtae.  
 Tum, chalybiſ pauper, Baniurae cruda iuuentuſ,  
 Contenti parca duraeſſe haſtilia flamma,  
 Miſcebant auidi trucibuſ fera murmura linguuſ. 305  
 Necnon Autoloſ, leuibuſ genſ ignea plantiſ;  
 Cui ſonipeſ curſu, cui ceſſerit incituſ amniſ,  
 Tanta fuga eſt; certant pennae, campumque uolatu  
 Cum rapuere, pedum fruſtra ueſtigia quaeraſ.  
 Spectati caſtriſ, quos ſuco nobiliſ arbor 310  
 Et dolci paſcit lotoſ nimis hoſpita bacia.  
 Quique atro rabidaſ efferueſcente ueneno  
 Dipsadaſ immenſiſ horrent Garamanteſ harenis.  
 Fama docet, caeſae rapuit cum Gorgoniſ ora  
 Perſeuſ, in Libyam dirum fluxiſſe cruoreſ; 315  
 Inde Meduſaeiſ terram exundaeſſe chelydriſ.  
 Milibuſ hiſ ductor ſpectatuſ Marte Choaeſpeſ,  
 Neritia Meninge ſatuſ, cui tragula ſemper  
 Fulmineam armabat, celebratuſ miſſile, dextram.  
 Huc coit aequeoreuſ Naſamon, inuadere fluctu 320  
 Audax naufragia et praedaſ auellere ponto;  
 Huc, qui ſtagna colunt Tritonidoſ alta paludiſ,  
 Qua uirgo, ut fama eſt, bellatrix edita lymphae  
 Inuento primam Libyen perfudit oliuo.  
 Necnon totuſ adeſt ueſper populique reſpoſti. 325  
 Cantaber ante omniſ, hiemiſque aeſtuſque famiſque  
 Inuictuſ palmamque ex omni ferre labore.  
 Miruſ amor populo, cum pigra incanuit aeſtaſ,

301 *uerſuſ. deeſt in L* 302 tactum *Cm Ep. 16 ChFOV* tac-  
 tuſ *Cm Ep. 98 (T. p. 210)* 303 Baniurae *Ch bamurae S*  
 Baniurae et *Heinſiuſ* 315 in Libyam *Ch* 317 marte *V*  
 in arce *LO* marce *corr. in arce F (T. p. 232)* — choaeſpeſ *LFV*  
 coaeſpeſ *O* 318 meanige *LF* mauigie *V* mauigie *O* 319 libra-  
 tum *Heinſiuſ* ſcleratuſ uel celeratuſ uel terebratuſ *Schrader*  
 320 Huc *Heinſiuſ* Huic *Ch F* Hinc *LOV* 322 Huc *Ch LO*  
 Hinc *F* Hunc *V*

Imbelles iam dudum annos praeuertere fato  
 Nec uitam sine Marte pati. quippe omnis in armis 330  
 Lucis causa sita, et damnatum uiuere paci.

Uenit et, Aurorae lacrimis perfusus, in orbem  
 Diuersum, patrias fugit cum deuius oras,  
 Armiger Eoi non felix Memnonis Astyr.  
 His paruus sonipes nec Marti notus; at idem 335  
 Aut inconcusso glomerat uestigia dorso,  
 Aut molli pacata celer rapit esseda collo.  
 Cydnus agit, iuga Pyrenes uenatibus acer  
 Metiri iaculoue extendere proelia Mauro.

Uenere et Celtae sociati nomen Hiberis. 340  
 His pugna cecidisse decus, corpusque cremari  
 Tale nefas. caelo credunt superisque referri,  
 Impastus carpat si membra iacentia uultur.

Fibrarum et pennae diuinarumque sagacem  
 Flammarum misit diues Callaecia pubem, 345  
 Barbara nunc patriis ululantem carmina linguis,  
 Nunc, pedis alterno percussa uerbere terra,  
 Ad numerum resonas gaudentem plaudere caetras.  
 Haec requies ludusque uiris, ea sacra uoluptas.  
 Cetera femineus peragit labor; addere sulco 350  
 Semina et impresso tellurem uertere aratro,  
 Segne uiris. quicquid duro sine Marte gerundum,  
 Callaici coniux obit irrequieta mariti.  
 Hos Uiriathus agit Lusitanumque remotis  
 Extractum lustris, primo Uiriathus in aeuo, 355  
 Nomen Romanis pactum mox nobile damnis.

---

329 fato *Bentley* saxo S taxo *Ruperti* 335 natus *Hein-*  
*sius* — at V ac LFO 337 rapit Ch 338 Cydnus Ch Cid-  
 nus *post in lacunam insertum F (T. p. 233)* Cidinis L Erduus  
 OV (*T. p. 221*) Cynus uel Cygnus *Schlichteisen* 340 socia-  
 tum *Wesseling ad Diodor. 356, 18 quod prob. Bothe* 341 ce-  
 cidisse FOV tendisse L 342 Uile *Withof et Schrader* 350 ab-  
 dere *Liuius* 352 gerundum S gerendum *edd.* 354 Uiria-  
 thus Ch *ad X. 220 et F uiriathus LOV* 356 pactum S  
 factum *uulgo* — damnis] daunus S

Nec Cerretani, quondam Tirynthia castra,  
 Aut Uasco, insuetus galeae, ferre arma morati.  
 Non, quae Dardanos post uidit, Ilerda, furores,  
 Nec qui, Massageten monstrans feritate parentem, 360  
 Cornipedis fusa satiaris, Concane, uena.  
 Iamque Ebusus Phoenissa mouet, mouet Arbacus arma,  
 Aclyde uel tenui pugnax instare ueruto;  
 Iam cui Tlepolemus sator et cui Lindus origo,  
 Funda bella ferens Baliaris et alite plumbo; 365  
 Et quos nunc Grauios uiolato nomine Graium  
 Oeneae misere domus Aetolaque Tyde.  
 Dat Carthago uiros, Teucro fundata uetusto,  
 Phocaicae dant Emporiae, dat Tarraco pubem  
 Uitifera et Latio tantum cessura Lyaeo. 370  
 Hos inter clara thoracis luce nitebat  
 Sedetana cohors, quam Suero rigentibus undis  
 Atque altrix celsa mittebat Saetabis arce,  
 Saetabis, et telas Arabum spreuisse superba  
 Et Pelusiaco filum componere lino. 375  
 Mandonius populis domitorque insignis equorum  
 Imperitat Caeso, et socio stant castra labore.  
 At Uettonum alas Balarus probat aequore aperto.  
 Hic adeo, cum uer placidum flatusque tepescit,  
 Concubitus seruans tacitos, grex perstat equarum 380  
 Et Uenerem occultam genitali concipit aura.  
 Sed non multa dies generi, properatque senectus,  
 Septimaque his stabulis longissima ducitur aestas.

---

357 Cerretani Ch LF terretani OV      359 Non quae Ch LF  
 Nec OV      361 fissa Schrader — concaue S      362 Ebusus  
 Heinsius — Arbacus Ch arbatus LFO arbutus O Artabrus uulgo  
 363 Aclyde Ch V Aclide O et ex Acride corr. F Aclyde L  
 364 lindus S Lyndus uulgo      365 Funda Cm Ep. 98 Feruida S  
 (T. p. 242 et 244) — ferens LFV gerens O serens Heinsius —  
 Baliaris Ch balearis S      372 Sedetana Ch (T. p. 211) Hede-  
 tana Cm Ep. 98 — Sedethana L      373 arce Cm l. l.      374 Sae-  
 tabis Ch — superba Cm l. l.      376 Mardonius Bothe      378 Uetto-  
 num Heinsius Uectonum Ch uestonum S      380 perstat Ch S  
 prostat uulgo, quod prob. van Veen      383 aestas Ch LF aetas OV

At non Sarmaticos attollens Uxama muros  
 Tam leuibus persultat equis; hinc uenit in arma 385  
 Haud aevi fragilis sonipes crudoque uigore  
 Asper frena pati aut iussis parere magistris.  
 Rhyndacus his ductor, telum sparus; ore ferarum  
 Et rictu horrificant galeas; uenatibus aeuum  
 Transigitur, uel more patrum uis raptaque pascunt. 390

Fulget praecipuis Parnasia Castulo signis  
 Et celebre Oceano atque alternis aestibus Hispal  
 Ac Nebrissa dei Nysaeis conscia thyrsis,  
 Quam Satyri coluere leues redimitaque sacra  
 Nebride et arcano Maenas nocturna Lyaeo. 395  
 Arganthoniacos armat Carteia nepotes.

Rex proauis fuit humani ditissimus aevi,  
 Ter denos decies emensus belliger annos.  
 Armat Tartessos, stabulanti conscia Phoebo,  
 Et Munda, Emathios Italis paritura labores. 400  
 Nec decus auriferae cessauit Corduba terrae.  
 Hos duxere uiros flauenti uertice Phorcys  
 Spiciferisque grauis bellator Arauricus oris,  
 Aequales aevi; genuit quos ubere ripa  
 Palladio Baetis umbratus cornua ramo. 405

Talia Sidonius per campos agmina ductor  
 Puluere nigrantis raptat lustransque sub armis,  
 Qua uisu comprehendere erat, fulgentia signa

---

384 Uxama *Heinsius* Suxama **Ch LF** smiania **O** suuania **V**  
 (*T. p. 188 et 226*) Sucrana uel Cartama *Ruperti* 387 et  
*Liuius et van Veen* — magistri *Dausqueius* 388 Rhyndacus **V**  
 Rhindacus **FO** Rhydacus **L** Rhodanus *Schlichteisen*  
 391 Fulgent *edd. nonn.* — Parsania **Ch** 393 dei Nysaeis  
*Lachmann ad Lucr. VI. 1067 cum Scaligero* dyoniseis **LV** dioniseis  
**O** dionisseis **F** 395 arcano **Ch** ortano **LFO** hortando **V**  
 (*T. p. 223*) Ortano = Oretano *coni. Rosweidus quidam quem laudat*  
*Dausqueius a. h. l.* Orthano uel Orthanae *Heinsius*  
 399 tarcessos **S** 400 Hemathios *Drakenborch* 402 Phorcys  
**Ch** phorcis **S** 403 Arauricus **Ch F** (*T. p. 230*) aranthicus  
**LO** aranthicus **V** Arauacus *Schlichteisen (cf. V. 557)*  
 405 betes **S**



Ibat ouans longaque umbram tellure trahebat.  
 Non aliter, quotiens perlabitur aequora curru 410  
 Extremamque petit, Phoebea cubilia, Tethyn  
 Frenatis Neptunus equis, fluit omnis ab antris  
 Nereidum chorus et sueto certamine nandi  
 Candida perspicuo conuertunt brachia ponto.

At Pyrenaei frondosa cacumina montis 415  
 Turbata Poenus terrarum pace petebat.

Pyrene celsa nimbosi uerticis arce  
 Diuisos Celtis late prospectat Hiberos  
 Atque aeterna tenet magnis diuortia terris.

Nomen Bebrycia duxere a uirgine colles, 420  
 Hospitis Alcidae crimen, qui, sorte laborum

Geryonae peteret cum longa tricoloris arua,  
 Possessus Baccho saeua Bebrycis in aula  
 Lugendam formae sine uirginitate reliquit  
 Pyrenen, letique deus, si credere fas est, 425

Causa fuit leti miserae deus. edidit aluo  
 Namque ut serpentem patriasque exhorruit iras,  
 Confestim dulcis liquit turbata penates.

Tum noctem Alcidae solis plangebatur in antris  
 Et promissa uiri siluis narrabat opacis, 430

Donec maerentem ingratos raptoris amores  
 Tendentemque manus atque hospitis arma uocantem

Diripuerunt ferae. laceros Tirynthius artus,  
 Dum remeat uictor, lacrimis perfudit et amens

Palluit inuento dilectae uirginis ore. 435

At uoce Herculeae percussa cacumina montis

Intremuere iugis; maesto clamore ciebat

---

410 curru Cm Ep. 98      413 spreto Markland ad Stat.  
 Silv. II. 2. 19      414 conuertunt S connectunt Ch      418 late Cm  
 Ep. 98      420 hebritia L hebricia OV babricia F      422 longo S  
 424 Ingendam, sed. in marg. l' Lugendam F (T. p. 232)      425 fle-  
 tique diu Bothe      426 sic interpunxit Heinsius miserae, deus  
 edidit aluo. Namque uulgo      427 hunc locum uariis coniec-  
 turis, de quibus cf. Ruperti a. h. l., temptatum recte defendit  
 Schlichteisen p. 21      436 At Ch LF, Ac OV



Pyrenen, scopulique omnes ac lustra ferarum  
 Pyrenen resonant. tumulo tum membra reponit,  
 Supremum illacrimans; nec honos intercidet aevo, 440  
 Defletumque tenent montes per saecula nomen.

Iamque per et collis et densos abiete lucos  
 Bebryciae Poenus fines transcenderat aulae.  
 Inde ferox quaesitum armis per inhospita rura  
 Uolcarum populatur iter tumidique minaces 445  
 Accedit Rhodani festino milite ripas.

Aggeribus caput Alpinis et rupe niuali  
 Proserit in Celtas ingentemque extrahit amnem  
 Spumanti Rhodanus proscindens gurgite campos  
 Ac propere in pontum lato ruit incitus alueo. 450

Auget opes stanti similis tacitoque liquore  
 Mixtus Arar, quem gurgitibus complexus anhelis  
 Cunctantem immergit pelago raptumque per arua  
 Ferre uetat patrium uicina ad litora nomen.  
 Inuadunt alacres inimicum pontibus amnem; 455

Nunc celso capite et ceruicibus arma tuentur,  
 Nunc ualidis gurges certatim frangitur ulnis.  
 Fluminea sonipes religatus ducitur alno,  
 Belua nec retinet tardante Libyssa timore;  
 Nam trabibus uada et iniecta tellure repertum 460  
 Connexas operire trabes ac ducere in altum  
 Paulatim ripae resolutis aggere uinclis.

At gregis illapsu fremebundo territus acris  
 Expauit moles Rhodanus stagnisque refusis  
 Torsit harenoso minitanti murmura fundo. 465

Iamque Tricastinis incedit finibus agmen,  
 Iam facilis campos, iam rura Uocontia carpit.

---

440 intercidit *uulgo* 448 Proserit **Ch LF** Proselit **O**  
 Prosedit **V** 457 ulnis **L** undis *m. 2 suprascr.* ulnis **F**  
 undis **OV** 458 aluo **S** 460 ratibus *Bentley alique* —  
 iniecta *m. 2 corr. ex* inlecta **F** inlecta **LOV** 461 rates  
*Heinsius* 463 acris] *atras Heinsius et Bentley* 466 in-  
 cedit **LF** incendit **OV** intendit *edd. c. cod. Put.* 467 uocon-  
 tia **LF** uocantia **OV** Uocuntia *edd.*

Turbidus hic truncis saxisque Druentia laetum  
 Ductoris uastauit iter. namque Alpibus ortus,  
 Auulsas ornos et adesi fragmina montis 470  
 Cum sonitu uoluens, fertur latrantibus undis  
 Ac uada translato mutat fallacia cursu,  
 Non pediti fidus, patulis non puppibus aequus;  
 Et tunc, imbre recens fuso, correpta sub armis  
 Corpora multa uirum spumanti uertice torquens 475  
 Immersit fundo laceris deformia membris.

Sed iam praeteritos ultra meminisse labores  
 Conspectae propius dempsere pauentibus Alpes:  
 Cuncta gelu canaque aeternum grandine tecta  
 Atque aeni glacie cohibent; riget ardua montis 480  
 Aetherii facies, surgentique obuia Phoebo  
 Duratas nescit flammis mollire pruinas.  
 Quantum Tartareus regni pallentis hiatus  
 Ad manis imos atque atrae stagna paludis  
 A supera tellure patet, tam longa per auras 485  
 Erigitur tellus et caelum intercipit umbra.  
 Nullum uer usquam nullique aestatis honores.  
 Sola iugis habitat diris sedesque tuetur  
 Perpetuas deformis hiems; illa undique nubes  
 Huc atras agit et mixtos cum grandine nimbos. 490  
 Iam cuncti flatus umentique furentia regna  
 Alpina posuere domo. caligat in altis  
 Obtutus saxis, abeuntque in nubila montes.  
 Mixtus Athos Tauro Rhodopeque adiuncta Mimanti  
 Ossaque cum Pelio cumque Haemo cesserit Othrys. 495

468 durentia **LOV** m. 2 *suprascr.* druantia **F** 469 tar-  
 danit *Heinsius* uexauit *Burmann* uallauit *Chory et Blass coll.*  
*IX. 238* 473 fisus **L** 476 lateris **LOV** m. 2 *corr. in*  
 laceris **F** 479 canaque **V** cauaque **LFO** — tectae *Heinsius*  
 480 Atque cui **O** — glacie *scr.* glaciem **S** — cohibens *van Veen*  
*sublata interpunctione* — Aequam aeni glaciem cohibent *Barth*  
*Aequaenam Dausqueius* tecta (*sc. sunt*), Atque aeni glacies co-  
 hibent *Bothe* 494 Mimanti **Ch** minanti **S** 495 peleio **S**  
*Phlegio Ch Pholoe Heinsius Pindo Liuiincius, sed cf. A. Zingerle,*  
*zu späteren latein. Dichtern II. p. 16 sq.*

Primus inexpertas adiit Tirynthius arces.  
 Scindentem nubes frangentemque ardua montis  
 Spectarunt superi longisque ab origine saeculis  
 Intemerata gradu magna ui saxa domantem.

At miles dubio tardat uestigia gressu, 500  
 Impia ceu sacros in finis arma per orbem,  
 Natura prohibente, ferant diuisque repugnent.  
 Contra quae ductor — non Alpibus ille nec ullo  
 Turbatus terrore loci, sed languida maestis 504  
 Corda uirum fouet hortando reuocatque uigorem —:  
 ‘Non pudet obsequio superum fessosque secundis,  
 Post belli decus atque acies, dare terga niuis  
 Montibus et segnes summittere rupibus arma?  
 Nunc, o nunc, socii, dominantis moenia Romae  
 Credite uos summumque Iouis conscendere culmen. 510  
 Hic labor Ausoniam et dabit hic in uincula Thybrim.’  
 Nec mora, commotum promissis ditibus agmen  
 Erigit in collem et uestigia linquere nota  
 Herculis edicit magni crudisque locorum  
 Ferre pedem ac proprio turmas euadere calle. 515  
 Rumpit inaccessos aditus atque ardua primus  
 Exuperat summaque uocat de rupe cohortes.  
 Tum, qua durati concreto frigore collis  
 Lubrica frustratur canenti semita cliuo,  
 Luctantem ferro glaciem premit. haurit hiatu 520  
 Nix resoluta uiros, altoque e culmine praeceps  
 Humentis turmas operit delapsa ruina.  
 Interdum aduerso glomeratas turbine Corus  
 In media ora niues fuscis agit horridus alis;  
 Aut rursus immani stridens auulsa procella 525

---

504 maestis *Schrader et L. Müller d. r. m. p. 172* maestus S  
 monstis *uulgo* 511 et dabit Ch et *deest in S (in F m. 2*  
*insertum)* 515 calpe LFV talpe O 522 Umenti *Modius*  
*ad Liv. p. 504* Omenti *errore, ut uidetur, typographico Cm*  
*Ep. 98* Uiuenti LOV unde Uiuentes *uulgo* Ingenti F (*T. p. 234*)  
 523 glomeratas Cm l. l. 525 inmani Cm l. l.

Nudatis rapit arma uiris uoluensque per orbem  
 Contorto rotat in nubes sublimia flatu.  
 Quoque magis subiere iugo atque, euadere nisi,  
 Erexere gradum, crescit labor. ardua supra  
 Sese aperit fessis et nascitur altera moles, 530  
 Unde nec edomitos exudatosque labores  
 Respexisse libet; tanta formidine plana  
 Exterrent repetita oculis; atque una pruinae  
 Canentis, quacumque datur promittere uisus,  
 Ingeritur facies. medio sic nauita ponto, 535  
 Cum dulcis liquit terras, et inania nullos  
 Inueniunt uentos securo carbasa malo,  
 Immensas prospectat aquas ac, uicta profundis  
 Aequoribus, fessus renouat sua lumina caelo.

Iamque super clades atque importuna locorum 540  
 Illuie rigidaeque comae squalore perenni  
 Horrida semiferi promunt e rupibus ora,  
 Atque effusa cauis exesi pumicis antris  
 Alpina inuadit manus assuetoque uigore  
 Per dumos notasque niues atque inuia pernix 545  
 Clausum montiuagis infestat cursibus hostem.  
 Mutatur iam forma locis. hic sanguine multo  
 Infectae rubuere niues, hic, nescia uinci,  
 Paulatim glacies cedit tepefacta cruore;  
 Dumque premit sonipes duro uestigia cornu, 550  
 Ungula perfossis haesit compressa pruinis.  
 Nec pestis lapsus simplex; abscisa relinquunt  
 Membra gelu, fractosque asper rigor amputat artus.  
 Bis senos soles, totidem per uulnera saeuas  
 Emensi noctes, optato uertice sidunt 555  
 Castraque praeruptis suspendunt ardua saxis.

At Uenus, ancipiti mentem labefacta timore,

526 Nudatis — uiris Cm l. l. Audacis S 532 plana Ch  
 534 promittere Ch permittere S (cf. Lachmann ad Lucr. IV. 681)  
 — uisus OV nisus LF 543 effusa Cm Ep. 106 551 com-  
 presa Heinsius et Bentley 552 lapsu Heinsius



Affatur genitorem et rumpit maesta querelas:  
 'Quis poenae modus aut pereundi terminus, oro,  
 Aeneadis erit? et quando terrasque fretumque 560  
 Emensis sedisse dabis? cur pellere nostros  
 A te concessa Poenus parat urbe nepotes?  
 Alpibus imposuit Libyam finemque minatur  
 Imperio. casus metuit iam Roma Sagunti.  
 Quo Troiae extremos cineres sacramque ruinam 565  
 Assaracique larem et Uestae secreta feramus,  
 Da sedem, genitor, tutisque iacere. parumne est,  
 Exilia errantis totum quaesisse per orbem?  
 Anne iterum capta repetentur Pergama Roma?'

His Uenus; et contra genitor sic deinde profatur:  
 'Pelle metus, neu te Tyriae conamina gentis 571  
 Turbarint, Cytherea; tenet longumque tenebit  
 Tarpeias arces sanguis tuus. hac ego Martis  
 Mole uiros spectare paro atque expendere bello.  
 Gens ferri patiens ac laeta domare labores 575  
 Paulatim antiquo patrum dissuescit honori;  
 Atque ille, haud umquam parcus pro laude cruoris  
 Et semper famae sitiens, obscura sedendo  
 Tempora agit, mutum uoluens inglorius aeuum,  
 Sanguine de nostro populus, blandoque ueneno 580  
 Desidia uirtus paulatim euicta senescit.  
 Magnae molis opus multoque labore parandum,  
 Tot populos inter soli sibi poscere regna.  
 Iamque tibi ueniet tempus, quo maxima rerum  
 Nobilior sit Roma malis. hinc nomina nostro 585  
 Non indigna polo referet labor; hinc tibi Paulus,  
 Hinc Fabius gratusque mihi Marcellus opimis.  
 Hi tantum parient Latio per uulnera regnum,  
 Quod luxu et multum mutata mente nepotes  
 Non tamen euertisse queant. iamque ipse creatus, 590

---

560 ecquando *Heinsius et Bothe* 563 libram *m. 1 corr.*  
*in libyam* **F** libram **L** libiam **OV** Libyen *uulgo* 570 Sic  
 Uenus *Withof* — at contra *Heinsius* 576 desuescit *uulgo*



Qui Poenum reuocet patriae Latioque repulsum  
 Ante suae muros Carthaginis exuat armis.  
 Hinc, Cytherea, tuis longo regnabitur aeuo.  
 Exin se Curibus uirtus caelestis ad astra  
 Efferet, et sacris augebit nomen Iulis 595  
 Bellatrix gens bacifero nutrita Sabino.  
 Hinc pater ignotam donabit uincere Thylen  
 Inque Caledonios primus trahet agmina lucos;  
 Compescet ripis Rhenum, reget impiger Afros  
 Palmiferamque senex bello domitabit Idymen. 600  
 Nec Stygis ille lacus uiduataque lumine regna,  
 Sed superum sedem nostrosque tenebit honores.  
 Tum iuuenis, magno praecellens robore mentis,  
 Excipiet patriam molem celsusque feretur,  
 Aequatum imperio tollens caput. hic fera gentis 605  
 Bella Palaestinae primo delebit in aeuo.  
 At tu transcendes, Germanice, facta tuorum,  
 Iam puer auricomo praeformidate Batauo.  
 Nec te terruerint Tarpei culminis ignes,  
 Sacrilegas inter flammās seruabere terris. 610  
 Nam te longa manent nostri consortia mundi.  
 Huic laxos arcus olim Gangetica pubes  
 Summittet, uacuasque ostendent Bactra pharetras.  
 Hic et ab Arctoo currus aget axe per urbem,  
 Ducet et Eoos, Paccho cedente, triumphos. 615  
 Idem, indignantem tramittere Dardana signa,  
 Sarmaticis uictor compescet sedibus Histrum.  
 Quin et Romuleos superabit uoce nepotes,

---

591 reuulsum *Drakenborch et Bentley* 595 sic uersum  
*exhibet Cm Ep. 106 Exseret Ch (T. p. 211) — iulus S* 597 thy-  
 len **FV** thilen **LO** Thulen *edd.* 599 ripis] remis *Schrader*  
 600 idymen **L** idimen **FOV** cf. *Val. Fl. I. 12 Idumen edd.*  
 602 sedem **S** sedes *edd.* — superam *Heinsius* 608 batano **LFO**  
 britano **V** 609 te *om.* **L** 613 obtendent *Heinsius* — bat-  
 thra **L** 614 arctos **L** 617 sedibus **LF** sectibus **O** septibus **V**  
 legibus uel caedibus *Dausqueius* sudibus *Chory, sed cf. Schlicht-*  
*eisen p. 25* 618 Cum **L** (cf. *IV. 725*)

Quis erit eloquio partum decus. huic sua Musae  
 Sacra ferent, meliorque lyra, cui substitit Hebrus 620  
 Et uenit Rhodope, Phoebo miranda loquetur.  
 Ille etiam, qua prisca, uides, stat regia nobis,  
 Aurea Tarpeia ponet Capitolia rupe  
 Et iunget nostro templorum culmina caelo.  
 Tunc, o nate deum diuosque dature, beatas 625  
 Imperio terras patrio rege. tarda senectam  
 Hospitia excipient caeli, solioque Quirinus  
 Concedet, mediumque parens fraterque locabunt:  
 Siderei iuxta radiabunt tempora nati.'

Dum pandit seriem uenturi Iupiter aeui, 630  
 Ductor Agenoreus, tumulis delatus iniquis,  
 Lapsantem dubio deuexa per inuia nisu  
 Firmabat gressum atque humentia saxa premebat.  
 Non acies hostisue tenet, sed prona minaci  
 Praerupto turbant et cautibus obuia rupes. 635  
 Stant clausi maerentque moras et dura uiarum.  
 Nec refouere datur torpentia membra quiete;  
 Noctem operi iungunt et robora ferre coactis  
 Approperant humeris ac raptas collibus ornos.  
 Iamque ubi nudarunt silua densissima montis, 640  
 Aggessere trabes; rapidisque accensus in orbem  
 Excoquitur flammis scopulus. mox proruta ferro  
 Dat gemitum putris resoluta pondere moles  
 Atque aperit fessis antiqui regna Latini.  
 His tandem ignotas transgressus casibus Alpes, 645  
 Taurinis ductor statuit tentoria campis.

Interea, uoces Iouis atque oracula portans,  
 Emensis aderat Garamantum laetus harenis  
 Bostar et ut uiso stimulabat corda Tonante:

---

619 Quis erit **O** Qui serit **LFO** Qui foret **Ch** Qui ferit **Cd**  
 (T. p. 209) — hinc **L** 622 Ille *Modius* Illa **S** — uides **Cm**  
*Ep.* 106 629 iusta **LF** 632 nisu **FO** (in **F m.** 2 corr.)  
 uisu **LV** 634 glacies *Blass* 635 turbant **Ch** — et eunti-  
 bus *Withof* 643 putris **Cm** *Ep.* 106 patris **LF** (cf. *XIII.* 464)  
 patens **O** patiens **V** (T. p. 223)

'Maxime Belide, patriis qui moenibus arces 650  
 Seruitium dextra, Libycas penetrauimus aras.  
 Nos tulit ad superos perfundens sidera Syrtis,  
 Nos paene aequoribus tellus uiolentior hausit.  
 Ad finem caeli medio tenduntur ab orbe  
 Squalentes campi. tumulum natura negauit 655  
 Immensis spatiis, nisi quem caua nubila torquens  
 Construxit turbo, impacta glomeratus harena,  
 Uel si, perfracto populatus carcere terras,  
 Africus et, pontum spargens super aëra, Corus  
 Inuasere truces capientem proelia campum 660  
 Inque uicem ingesto cumularunt puluere montis.  
 Has obseruatis ualles enauimus astris;  
 Namque dies confundit iter, peditemque profundo  
 Errantem campo et semper media arua uidentem  
 Sidoniis Cynosura regit fidissima nautis. 665  
 Uerum ubi defessi lucos nemorosaque regna  
 Cornigeri Iouis et fulgentia templa subimus,  
 Exceptos hospes tectis inducit Arisbas.  
 Stat fano uicina, nouum et memorabile, lympa,  
 Quae nascente die, quae deficiente tepescit 670  
 Quaeque riget, medius cum sol accendit Olympum,  
 Atque eadem rursum nocturnis feruet in umbris.  
 Tum loca plena deo, dites sine uomere glebas  
 Ostentat senior laetaque ita mente profatur:  
 "Has umbras nemorum et connexa cacumina caelo 675  
 Calcatosque Ioui lucos prece, Bostar, adora.  
 Nam cui dona Iouis non diuulgata per orbem,  
 In gremio Thebes geminas sedisse columbas?  
 Quarum, Chaonias pennis quae contigit oras,  
 Implet fatidico Dodonida murmure quercum. 680

651 aras **ChS** oras *uulgo, quod prob. Bentley* 654 pan-  
 duntur *Burmam* 659 et *Blass* aut **S** — surgens **O**, *quod*  
*prob. Thilo* 661 montes **Ch** 667 subimus **Cm Ep. 106** co-  
 lumnis **S** 671 que *om. S* — medius **ChS** medium *uulgo* —  
 ascendit *Heinsius* 675 connexa **LF** conuexa **OV** 680 do-  
 nidam **LFV** domandam **O** — murmure **Cm Ep. 106**

At quae, Carpathium super aequor uecta, per auras  
 In Libyen niueis tranauit concolor alis,  
 Hanc sedem templo Cythereia condidit ales;  
 Hic, ubi nunc aram lucosque uidetis opacos,  
 Ductore electo gregis, admirabile dictu, 685  
 Lanigeri capitis media inter cornua perstans,  
 Marmaricis ales populis responsa canebat.  
 Mox subitum nemus atque annoso robore lucus  
 Exiluit; qualesque premunt nunc sidera quercus,  
 A prima uenere die; prisco inde pauore 690  
 Arbor numen habet coliturque tepentibus aris."'  
 Dumque ea miramur, subito stridore tremendum  
 Impulsae patuere fores, maiorque repente  
 Lux oculos ferit. ante aras stat ueste sacerdos  
 Effulgens niuea, et populi concurrere certant. 695  
 Inde ubi mandatas effudi pectore uoces,  
 Ecce intrat subitus uatem deus. alta sonoro,  
 Collisis trabibus, uoluuntur murmura luco,  
 Ac maior nota iam uox prorumpit in auras:  
 "Tenditis in Latium belloque agitare paratis 700  
 Assaraci prolem, Libyes. coepta aspera cerno  
 Graduumque trucem currus iam scandere et atram  
 In latus Hesperium flammam expirare furentis  
 Cornipedes multoque fluentia sanguine lora.  
 Tu, qui pugnarum euentus extremaque fati 705  
 Deposcis claroque ferox das uela labori,  
 Inuade Aetoli ductoris Iapyga campum;  
 Sidonios augebis auos nullique relinques,  
 Altius Ausoniae penetrare in uiscera gentis,  
 Donec uicta tibi trepidabunt Dardana regna. 710

---

681 carphacium LO carphatium FV 582 nigris Draken-  
 borch et Bothe furuis Heinsius atris Chory, sed. cf. Schlicht-  
 eisen p. 14 683 templo Cm l. l. 684 aram V ut coni.  
 Heinsius arma LFO 685 Ductori Heinsius 687 aries  
 Gronov 690 pauore Cm l. l. 699 aures Bothe 701 Sic  
 interpunxit Heinsius prolem: Libyes uulgo



Nec ponet pubes umquam Saturnia curam,  
Dum carpet superas in terris Hannibal auras."

Talia portabat laetis oracula Bostar  
Imperatque uiros pugnae propioris amore.

---

SILI ITALICI  
P U N I C O R U M  
LIBER QUARTUS.

Fama per Ausoniae turbatas spargitur urbes  
Nubiferos montes et saxa minantia caelo  
Accepisse iugum, Poenosque per inuia uectos,  
Aemulaque Herculei iactantem facta laboris  
Descendisse ducem. diros canit improba motus 5  
Et gliscit gressu uolucrique citatior Euro  
Terrificis quatit attonitas rumoribus arces.  
Astruit auditis, docilis per inania rerum  
Pascere rumore uulgi, pavor; itur in acris  
Bellorum raptim curas, subitusque per omnem 10  
Ausoniam Mauors strepit et ciet arma uirosque.  
Pila nouant, ac detera rubigine saeuus  
Induitur ferro splendor, niueumque repostae  
Instaurant galeae coni decus; hasta iuuatur  
Ammento, reuocantque noua fornace bipennis. 15  
Conseritur tegimen laterum impenetrabile, multas  
Passurus dextras atque irrita uulnera, thorax.  
Pars arcu inuigilant, domitat pars uerbere anhelum

---

714 Imperatque S Implebatque *edd.* 4 iactantem facta  
*Liuiineius*, quod *Heinsius* falso *cod.* Col. tribuit (*T.* p. 210)  
iactatur fama S 13, niueumque Cm *Ep.* 66 inuenumque S  
15 Ammento L<sup>OV</sup> Amento F (*cf.* IX. 509; XIII. 159) — re-  
uocantque Cm l. l. recoquantque *Gronov et Bentley coll. Verg.*  
*Aen.* VII. 636



Cornipedem in gyros saxoque exasperat ensem.  
 Nec uero muris, quibus est luctata uetustas, 20  
 Ferre morantur opem; subuectant saxa cauasque  
 Retractant turris, edit quas longior aetas.  
 Hinc tela accipiunt arces, ac robora portis  
 Et fidos certant obices accersere silua,  
 Circumdant fossas. haud segnīs cuncta magister 25  
 Praecipitat timor, ac uastis trepidatur in agris.  
 Deseruere larem; portant ceruicibus aegras  
 Attoniti matres ducentisque ultima fila  
 Grandaeuos rapuere senes; tum crine soluto  
 Ante agitur coniux, dextra laeuaque trahuntur 30  
 Parui, non aequo comitantes ordine, nati.  
 Sic uulgus; traduntque metus, nec poscitur auctor.  
 At patres, quamquam exterrent immania coepta  
 Inque sinu bellum, atque Alpes et peruia saxa  
 Decepere, tamen crudam contra aspera mentem 35  
 Et magnos tollunt animos. iuuat ire periclis  
 Ad decus et dextra memorandum condere nomen,  
 Quale dedit numquam rebus Fortuna secundis.  
 Sed Libyae ductor tuto fouet agmina uallo,  
 Fessa gradum multoque gelu torpentia neruos; 40  
 Solandique genus — laetis ostentat ad urbem  
 Per campos superesse uiam, Romamque sub ictu.  
 At non et rerum curas consultaque belli  
 Stare probat solusque nequit perferre quietem.  
 Armiferae quondam prisca inter tempora gentes 45  
 Ausonium inuasere latus sedesque beatas  
 Et metui peperere manu. mox impia bella  
 Tarpeius pater et capti sensere Quirites.  
 Hic dum sollicitat donis et inania corda  
 Ac fluxam morum gentem fouet armaque iungit, 50

23 et OV      24 Ac *Liuiineius*      26 agris Ch LF aruis V  
 armis O (*T. p. 225*)      32 Sic uulgant traduntque *van Veen*,  
*sed cf. VII. 511*      35 Decepere Cm *Ep. 66*      40 gradu Ch  
 45 quondam] Senonum *Schrader*, quod prob. *Schlichteisen*  
 49 Has *Schlichteisen*

Iam consul, uolucris peruectus litora classe,  
 Scipio Phocaicis sese referebat ab oris;  
 Ingentisque duces, pelagi terraeque laborem  
 Diuersum emensos, propiora pericula uallo  
 Iungebant, magnaeque aderant primordia cladis. 55  
 Namque ut, collatis admoto consule castris,  
 Sustulerat Fortuna moras, signumque furoris  
 Accensae uiso poscebant hoste cohortes:  
 'Debellata procul, quaecumque uocantur Hiberis,'  
 Ingenti Tyrius numerosa per agmina ductor 60  
 Uoce sonat; non Pyrenen Rhodanumue ferocem  
 Iussa aspernatos, Rutulam fumasse Saguntum,  
 Raptum per Celtas iter, et, qua ponere gressum  
 Amphitryoniadae fuerit labor, isse sub armis  
 Poenorum turmas, equitemque per ardua uectum 65  
 Insultasse iugo, et fremuisse hinnitibus Alpes.

Contra pulchra suos uocat ad discrimina consul:  
 'Hostem, miles, habes fractum ambustumque niuis  
 Cautibus atque aegre torpentia membra trahentem.  
 En age, qui sacros montis rupesque profundas 70  
 Transiluit, discat, quanto stat celsius arce  
 Herculea uallum, et maius sit, scandere collis,  
 An uestros rupisse globos. det inania famae,  
 Dum magna fuso pugna retroque ruenti,  
 Qua uentum est, obstent Alpes. super ardua ductum 75  
 Huc egere dei, Latios ut sanguine finis  
 Imbueret, tellusque hostilis conderet ossa.  
 Scire libet, noua nunc nobis atque altera bellum  
 Carthago, anne eadem mittat, quae, mersa sub aequor,  
 Aegatis inter uasto iacet obruta ponto.' 80

---

51 praeuectus *Heinsius et Bothe* 54 propiore *van Veen*  
 59 quacunque uagantur Iberi *Liuius* — coluntur *Heinsius*  
 colantur *Thilo* habitantur *Drakenborch* — Ibera *Bothe* — uer-  
 sum delendum censet *Bentley* — nil mutauit; nam Hiberis =  
 Hiberia est cf. *Achais* = *Achaia* *Or. met. V. 577; VII. 504*  
 60 numerosa *Liuius* nemorosa **S** 61 ferocem **ChLF** fu-  
 rentem **OV** 71 stet *Heinsius* 73 uestros **ChLF** nostros **OV**

Haec ait atque agmen Ticini flectit ad undas.  
 Caeruleas Ticinus aquas et stagna uadoso  
 Perspicuus seruat turbari nescia fundo  
 Ac nitidum uiridi lente trahit amne liquorem.  
 Uix credas labi; ripis tam mitis opacis, 85  
 Argutos inter uolucrum certamine cantus,  
 Somniferam ducit lucenti gurgite lympham.

Iamque sub extremum noctis fugientibus umbris  
 Lux aderat, Somnusque suas confecerat horas —  
 Explorare locos consul collisque propinqui 90  
 Ingenium, et campis quae sit natura, parabat.  
 Par studium Poeno similesque in pectore curae.  
 Ergo aderant, rapidis equitum comitantibus alis.

Uerum ubi commoto docuerunt puluere nubes  
 Hostem ferre gradum, et propius propiusque sonoro 95  
 Quadrupedum cornu tellus gemit, ac simul acer  
 Uincens luitos hinnitus saeuit equorum:  
 'Arma, uiri, rapite arma, uiri,' dux instat uterque.  
 Ambobus uelox uirtus geminusque cupido  
 Laudis et ad pugnas Martemque insania concors. 100

Haud mora, iam tantum campi dirimebat ab ictu,  
 Quantum impulsa ualet comprehendere lancea nodo,  
 Cum subitum liquida, non ullis nubibus, aethra  
 Augurium mentes oculosque ad sidera uertit.  
 Accipiter, medio tendens a limite solis, 105  
 Dilectas Ueneri notasque ab honore Diones  
 Turbabat uiolentus aues atque unguibus idem,  
 Idem nunc rostro, duris nunc ictibus alae,  
 Ter quinas dederat saeua inter uulnera leto;  
 Nec finis satiesue, noui sed sanguinis ardor 110  
 Gliscere, et urgebat trepidam iam caede priorum

---

83 Perspicuas S      86 certamine ChS certamina *ulgo*  
 88 fugientibus Cm *Ep. 66 fulgentibus edd. nonn. uett.* 89 duas  
*Heinsius uterque* 98 rapite S capite Ch 100 consors  
*Heinsius* 103 liquido S 110 saciesue LFF sacrasue,  
*sed e m. 1 suprascr. O* satiasue *Dausqueius (cf. VI. 52)*  
 111 priorum] suorum L

Incertamque fugae, pluma labente, columbam,  
 Donec Phoebeo ueniens Iouis ales ab ortu  
 In tenuis tandem nubis dare terga coegit.  
 Tum uictrix laetos signa ad Romana uolatus 115  
 Conuertit, prolesque ducis qua parte decora  
 Scipio quassabat puerilibus arma lacertis,  
 Clangorem bis terque dedit, rostroque coruscae  
 Perstringens conum galeae, se reddidit astris.

Exclamat Liger — huic superos sentire monentis 120  
 Ars fuit ac penna monstrare futura magistra —:  
 'Poene, bis octonos Italis in finibus annos,  
 Audaci similis uolucris, sectabere pubem  
 Ausoniam multamque feres cum sanguine praedam;  
 Sed compesce minas; renuit tibi Daunia regna 125  
 Armiger ecce Iouis. nosco te, summe deorum.  
 Assis o firmesque tuae, pater, alitis omen.

Nam tibi seruantur — ni uano cassa uolatu  
 Mentitur superos praepes — postrema subactae  
 Fata, puer, Libyae et maius Carthagine nomen.' 130

Contra laeta Bogus Tyrio canit omina regi,  
 Et faustum accipitrem caesasque in nube uolucres  
 Aeneadis cladem et Ueneris portendere genti.  
 Tum dictis comitem contorquet primus in hostis,  
 Ceu suadente deo et fatorum conscius, hastam. 135  
 Illa uolans patuli longe per inania campi  
 Ictum perdiderat spatio, ni, fusus habenas,  
 Dum primae decus affectat decerpere pugnae,  
 Obuia quadrupedis praeceps Catus ora tulisset.  
 Sic elanguescens ac iam casura, petitem 140  
 Inuenit uulnus caedemque accepit ab hoste  
 Cornus et oblatae stetit inter tempora frontis.

Incurrunt acies, magnoque fragore per aequor

---

113 ueniens] uehemens **F** ut saepius cf. 712; VII. 61;  
 VIII. 449 119 Perstringens **LV** Pstringens **F** Prestringens **O**  
 120 huic **FV** hinc **LO** — momentis **S** 131 omnia **O** 137 Ictum **Cm**  
 Ep. 66 Letum **S** 140 et iam **V** 141 caedem **LOV** sedem **F**  
 — accepit **ChLF** inuenit **OV** recepit *uulgo*



Suspendunt cuncti frenis sublime reductos  
 Cornipedes ultroque ferunt. erectus in auras 145  
 It sonipes, rapidaque uolans per aperta procella,  
 Tenuia uix summo uestigia puluere signat.  
 Boiorum ante alias Crixo duce mobilis ala  
 Arietat in primos obicitque immania membra.  
 Ipse, tumens atavis, Brenni se stirpe ferebat 150  
 Crixus et in titulos Capitolia capta trahebat.  
 Tarpeioque iugo demens et uertice sacro  
 Pensantes aurum Celtas umbone gerebat.  
 Colla uiri fuluo radiabant lactea torque,  
 Auro uirgatae uestes, manicaeque rigeant 155  
 Ex auro, et simili uibrabat crista metallo.

Sternitur impulsu uasto perculsa Camertum  
 Prima phalanx, spissaeque ruunt conferta per arma  
 Undae Boiorum; sociata examina densent  
 Infandi Senones; collisaeque quadrupedantum 160  
 Pectoribus toto uoluuntur corpora campo.  
 Arua natant, altusque uirum cruor, altus equorum  
 Lubrica belligerae sorbet uestigia turmae.  
 Seminecum letum peragit grauis ungula pulsu  
 Et circumuolitans taetros e sanguine rores 165  
 Spargit humo miserisque suo lauit arma cruore.  
 Spicula prima, puer, tumidi, Tyrrhene, Pelori  
 Purpureo moriens uictricia sanguine tinguis.  
 Nam tibi, dum stimulas cornu atque in proelia mentes  
 Accendis renouasque uiros ad uulnera cantu, 170  
 Haesit barbaricum sub anhelu gutture telum  
 Et clausit raucum letali uulnere murmur.  
 At sonus, extremo morientis fusus ab ore,

144 cunei *Heinsius* 148 Crixo s Cryxo *Heinsius* (cf. *Schlichteisen* p. 88) 149. 150 sic interp. *Heinsius* membra  
 Ipse tumens, atavi Brenni *uulgo* atavis V atavi LF atani O  
 153 gerebat Ch 158 conferta L conferta m. 2 corr. ex confesta F confesta OV confecta *Blass* 165 a sanguine *edd. nonn.*  
 166 arma LF ora OV 167 dumidi Ch, unde Numidae *Heinsius* 170 reuocasque *van Veen*



Flexa pererrauit mutis iam cornua labris.  
 Crixus Picentem Laurumque, nec eminus ambo, 175  
 Sed gladio Laurum; Picenti rasilis hasta,  
 Ripis lecta Padi, letum tulit. auia namque  
 Dum petit ac laeuo meditatur fallere gyro,  
 Hasta uiri femur et pariter per nuda uolantis  
 Ilia sedit equi et geminam dedit horrida mortem. 180  
 Idem, sanguinea Uenuli ceruice reuellens,  
 Sternit praecipitem tepido te, Farfare, telo  
 Et te sub gelido nutritum, Tulle, Uelino,  
 Egregium Ausoniae decus ac memorabile nomen,  
 Si dent fata moras, aut seruent foedera Poeni. 185  
 Tum Remulum atque, olim celeberrima nomina bello,  
 Tiburtis Magios Hispellatemque Metaurum  
 Et Clanium, dubia meditatus cuspidē uulnus.

Nec locus est Tyriis belli pugnae, sed omnem  
 Celticus impleuit campum furor; irrita nulli 190  
 Spicula torquentur, statque omne in corpore ferrum.  
 Hic inter trepidos immane Quirinius audens,  
 Cui fugere ignotum atque inuicta mente placebat  
 Rebus in aduersis exceptum pectore letum,  
 Cuspide flammāt equum ac dispergit gaesa lacerto, 195  
 Si reserare uiam atque ad regem rumpere ferro  
 Detur iter; certusque necis petit omnibus ausis,  
 Quod nequeat sentire, decus. cadit inguine fosso  
 Teutalus, et uasto quatitur sub pondere tellus.  
 Occumbit Sarmens, flauam qui ponere uictor 200  
 Caesariem crinemque tibi, Gradiue, uouebat  
 Auro certantem et rutilum sub uertice nodum.  
 Sed Parcae intonsa non exaudita uouentem

---

174 Flexa **Cm** *Ep.* 66      176 Dat gl. L. *Barth* Sed gla-  
 dius Lauro *Heinsius*      179 nuda **Ch** unda **F** (*T. p.* 230) an-  
 hela **LOV**      180 et **V** *om.* **LFO**      182 tepido **Ch**      186 ro-  
 mulum **OV**      187 Hispellatemque Metaurum **Ch** mataurum **S**  
 — Hispellatesque *Heinsius*      188 Clanium **Ch** clamium **F**  
 damium **L** damū **OV** (*T. p.* 233) — haud dubia *Ernesti* — me-  
 ditatum *Barth*      195 gaesa **OV** cesa **LF**      199 Tentālus **L**

Ad manes traxere coma; per candida membra  
 It fumans cruor, et tellus perfusa rubescit. 205  
 At, non tardatus iaculo occurrente, Ligaunus  
 Irruit aduersumque uiro rotat obuius ense  
 Et ferit insurgens, humero qua brachia lenti  
 Annectunt nerui, decisaque uulnere dextra  
 Laxatis paulum moribunda pependit habenis; 210  
 Dumque micans tremulo conatu lora retemptat,  
 Flectentem assuetos imitatur nescia frenos.  
 Demetit auersi Uosegus tum colla, iubaque  
 Suspensam portans galeam atque inclusa perempti  
 Ora uiri, patrio diuos clamore salutat. 215  
 Dumque ea Gallorum populi dant funera campo,  
 Accitas properè castris in proelia consul  
 Raptabat turmas primusque ruebat in hostem,  
 Candenti sublimis equo. trahit undique lectum  
 Diuitis Ausoniae iuuenem, Marsosque Coramque 220  
 Laurentumque decus iaculatoremque Sabellum  
 Et Gradiuicolum celso de colle Tudertem  
 Indutosque simul gentilia lina Faliscos,  
 Quosque sub Herculeis taciturno flumine muris  
 Pomifera arua creant Anienicolae Catilli, 225  
 Quosque in praegelidis duratos Hernica riuus  
 Mittebant saxa et nebulosi rura Casini.  
 Ibant in Martem terrae dominantis alumni,  
 Damnati superis nec iam reditura iuuentus.  
 Scipio, qua medius pugnae uorat agmina uertex, 230  
 Infert cornipedem atque, instinctus strage suorum,  
 Inferias caesis mactat Labarumque Padumque  
 Et Caunum et multo uix fusum uulnere Breucum

---

206 ligamis L    209 dextra S laeva uulgo    213 Uosegus Ch uesegus S, sed in F m. 2 corr. in uosegus — Uogesius Heinsius Uosagus Schlichteisen    214 Suspensans L    220 Coraque Heinsius    224 flumine Cd (T. p. 214) LF murmure OV  
 225 cathilli LOV chatilli F, sed VIII. 366 catilli    232 Latarumque Schlichteisen    233 Caunum Ch camium LF camum OV — Breucum Ch Leucum Schlichteisen

Gorgoneoque Larum torquentem lumina uultu.  
 Occidis et tristi, pugnax Lepontice, fato; 235  
 Nam dum frena ferox obiecto corpore prensat  
 Atque aequat celsus residentis consulis ora  
 Ipse pedes, frontem in mediam grauis incidit ensis,  
 Et diuisum humeris iacuit caput. at Batus, amens  
 Qui luctatur equo parmaque incursibus obstat, 240  
 Ictu quadrupedis fulua porrectus harena  
 Elisa incussis amisit calcibus ora.  
 Perfurit Ausonius turbata per aequora ductor,  
 Ceu Geticus Boreas, totum cum sustulit imo  
 Icarium fundo uictor mare; nauita uasto 245  
 Iactatur sparsus, lacerata classe, profundo,  
 Cunctaque canenti perfunditur aequore Cyclas.  
 Crixus, ut in tenui spes exiguumque salutis,  
 Armat contemptu mentem necis; horrida barba  
 Sanguinea rutilat spuma, rictusque furentis 250  
 Albet, et affuso squalent a puluere crines.  
 Inuadit Tarium, uicino consule pugnas  
 Miscentem, saeuisque uirum circumtonat armis.  
 Uoluitur ille solo; nam prouum effundit in armos  
 Fata extrema ferens abies, rapiturque pauore 255  
 Tractus equi, uinctis connexa ad cingula membris.  
 Longa cruor sparso linquit uestigia campo,  
 Et tremulos cuspis ductus in puluere signat.  
 Laudabat leti iuuenem egregiosque parabat  
 Uleisci consul manis, cum dira per auris 260  
 Uox uenit, et Crixum ferri clamoribus audit,  
 Haud notum uultu. surgit uiolentior ira  
 Comminus atque oculos optato in corpore figit.

236 prenas et aequas *uulgo*, quod prob. Bentley 238 oc-  
 cidit OV 239 at Batus ChLF achatus OV 244 imo V  
 ymo O. uno LF 245 Icarium ex corr. F Irarum LOV, unde  
 Iratum Heinsius 251 affuso Ch 252 Darium uel Cla-  
 rium Ch Marium Heinsius Dasium Drakenborch 256 uinctis OV  
 iunctis LF — cingula V singula LFO 257 linquit ChLF  
 liquit OV 260 auris S auras *uulgo*

Tum, stimulans grato plausae ceruicis honore,  
 Cornipedemalloquitur: 'Uulgum Martemque minorem 265  
 Mox, Gargane; uocant superi ad maiora. uidesne,  
 Quantus eat Crixus? iam nunc tibi praemia pono  
 Illum Sidonio fulgentem ardore tapeta,  
 Barbaricum decus, et fuluis donabere frenis.'  
 Sic fatus, magno Crixum clamore ciebat 270  
 In pugnam ac uacuo poscebat proelia campo.  
 Nec detractantem par ira accenderat hostem.  
 Ut iussae cessere retro spatiumque dederunt  
 Hinc atque hinc alae, et medio stetit aequore pugna:  
 Quantus Phlegraeis Telluris alumnus in aruis 275  
 Mouit signa Mimas caelumque exterruit armis,  
 Tantus semifero Crixus sub pectore murmur  
 Torquet et horrisonis ululatibus erigit iras:  
 'Nemone incensae captaeque superfuit urbi,  
 Ut tibi, quas Brenni populus ferremus in arma, 280  
 Narraret, dextras? disce en nunc', inquit et una  
 Contorquet nodis et obusto robore diram  
 Uel portas quassare trabem. sonat illa tremendum  
 Ac, nimio iactu seruasse improvida campi  
 Distantis spatium, propiorem transuolat hostem. 285  
 Cui consul: 'Ferre haec umbris proauoque memento,  
 Quam procul occumbas Tarpeia sede, tibique  
 Haud licitum sacri Capitolia cernere montis.'  
 Tum nodo cursuque leui simul adiuuat hastam,  
 Dignum mole uiri nisus. fugit illa per oras 290  
 Multiplicis lini subtextaque tegmina neruis

---

265 uulgum Martemque minori! Nos *Thilo* tu Martem  
 temne minorem. *Buchwald* 267 tunc S 274 et ChLF  
 om. OV 275 Telluris Cm *Ep.* 66 276 Mimas Cm l. l.  
 numas L mumas F minax OV — caelumque Cm l. l. et cae-  
 lum S 281 tunc OV 282 duram *Gronov* 284 At *Koch*  
 288 sacros — montes *van Veen* 290 Dignum Cm *Ep.* 88  
 Dignum S, sed in F m. 2 corr. (*T. p.* 232) — nisus CmLF  
 nixus OV — oras Cm 291 subtextaque Ch subtextaque S  
 subtentaque *Gronov* — nerui *Blass*



Atque altum tota metitur cuspide pectus.  
 Procumbit lata porrectus in arua ruina,  
 Et percussa gemit tellus ingentibus armis.  
 Haud aliter, structo Tyrrhena ad litora saxo, 295  
 Pugnatura fretis subter caecisque procellis,  
 Pila, immane sonans, impingitur ardua ponto.  
 Immugit Nereus, diuisaque caerula pulsu  
 Illisum accipiunt irata sub aequora montem.  
 Ductore amisso pedibus se credere Celtæ; 300  
 Una spes anima tantusque pependerit ardor.  
 Ac ueluti summo uenator densa Picano  
 Cum lustra exagitat spissisque cubilibus atram  
 Immittit passim dumosa per inuia pestem —  
 Dum tacitas uires et flammam colligit ignis, 305  
 Nigranti piceus sensim caligine uertex  
 Uoluitur et pingui contorquet nubila fumo;  
 Mox subita in toto lucent incendia monte —  
 Fit sonitus, fugere ferae, fugere uolucres,  
 Atque ima longe trepidant in ualle iuuencae. 310  
 At Mago, ut uertisse globos primumque laborem,  
 Qui solus genti est, cassum uidet, arma suorum  
 Ac patrium in pugnas equitem uocat. undique nudi  
 Assiliunt frenis infrenatique manipuli.  
 Nunc Itali in tergum uersis referuntur habenis, 315  
 Nunc rursus Tyrias retro pavor auehit alas;  
 Aut illi dextros lunatis flexibus orbes,  
 Aut illi laeuos sinuant in cornua gyros;  
 Texunt alterno glomerata uolumina cursu  
 Atque eadem refuga cedentes arte resoluunt. 320  
 Hac pontum uice, ubi exercet discordia uentos,

293 arua Cm l. l.      301 anima Cm      303 Piceno *Sca-*  
*tiger*      305 tantas F tacitus *van Veen*      308 toto S tanto Ch  
 310 ima longe Cm l. l. una S      311 ut Cm      312 casum S  
 313 patrium Cm      316 auehit ChFOV aduehit L      318 sinu-  
 ant V sumant LFO      320 Atque eadem refuga Cm *Ep. 88*  
 refugam LF Atque sedem refugam OV (*T. p. 225*) — arte OV  
 arce LF



Fert Boreas Eurusque refert molemque profundi  
Nunc huc alterno, nunc illuc, flamine gestant.

Aduolat aurato praefulgens murice ductor  
Sidonius, circaque Metus Terrorque Furorque. 325  
Isque ubi Callaici radiantem tegminis orbem  
Extulit et magno percussit lumine campos,  
Spes uirtusque cadunt, trepidaque a mente recedit  
Uertere terga pudor, nec leti cura decori,  
Sed fugere infixum est, terraeque optantur hiatus. 330  
Sic, ubi Caucaseis tigris se protulit antris,  
Linguuntur campi, et tutas petit omne latebras  
Turbatum insano uultu pecus; illa pererrat  
Desertas uictrix uallis, iamque ora reducto  
Paulatim nudat rictu, ut praesentia mandens 335  
Corpora, et immani stragem meditatur hiatu.  
Non illum Metabus, non illum celsior Ufens  
Euasere tamen, quamuis hic alite planta,  
Hic ope cornipedis totis ferretur habenis.  
Nam Metabum ad manis demisit cuspide fulgens 340  
Fraxinus, Ufentem collapsum poplite caeso  
Ensis obit laudemque pedum cum sanguine ademit.  
Iamque dedit leto Sthenium Laurumque domoque  
Collinum gelida, uiridi quem Fucinus antro  
Nutrierat dederatque lacum tramittere nando. 345  
Fit socius leti coniecta Massicus hasta,  
Uitiferi sacro generatus uertice montis  
Et Liris nutritus aquis, qui fonte quieto  
Dissimulat cursum ac, nullo mutabilis imbri,  
Perstringit tacitas gemmanti gurgite ripas. 350

322 Eurusque] cursusque S 332 Caucaseis Cm *Ep.* 88 FV  
caucasis L causeis O 333 insano assultu *Heinsius* saltu  
*Blass* 334 Desertas Cm l. l. LF Disiectas OV — ora FV  
ore LO 335 mandens Cm mandans Ch (*T. p.* 211) mandet S,  
*sed in F m. 2 corr. in mandes (T. p. 232)* 341 caeso Ch LF  
flexo OV 342 Ense subit *Bentley* (*cf. IX 382*) 343 sthe-  
nium V sthemum LF sthenumque O Stenium *uulgo* Stenium  
*Schlichteisen* — Larumque Ch 344 uiridi] uitreo *uulgo*  
350 Praestringit *Liuius* — gemnanti LOV germinanti F

Exoritur rabies caedum, ac uix tela furori  
 Sufficiunt; teritur iunctis umbonibus umbo,  
 Pesque pedem. premit, et nutantes casside cristae  
 Hostilem tremulo pulsant conamine frontem.

Tergemini primam ante aciem sacra proelia fratres 355

Miscebant, quos Ledaeo Sidonia Barce

Xanthippo felix uteri inter bella creatat.

Res Graiae ductorque parens ac nobile Amyclae

Nomen et iniectus Spartanis colla catenis

Regulus inflabant ueteri praecordia fama. 360

Marte probare genus factisque Lacona parentem

Ardebant gelidosque dehinc inuisere montis

Taygeta et tandem bellis innare subactis

Eurotan patrium ritusque uidere Lycurgi.

Sed Spartam penetrare deus fratresque negarunt 365

Ausonii, totidem numero, quos miserat altis

Egeriae genitos immitis Aricia lucis,

Aetatis mentisque pares; at non dabat ultra

Clotho dura lacus aramque uidere Dianae.

Namque ut in aduersos, impacti turbine pugnae, 370

Eumachus et Critias et laetus nomine patris

Xanthippus iunxere gradus, ceu bella leones

Inter se furibunda mouent et murmure anhelio

Squalentis campos ac longa mapalia complent —

Omnis in occultas rupis atque auia pernix 375

Maurus saxa fugit, coniuxque Libyssa profuso,

Uagitum cohibens, suspendit ab ubere natos;

Illi dira fremunt, perfractaque in ore cruento

Ossa sonant, pignantque feris sub dentibus artus —

Haud secus Egeriae pubes, hinc Uirbius acer, 380

Hinc Capys, assiliunt paribusque Albanus in armis.

355 sacra Ch fra F fera LOV

357 Xantippo S

358 Graias Ch — Amyclae Ch amiclæ OV amide LF 360 in-

flabat Cd (T. p. 215) 363 subacti *Ruperti* peractis *van Veen*

364 Eurotam F 365 negarunt Ch negabant S 368 at V

ac LFO 369 Clotho V Cloto LFO 374 ac LF et OV

378 perfectaque Ch, unde praesectaque *Heinsius* 379 feri S

Subsicens paulum perfossa proruit aluo  
 Albanum Critias — ast illi cuncta repente  
 Implentur clipeum miserando viscera lapsu —  
 Eumachus inde Capyn; sed tota mole tenebat 385  
 Ceu fixum membris tegimen; tamen improbus ensis  
 Annexam parmae decidit uulnere laeuam,  
 Inque suo pressa est non reddens tegmina nisu  
 Infelix manus atque haesit labentibus armis.  
 Ultima restabat fuis iam palma duobus 390  
 Uirbius. huic trepidos simulanti ducere gressus  
 Xanthippus gladio, rigida cadit Eumachus hasta,  
 Et tandem aequatae geminato funere pugnae.  
 Inde alterna uiris transegit pectora mucro,  
 Inque uicem erepta posuerunt proelia uita. 395  
 Felices leti, pietas quos addidit umbris!  
 Optabunt similes uenientia saecula fratres,  
 Aeternumque decus memori celebrabitur aevo,  
 Si modo ferre diem serosque uidere nepotes  
 Carmina nostra ualent, nec famam inuidit Apollo. 400  
 At consul toto palantis aequore turmas  
 Uoce tenet, dum uoce uiget: 'Quo signa refertis?  
 Quis uos heu uobis pavor abstulit? horrida primi  
 Si sors uisa loci pugnaeque lacerare frontem,  
 Post me state uiri et pulsa formidine tantum 405  
 Aspicite! has dextras capti genuere parentes.  
 Qua fugitis? quae spes uictis? Alpesne petemus?  
 Ipsam turrigero portantem uertice muros  
 Credite summissas Romam nunc tendere palmas.  
 Natorum passim raptus caedemque parentum 410

---

384 viscera] misera S      388 presa *Heinsius*      391 sti-  
 mulanti S      399 serosque *Dausqueius* miserosque S, unde in  
 serosque uenire n. *Barth*      402 dum uoce] quantum ore  
*Buchwald*      406. 407 sic interp. *Drakenborch* Aspicite has  
 dextras. capti g. parentes, Quos f. edd. priores — Qua FOV  
 Quas L ut *Heinsius* coni. Quo edd. *Parm.* et *recc.* Asp. h. dex-  
 tras. capti g. parentes (sc. eas). Quo f. *Bothe*      410 paren-  
 tum OV parentem LF

Uestalisque focos extingui sanguine cerno.  
 Hoc arcete nefas!' Postquam inter talia crebro  
 Clamore obtusae crassoque a puluere fauces,  
 Hinc laeua frenos, hinc dextra corripit arma  
 Et latum obiectat pectus strictumque minatur 415  
 Nunc sibi, nunc trepidis, ni restent, comminus ensem.

Quas acies alto genitor dum spectat Olympo,  
 Consulis egregii mouere pericula mentem.  
 Graduum uocat et patrio sic ore profatur:  
 'Magnanimi, me nate, uiri, ni bella capessis, 420  
 Haud dubie extremus terret labor; eripe pugnae  
 Ardentem oblitumque sui dulcedine caedum.  
 Siste ducem Libyae; nam plus petit improbus uno  
 Consulis exitio, tota quam strage cadentum.  
 Praeterea, cernis, tenerae qui proelia dextrae 425  
 Iam credit puer atque annos transcendere factis  
 Molitur longumque putat pubescere bello,  
 Te duce primitias pugnae, te magna magistro  
 Audeat et primum hoc uincat, seruasse parentem.'

Haec rerum sator. at Mauors in proelia currus 430  
 Odrysia tellure uocat; tum fulminis atri  
 Spargentem flammam clipeum galeamque deorum  
 Haud ulli facilem multoque labore Cycloperum  
 Sudatum thoraca capit quassatque per auras  
 Titanum bello satiatam sanguinis hastam 435  
 Atque implet curru campos. exercitus una  
 Irarum Eumenidesque simul letique cruenti  
 Innumerae facies, frenisque operata regendis  
 Quadriiugos atro stimulat Bellona flagello.  
 Fertur ab immenso tempestas horrida caelo 440  
 Nigrantisque globos et turbida nubila torquens  
 Inuoluit terras; quatitur Saturnia sedes

---

422 post caedum interp. Lefebure 423 duces OV 436 cursu  
 Drakenborch cum ed. Parm. 437 Dirarum Gronov 439 atro]  
 torto uel saeuo van Veen



Ingressu tremefacta dei, ripasque relinquit,  
Audito curru, fontique relabitur amnis.

Ductorem Ausonium telis Garamantica pubes 445  
Cinxerat et Tyrio regi noua dona parabat,  
Armorum spolium ac rorantia consulis ora.  
Stabat Fortunae non cedere certus et acri  
Mole retorquebat, crudescens caedibus, hastas,  
Iamque suo, iamque hostili perfusa cruore 450  
Membra madent, cecidere iubae, gyroque per orbem  
Artato, Garamas iaculis propioribus instat  
Et librat saeua coniectum cuspide ferrum.  
Hic puer ut patrio defixum corpore telum  
Conspexit, maduere genae, subitoque trementem 455  
Corripuit pallor, gemitumque ad sidera rupit.  
Bis conatus erat praecurrere fata parentis,  
Conuersa in semet dextra; bis transtulit iras  
In Poenos Mauors. fertur per tela, per hostis  
Intrepidus puer et Gradium passibus aequat. 460  
Continuo cessere globi, latusque repente  
Apparet campo limes. metit agmina tectus  
Caelesti clipeo et sternit super arma iacentum  
Corporaue auctorem teli multasque paternos  
Ante oculos animas, optata piacula, mactat. 465  
Tunc, rapta propere duris ex ossibus hasta,  
Innixum ceruice ferens humeroque parentem,  
Emicat. attonitae tanta ad spectacula turmae  
Tela tenent, ceditque loco Libys asper, et omnis  
Late cedit Hiber; pietasque insignis et aetas 470  
Belligeris fecit miranda silentia campis.  
Tum celso e curru Mauors: 'Carthaginis arces  
Excindes', inquit, 'Tyriosque ad foedera coges.  
Nulla tamen longo tanta exorietur in aeuo  
Lux tibi, care puer. macte, o macte indole sacra, 475

---

447 ac LF et OV 451 cecinere *Lenz et Bothe* 453 con-  
iectum S traiectum Ch — uibrat *Schrader et Thilo* libat  
*Koestlin* 464 Corpora et O



Uera Iouis proles; et adhuc maiora supersunt;  
Sed nequeunt meliora dari.' Tum nubila Mauors  
Aetheraque, emenso terras iam sole, capessit;  
Et fessas acies castris clausere tenebrae.

Condebat noctem deuexo Cynthia curru, 480  
Fraternis afflata rotis, et ab aequore Eoo  
Surgebant roseae media inter caerula flammae.  
At consul, tristis campos Poenisque secundam  
Planitiem metuens, Trebiam collisque petebat.  
Iamque dies rapti cursu nauoque labore, 485  
Et medio abruptus fluitabat in amne solutis  
Pons uinclis, qui Dardanium trauxerat agmen,  
Eridani rapidas aderat cum Poenus ad undas.  
Dumque uada et mollis aditus per deuia flexo  
Circuitu petit et stagni languentia quaerit, 490  
Interdum rapta uicinis saltibus alno  
Flumineam texit, qua trauehat agmina, classem:  
Ecce aderat Trebiaeque simul uicina tenebat,  
Trinacrio accitus per caerula longa Peloro,  
Gracchorum proles, consul. gens inclita magno 495  
Atque animosa uiro, multusque in imagine claris  
Praefulgebat auus titulis bellicae domique.

Nec Poeni, positis trans amnem in gramine castris,  
Deerant; namque animos stimulabant prospera rerum  
Increpitansque super ductor: 'Quis tertius urbi 500  
Iam superest consul? quaenam altera restat in armis  
Sicania? en omnes Latiae Daunique nepotum  
Conuenere manus. feriant nunc foedera mecum  
Ductores Italum ac leges et pacta reposcant.  
At tu, donata tela inter Martia luce, 505  
Infelix animae, sic, sic uiuasque tuoque  
Des iterum hanc laudem nato; nec fine sub aevi

481 rotis] radiis *van Veen*  
*coniunxit cum campos van Veen*  
*Schlichteisen* — nauoque *Heinsius*  
486 fluctabat *LF* fluctuabat *OV*

483 Et *Liuius* — tristis  
485 raptus *Dausqueius* et  
uanoque *ChS* uarioque *uulgo*  
503 uersus *deest in F*

Oppetere in bello detur, cum fata uocabunt.  
 Pugnantes cecidisse meum est.' Haec personat ardens.  
 Inde leui iaculo Massylumque impiger alis 510  
 Castra sub ipsa datis irritat et elicit hostem.

Nec Latius uallo miles debere salutem  
 Fas putat, aut clausas pulsari cuspidē portas.  
 Erumpunt, cunctisque prior uolat aggere aperto  
 Degener haud Gracchis consul. quatit aura comantis 515  
 Cassidis Auruncae cristas, humeroque refulget  
 Sanguinei patrium saguli decus. agmina magno  
 Respectans clamore uocat, quaque obuia densos  
 Artat turba globos, rumpens iter aequore fertur.  
 Ut torrens celsi praeceps e uertice Pindi 520  
 Cum sonitu ruit in campos magnoque fragore  
 Auulsum montis uoluit latus; obuia passim  
 Armenta immanesque ferae siluaeque trahuntur;  
 Spumea saxosis clamat conuallibus unda.

Non, mihi Maeoniae redeat si gloria linguae, 525  
 Centenasque pater det Phoebus fundere uoces,  
 Tot caedes proferre queam, quot dextera magni  
 Consulis, aut contra Tyriae furor edidit irae.  
 Murranum ductor Libyae, ductorque Phalantum  
 Ausonius, gnaros belli ueteresque laborum, 530  
 Alter in alterius fuderunt comminus ore.  
 Monte procelloso Murranum miserat Axur,  
 Tritonis niueo te sacra, Phalante, profundo.  
 Ut primum insigni fulsit uelamine consul,  
 Quamquam orbis partem uisus unoque Cupencus 535  
 Lumine sufficiens bellis, citat improbus hastam  
 Et summae figit tremebundam margine parmae.

---

514 cuneisque *Heinsius* (cf. 144) 516 Cassidis Aurun-  
 cae Ch 520 celso *van Veen* 522 monti *Heinsius* 529 et  
 532 Murmuratum S 532 axur LEV auxur O (cf. XIII. 390  
 ubi L Assur) Anxur uulgo 533 niueo] uitreo *Markland ad*  
*Stat. Silv. II. 3. 16 et van Veen* 535 Cupencus Ch cu-  
 pentus FOV capentus L 536 rotat *Bentley, sed cf.*  
*IX. 552*

Cui consul, namque ira coquit: 'Pone, improbe, quicquid  
Restat in ore fero et truncata fronte relucet.'

Sic ait, intorquens directo turbine robur, 540

Et dirum tota tramittit cuspidē lumen.

Nec leuior dextra generatus Hamilcare saeuit;

Huic cadit infelix niueis Uareus in armis,

Meuanas Uareus, arat cui diuitis uber

Campi Fulginia, et patulis Clitumnus in aruis 545

Candentis gelido perfundit flumine tauros.

Sed tristes superi, atque ingrata maxima cura

Victima Tarpeio frustra nutrita Tonanti.

Instat Hiber leuis et leuior discurrere Maurus.

Hinc pila, hinc Libycae certant subtexere cornus 550

Densa nube polum; quantumque interiacet aequi

Ad ripas campi, tantum uibrantia condunt

Tela; nec artatis locus est in morte cadendi.

Allius, Argyripa Daunice profectus ab aruis

Uenator, rudibus iaculis et Iapyge campum 555

Persultabat equo, mediosque inuectus in hostis,

Apula non uana torquebat spicula dextra.

Huic horret thorax Samnitis pellibus ursae,

Et galea annosi uallatur dentibus apri.

Uerum ubi turbantem, solo ceu lustra pererret 560

In nemore aut agitet Gargano terga ferarum,

Hinc Mago, hinc saeuus pariter uidere Maharbal,

Ut subigente famē diuersis rupibus ursi

Inuadunt trepidum gemina inter proelia taurum,

Nec partem praedae patitur furor — haud secus acer 565

Hinc atque hinc iaculo deuoluitur Allius acto.

It stridens per utrumque latus Maurusia taxus;

Obuia tum medio sonuerunt spicula corde,

Incertumque fuit, letum cui cederet hastae.

---

539 reducet S      540 directo ChLFO directo V (cf. II. 92,  
VI. 228, IX. 583)      543 Hinc OV      544 Meuanas Uare-  
us ChLF meuanus OV      545 fulginia OV fulginea LF      554 pro-  
fectus] professus S      558 Hinc S      563 diuersi L

Et iam, dispersis Romana per agmina signis, 570  
 Palantis agit ad ripas, miserabile, Poenus  
 Impellens trepidos fluuioque immergere certat.

Tum Trebia infausto noua proelia gurgite fessis  
 Inchoat ac precibus Iunonis suscitatur undas. 575  
 Haurit subsidens fugientum corpora tellus

Infidaque soli frustrata uoragine sorbet;  
 Nec niti lentoque datur conuellere limo  
 Mersa pedum penitus uestigia; labe tenaci  
 Haerent deuincti gressus, resolutaque ripa  
 Implicat aut caeca prosternit fraude paludis. 580

Iamque alius super atque alius per lubrica surgens,  
 Dum sibi quisque uiam per inextricabile litus  
 Praeripit et putri luctatur caespitem, lapsi  
 Occumbunt seseque sua pressere ruina.

Ille, celer nandi, iamiamque apprendere tuta 585

Dum parat et celso connixus corpore prensat  
 Gramina summa manu liquidisque emergit ab undis,  
 Contorta ripae pendens affigitur hasta.

Hic hostem, orbatus telo, complectitur ulnis  
 Luctantemque uado permixta morte coercet. 590

Mille simul leti facies. Ligus occidit aruis;  
 Sed proiecta uiri lymphis fluuiialibus ora  
 Sanguineum hauserunt longis singultibus amnem.

Enabat tandem medio uix gurgite pulcher  
 Irpinus sociumque manus clamore uocabat, 595

Cum rapidis illatus aquis et uulnere multo  
 Impulit asper equus fessumque sub aequora mersit.

Accumulat clades subito conspecta per undas  
 Uis elephantorum turrato concita dorso.

---

574 ac precibus Cd (*T. p. 213 et 215*) et V 578 tabe  
*Ruperti et van Veen* 585 ianuamque S 586 conni-  
 sus ChLF connixus OV 590 luctantemque Cm *Ep. 88 LF*  
 undantemque OV 595 Irpinus ChS (*cf. XI. 11*) Hirpinus ali  
 (*cf. H. Jordan, kritische Beitr. z. Gesch. d. lat. Spr. p. 160*  
*et 163*) 598 At cumula L in F c et t m. 2 adiect. At  
 comula OV



Namque uadis rapitur praeceps, ceu proruta cautes 600  
 Auulsi montis, Trebiamque insueta timentem  
 Prae se pectore agit spumantique incubat alueo.  
 Explorant aduersa uiros, perque aspera duro  
 Nititur ad laudem uirtus interrita cliuo.

Namque inhonoratam Fibrenus perdere mortem 605  
 Et famae nudam impatiens: 'Spectabimur', inquit,  
 'Nec, Fortuna, meum condes sub gurgite letum.  
 Experiar, sitne in terris, domitare quod ensis  
 Non queat Ausonius, Tyrrhenaue permeet hasta.'  
 Tum iacit assurgens dextroque in lumine sistit 610  
 Spicula saeua ferae telumque in uulnere linquit.  
 Stridore horrisono penetrantem cuspidis ictum  
 Belua prosequitur laceramque cruore profuso  
 Attollit frontem ac lapso dat terga magistro.  
 Tum uero inuadunt iaculis crebraque sagitta, 615  
 Ausi iam sperare necem, immensosque per armos  
 Et laterum extensus uenit atra cuspidē uulnus.  
 Stat multa in tergo et nigranti lancea dorso,  
 Ac siluam ingentem, concusso corpore, uibrat,  
 Donec, consumptis longo certamine telis, 620  
 Concidit et clausit magna uada pressa ruina.

Ecce per aduersum, quamquam tardata morantur  
 Uulnere membra uirum, subit implacabilis amnem  
 Scipio et innumeris infestat caedibus hostem.  
 Corporibus clipeisque simul galeisque cadentum 625  
 Contegitur Trebia, et uix cernere linquitur undas.  
 Mazaeus iaculo, Gestar prosternitur ense;  
 Tum Pelopeus auis Cyrenes incola Thelgon.

600 praeceps rapitur *uulgo* 605 perdere *Cm Ep. 16*  
 606 nudam *Cm l. l. L (T. p. 219)* undam *FOV* — spectabitur *Ch*  
 609 permeet *Cm l. l. peruicet LF* pernicet *OV* 611 in uul-  
 nere *LF* in lumine *OV (T. p. 214)* — linquit *Ch* 614 et *V*  
 617 extensus *S* extensus *uulgo* — atra] acta *Schrader et van*  
*Veen, qui et atrum coni.* 621 magna uada pressa *Cm Ep. 16*  
 magna depressa *OV* magna pressa (ur *m. 2 suprascr.*) *F* magna  
 pressante *L (T. p. 236)* 628 pelopeus *V* polopeus *LFO* —  
 cyrenis *S* — thelgon *LO* telgon *FV*



Huic torquet rapido correptum e gurgite pilum  
 Et, quantum longo ferri tenuata rigore 630  
 Procedit cuspis, per hiantia transigit ora.  
 Pulsati ligno sonuere in uulnere dentes.  
 Nec leto quaesita quies: turgentia membra  
 Eridano Trebia, Eridanus dedit aequoris undis.  
 Tu quoque, Thapse, cadis, tumulto post fata negato. 635  
 Quid domus Hesperidum aut luci iuuere dearum,  
 Fuluos aurifera seruantes arbore ramos?

Intumuit Trebia et stagnis se sustulit imis  
 Iamque ferox totum propellit gurgite fontem  
 Atque omnis torquet uires; furit unda sonoris 640  
 Uerticibus, sequiturque nouus cum murmure torrens.  
 Sensit et accensa ductor uiolentius ira:  
 'Magnas, o Trebia, et meritas mihi, perfide, poenas  
 Exsolues', inquit. 'lacerum per Gallica riuis  
 Dispergam rura atque amnis tibi nomina demam; 645  
 Quoque aperis te fonte, premam; nec tangere ripas  
 Illabique Pado dabitur. quatenus ista repente  
 Sidonium, infelix, rabies te reddidit amnem?'

Talia iactantem consurgens agger aquarum  
 Impulit atque humeros curuato gurgite pressit. 650  
 Arduus aduersa mole incurrentibus undis  
 Stat ductor clipeoque ruentem sustulit amnem.  
 Necnon a tergo fluctus stridente procella  
 Spumeus irrorat summas aspergine cristas.  
 Ire uadis stabilemque uetat defigere gressum 655  
 Subducta tellure deus; percussaue longe  
 Raucum saxa sonant; undaeque ad bella parentis  
 Excitae pugnant, et ripas perdidit amnis.  
 Tum madidos crinis et glauca fronde reuinctum  
 Attollit cum uoce caput: 'Poenasne superbas 660

629 Hinc O 633 leto Cm *Ep.* 16 iacto S 635 Thapse Ch  
 tapse S 638 Intumuit LFCd (*T. p.* 214) Intonuit OV 651 in-  
 currentibus ChLF irrumpentibus OV 652 sustulit S (F sub-  
 stulit, *ut v.* 638) sustinet *uulgo* 657 parentis Ch 660 poe-  
 nasne O poenasue LF poenasque V

Insuper et nomen Trebiae delere minaris,  
 O regnis inimice meis? quot corpora porto  
 Dextra fusa tua! clipeis galeisque uirorum,  
 Quos mactas, artatus iter cursumque reliqui.  
 Caede, uides, stagna alta rubent retroque feruntur. 665  
 Adde modum dextrae aut campis incumbe propinquis.'

Haec, Uenere adiuncta, tumultu spectabat ab alto  
 Mulciber, obscurae tectus caligine nubis.  
 Ingrauat ad caelum sublatis Scipio palmis:  
 'Di patrii, quorum auspiciis stat Dardana Roma, 670  
 Talin me leto tanta inter proelia nuper  
 Seruastis? fortune animam hanc excindere dextra  
 Indignum est uisum? redde o me, nate, periclis,  
 Redde hosti! liceat bellanti accersere mortem,  
 Quam patriae fratrique probem.' Tum percita dictis 675  
 Ingemuit Uenus et rapidas direxit in amnem  
 Coniugis inuicti uires. agit undique flammas  
 Dispersus ripis ignis multosque per annos  
 Nutritas fluuio populatur feruidus umbras.  
 Uritur omne nemus, lucosque effusus in altos 680  
 Immissis crepitat uictor Uulcanus habenis.  
 Iamque ambusta comas abies, iam pinus et alni;  
 Iam, solo restans trunco, dimisit in altum  
 Populus assuetas ramis habitare uolucres.  
 Flamma uorax imo penitus de gurgite tractos 685  
 Absorbet latices, saeuoque urgente uapore  
 Siccus inarescit ripis cruor. horrida late  
 Scinditur in rimas et hiatu rupta dehiscit  
 Tellus, ac stagnis altae sedere fauillae.

Miratur pater aeternos cessare repente 690  
 Eridanus cursus; Nympharumque intima maestus  
 Impleuit chorus attonitis ululatibus antra.

---

661 minacis S (in F m. 2 corr. in minaris) 662 quot Ch  
 tot V — porro OV 672 fortune ChF (T. p. 230) fortune LOV  
 673 mi S 676 direxit Ch detexit S detruxit uulgo 679 um-  
 bras Cm Ep. 59 685 uno OV 687 arida Gronov et van  
 Veen 692 attonitus S

Ter caput ambustum conantem attollere iacta  
 Lampade Uulcanus mersit fumantibus undis,  
 Ter correpta dei crines nudauit harundo. 695  
 Tum demum admissae uoces et uota precantis,  
 Orantique datum ripas seruare prioris.  
 Ac tandem a Trebia reuocauit Scipio fessas  
 Munitum in collem, Graccho comitante, cohortes.  
 At Poenus, multo fluuium ueneratus honore, 700  
 Gramineas undis statuit socialibus aras,  
 Nescius heu, quanto superi maiora mouerent,  
 Et quos Ausoniae luctus, Thrasymentis, parares.

Boiorum nuper populos turbauerat armis  
 Flaminius, facilisque uiro tum gloria belli, 703  
 Corde leuem atque astus inopem contundere gentem.  
 Sed labor haud idem Tyrio certasse tyranno.  
 Hunc, laeuis urbi genitum ad fatalia damna  
 Ominibus, parat imperio Saturnia fesso  
 Ductorem dignumque uirum ueniente ruina. 710  
 Inde ubi prima dies iuris, clauumque regendae  
 Inuasit patriae, ac sub nutu castra fuere,  
 Ut pelagi rudis et pontum tractare per artem  
 Nescius, accepit miserae si iura carinae,  
 Uentorum tenet ipse uicem cunctisque procellis 715  
 Dat iactare ratem: fertur uaga gurgite puppis,  
 Ipsius in scopulos dextra impellente magistri.  
 Ergo agitur raptis praeceps exercitus armis  
 Lydorum in populos sedemque ab origine prisci  
 Sacratam Corythi iunctosque a sanguine auorum 720  
 Maeonios Italis permixta stirpe colonos.

Nec regem Afrorum noscenda ad coepta moratur

---

693 iactu S      695. undauit S      696 admissae Ch —  
 amissae uires *uulgo* — uota *Gronov* uoce S      698 Sic tandem  
*Withof*      700 At V Ac LFO      701 statuit ChLF strauit OV  
 705 dum Ch      711 iuris FV uiris LO      712 ac Cd (*T. p. 215*)  
 et S      719 in om. S      722 noscenda *ed. Basil. 1522* na-  
 scenda S pascenda *Heinsius* poscens ad c. *Bothe* haec noscens  
*Thilo* pensanda *Blass* nauanda *Buchwald*

Laude super tanta monitor deus. omnia somni  
 Condiderant aegrisque dabant obliuia curis,  
 Cum Iuno, in stagni numen conuersa propinqui 725  
 Et madidae frontis crinis circumdata fronde  
 Populea, stimulat subitis praecordia curis  
 Ac rumpit ducis haud spernenda uoce quietem:  
 'O felix famae et Latio lacrimabile nomen  
 Hannibal, Ausoniae si te Fortuna creasset, 730  
 Ad magnos uenture deos! cur fata tenemus?  
 Pelle moras. breuis est magni Fortuna fauoris.  
 Quantum uouisti, cum Dardana bella parenti  
 Iurares, fluet Ausonio tibi corpore tantum  
 Sanguinis, et patrias satiabis caedibus umbras. 735  
 Nobis persolues meritos securus honores.  
 Namque ego sum, celsis quem cinctum montibus ambit  
 Tmolo missa manus, stagnis Thrasymennus opacis.'  
 His agitur monitis et laetam numine pubem  
 Protinus aërii praeceps rapit aggere montis. 740  
 Horrebat glacie saxa inter lubrica, summo  
 Piniferum caelo miscens caput, Apenninus.  
 Condiderat nix alta trabes, et uertice celso  
 Canus apex structa surgebat ad astra pruina.  
 Ire iubet. prior extingui labique uidetur 745  
 Gloria, post Alpes si stetur montibus ullis.  
 Scandunt praerupti nimbosa cacumina saxi,  
 Nec superasse iugum finit mulcetue laborem.  
 Plana natant, putrique gelu liquentibus undis  
 Inuia limosa restagnant arua palude. 750  
 Iamque ducis nudus tanta inter inhospita uertex

725 Quin LF (cf. III. 618) — numen Cm Ep. 59 LF iuue-  
 nem OV 728 hunc uersum, qui deest in V, eici uult Hein-  
 sius 730 ausoniae F ausonia LOV — Fortuna] Natura  
 Bentley et Schrader 731 cur Ch cui O 735 sedibus S,  
 in V m. 2 corr. in cedibus 737 cinctum] cunctis S  
 744 structa Ch stricta S 748 et 750 hi uersus deerant in  
 Col. teste Heinsio — mulcetue LFV mulcetque O 749 lin-  
 quentibus OV



Saeuitia quatitur caeli, manante per ora  
 Perque genas oculo. facilis spreuisse medentis,  
 Optatum bene credit emi quocumque periclo  
 Bellandi tempus. non frontis parcit honori, 755  
 Dum ne perdat iter; non cetera membra moratur  
 In pretium belli dare, si uictoria poscat;  
 Satque putat lucis, Capitolia cernere uictor  
 Qua petat atque Italum feriat qua comminus hostem.  
 Talia perpassi tandem inter saeua locorum 760  
 Optatos uenere lacus, ubi deinde per arma  
 Sumeret amissi numerosa piacula uisus.

Ecce autem patres aderant Carthagine missi;  
 Causa uiae non parua uiris, nec laeta ferebant.  
 Mos fuit in populis, quos condidit aduena Dido, 765  
 Poscere caede deos ueniam ac flagrantibus aris,  
 Infandum dictu! paruos imponere natos.  
 Urna reducebat miserandos annua casus,  
 Sacra Thoanteae ritusque imitata Dianae.  
 Cui fato sortique deum de more petebat 770  
 Hannibalis prolem discors antiquitus Hannon.  
 Sed propior metus armati ductoris ab ira  
 Et magna ante oculos stabat genitoris imago.

Asperat haec, foedata genas lacerataque crinis,  
 Atque urbem complet maesti clamoris Imilce. 775  
 Edonis ut Pangaea super trieteride mota  
 It iuga et inclusum suspirat pectore Bacchum.  
 Ergo inter Tyrias, facibus ceu subdita, matres  
 Clamat: 'Io coniux, quocumque in cardine mundi  
 Bella moues, huc signa refer. uiolentior hic est, 780  
 Hic hostis propior. tu nunc fortasse sub ipsis  
 Urbis Dardaniae muris uibrantia tela  
 Excipis intrepidus clipeo saeuamque coruscans

---

753 madentis S      759 petat S    queat *ed. Basil. 1522* —  
 feriat] seruet *van Veen*      773 genitoris Cm *Ep. 59 Ch* rede-  
 untis S      774 Asperat haec Cm *l. l.* Asper ad haec S  
 776 mota *ed. Basil. 1522* motu S



Lampada Tarpeis infers incendia tectis.  
 Interea tibi prima domus atque unica proles 785  
 Heu gremio in patriae Stygias raptatur ad aras!  
 I nunc, Ausonios ferro populare penates  
 Et uetitas molire uias. i, pacta resigna,  
 Per cunctos iurata deos. sic praemia reddit  
 Carthago et talis iam nunc tibi soluit honores! 790  
 Quae porro haec pietas, delubra aspergere tabo?  
 Heu primae scelerum causae mortalibus aegris,  
 Naturam nescire deum! iusta ite precari  
 Ture pio caedumque feros auertite ritus.  
 Mite et cognatum est homini deus. hactenus, oro, 795  
 Sit satis ante aras caesos uidisse iuuenos;  
 Aut si uelle nefas superos fixumque sedetque,  
 Me, me, quae genui, uestris absumite uotis.  
 Cur spoliare iuuat Libycas hac indole terras?  
 An flendae magis Aegates et mersa profundo 800  
 Punica regna forent, olim si sorte cruenta  
 Esset tanta mei uirtus praerepta mariti?  
 Haec dubios uario diuumque hominisque timore  
 Ad cauta illexere patres; ipsique relictum,  
 Abnueret sortem an superum pareret honori. 805  
 Tum uero trepidare metu uix compos Imilce,  
 Magnanimi metuens immitia corda mariti.  
 His auide auditis, ductor sic deinde profatur:  
 'Quid tibi pro tanto non impar munere soluat  
 Hannibal aequatus superis? quae praemia digna 810  
 Inueniam, Carthago parens? noctemque diemque  
 Arma feram; templisque tuis hinc plurima faxo  
 Hostia ab Ausonio ueniat generosa Quirino.  
 At puer armorum et belli seruabitur heres.  
 Spes, o nate, meae Tyriarumque unica rerum, 815  
 Hesperia minitante, salus, terraque fretoque

785 Incerta S      790 soluit ChLF fouit OV      793 pre-  
 cati S      798 absumite ChLV assume FO      801 sorte Ch  
 forte O      802 praecepta O      803 hominisque S hominumque Cd  
 (T. p. 214)      808 prefatur LF      812 fixo S

Certare Aeneadis, dum stabit uita, memento.  
 Perge — patent Alpes — nostroque incumbere labori.  
 Uos quoque, di patrii, quorum delubra piantur  
 Caedibus atque coli gaudent formidine matrum, 820  
 Huc laetos uultus totasque aduertite mentes.  
 Namque paro sacra et maioris molior aras.  
 Tu, Mago, aduersi conside in uertice montis,  
 Tu laeuos propior collis accede, Choaspe,  
 Ad claustra et fauces ducat per opaca Sychaeus. 825  
 Ast ego te, Thrasyminne, uago cum milite praiceps  
 Lustrabo et superis quaeram libamina belli.  
 Namque haud parua deus promissis spondet apertis,  
 Quae spectata, uiri, patriam referatis in urbem.'

## SILI ITALICI

## P U N I C O R U M

## LIBER QUINTUS.

Ceperat Etruscos occulto milite colles  
 Sidonius ductor perque alta silentia noctis  
 Siluarum anfractus caecis insiderat armis.  
 At parte e laeua, restagnans gurgite uasto,  
 Effigiem in pelagi lacus humectabat inertis 5  
 Et late multo foedabat proxima limo;  
 Quae uada, Faunigenae regnata antiquitus Arno,

822 maiores Ch — molior *ed. Basil. 1522* melior S  
 823 conside in u. V concide in u. FO concides u. L 824 Cho-  
 aspe] hidaspe LV idaspe F hydaspe O 3 insiderat ChV inse-  
 derat LFO 4 dextra *Lefebure et Bothe, sed cf. Schlichteisen*  
*p. 112* — uasti O 5 humectabat LF umectabat Ch inueta-  
 bat (i supra e) V iuete-  
 bat O — inertis *Liui-  
 ineius et Barth* inerti L  
 inerti OV in ercti F 7 Arno Ch (*T. p. 203*) LF auro O  
 aruo V

Nunc uolente die Thrasymenni nomina seruant.  
 Lydius huic genitor, Tmoli decus, aequore longo  
 Maeoniam quondam in Latias aduexerat oras 10  
 Tyrrhenus pubem dederatque uocabula terris;  
 Isque insueta tubae monstrauit murmura primus  
 Gentibus et bellis ignaua silentia rupit.  
 Nec modicus uoti natum ad maiora fouebat.  
 Uerum ardens puero castumque exuta pudorem — 15  
 Nam forma certare deis, Thrasymenne, ualeres —  
 Litore correptum stagnis demisit Agylle,  
 Flore capi iuuenem primaewo lubrica mentem  
 Nympha nec Idalia lenta incaluisse sagitta.  
 Solatae uiridi penitus fouere sub antro 20  
 Naides amplexus undosaque regna trementem.  
 Hinc dotale lacus nomen, lateque Hymenaeo  
 Conscia lasciuo Thrasymennus dicitur unda.

Et iam curriculo nigram nox roscida metam  
 Stringebat, nec se thalamis Tithonia coniux 25  
 Protulerat stabatque nitens in limine primo,  
 Cum minus abnuerit noctem desisse uiator,  
 Quam coepisse diem: consul carpebat iniquas,  
 Praegrediens signa ipsa, uias, omnisque ruebat  
 Mixtus eques; nec discretis leuia arma maniplis 30  
 Insertique globo pedites et inutile Marti  
 Lixarum uulguis praesago cuncta tumultu  
 Implere et pugnam fugientum more petebant.  
 Tum super ipse lacus, densam caligine caeca  
 Exhalans nebulam, late corruerat omnem 35  
 Prospectum miseris, atque atrae noctis amictu  
 Squalebat pressum picea inter nubila caelum.  
 Nec Poenum liquere doli. sedet ense reposto  
 Abditus et nullis properantem occursibus arcet.

---

9 Tmoli] molli **S** — longo *Heinsius* longas **S** longe *uulgo*  
 10 Maeonias **S** 12 tubae **Ch** tuba **S** 18 iuuenem **Cm**  
*Ep.* 59 iuuenem **S** 20 Solatae **Cm** *l. l.* 26 lumine **V**  
*(cf. I. 66)* 27 abnuerit **Cm** *l. l.* 29 Progrediens **OV**  
 33 et **S** ac *uulgo* 35 interruperat *Bentley*

Ire datur, longeque patet, ceu pace quieta, 40  
 Incustoditum, mox irremeabile, litus.  
 Namque sub angustas artato limite fauces  
 In fraudem ducebat iter, geminumque receptis  
 Exitium, hinc rupes, hinc undae claustra premebant.  
 At cura umbroso seruabat uertice montis 45  
 Hostilem ingressum, refugos habitura sub ictu.  
 Haud secus ac uitreas sollers piscator ad undas,  
 Ore leuem patulo texens de uimine nassam,  
 Cautius interiora ligat mediamque per aluum,  
 Sensim castigans, compressa cacumina nectit 50  
 Ac fraude artati remeare foraminis arcet  
 Introitu facilem, quem traxit ab aequore, piscem.  
 Ocius interea propelli signa iubebat  
 Excussus consul fatorum turbine mentem,  
 Donec flammiferum tollentes aequore currum 55  
 Solis equi sparsere diem. iamque, orbe renato,  
 Diluerat nebulas Titan, sensimque fluebat  
 Caligo in terras nitido resoluta sereno.  
 Tunc ales, priscum populis de more Latinis  
 Auspiciu, cum bella parant mentesque deorum 60  
 Explorant super euentu, ceu praescia luctus,  
 Damnauit uesci planctuque alimenta refugit.  
 Nec rauco taurus cessauit flebile ad aras  
 Immugire sono, pressamque ad colla bipennem  
 Incerta ceruice ferens, altaria liquit. 65  
 Signa etiam affusa certant dum uellere mole,  
 Taeter humo lacera nitentum erupit in ora  
 Exultans cruor, et caedis documenta futurae  
 Ipsa parens miseris gremio dedit atra cruento;

---

40 sic *Modius Ep.* 59 *uersum inser.* 45 At cura **Ch**  
 At cura *corr. in* Ac circa **F** (*T.p.* 230) Ac circa **LOV** At contra  
*uulgo* Par cura *Heinsius* At castra *Gronov* At turma  
*Schrader* 50 castigans **L** (*sic con.* *Withof*) fastigans **FOV**  
 58 in terris *Ruperti* 60 parent **L** 61 euentum **Ch** 66 af-  
 fusa **S** effusa *c. cod.* *Tell. Blass* aliique effossa *Schrader et van*  
*Veen*



Ac super haec diuum genitor, terrasque fretumque 70  
 Concutiens tonitru, Cyclopum rapta caminis  
 Fulmina Tyrrhenas Thrasymenni torsit in undas;  
 Ictusque aetheria per stagna patentia flamma  
 Fumauit lacus, atque arserunt fluctibus ignes.  
 Heu uani monitus frustra morantia Parcas 75  
 Prodigia! heu fatis superi certare minores!  
 Atque hic, egregius linguae nomenque superbum,  
 Coruinus, Phoebea sedet cui casside fulua  
 Ostentans ales proauitae insignia pugnae,  
 Plenus et ipse deum et socium terrente pauore, 80  
 Immiscet precibus monita atque his uocibus infit:  
 'Iliacas per te flammis Tarpeiaque saxa,  
 Per patrios, consul, muros suspensaque nostrae  
 Euentu pugnae natorum pignora, cedas  
 Oramus superis tempusque ad proelia dextrum 85  
 Opperiare. dabunt idem camposque diemque  
 Pugnandi; tantum ne dedignare secundos  
 Expectare deos. cum fulserit hora, cruentam  
 Quae stragem Libyae portet, tum signa sequentur  
 Nulla uulsa manu, uescique interritus ales 90  
 Gaudebit, nullosque uomet pia terra cruores.  
 An te praestantem belli fugit, improba quantum  
 Hoc possit Fortuna loco? sedet obuius hostis  
 Aduersa fronte; at circa nemorosa minantur  
 Insidias iuga, nec laeua stagnantibus undis 95  
 Effugium patet, et tenui stant tramite fauces.  
 Si certare dolis et bellum ducere cordi est,  
 Interea rapidis aderit Seruilius armis,

---

73 Ictusque aetheria **Cm** *Ep. 110* Ictusque **L** Litusque **OV**  
 Littusque **F** (*alterum t suprascr.*) 74 atque arserunt in  
 fl. i. **LF** at arserunt in fl. i. **O** atque arserunt (*e supra unt*)  
 in fl. i. **V** 76 certare **ChS** certasse *uulgo* 82 per te **Ch**  
 86 camposque **Cm** *Ep. 110* tempusque **S** 87 non **L** 89 por-  
 tet **Cm l. l.** poscet **LFO** postet **V** 92 belli **Ch** bellis **S**  
 94 at circa **Ch** ac c. **S** 95 laeuam *Lefebure et Bothe* dextra  
*Cluuerus Ital. ant. II. 3 p. 585, sed cf. Schichteisen p. 112*

Cui par imperium et uires legionibus aequae.  
Bellandum est astu. leuior laus in duce dextrae.' 100

Talia Coruinus, primoresque addere passim  
Orantum uerba, et diuisus quisque timoris  
Nunc superos, ne Flaminio, nunc deinde precari  
Flaminium, ne caelicolis contendere perstet.  
Acrius hoc accensa ducis surrexerat ira, 105

Auditoque furens socias non defore uires:  
'Siccine nos', inquit, 'Boiorum in bella ruentis  
Spectastis, cum tanta lues uulgusque tremendum  
Ingrueret, rupesque iterum Tarpeia paueret?  
Quas ego tunc animas dextra, quae corpora fudi, 110  
Irata tellure sata et uix uulnere uitam

Reddendis uno! iacuere ingentia membra  
Per campos magnisque premunt nunc ossibus arua.  
Scilicet has sera ad laudes Seruilius arma  
Adiungat, nisi diuiso uicisse triumpho 115

Ut nequeam et decoris contentus parte quiescam?  
Quippe monent superi. similes ne fingite uobis,  
Classica qui tremitis, diuos. sat magnus in hostem  
Augur adest ensis, pulchrumque et milite dignum  
Auspicium Latio, quod in armis dextera praestat. 120

An, Coruine, sedet, clausum se consul inertis  
Ut teneat uallo? Poenus nunc occupet altos  
Arreti muros, Corythi nunc diruat arcem?  
Hinc Clusina petat? postremo ad moenia Romae  
Illaesum contendat iter? deforme sub armis 125

Uana superstitio est; dea sola in pectore Uirtus  
Bellantum uiget. umbrarum me noctibus atris  
Agmina circumstant, Trebiae qui gurgite quique  
Eridani uoluuntur aquis, inhumata iuuentus.'

Nec mora. iam medio coetu signisque sub ipsis 130

---

100 in duce dextrae Ch      102 Oranti *Heinsius* — ti-  
moris *Thilo* timori S timore *Ruperti*      103 ne Flaminio  
*Dausqueius et Heinsius* de flamino LFV de flamine O      105 duci  
*Ruperti*      114 laudis O      117 mouent OV      126 Una super-  
stitio Ch      129 uoluentur S

Postrema aptabat nulli exorabilis arma.  
 Aere atque aequorei tergo flauente iuueni  
 Cassis erat munita uiro; cui uertice surgens  
 Triplex crista iubas effundit crine Suëuo;  
 Scylla super, fracti contorquens pondera remi, 135  
 Instabat saeuosque canum pandebat hiatus,  
 Nobile Gargeni spoliū, quod rege superbus  
 Boiorum caeso capiti illacerabile uictor  
 Aptarat pugnasque decus portabat in omnis.  
 Loricam induitur; tortos huic nexilis hamos 140  
 Ferro squama rudi permixtoque asperat auro.  
 Tum clipeum capit, aspersum quem caedibus olim  
 Celticus ornarat cruor; humentique sub antro,  
 Ceu fetum, lupa permulcens puerilia membra  
 Ingentem Assaraci caelo nutribat alumnum. 145  
 Hinc ensem lateri dextraeque accommodat hastam.  
 Stat sonipes uexatque ferox humentia frena,  
 Caucasiam instratus uirgato corpore tigrim.  
 Inde exceptus equo, qua dant angusta uiarum,  
 Nunc hos, nunc illos adit atque hortatibus implet: 150  
 'Uestrum opus est uestrumque decus, suffixa per urbem  
 Poeni ferre ducis spectanda parentibus ora.  
 Unum hoc pro cunctis sat erit caput. aspera quisque  
 Hortamenta sibi referat: Meus, heu! meus atris  
 Ticini frater ripis iacet; at meus alta 155  
 Metitur stagna Eridani sine funere natus.  
 Haec sibi quisque; sed est uestrum, cui nulla doloris

131 optabat S      134 effundit V effudit LFO — crine  
 sueuo LFV sueno O severo Ch      137 Gargeni ed. Ald. et  
 Marsi Gargaui Ch gergeni LF gergani O gergrieni V terge-  
 minum Schlichteisen      138 illacerabile OV illetabile L illa-  
 terabile, corr. in illetabile F impenetrabile uel interebrabile  
 Heinsius      139 Raptarat Baehrens, sed cf. 146. 166      140 hinc OV  
 141 asperat auro V aspera tauro LFO      145 nutrierat O nu-  
 trirat V      148 Causacam LFV Clausatam O — instrictus L  
 153 erit Cm Ep. 110      154 Hortamenta Cm l. l. LF Porta-  
 menta OV — astris Cm l. l.      155 at meus Cm l. l. et meus  
 Ernesti

Priuati rabies, is uero urgentia sumat  
 E medio, fodiant quae magnas pectus in iras,  
 Perfractas Alpes passamque infanda Saguntum, 160  
 Quosque nefas uetiti transcendere nomen Hiberi,  
 Tangere iam Thybrim. nam dum uos augur et extis  
 Quaesitae fibrae uanusque moratur haruspex,  
 Solum iam superest, Tarpeio imponere castra.'

Turbidus haec, uisoque artis in milibus atras 165  
 Bellatore iubas aptante: 'Est, Orfite, munus,  
 Est,' ait, 'hoc certare tuum, quis opima uolenti  
 Dona Ioui portet feretro suspensa cruento.  
 Nam cur haec alia pariat gloria dextra?'  
 Hinc praeuectus equo, postquam inter proelia notam  
 Accepit uocem: 'Procul hinc te Martius,' inquit, 171  
 'Murrane, ostendit clamor, uideoque furentem  
 Iam Tyria te caede; uenit laus quanta! sed, oro,  
 Haec angusta loci ferro patefacta relaxa.'  
 Tum Soracte satum, praestantem corpore et armis, 175  
 Aequanum noscens, patrio cui ritus in aruo,  
 Cum pius Arcitenens accensis gaudet aceruis,  
 Exta ter innocuos laetum portare per ignes:  
 'Sic in Apollinea semper uestigia pruna  
 Inuiolata teras uictorque uaporis ad aras 180  
 Dona serenato referas sollemnia Phoebo:  
 Concipe,' ait, 'dignum factis, Aequane, furorem  
 Uulneribusque tuis. socio te caedis et irae  
 Non ego Marmaridum mediam penetrare phalangem  
 Cinyphiaeque globos dubitarim irrumpere turmae.' 185

---

158 urgentia *em.* ingentia *S* incendia *Gronov* 161 limen  
 Hiberi *Ernesti* flumen *uel* flumina *Ruperti* 162 uos *OV*  
 nos *LF* 165 in milibus] humilibus *LF* — hirtas *Heinsius*  
 albas *uel* altas *Ruperti* 166 iubas *Cm Ep. 110* — orfite *LF*  
 orphite *OV* — est *om.* *Ch* 170 prouectus *O* 171 uocem  
 procul: hic *Liuiineius et Heinsius* 178 laetum *Ch* latum *S*  
 180 feras *Liuiineius* 182 aequare *corr. in* aequane (*n supra u*) *F* equa *ue L* aequare *V* equare *O* 182 fatis *et* 183 Numinibusque *Heinsius*



Nec iam ultra monitus et uerba morantia Martem  
 Ferre ualet, longo Aeneadis quod flebitur aeuo.  
 Increpuere simul feralia classica signum,  
 Ac tuba terrificis fregit stridoribus auras. 189  
 Heu dolor, heu lacrimae, nec post tot saecula serae!  
 Horresco ut pendente malo, ceu ductor ad arma  
 Exciret Tyrius. latebrosis collibus Astur  
 Et Libys et torta Baliaris saeuus habena  
 Erumpunt multusque Maces Garamasque Nomasque;  
 Tum, quo non alius uenalem in proelia dextram 195  
 Ocior attulerit conductaque bella probarit,  
 Cantaber et galeae contempto tegmine Uasco.  
 Hinc pariter rupes, lacus hinc, hinc arma simulque  
 Consona uox urget, signum clamore uicissim  
 Per collis Tyria circumfundente corona. 200

Auertere dei uultus fatoque dederunt  
 Maiori non sponte locum; stupet ipse tyranni  
 Fortunam Libyci Mauors, disiectaque crinem  
 Illacrimat Uenus, et Delum peruectus Apollo  
 Tristem maerenti solatur pectine luctum. 205  
 Sola, Apennini residens in uertice, diras  
 Expectat caedes immiti pectore Iuno.

Primae Picentum, rupto ceu turbine fusa  
 Agmina et Hannibalem ruere ut uidere, cohortes.  
 Inuadunt ultro, et poenas pro morte futura, 210  
 Turbato uictore, petunt accensa iuuentus;  
 Et, uelut erepto metuendi libera caelo,  
 Manibus ipsa suis praesumpta piacula mittit.  
 Funditur unanimo nisu et concordibus ausis  
 Pilorum in Poenos nimbus, fixosque repulsi 215  
 Summittunt clipeos curuato pondere teli.  
 Acrius hoc rursum Libys — et praesentia saeni

---

190 tot post V 192 Exciret Ch 197 uasto S 199 clan-  
 gorque *Heinsius* 202 stupet Cd (*T. p. 213 et 215*) LF  
 timet OV 206 diras ChLF duras OV 207 immiti ChV ini-  
 mico LOF, *sed F i. marg.* l'imiti 209 ut V et LFO 217 et S  
 ut *Dausqueius et Heinsius* Libyes pr. *Bentley et Lefebure*

Extimulat ducis — hortantes se quisque uicissim  
Incumbunt pressoque impellunt pectore pectus.

Ipsa, facem quatiens ac flauam sanguine multo 220  
Sparsa comam, medias acies Bellona pererrat.  
Stridit Tartareae nigro sub pectore diuae  
Letiferum murmur, feralique horrida cantu  
Bucina lymphatas agit in certamina mentes.  
His iras aduersa fouent crudusque ruente 225  
Fortuna stimulus spem proiecisse salutis;  
Hos dexter deus et laeto Uictoria uultu  
Arridens acuit, Martisque fauore fruuntur.

Abreptus pulchro caedum Lateranus amore,  
Dum sequitur dextram, in medios penetrauerat hostis.  
Quem postquam florens aequali Lentulus aeuo 231  
Conspexit, nimium pugnae nimiumque cruoris  
Infestas inter non aequo Marte cateruas  
Fata irritantem, nisu se concitat acri  
Immitemque Bagam, qui iam uicina ferebat 235  
Uulnera pugnantis tergo, uelocior hasta  
Occupat et socium duris se casibus addit.  
Tunc alacres arma agglomerant geminaque corusci  
Fronte micant, paribus fulgent capita ardua cristis.  
Actus in aduersos casu — namque obuia ferre 240  
Arma quis auderet, nisi quem deus ima colentum  
Damnasset Stygiae nocti? — prae fracta gerebat  
Syrcticus excelso decurrens robora mente  
Et, quatiens acer nodosi pondera rami,  
Flagrabat geminae nequicquam caedis amore: 245  
'Non hic Aegates infiduae litora nautis,  
O iuuenes, motumque nouis sine Marte procellis

---

220 furuam *Bentley* et *Schrader* rauam *Heinsius* foedam  
*Burmman* adflatam *Bothe* flagrum *Blass* 229 Abreptus *ChL*  
Abreptus *F* Arreptus *OV* 234 irritantem *L* britantē *F* liri-  
tantem *OV* 235 bogam *V* — ferebat *Cm* *Ep. 110 quod prob.*  
*Bentley* alique serebat *ChS* 238 corusci *V* coruscis *ChLF0*  
239 fulget *Ch* 240 casus *OV* 241 una *L* 242 prae-  
fracta *FV* perfracta *LO* 247 sine more *Schrader*

Fortunam bello pelagus dabit; aequoris olim  
 Victores, media sit qualis, discite, terra  
 Bellator Libys, et meliori cedit regnis.' 250  
 Ac simul infesto Lateranum pondere truncae  
 Arboris urgebat, iungens conuicia pugnae.  
 Lentulus huic frendens ira: 'Thrasymennus in altos  
 Ascendet citius collis, quam sanguine roret  
 Iste pio ramus.' Subsicensque ilia nisu 255  
 Conantis suspensa fodit. tum feruidus atro  
 Pulmone exundat per hiantia uiscera sanguis.  
 Nec minus accensis in mutua funera dextris  
 Parte alia campi saeuit furor. altus Iertes  
 Obtruncat Nerium; Rullo ditissimus arui 260  
 Occumbis, generose Uolunx, nec clausa repostis  
 Pondera thesauris patrio nec regia quondam  
 Praefulgens ebore et possessa mapalia soli  
 Profuerunt. quid rapta iuuant? quid gentibus auri  
 Numquam extincta sitis? modo quem Fortuna fouendo  
 Congestis opibus donisque refersit opimis, 266  
 Nudum Tartarea portabit nauita cymba.  
 Iuxta bellator iuuenilibus Appius ausis  
 Pandebat campum caede atque, ubi plurima uirtus  
 Nullique aspirare uigor, decus inde petebat. 270  
 Obuius huic Atlans, Atlans a litore Hiberno,  
 Nequicquam extremae longinquus cultor harenae,  
 Impetit os hasta, leuiterque e corpore summo  
 Degustat cuspis generosum extrema cruorem.  
 Intonuere minae, uiolentaque lumina flammis 275

250 regnis S (in V corr. m. 2 in regno) cunctis Ch (T. p. 247)  
 Teucris Thilo iuncti Ruperti 251 pondere Cm Ep. 110 S  
 uulnere uulgo uerbere Burmann et Bentley 253 huic F  
 hinc LFO 255 pio ramus OV prior annis L poramu F m. 2  
 corr. in pioramnis — subsidensque Ch que om. S 259 Iertes  
 ChF (T. p. 230) inertes LOV 260 arui Ch S agri uulgo  
 264 Profuerunt Ch Profuerint V — parta Gronouius et Heinsius  
 267 portauit O 268 iuuenalibus Ruperti (cf. II. 312)  
 271 hinc OV — Atlans S Atlas a litore Cm Ep. 46 272 exter-  
 nae Bothe 274 externa Markland ad Stat. Silv. I. 2, 98

Exarsere nouis; furit et diffulminat omnem  
 Obstantum turbam; clausum sub casside uulnus  
 Martia commendat mananti sanguine membra.  
 Tum uero aspiceres pauitantem et condere semet  
 Nitentem sociis iuuenem, ceu tigride cerua 280  
 Hyrcana cum pressa tremit, uel territa pennas  
 Colligit accipitrem cernens in nube columba,  
 Aut dumis subit, albenti si sensit in aethra  
 Librantem nisus aquilam, lepus. ora citato  
 Ense ferit, tum colla uiri dextramque micantem 285  
 Demetit ac mutat successu saeuior hostem.

Stabat fulgentem portans in bella bipennem  
 Cinyphius socerique miser Magonis inire  
 Optabat pugnam ante oculos spe laudis Isalcas,  
 Sidonia tumidus sponsa uanoque superbus 290  
 Foedere promissae post Dardana proelia taedae.  
 Huic immittit atrox uiolentas Appius iras  
 Conantique grauem fronti librare securim,  
 Altior insurgens, galeam super exigit ictum.  
 At fragilis ualido conamine soluitur ensis 295  
 Aere in Cinyphio; nec dispar sortis Isalcas  
 Umbonem incerto deterisit futilis ictu.  
 Tum quod humo haud umquam ualuisset tollere saxum,  
 Ni uires trux ira daret, contorquet anhelans  
 Appius et lapsu resupino in terga cadentem 300  
 Mole premit scopuli perfractisque ossibus urget.  
 Uidit coniuncto miscens certamina campo  
 Labentem socer, et lacrimae sub casside fusae

277 turbam, clausum **Cm** *Ep.* 16 at clausum **Ch** (*T.* p. 211)  
 ac clausum **S** et cl. *uulgo* 278 commaculat *Bothe* 279 aspi-  
 ceres **Cm** *Ep.* 16 **LF** aspicēs **O** aspiciens **V** (*T.* p. 220) 280 in  
 sociis *Heinsius* 283 dumis **Cm** *l. l.* 284 nisus **Cm** *l. l.* **L**  
 uisus **FOV** — lepus. ora citato *Bentley* lepus ore citato **S**  
 l. orbe citato. *Barth* l. ire citatus. *Thilo* 286 Dometit **S**  
 289 isalcas **L** isalces **F** isalcis **V** is altiis **O** 293 securem **S**  
 295 At **Cm** *Ep.* 16 Et **S** 297 deterisit **Cm** *l. l.* 298 tol-  
 lere **Ch** uellere **S** 299 contorquet **Cm** *Ep.* 16 **LF** (*T.* p. 222)  
 torquebat **OV** 300 resupino **Cm** *l. l.* **LF** resupina **OV**



Cum gemitu, rapidusque ruit; data foedera nuper  
 Accendunt animos expectatique nepotes. 305  
 Iamque aderat clipeumque uiri atque immania membra  
 Lustrabat uisu, propiorque a fronte coruscae  
 Lux galeae saeuas paulum tardauerat iras.  
 Haud secus, e specula praeceps delatus opaca,  
 Subsicens campo summissos contrahit artus, 310  
 Cum uicina trucidis conspexit cornua tauri,  
 Quamuis longa fames stimulet, leo; nunc ferus alta  
 Surgentis ceruice toros, nunc torua sub hirta  
 Lumina miratur fronte ac iam signa mouentem  
 Et sparsa pugnas meditantem spectat harena. 315  
 Hic prior intorquens telum sic Appius infit:  
 'Si qua tibi pietas, ictum ne desere foedus  
 Et generum comitare, socer.' Per tegmina uelox  
 Tunc aerisque moras laeue stetit hasta lacerto.  
 At contra non dicta Libys, sed feruidus hastam 320  
 Perlibrat, magni donum memorabile fratris,  
 Caeso quam uictor sub moenibus ille Sagunti  
 Abstulerat Durio ac spectatae nobile pugnae  
 Germano dederat portare in proelia pignus.  
 Telum ingens perque arma uiri perque ora, doloris 325  
 Adiutum nisu, letalem pertulit ictum;  
 Exanguesque uiri conantis uellere ferrum  
 In uulnus cecidere manus. iacet aequore nomen  
 Clarum Maeonio atque Italiae pars magna ruinae  
 Appius; intremuere lacus, corpusque refugit 330  
 Contractis Thrasydennus aquis; telum ore cruento  
 Expirans premit atque admorsae immurmurat hastae.  
 Nec fati melior Mamercus corpore toto  
 Exsoluit poenas, nulli non saucius hosti.

310 Subsident S Subsident *Lefebure* Subsident campo et *Hein-*  
*sius* 314 micatur S 315 in pugnas *Heinsius et Ruperti*  
 — habena S, in F r *suprascr.* 316 Huic *Heinsius* 319 Tunc]  
 Cuncta *Drakenborch* 325 perque ossa *Bentley et Corte ad*  
*Lucan. III. 467, sed cf. v. 332* 326 Adiutimi V in marg.  
 m. 2 admissum — uisu OV 332 admersae L

Namque per aduersos, qua Lusitana ciebat 335  
 Pugnas dira manus, raptum cum sanguine caesi  
 Signiferi magna uexillum mole ferebat  
 Et trepida infelix reuocabat signa suorum.  
 Sed furiata cohors ausisque accensa superbis,  
 Quodcumque ipsa manu gestabat missile, quicquid 340  
 Praebeat tellus, sparsis uix peruia telis,  
 Iniecit pariter, pluresque in corpore nullum  
 Inuenere locum perfossis ossibus hastae.  
 Aduolat interea, fraterni uulneris ira  
 Turbatus, Libyae ductor; uisoque cruore, 345  
 Num lateri cuspis, num toto pondere telum  
 Sedisset, fratremque amens sociosque rogabat.  
 Utque metum leti procul et leuiora pauore  
 Cognouit, proprio tectum gestamine praeceps  
 Ex acie rapit et tutis a turbine pugnae 350  
 Constituit castris. medicas hinc ocius artes  
 Et senioris opem Synhali uocat; unguere uulnus  
 Herbarum hic sucis ferrumque e corpore cantu  
 Exigere et somnum tacto misisse chelydro,  
 Anteibat cunctos, nomenque erat inde per urbes 355  
 Perque Paraetoniae celebratum litora Syrtis.  
 Ipse olim antiquo primum Garamanticus Hammon  
 Scire pater dederat Synhalo, morsusque ferarum  
 Telorumque grauis ictus sedare medendo.  
 Atque is deinde suo moriens caelestia dona 360  
 Monstrauit nato, natusque heredis honori  
 Tramisit patrias artis; quem deinde secutus  
 Haud leuior fama Synhalus Garamantica sollers  
 Monstrata augebat studio multaque uetustum

---

336 caesi Cd (*T. p. 214*) thesi L tesi F teli OV, unde Teli  
*Scaliger, ut sit nomen signiferi Lethi Schrader* 342 nullum S  
 nullo uulgo 343 uersum inser. Cm *Ep. 16 deest in S (T. p. 173)*  
 347 fratremque Cm *Ep. 110* 351 hic L 352 Synhali ChO  
 sinhali L sinali FV 354 tacto Cm *Ep. 16* 361 Monstrarat  
 uulgo 363 H. melior S — famae Heinsius 364 uetu-  
 stum O necustum LFV, in F m. 1 corr. in uetustum (*T. p. 232*)

Hammonis comitem numerabat imagine patrem. 365  
 Tum, proauita ferens leni medicamina dextra,  
 Ocius, intortos de more astrictus amictus,  
 Mulcebat lympa purgatum sanguine uulnus.  
 At Mago, exuias secum caesique uolutans  
 Hostis mente necem, fraternas pectore curas 370  
 Pellebat dictis et casum laude leuabat:  
 'Parce metu, germane. meis medicamina nulla  
 Aduersis maiora feres; iacet Appius hasta  
 Ad manis pulsus nostra. si uita relinquat,  
 Sat nobis actum est, sequar hostem laetus ad umbras.'  
 Quae dum turbatos auertunt aequore campi 376  
 Ductores ualloque tenent, ex agmine Poenum  
 Cedentem consul tumulo speculatus ab alto  
 Atque atram belli castris se condere nubem,  
 Turbidus extemplo trepidantis milite maesto 380  
 Inuadit cuneos subitoque pauore relaxat  
 Iam rarescentis acies; tum uoce feroci  
 Poscit equum ac mediae ruit in certamina uallis.  
 Sic ubi torrentem crepitanti grandine nimbum  
 Illidit terris molitus Iupiter altas 385  
 Fulmine nunc Alpes, nunc mixta Ceraunia caelo —  
 Intremuere simul tellus et pontus et aether,  
 Ipsaque commoto quatiantur Tartara mundo —  
 Incidit attonitis inopino turbine Poenis  
 Haud secus improuisa lues, gelidusque sub ossa 390  
 Peruasit miseris conspecti consulis horror.  
 It medius ferroque ruens densissima latum  
 Pandit iter. clamor uario discrimine uocum  
 Fert belli rabiem ad superos et sidera pulsat.

365 Mammonis S — patrum *Heinsius* 366 leui S  
 369 eximias *OV* 376 tum *LFV* cum *O* 380 maesto] lecto  
*Heinsius* multo *Burmman* misto *Bothe* alite maesto *Koestlin*  
 385 molitus] iaculatus *Withof* 386 Fulmina S — alto  
 (sc. caelo) Fulmina; n. Alpes, n. m. C. c. Intremuere; si-  
 mul etc. *Burmman* 388 cum moto — mundo uel fundo  
*Schrader*

Ceu pater Oceanus cum saeua Tethye Calpen 395  
 Herculeam ferit atque exesa in uiscera montis  
 Contortum pelagus latrantibus ingerit undis:  
 Dant gemitum scopuli, fractasque in rupibus undas  
 Audit Tartessos latis disterrmina terris,  
 Audit non paruo diuisus gurgite Lixus. 400

Ante omnis iaculo tacitas fallente per auras  
 Occumbit Bogus, infaustum qui primus ad amnem  
 Ticini rapidam in Rutulos contorserat hastam.  
 Ille sibi longam Clotho turbamque nepotum  
 Crediderat, uanis deceptus in alite signis. 405  
 Sed non augurio Parcarum impellere metas  
 Concessum cuiquam. ruit inter tela cruentis  
 Suspiciens oculis caelum superosque reposcit  
 Tempora promissae media iam morte senectae.  
 Nec Bagaso exultare daturae impune relictum, 410  
 Consul is ante oculos uita spoliasset Libonem.  
 Laurigeris decus illud auis nauaque iuuenta  
 Florebat; sed Massylus succiderat ensis  
 Pubescente caput mala, properoque uirentis  
 Delerat leto bellator barbarus annos. 415  
 Flaminium implorasse tamen iam morte suprema  
 Haud frustra fuit; auulsa est nam protinus hosti  
 Ore simul ceruix; iuuat punire feroci  
 Victorem exemplo et monstratum reddere letum.  
 Quis deus, o Musae, paribus tot funera uerbis 420  
 Euoluat? tantisque umbris in carmine digna

---

395 Tethye *Heinsius* saeua cethye **Ch** s. cedere **L** s.  
 cechre **F** sceue cetre **O** sceua cetre **V** (*T. p.* 227) saeuior aethere  
*uulgo* saeua cuspide *Bentley* 396 exesi *Heinsius* 398 frac-  
 tosque i. r. aestus *Ruperti* 402 Occubuit **OV** 406 telas  
*Heinsius* 407 cruentus *Bentley* 409 iam in morte *Liuius*  
 410 bagaso **LF** bigaso **OV** Pagaso **Ch** cf. *Schlichteisen p.* 125 —  
 daturae **Ch** datur ue **LF** datur ne **OV** diuue *Gronov* datum  
 atque *Heinsius* 411 uita] ictum *Gronov* 412 nauaque **Ch**  
 uanaque **S** 415 annos] **F** in marg. *l'armos (T. p.* 232)  
 417 iam **Ch** 419 et addidit *Liuius et Heinsius, deest in S*  
 421 Euoluat **V** Euoluens **LFO** Euoluet *uulgo*



Quis lamenta ferat? certantis laude cadendi  
 Primaueos iuuenes mortisque in limine cruda  
 Facta uirum et fixis rabiem sub pectore telis?  
 Sternitur alternus uastis concursibus hostis, 425  
 Nec spoliare uacat praedaeque aduertere mentem.  
 Urget amor caedum, clausis dum detinet hostem  
 Fraternum castris uulnus, funditque ruitque  
 Nunc iaculis, nunc ense, modo inter milia consul  
 Bellantum conspectus equo, modo Marte feroci 430  
 Ante aquilas et signa pedes. fluit impia riuus  
 Sanguineis uallis, tumulique et concaua saxa  
 Armorum sonitus flatusque imitantur equorum.

Miscebat campum, membrorum in proelia portans  
 Celsius humano robur, uisaeque pauentis 435  
 Mole gigantei uertebat corporis alas  
 Othrys Marmarides; lati super agmen utrumque  
 Ingens tollebant humeri caput, hirtaque toruae  
 Frontis caesaries et crinibus aemula barba  
 Umbrabat rictus; squalore hic hispida diro 440  
 Et uillosa feris horrebat pectora saetis.  
 Aspirare uiro propioremque addere Martem  
 Haud ausum cuiquam. laxo ceu belua campo  
 Incessebatur tutis ex agmine telis.  
 Tandem uesanos palantum in terga ferenti 445  
 Cum fremitu uultus tacita per nubila penna  
 Intrauit toruum Gortynia lumen harundo  
 Auertitque uirum. fugientis ad agmina consul  
 Intorquet tergo iaculum, quod tegmine nudas  
 Irrupit costas hirtoque a pectore primum 450  
 Mucronem ostendit. rapidus conuellere tentat,

---

423 lumina O — cruda Ch crude V 424 sub pectore Ch LF s.  
 pectora OV 431 intima uel inuia Heinsius incita Schrader  
 437 Othrys LF Othirs OV 440 hic V hinc LFO huic uulgo  
 441 horrebat Ch horrebant S 442 Martem Cm Ep. 26  
 443 ausum Cm l. l. 444 Incessebatur tutis Cm l. l. Incessa-  
 batur cunctis S 445 uesano et 446 uulnus Bothe 450 e  
 pectore Heinsius

Qua nasci ferrum fulgenti cuspide cernit,  
 Donec, abundanter defuso sanguine, late  
 Procubuit moriens et telum uulnere pressit.  
 Spiritus exundans uicinum puluere moto 455  
 Perflauit campum et nubem dispersit in auras.

Nec minor interea tumulis siluisque fremebat  
 Diuersis Mauors, uariaque per ardua pugna  
 Et saxa et dumi rorantes caede nitebant.  
 Exitium trepidis letique et stragis acerbae 460  
 Causa Sychaeus erat; Murranum ille eminus hasta  
 Perculerat, quo non alius, cum bella silerent,  
 Dulcius Oeagrios pulsabat pectine neruos.  
 Occubuit silua in magna patriosque sub ipso  
 Quaesiuit montis leto ac felicia Baccho 465  
 Aequana et Zephyro Surrentum molle salubri.  
 Addiderat misero comitem pugnaeque ferocis  
 Gaudebat tristi uictor nouitate Sychaeus.  
 Palantis nam dum sequitur, peruaserat altam  
 In siluam et priscae reclinis ab ictibus ulmi 470  
 Terga tuebatur trunco frustraue relictos  
 Tauranus comites suprema uoce ciebat.  
 Transegit iuuenem, ac perfossis incita membris  
 Haesit in opposito cuspis Sidonia ligno.

Quid uobis? quatenam ira deum, uel mente sinistra  
 Quae sedit formido, uiri? qui, Marte relicto, 476  
 Ramorum quaesistis opem. non aequus in artis  
 Nimirum rebus suasor metus. arguit asper  
 Exitus euentu prauis consulta timoris.  
 Annosa excelsos tendebat in aethera ramos 480  
 Aesculus, umbrosum magnas super ardua siluas  
 Nubibus insertans altis caput, instar, aperto  
 Si staret campo, nemoris lateque tenebat  
 Frondosi nigra tellurem roboris umbra.

---

459 rubebant *Heinsius et Schrader* 463 eugrios **LOV**  
 aegurios **F** Oebalios *Heinsius* Orpheos *Schrader* — pulsauit **Ch**  
 470 reclinis *Dausqueius* recliuis **S** 474 Haesit] Exit **OV**  
 481 Aesculus **Ch** Aesculus **S** 484 nigra **Ch**

Par iuxta quercus, longum molita per aeuum 485  
 Uertice canenti proferre sub astra cacumen,  
 Diffusas patulo laxabat stipite frondes  
 Umbrabatque coma summi fastigia montis.  
 Huc Hennaëa cohors, Triquetris quam miserat oris  
 Rex, Arethusa, tuus, defendere nescia morti 490  
 Dedecus et mentem nimio mutata pauore,  
 Certatim sese tulit ascendensque uicissim  
 Pressit nutantis incerto pondere ramos.  
 Mox alius super atque alius consistere tuto  
 Dum certant, pars excussi — nam fragmine putri 495  
 Ramorum et senio male fida fefellerat arbor —  
 Pars trepidi celso inter tela cacumine pendent.  
 Turbato una properans consumere peste,  
 Corripit aeratam iam dudum in bella bipennem,  
 Deposito clipeo mutatus tela, Sychaeus. 500  
 Incumbunt sociae dextrae, magnoque fragore  
 Pulsa gemit, crebris succumbens ictibus, arbor.  
 Fluctuat infelix concusso stipite turba,  
 Ceu Zephyrus quatit antiquos ubi flamine lucos,  
 Fronde super tremuli uix tota cacuminis haerens 505  
 Iactatur, nido pariter nutante, uolucris.  
 Procubuit tandem multa deuicta securi  
 Suffugium infelix miseris et inhospita quercus  
 Elisitque uirum spatiosa membra ruina.  
 Inde aliae cladum facies. contermina caedis 510  
 Collucet rapidoque inuoluitur aesculus igni.  
 Iamque inter frondes, arenti robore gliscens  
 Uerticibus saeuis, torquet Uulcanus anhelos

489 Hennaëa Ch 490 tuum S — morti Ch F morte LOV  
 491 turbata Blass 493 insueto van Veen 494 Mox Ch LF  
 Moxque OV 498 una Cm Ep. 26 499 aeratam LF er-  
 ratam OV elatam Gronov aptatam Ruperti — iamdudum] iam  
 tuta Blass — in bella Cm l. l. in colla Modius 505 Fronte Cm  
 Ep. 26 506 lactatur Cm l. l. Luctatur S — nutante Cm l. l.  
 509 uirum — membra Cm l. l. membra LF magna OV (T. p. 244)  
 510 caedi Liuius taedis Heinsius caesis Ernesti 513 an-  
 helo Bothe

Cum feruore globos flammaram et culmina torret.  
 Nec tela interea cessant. semusta gementum 515  
 Atque amplexa cadunt ardentis corpora ramos.

Haec inter miseranda uirum certamina consul  
 Ecce aderat, uoluens iram exitiumque Sychaeo.  
 At iuuenis dubio tantae discrimine pugnae  
 Occupat euentum telo tentare priorem; 520  
 Cui medio leuiter clipeo stetit aeris in ora  
 Cuspis et oppositas uetita est tramittere crates.  
 Sed non et consul misso concredere telo  
 Fortunam optatae caedis parat ac latus ense  
 Haurit; nec crudae tardarunt tegmina parmae. 525  
 Labitur infelix atque appetit ore cruento  
 Tellurem expirans. tum, diffundente per artus  
 Frigore se Stygio, manantem in uiscera mortem  
 Accipit et longo componit lumina somno.

Atque ea dum uariis permixtus tristia Mauors 530  
 Casibus alternat, iam castris Mago relictis,  
 Iam Libyae ductor properantia signa citato  
 Raptabant cursu et cessata reponere haebant  
 Tempora caede uirum ac multo pensare cruore.  
 It globus intorquens nigranti turbine nubem 535  
 Pulueris, et surgit sublati campus harenis;  
 Quaque ferens gressum flectit uestigia ductor,  
 Undanti circum tempestas acta procella  
 Uoluitur atque altos operit caligine montis.  
 Occubuere femur Fontanns, Buta canorum 540  
 Transfixi guttur, pressoque e uulnere cuspis  
 Prospexit terga. hunc tristes luxere Fregellae  
 Multiplicem proauis, hunc mater Anagnia fleuit.  
 Haud dispar fortuna tibi, Laeuiue, sed auso  
 Non eadem; neque enim Tyrio concurrere regi 545

---

514 culmina] lumina S 515 semiusta OV 520 priori  
*Heinsius* 521 aeris] acris S 524 at *Dausqueius* 526 ap-  
 petit Ch 533 haebant Ch habebant LfV h'ebant V 540 fe-  
 mur Cm *Ep.* 26 — fontanis OV — Buta Cm l. l. 542 luxere  
 Cm l. l. lussere V (*T.* p. 220)



Tentas, sed lectus par ad certamen Ithemon,  
 Autololum moderator, erat; quem poplite caeso  
 Dum spoliat, grauis immiti cum turbine costas  
 Fraxinus irrupit, collapsaque membra sub ictu  
 Hoste superfuso subita cecidere ruina. 550

Nec Sidicina cohors defit. Uiriasius armat  
 Mille uiros, nulli uictus uel ponere castra,  
 Uel iunxisse ratem duroque resolvere muros  
 Ariete et in turrim subitos immittere pontis.  
 Quem postquam Libyae ductor uirtute feroci 555  
 Exultare uidet — namque illi uulnere praeceps  
 Terga dabat leuibus diffusus Arauricus armis —  
 Acrius hoc, pulchro Mauorte accensus in iram  
 Et dignum sese ratus in certamina saeuo  
 Comminus ire uiro, referenti e corpore telum 560  
 Aduolat et fodiens pectus: 'Laudande laborum,  
 Quisquis es, haud alia decuit te occumbere dextra.  
 Ad manis leti perfer decus. Itala gentis  
 Ni tibi origo foret, uita donatus abires.'  
 Hinc Fadum petit et ueterem bellare Labicum, 565  
 Cui Siculis quondam terris congressus Hamilcar  
 Clarum spectato dederat certamine nomen.  
 Immemor annorum seniumque oblitus, in arma  
 Ille quidem cruda mente et uiridissimus irae  
 Ibat, sed uani frigentem in Marte senectam 570  
 Prodebant ictus; stipula crepitabat inani  
 Ignis iners cassamque dabat sine robore flammam.  
 Quem postquam accepit patrio monstrante superbus  
 Armigero Poenum ductor: 'Certamina primae  
 Hic lue nunc,' inquit, 'pugnae; te notus Hamilcar 575

---

546 Ithemon *Ch* irhemon *L* yrchemon *F* yrhemon *OV* Ethe-  
 mon *Schlichteisen* 548 spoliat *S* spolias *uulgo* 549 in-  
 rumpit *F* 551 Ne — desit, *U. Bothe* — Uiriasius *ChLF*  
 uiciosius *O* uiridasius *V* 552 uictus *Cm* *Ep. 26* melius *S*  
 557 Arauricus *Ch* (*cf. ad III. 403*) 565 Fadum *Heinsius*  
 573 aspexit *Burmman* accessit uel aguouit *Drakenborch* ex-  
 cepit *Ruperti* — superbus *OV* superbum *LF*

Hac trahit ad manis dextra.' Tum librat ab aure  
 Intorquens iaculum et uersantem in uulnere sese  
 Transigit. extracta foedauit cusptide sanguis  
 Canitiem et longos finiuit morte labores.  
 Nec minus Herminium primis obtruncat in armis, 580  
 Assuetum, Thrasymerne, tuos praedantibus hamis  
 Exhaustire lacus patriaeque alimenta senectae  
 Ducere suspenso per stagna iacentia lino.

Interea exanimum maesti super arma Sychaeum  
 Portabant Poeni corpusque in castra ferebant. 585  
 Quos ubi conspexit tristi clamore ruentis  
 Ductor, praesago percussus pectora luctu:  
 'Quinam,' inquit, 'dolor, o socii, quemue ira deorum  
 Eripuit nobis? num te, dulcedine laudis  
 Flagrantem et nimio primi Mauortis amore, 590  
 Atra, Sychae, dies properato funere carpsit?'  
 Utque dato gemitu lacrimae assensere ferentum,  
 Et dictus pariter caedis maerentibus auctor:  
 'Cerno,' ait, 'aduerso pulchrum sub pectore uulnus  
 Cuspidis Iliacae. dignus Carthagine, dignus 595  
 Hasdrubale ad manis ibis; nec te optima mater  
 Dissimilem lugebit auis, Stygiaue sub umbra  
 Degenerem cernens noster uitabit Hamilcar.  
 At mihi Flaminius, tam maesti causa doloris,  
 Morte sua minuat luctus. haec pompa sequetur 600  
 Exequias, seroque emptum uolet impia Roma,  
 Non uiolasse mei corpus mucrone Sychaei.'

Sic memorans torquet fumantem ex ore uaporem,  
 Iraque anhelatum proturbat pectore murmur,

577 uulnere] puluere Gronov 579 et S ac uulgo  
 580 in annis Liwineius in ed. Basil. 1543 (T. p. 199) 583 ia-  
 centia Ch latentia S patentia uel uirentia Ruperti 584 ex-  
 animum LF exanimem OV 588 quemue Ch quae te Liwineius  
 (T. p. 199) queue O 589 uobis L 591 mersit Bentley,  
 sed cf. XIII. 627 592 Utque S et Liwineius (T. p. 199 et  
 202) Atque ed. Marsus aliique 593 dictus F doctus L  
 ductus OV 600 minuat ChS minuet uulgo 601 caroque  
 Bentley careque Schrader

Ut multo accensis feruore exuberat undis, 605  
 Clausus ubi exusto liquor indignatur aeno.  
 Tum praeceps ruit in medios solumque fatigat  
 Flaminium incessens; nec dicto segnius ille  
 Bella capessebat, propiorque insurgere Mauors  
 Coeperat, et campo iunctus iam stabat uterque, 610  
 Cum subitus per saxa fragor, motique repente,  
 Horrendum, colles et summa cacumina totis  
 Intremuere iugis; nutant in uertice siluae  
 Pinifero, fractaeque ruunt super agmina rupes.  
 Immugit penitus conuulsis ima cauernis 615  
 Dissiliens tellus nec paruos rumpit hiatus,  
 Atque umbras late Stygias immensa uorago  
 Faucibus ostendit patulis; manesque profundi  
 Antiquum expauere diem. lacus ater, in altos  
 Sublatus montis et sede excussus auita, 620  
 Lauit Tyrrhenas ignota aspergine siluas.  
 Iamque eadem populos magnorumque oppida regum  
 Tempestas et dira lues strauitque tulitque.  
 Ac super haec refluui pugnarunt montibus amnes,  
 Et retro fluctus torsit mare. monte relicto 625  
 Apenninicolae fugere ad litora Fauni.  
 Pugnabat tamen — heu belli uecordia! — miles,  
 Iactatus titubante solo, tremebundaque tela,  
 Subducta tellure ruens, torquebat in hostem,  
 Donec pulsa uagos cursus ad litora uertit 630  
 Mentis inops stagnisque illata est Daunia pubes.  
 Quis consul terga increpitan, nam turbine motae  
 Ablatus terrae inciderat: 'Quid deinde, quid, oro,  
 Restat, io, profugis? uos en ad moenia Romae  
 Ducitis Hannibalem; uos in Tarpeia Tonantis 635  
 Tecta faces ferrumque datis. sta, miles, et acris  
 Disce ex me pugnas; uel, si pugnare negatum,

---

607 medios solumque *Cm Ep. 26* 624 fontibus *Heinsius*  
*et Schrader* 631 inlata est *Cm l. l.* in alta est *O* 633 Ab-  
 latus *ChLF* ablatiis *OV*

Disce mori. dabit exemplum non uile futuris  
 Flaminius; ne terga Libys, ne Cantaber umquam  
 Consulis aspiciat. solus, si tanta libido 640  
 Est uobis rabiesque fugae, tela omnia solus  
 Pectore consumo et moriens, fugiente per auras  
 Hac anima, uestras renocabo ad proelia dextras.'

Dumque ea commemorat densosque obit obuius hostis,  
 Aduolat ora ferus mentemque Ducarius. acri 645  
 Nomen erat gentile uiro, fusionsque cateruis  
 Boiorum quondam patriis, antiqua gerebat  
 Uulnera barbaricae mentis; noscensque superbi  
 Victoris uultus: 'Tunc,' inquit, 'maximus ille  
 Boiorum terror? libet hoc cognoscere telo, 650  
 Corporis an tanti manet de uulnere sanguis.  
 Nec uos paeniteat, populares, fortibus umbris  
 Hoc mactare caput. nostros hic curribus egit  
 Insistens uictos alta ad Capitolia patres.  
 Ultrix hora uocat.' Pariter tunc undique fusions 655  
 Obruitur telis, nimboque ruente per auras  
 Contectus, nulli dextra iactare reliquit  
 Flaminium cecidisse sua. nec pugna perempto  
 Ulterior ductore fuit; namque agmine denso  
 Primores iuuenum, laeua ob discrimina Martis 660  
 Infensi superis dextrisque et cernere Poenum  
 Uictorem plus morte rati, super ocus omnes  
 Membra ducis stratosque artus certamine magno  
 Telaque corporaque et non fausto Marte cruentas  
 Iniecere manus. sic densi caedis aceruo, 665  
 Ceu tumulo, texere uirum. tum, strage per undas,  
 Per siluas sparsa perque altam sanguine uallem,  
 In medias fratre inuectus comitante cateruas  
 Caesarum iuuenum Poenus: 'Quae uulnera cernis?  
 Quas mortes?' inquit. 'premit omnis dextera ferrum,

645 et 646 acre Momen *Bothe* 646 fusionsque S 648 mor-  
 tis *Bothe* 649 Uictores S 650 licet Ch 653 nostras O  
 nostris LFV 660 laeua ob Cm *Ep. 26 LF* seu a ob O seu a  
 ad V laeui *Heinsius* 665 densae *Heinsius*



Armatusque iacet seruans certamina miles. 671  
 Hos, en, hos obitus nostrae spectate cohortes!  
 Fronte minae durant, et stant in uultibus irae.  
 Et uereor, ne, quae tanta creat indole tellus  
 Magnanimos fecunda uiros, huic fata dicarint 675  
 Imperium, atque ipsis deuincat cladibus orbem.’  
 Sic fatus cessit nocti; finemque dedere  
 Caedibus infusae, subducto sole, tenebrae.

## SILI ITALICI P U N I C O R U M

### LIBER SEXTUS.

Iam, Tartessiaco quos soluerat aequore, Titan,  
 In noctem diffusus, equos iungebat Eois  
 Litoribus, primique nouo Phaethonte relecti  
 Seres lanigeris repetebant uellera lucis,  
 Et foeda ante oculos strages, propiusque patebat 5  
 Insani Mauortis opus: simul arma uirique  
 Ac mixtus sonipes dextraeque in uulnere caesi  
 Haerentes hostis; passim clipeique iubaeque  
 Atque artus trunci capitum fractusque iacebat  
 Ossibus in duris ensis; nec cernere deerat 10  
 Frustra seminecum quaerentia lumina caelum.  
 Tum spumans sanie lacus et fluitantia summo  
 Aeternum tumulis orbata cadauera ponto.

---

672 spectate **F** spectare **LOV** 673 et stant] perstant uel  
 restant *Heinsius* extant *Withof* 674 Ut uereor *Heinsius* En  
*Lefebure* *Hei Bothe* 676 ne uincat *Heinsius* 2 urgebat **OV**  
 3 relecti *Heinsius* 4 relegebant *Burmman* pectebant *Lefebure*  
 et *Schrader* 5 En *Lefebure* 8 hostis **S** ut con. *Ernesti*  
 hastis uulgo

Nec tamen aduersis ruerat tota Itala uirtus.  
 Bruttius ingenti miserandae caedis aceruo, 15  
 Non aequum ostentans confosso corpore Martem,  
 Extulerat uix triste caput truncosque trahebat  
 Per stragem, neruis interlabentibus, artus;  
 Tenuis opum, non patre nitens linguaue, sed asper  
 Ense; nec e Uolsca quisquam uir gente redemit 20  
 Plus aevi nece magnanima. puer addere sese  
 Pubescente gena castris optarat et acri  
 Flaminio spectatus erat, cum Celtica uictor  
 Obrueret bello diuis melioribus arma.  
 Inde honor ac sacrae custodia Marte sub omni 25  
 Alitis; hinc causam nutriuit gloria leti.  
 Namque necis certus, captae prohibere nequiret  
 Cum Poenos aquilae, postquam subsidere fata  
 Uiderat et magna pugnam inclinare ruina,  
 Occulere interdum et terrae mandare parabat. 30  
 Sed, subitis uictus telis, labentia membra  
 Prostrauit super atque iniecta morte tegebat.  
 Uerum ubi lux nocte e Stygia miseroque sopore  
 Reddita, uicini de strage cadaueris hasta  
 Erigitur, soloque uigens conamine, late 35  
 Stagnantem caede et facilem discedere terram  
 Ense fodit, clausamque aquilae infelicis adorans  
 Effigiem, palmis languentibus aequat harenas.  
 Supremus fessi tenuis tum cessit in auras  
 Halitus et magnam misit sub Tartara mentem. 40  
 Iuxta cernere erat meritaе sibi poscere carmen

---

14 ruerat *Heinsius* fuerat tota **ChF**, sed in **F** fracta *m.* 2  
*suprascr.* (*T. p.* 230 et 237) fuerat fracta **LOV** 15 Bruttius **Ch**  
 21 nece magnanima . puer *Thilo* nec magnanima puer **S** nec  
 magnanimis — castris cessarat *Heinsius* nam magno animo  
 uel magni animi *p. Ernesti*; uerba nec e Uolsca qu. uir — nec  
 magna anima (*ut coni. Dausqueius*) puer *parenthesi* includit  
*Koch* — addere **S** abdere *uulgo* 32 iniecta **ChF** intacta **L**  
 illecta **OV** efficta *Burmman* infecta uel inficta *Lefebure* — mole  
*Heinsius* crate *Bentley* 33 e om. **LF** 35 uigens **Ch** in-  
 gens **S** 41 meritaе **Ch** merito **V**

Uirtutis sacram rabiem. Laeuinus, ab alto  
 Priuerno, uitis Latiae praesignis honore,  
 Exanimum Nasamona Tyren super ipse iacebat  
 Exanimis; non hasta uiro, non ensis; in artis 45  
 Abstulerat Fors arma; tamen certamine nudo  
 Inuenit Marti telum dolor. ore cruento  
 Pugnatum, ferrique uicem dens praebuit irae.  
 Iam lacerae nares foedataque lumina morsu,  
 Iam truncum raptis caput auribus, ipsaque diris 50  
 Frons depasta modis, et sanguine abundat hiatus;  
 Nec satias, donec mandentia linqueret ora  
 Spiritus, et plenos rictus mors atra teneret.

Talia dum praebet tristis miracula uirtus,  
 Diuerso interea fugientes saucia turba 55  
 Iactantur casu silisque per auia caecis  
 Ablati furtim multo cum uulnere solos  
 Per noctem metantur agros. sonus omnis et aura  
 Exterrent pennaque leui commota uolucris.  
 Non sopor aut menti requies. agit asper acerba 60  
 Nunc Mago attonitos, nunc arduus Hannibal hasta.

Serranus, clarum nomen, tua, Regule, proles,  
 Qui, longum semper fama gliscente per aeuum,  
 Infidis seruasse fidem memorabere Poenis,  
 Flore nitens primo, patriis heu Punica bella 65  
 Auspiciis ingressus erat; miseramque parentem  
 Et dulcis tristi repetebat sorte penates  
 Saucius. haud illi comitum super ullus, et atris  
 Uulneribus qui ferret opem; per deuia, fractae  
 Innitens hastae furtoque ereptus opacae 70  
 Noctis, iter tacitum Perusina ferebat in arua.  
 Ac fessus parui, quaecumque ibi fata darentur,  
 Limina pulsabat tecti, cum membra cubili

---

42 Laeuinus Ch 43 praesignis Cm *Ep.* 22 44 iace-  
 bat L latebat FOV 52 satias LO *corr. m. 2 in saties* F satiat V  
 (T. p. 223) satia Cm *Ep.* 22 — mandentia Cm l. l. 56 cursu  
 van Veen 69 Pulueribus OV 72 Ac Ch Hic S — ibi Ch  
 73 cum ChLF tum OV

Euoluens non tarda Marus — uetus ille parentis  
 Miles et haud surda tractarat proelia fama — 75  
 Procedit, renouata focis et paupere Uesta  
 Lumina praetendens. utque ora agnouit et aegrum  
 Uulneribus diris ac, lamentabile uisu,  
 Lapsantis fultum truncata cuspide gressus,  
 Funesti rumore mali iam saucius aures: 80  
 'Quod scelus, o nimius uitae nimiumque ferendis  
 Aduersis genitus, cerno? te, maxime, uidi,  
 Ductorum, cum captiuo Carthaginis arcem  
 Terreres uultu, crimen culpamque Tonantis,  
 Occidere atque hausi, quem non Sidonia tecta 85  
 Expulerint euersa meo de corde, dolorem.  
 Estis ubi en iterum, superi? dat pectora ferro  
 Regulus, ac tantae stirpem periura recidit  
 Surgentem Carthago domus.' Inde aegra reponit  
 Membra toro; nec ferre rudis medicamina — quippe 90  
 Callebat bellis — nunc purgat uulnera lympha,  
 Nunc mulcet sucis. ligat inde ac uellera molli  
 Circumdat tactu et torpentis mitigat artus.  
 Exin cura seni, tristem depellere fesso  
 Ore sitim et parca uires accersere mensa. 95  
 Quae postquam properata, sopor sua munera tandem  
 Applicat et mitem fundit per membra quietem.  
 Necdum exorta dies, Marus instat uulneris aestus  
 Expertis medicare modis gratumque teporem,  
 Exutus senium, trepida pietate ministrat. 100  
 Hic iuuenis, maestos tollens ad sidera uultus,  
 Cum gemitu lacrimisque simul: 'Si culmina nondum  
 Tarpeia exosus damnasti sceptrum Quirini,  
 Extremas Italum res Ausoniamque ruentem

74 Deuoluens *Schrader* — non] iam *Barth* 78 diris  
*Schrader* tiris **L**, unde *Tyriis Blass*, duris **FOV** 81 nimius **Cm**  
*Ep. 22* nimium **O** 86 Expulerant **OV** 87 eu (= heu)  
*Heinsius* 88 ac tantae stirpem **Cm** *Ep. 22* stirpem tantae **S**  
 90 medicamina opemque **C**. belli uel **C**. telis *Heinsius* 93 tor-  
 rentes *Schrader*



Aspice,' ait, 'genitor; tandemque aduerte procellis 105  
 Aequos Iliacis oculos. amisimus Alpes,  
 Nec deinde aduersis modus est; Ticinus et ater  
 Stragibus Eridanus, tuque insignite trophaeis  
 Sidoniis Trebia, et tellus lacrimabilis Arni.  
 Sed quid ego haec? grauior quanto uis ecce malorum!  
 Uidi crescentis Thrasymenni caedibus undas 111  
 Prostrataque uirum mole; inter tela cadentem  
 Uidi Flaminium. testor, mea numina, manes  
 Dignam me poenae tum nobilitate paternae  
 Strage hostis quaesisse necem, ni tristia letum, 115  
 Ut quondam patri, nobis quoque fata negassent.'

Cetera aceruantem questu lenire laborans  
 Effatur senior: 'Patrio, fortissime, ritu,  
 Quicquid adest duri, et rerum inclinata feramus.  
 Talis lege deum cliuoso tramite uitae 120  
 Per uarios praeceps casus rota uoluitur aeu;  
 Sat tibi, sat magna et totum uulgata per orbem  
 Stant documenta domus: sacer ille et numine nullo  
 Inferior, tuus ille parens decora alta parauit  
 Restando aduersis nec uirtutem exuit ullam . 125  
 Ante, reluctantis liquit quam spiritus artus.  
 Uix puerile mihi tempus confecerat aetas,  
 Cum primo malas signabat Regulus aeuo.  
 Accessi comes, atque omnis sociauius annos,  
 Donec dis Italae uisum est extinguere lumen 130  
 Gentis, in egregio cuius sibi pectore sedem  
 Ceperat alma Fides mentemque amplexa tenebat.  
 Ille ensem nobis magnorum hunc instar honorum  
 Uirtutisque ergo dedit et, sordentia fumo  
 Quae cernis nunc, frena, sed est argenteus ollis 135  
 Fulgor; nec cuiquam Marus est post talia dona  
 Non praelatus eques. uerum superauit honores

106 Aequos S Aequus Ch 109 Arni Ch et Dausqueius  
 (T. p. 203) LF arui OV (cf. V. 7) Auni edd. nonn. c. codd. Put.  
 et Tell. Hauni Marsus aliiue 117 aceruantem S acer-  
 bantem uulgo 125 illam Heinsius 133 hunc Ch nunc S

Omnis hasta meos. cui me libare Lyaei  
Quod cernis latices, dignum cognoscere causam.

Turbidus arentis lento pede sulcat harenas 140  
Bagrada, non ullo Libycis in finibus amne  
Uictus limosas extendere latius undas  
Et stagnante uado patulos inuoluere campos.  
Hic studio laticum, quorum est haud prodiga tellus,  
Per ripas laeti saeuus consedimus aruis. 145  
Lucus iners iuxta Stygium pallentibus umbris  
Seruabat sine sole nemus, crassusque per auras  
Halitus erumpens taetrum expirabat odorem.  
Intus dira domus curuoque immanis in antro  
Sub terras specus et tristes sine luce tenebrae. 150  
Horror mente redit. monstrum exitiabile et ira  
Telluris genitum, cui par uix uiderit aetas  
Ulla uirum, serpens centum porrectus in ulnas  
Letalem ripam et lucos habitabat Auernos.  
Ingluuiem immensi uentris grauidamque uenenis 155  
Aluum deprensi satiabant fonte leones,  
Aut acta ad fluuium torrenti lampade solis  
Armenta et tractae foeda grauitate per auras  
Ac tabe afflatus uolucres. semesa iacebant  
Ossa solo, informi dape quae repletus et asper 160  
Uastatis gregibus nigro ructarat in antro.  
Isque ubi feruenti concepta incendia pastu  
Gurgite mulcebat rapido et spumantibus undis,  
Nondum etiam toto demersus corpore in amnem  
Iam caput aduersae ponebat margine ripae. 165  
Imprudens tantae pestis gradiebar, Aquino  
Apenninicola atque Umbro comitatus Auente;

---

139 dignum **S** dignum est *uulgo* 141 ulli — amni *Liuius*  
*et Heinsius* 145 saeuus] riguis *Heinsius* 149 furuoque  
*Heinsius* 150 Sub terra *Heinsius*, quod prob. *Wagner ad*  
*Verg. Aen. XII. 811* 152 uiderit **Ch** uiderat **O** 159 late-  
bant **L** 160 ossa solo, informi dape quae *scr.* informidate-  
que **S** ossa solo informi: lateque *uulgo* 161 ructarat **S** ruc-  
tabat *uulgo* 162 pastu] ab aestu *Heinsius* 167 Auente **Ch**

Scire nemus pacemque loci explorare libebat.  
 Iamque propinquantum tacitus penetrauit in artus  
 Horror, et occulto riguerunt frigore membra. 170  
 Intramus tamen et Nymphas numenque precamur  
 Gurgitis ignoti trepidosque et multa pauentis  
 Arcano gressus audemus credere luco.  
 Ecce e uestibulo primisque e faucibus antri  
 Tartareus turbo atque insano saeuior Euro 175  
 Spiritus erumpit, uastoque e gurgite fusa  
 Tempestas oritur, mixtam stridore procellam  
 Cerbereo torquens. pauefacti clade uicissim  
 Aspicimus. resonare solum, tellusque moueri,  
 Atque antrum ruere, et uisi procedere manes. 180  
 Quantis armati caelum petiere Gigantes  
 Anguibus, aut quantus Lernae lassauit in undis  
 Amphitryoniaden serpens, qualisque comantis  
 Auro seruauit ramos Iunonius anguis:  
 Tantus disiecta tellure sub astra coruscum 185  
 Extulit assurgens caput atque in nubila primam  
 Dispersit saniem et caelum foedauit hiatu.  
 Diffugimus tenuemque metu conamur anheli  
 Tollere clamorem frustra; nam sibila totum  
 Implebant nemus. ac subita formidine caecus 190  
 Et facti damnandus Auens — sed fata trahebant —  
 Antiquae quercus ingenti robore sese  
 Occulit, infandum si posset fallere monstrum.  
 Uix egomet credo; spiris ingentibus artae  
 Arboris abstraxit molem penitusque reuulsam 195  
 Euertit fundo et radicibus eruit imis.

168 faciemque *Burmam*, quod prob. *van Veen* 171 no-  
 menque Cd (*T. p.* 212). 173 torquens OV torquem L tor-  
 rens corr. in torquens F intorquens *uulgo* 179 post Aspi-  
 cimus punctum posui cum *Heinsio* 184 Iunonis et anguis Cd  
 (*T. p.* 212 et 214) 185 disiecta] despecta *Heinsius* disiuncta  
*Lefebure* ab infecta *Thilo* 188 tenuemque Cm *Ep.* 22  
 tamenque V tamen atque *uulgo* 190 ac S at *uulgo* 191 Auens Ch  
 193 posset S possit *uulgo* 194 stringentibus uel cingentibus  
*Heinsius* — arte *uulgo* actae *Gronov.* 195 adstrinxit *Ruperti*

Tum trepidum ac socios extrema uoce cientem  
 Corripit atque haustu sorbens et faucibus atris —  
 Uidi respiciens — obscaena condidit aluo.  
 Infelix fluuio sese et torrentibus undis 200  
 Crediderat celerique fuga iam nabat Aquinus.  
 Hunc medio inuasit fluctu ripaeque relatos —  
 Heu genus infandum leti! — depascitur artus.  
 Sic dirum nobis et lamentabile monstrum  
 Effugisse datur. quantum mens aegra sinebat, 205  
 Appropero gressum et ductori singula pando.  
 Ingemuit, casus iuuenum miseratus acerbos.  
 Utque erat in pugnas et Martem et proelia et hostem  
 Igneus et magna audendi flagrabat amore,  
 Ocius arma rapi et spectatum Marte sub omni 210  
 Ire iubet campis equitem. ruit ipse, citatum  
 Quadrupedem planta fodiens, scutataque raptim  
 Consequitur iusso manus et muralia portat  
 Ballistas tormenta grauis suetamque mouere  
 Excelsas turris immensae cuspidis hastam. 215  
 Iamque ubi feralem strepitu circumtonat aulam  
 Cornea gramineum persultans ungula campum,  
 Percitus hinnitu serpens euoluitur antro  
 Et Stygios aestus fumanti exsibilat ore.  
 Terribilis gemino de lumine fulgurat ignis; 220  
 At nemus arrectae et procera cacumina saltus  
 Exuperant cristae; trifido uibrata per auras  
 Lingua micat motu atque assultans aethera lambit.  
 Ut uero strepuere tubae, conterritus alte  
 Immensum attollit corpus tergoque residens 225  
 Cetera sinuatis glomerat sub pectore gyris.  
 Dira dehinc in bella ruit rapidèque resoluens

202 ripaeque **S** ripaque **Ch** — relatos **Cm Ep. 22** 204 Sic]  
 Uix *Heinsius* 209 magna **Cm Ep. 22 L** magno **FOV** (*in F*  
*ex corr.*) 210 capi **O** 213 Obsequitur *Bentley c. edd.*  
*recentt.* — cursu *Blass* 218 hinnitu **Cm Ep. 22** immani **L**  
 inmani **FOV** 222 Exuperant] Expuerant **LF** Expulerant **V**  
 Expauēant **O** 226 sumatis **OV** se uastis *Bothe*



Contortos orbes directo corpore totam  
 Extendit molem subitoque propinquus in ora  
 Lato distantum spatio uenit; omnis anhelat 230  
 Attonitus serpentis equus, frenoque teneri  
 Impatiens, crebros expirat naribus ignes.  
 Arduus ille super tumidis ceruicibus altum  
 Nutat utroque caput; trepidos inde incitus ira  
 Nunc sublime rapit, nunc uasto pondere gaudet 235  
 Elisisse premens. tunc fractis ossibus atram  
 Absorbet saniem et, tabo manante per ora,  
 Mutat hians hostem semesaue membra relinquit.  
 Cedebant iam signa retro, uictorque cateruas  
 Longius auectas afflatus peste premebat, 240  
 Cum ductor, propere reuocatam in proelia turmam  
 Uocibus impellens: "Serpentine Itala pubes  
 Terga damus Libycisque parem non esse fatemur  
 Anguibus Ausoniam? si debellauit inertis  
 Halitus, ac uiso mens aegra effluxit hiatu, 245  
 Ibo alacer solusque manus componere monstro  
 Sufficiam." Clamans haec atque interritus hastam  
 Fulmineo uolucrum torquet per inane lacerto.  
 Uenit in aduersam non uano turbine frontem  
 Cuspis et, haud paulum uires adiuta ruentis 250  
 Contra ardore ferae, capiti tremebunda resedit.  
 Clamor ad astra datur, uocesque repente profusae  
 Aetherias adiere domos. furit ilicet ira  
 Terrigena, impatiens dare terga nouusque dolori  
 Et chalybem longo tum primum passus in aeuo. 255  
 Nec frustra rapidi, stimulante dolore, fuisset  
 Impetus, ablato ni Regulus arte regendi  
 Instantem elusisset equo rursusque secutum

228 directo **Ch** directo **O** 230 anhelat **Cm** *Ep.* 22  
 231 serpentis **Cm** *l. l.* 234 Nutat **Ch** Mutat **S** Mittit *c. cod.*  
*Tell. Lefebure* Motat *Bentley c. ed. Iunt.* 236 tunc **Ch** 238 re-  
 liquit **L** 248 per inane **Cm** *Ep.* 71 primaue **S** 251 feri  
*Lefebure* 254 doloris *Burmam* 256 rabidi *ex ed. Rom. II*  
*Lefebure* rapido *Nicander* rabido *van Veen* 257 ablato **Ch**

Cornipedis gyros flexi curuamine tergi  
Detortis laeua celer effugisset habenis. 260

At non spectator Marus inter talia segni  
Torpebat dextra. mea tanto in corpore monstri  
Hasta secunda fuit. iam iamque extrema trisulca  
Lambebat lingua fessi certamine terga  
Quadrupedis; torsi telum atque urgentia uelox 265  
In memet saeui serpentis proelia uerto.

Hinc imitata cohors certatim spicula dextris  
Congerit alternasque ferum diducit in iras,  
Donec murali balista coercuit ictu.

Tum fractus demum uires, non iam amplius aegra 270

Consuetum ad nisus spina praestante rigorem  
Et solitum in nubes tolli caput. acrius instant,  
Iamque aluo penitus demersa falarica sedit,  
Et geminum uolucres lumen rapuere sagittae.

Iam patulis uasto sub uulnere faucibus ater 275

Tabificam expirat saniem specus; ultima iamque  
Ingestis cauda et iaculis et pondere conti  
Haeret humi; lassoque tamen minitatur hiatu;

Donec tormentis stridens magnoque fragore  
Discussit trabs acta caput, longoque resoluens 280

Aggere se ripae tandem exalauit in auras

Liuentem nebulam fugientis ab ore ueneni.

260 laeuam *Lefebure et Ernesti* — effugisset *ed. Basil. 1522*  
effudisset **S** 262 Torpebam *Burmam et Bentley* — tanti

*Withof* 263 ianuamque **S** (*cf. IV. 585*) 265 urgentia **Ch**  
(*T. p. 247*) 270—272 *sic hunc locum restituere conatus sum;*

uires: nec iam amplius — rigorem, Et s. i. n. t. caput, acrius  
instat **S** et *uulgo* Tum fracto — acrius instant *Gronov* nec iam  
amplius, aegre — caput, a. instat *Ernesti* nec — rigorem, Inso-  
lidum (*sc. est*) i. n. t. caput. acrius instant, Iamque *Bothe* nec  
iam amplius — praestabat spina rigorem, Nec — caput a. instat  
*Thilo* non iam — rigorem, Et solito — capiti a. instant *Blass*  
275 ater *scr. aer S* 276 saniem specus; ultima *interpunxi*

saniem sp. ultima: iamque *uulgo* saniem, sp. u. *Barth* saniem;  
spes ultima *edd. recentt.* 277 Ingestis *Blass* Ingenti **S** —

conti **O** concti **V** tanti **LF** 280 reuoluens *van Veen*

Erupit tristi fluuio mugitus et imis  
Murmura fusa uadis; subitoque et lucus et antrum  
Et resonae siluis ulularunt flebile ripae. 285

Heu quantis luimus mox tristia proelia damnis!  
Quantaque supplicia et qualis exhausimus iras!  
Nec tacuere pii uates famulumque sororum  
Naiadum, tepida quas Bagrada nutrit in unda,  
Nos uiolasse manu seris monuere periclis. — 290

Haec tunc hasta decus nobis pretiumque secundi  
Uulneris a uestro, Serrane, tributa parente,  
Princeps quae sacro bibit e serpente cruorem.'

Iamdudum uultus lacrimis atque ora rigabat  
Serranus medioque uiri sermone profatur: 295

'Huic si uita duci nostrum durasset in aeuum,  
Non Trebia infaustas superasset sanguine ripas,  
Nec, Thrasymerne, tuus premeret tot nomina gurgis.'

Tum senior: 'Magnas,' inquit, 'de sanguine poenas  
Percepit Tyrio et praesumpta piacula mortis. 300

Nam, defecta uiris et opes attrita, supinas  
Africa tendebat palmas, cum sidere diro  
Misit Agenoreis ductorem animosa Therapne.

Nulla uiro species decorisque et frontis egenum  
Corpus; in exiguis uigor, admirabile, membris 305

Uiuidus, et nisu magnos qui uinceret artus.  
Iam Martem regere atque astus adiungere ferro  
Et duris facilem per inhospita ducere uitam

Haud isti, quem nunc penes est sollertia belli,  
Cederet Hannibali. uellem hunc, o tristia nobis 310

Taygeta, hunc unum non durassetis opacis  
Eurotae ripis! uidissem moenia flammis

---

286 quantum **OV** 289 trepida **Ch** 290 Nos **O** Non **LFV**  
— saeuis *Bothe* — piaculis *Bentley* seri periclis uel pericli *Blass*  
293 qui s. dedit e s. cr. *Bothe* 296 Hinc **S** 299 Tum **LF**  
Tunc **OV** 300 Precepit **O** 303 Therapne] cherapne **FOV**  
cheramne **L** 307 Martem regere **Ch** ciere **S** cire *Thilo*  
308 durus *ex ed. Parm. et Med. Drakenborch alii*que — inter-  
punctionem post uitam sustulit *Ruperti*

Phoenissae ruere, aut certe non horrida fata  
 Fleuissem ducis et, nulla quos morte nec igni  
 Exutos seruans portabo in Tartara, luctus. 315  
 Consertae campis acies, multusque per arua  
 Feruebat Mauors; nec mens erat ulla sine ira.  
 Hic inter medios memorandis Regulus ausis  
 Laxabat ferro campum inque pericla ruebat  
 Nec repetenda dabat letali uulnera dextra. 320  
 Sic ubi nigrantem torquens stridentibus austris  
 Portat turbo globum piceaque e nube ruinam  
 Pendentem terris pariter pontoque minatur,  
 Omnis et agricola et nemoroso uertice pastor  
 Et pelago trepidat subductis nauita uelis. 325  
 At fraudem nectens, socios ubi concaua saxa  
 Claudebant, uertit subito certamina Graius  
 Et dat terga celer ficta formidine ductor.  
 Haud secus ac stabulis procurans otia pastor  
 In foueam parco tectam uelamine frondis 330  
 Ducit nocte lupos positae balatibus agnae.  
 Abripuit traxitque uirum fax mentis honestae  
 Gloria et incerti fallax fiducia Martis.  
 Non socios comitumue manus, non arma sequentum  
 Respicere, insano pugnae tendebat amore 335  
 Iam solus: nubes subito cum densa Laconum  
 Saxosis latebris intento ad proelia circum

---

313 Phoenissa eruere *Ruperti* — aut **F** haud **LOV** 314 et  
 315 at nulla nunc morte *Burmman* ducis: at, nulla quos m.  
 n. i. Exutus, s. p. *Lefebure* at nunc quos nec morte n. i. Exuero  
 s. p. *Thilo* 318 Hic **Ch** Hinc *Nicander* — Hic iter in medios  
*Marsus alii*que 319 campum inque pericla *Ruperti* cam-  
 pumque pericla **Ch** campum ac pericla **LO** campum ac **i**  
 (*suprascr.*) pericla **F** campo ac pericla **V** c. ac per iniqua  
*Gronov* c. ac per tela *Heinsius*, quod prob. *Bentley* 327 Con-  
 debant *Burmman* — certamina Graius *Barth* uertit subito cer-  
 tamine gyros **Cm** *Ep.* 71 uertere **L** uertre **FV** ūtre **O** certamine  
 gratos **S** 328 ficta **S**, ut *coni.* *Modius* facta **Cm** *Ep.* 71  
 329 ac *ed. Basil.* 1522 e **L** et **FOV** 336 solis **O** 337 in-  
 tento **ChLF** intende **O** intende *corr. m. 2. in* intende **V**



Funditur, et pone insurgit uis saeua uiro-  
 O diram Latio lucem! fastisque notandum  
 Dedecus o, Gradiue, tuum! tibi dextera et urbi 340  
 Nata tuae tristi damnatur sorte catenae.  
 Haud umquam absistam gemitu. te, Regule, uidit  
 Sidonius carcer! tuque huic sat magna triumpho  
 Uisa es, Carthago, superis! quae poena sequetur  
 Digna satis tali pollutos Marte Laconas? 345

At noua Elissaei iurato foedera patres  
 Consultant mandare duci pacisque sequestrem  
 Mittere poscentis uinctam inter proelia pubem  
 Captiuamque manum ductore rependere nostro.  
 Nec mora, iam stabat primis in litoris undis 350  
 Nauali propulsa ratis, iam nautica pubes  
 Aut siluis stringunt remos, aut abiete secta  
 Transtra nouant; his intortas aptare rudentis,  
 His studium erecto componere carbasa malo.  
 Unca locant prora curuati pondera ferri. 355  
 Ante omnis doctus pelagi rectorque carinae  
 Puppim aptat clauumque Cothon. micat aereus alta  
 Fulgor aqua trifidi splendentis in aequore rostri.  
 Tela simul uariamque ferunt contra aspera ponti  
 Rerum ad tempus opem. mediae stat margine puppis,  
 Qui uoce alternos nautarum temperet ictus 361  
 Et remis dictet sonitum pariterque relatis  
 Ad numerum plaudat resonantia caerula tonsis.

Postquam confectum nautis opus, horaque cursus,  
 Atque armata ratis uentique dedere profundum: 365  
 Omnis turba ruit, matres puerique senesque.  
 Per medios coetus trahit atque inimica per ora

---

338 pone *scr.* poena *Ch* poene *LFO* pene *V* Poenum *Barth*  
 atque uni *Withof* 339 notandum *S* notandam *uulgo mutata*  
*interpunctione* 346 At *OV* Ac *LF* 348 uinctam *Ch*  
 uictam *S* 353 his] bis *S* 358 trifidi *OV* trifidis *LF* trifido  
*Heinsius* 360 Durum ad tempus *Heinsius* Serum *Ernesti*  
 363 ut plaudant *Ruperti* 365 uentoque *S*

Spectandum Fortuna ducem. fert lumina contra  
 Pacatus frontem, qualis cum litora primum  
 Attigit appulsa rector Sidonia classe. 370  
 Accessi comes, haud ipso renuente, ratique  
 Impositus maestus socium me casibus addo.  
 Illuuiem atque inopes mensas durumque cubile  
 Et certare malis urgentibus hoste putabat  
 Deuicto maius; nec tam fugisse cauendo 375  
 Aduersa egregium, quam perdomuisse ferendo.  
 Spes tamen una mihi — quamquam bene cognita et olim  
 Atrox illa fides — urbem murosque domumque  
 Tangere si miseris licuisset, corda moueri  
 Posse uiri et uestro certe mitescere fletu. 380  
 Claudebam sub corde metus lacrimasque putabam  
 Esse uiro et nostrae similem inter tristia mentem.  
 Cum tandem patriae Tiberino allabimur amni,  
 Seruabam uultus ducis ac prodentia sensum  
 Lumina et obtutu perstabam intentus eodem. 385  
 Si qua fides, unum, puer, inter mille labores,  
 Unum etiam in patria saeuaque in Agenoris urbe  
 Atque unum uidi poenae quoque tempore uultum.  
 Obuia captiuo cunctis simul urbibus ibat  
 Ausonia, et, campum turba uincente, propinqui 390  
 Implentur colles; strepit altis Albula ripis.  
 Ipsi Poenorum proceres immitia corda  
 Ad patrios certant cultus reuocare, togaeque  
 Addebatur honos. stetit, illacrimante senatu  
 Et matrum turba iuuenumque dolore profuso, 395  
 Inter tot gemitus immobilis; aggere consul  
 Tendebat dextram et patria uestigia primus  
 Ponentem terra occursu celebrabat amico.  
 Collegit gressum; monitusque recedere consul  
 Nec summum uiolare decus; cingente superba 400

---

368 Fortuna] importuna (sc. turba) *Ernesti* 372 maestus *LF*  
 maestis *OV* 374 putabat *Cm Ep. 71* 380 uiri *Ch*  
 383 patrio Tiberini *Heinsius* 394 Addebatur *Cm Ep. 71*

Poenorum turba captiuoque agmine saeptus  
Ibat et inuidiam caelo diuisque ferebat.

Ecce trahens geminum natorum Marcia pignus,  
Infelix nimia magni uirtute mariti,  
Squalentem crinem et tristis lacerabat amictus. — 405  
Agnoscisne diem? an teneris non haesit in annis? —  
Atque ea, postquam habitu iuxta et uelamine Poeno  
Deformem aspexit, fuis ululatibus aegra  
Labitur, et gelidos mortis color occupat artus.  
Si qua deis pietas, tales, Carthago, uidere 410  
Dent tibi Sidonias matres; me uoce quieta  
Affatus, iubet et uestros et coniugis una  
Arcere amplexus; patet impenetrabilis ille  
Luctibus et numquam summissus colla dolori.'

Hic alto iuuenis gemitu lacrimisque coortis: 415  
'Magne parens,' inquit, 'quo maius numine nobis  
Tarpeia nec in arce sedet, si iura querelis  
Sunt concessa piis, cur hoc matrique mihique  
Solamen, uel cur decus hoc, o dure, negasti,  
Tangere sacratos uultus atque oscula ab ore 420  
Libauisse tuo? dextram mihi prendere dextra  
Non licitum? leuiora forent haec uulnera quantum,  
Si ferre ad manis infixos mente daretur  
Amplexus, uenerande, tuos. sed uana recordor  
Ni, Mare, — nam primo tunc haerebamus in aeuo —  
Humana maior species erat; horrida cano 426  
Uertice descendens ingentia colla tegebat  
Caesaries, frontique coma squalente sedebat  
Terribilis decor atque animi uenerabile pondus.  
Nil posthac oculis simile incidit.' Excipit inde 430  
Iam Marus atque, inhibens conuellere uulnera questu:

---

402 serebat *Blass* 403 geminum *OV* gemitum *LF* — Mar-  
cia *Ch* 404 nimium *Bothe* 405 tristes *Ch* 413 Arceri  
*Heinsius* — patet] manet uel pater *Ruperti* 425 Ni,  
Mare *Ch* Mi Mare *S*, nisi quod in *O* Mnnare uel Mimare legitur;  
in eodem cod. uerba tunc — maior omitta sunt 430 excidit *OV*

'Quid, cum praeteritis inuisa penatibus,' inquit,  
 'Hospitia et sedes Poenorum intrauit acerbis?  
 Affixi clipei currusque et spicula nota  
 Aedibus in paruis, magni monumenta triumphi, 435  
 Pulsabant oculos, coniuxque in limine primo  
 Clamabat: "Quo fers gressus? non Punicus hic est,  
 Regule, quem fugias, carcer. uestigia nostri  
 Casta tori domus et patrium sine crimine seruat  
 Inuiolata larem. semel hic iterumque — quid, oro, 440  
 Pollutum est nobis? — prolem, gratante senatu  
 Et patria, sum enixa tibi. tua, respice, sedes  
 Haec est, unde ingens humeris fulgentibus ostro  
 Uidisti Latios consul procedere fasces;  
 Unde ire in Martem, quo capta referre solebas 445  
 Et uictor mecum suspendere postibus arma.  
 Non ego complexus et sanctae foedera taedae  
 Coniugiumue peto. patrios damnare penatis  
 Absiste ac natis fas duc concedere noctem."

Hos inter fletus iunctus uestigia Poenis 450  
 Limine se clusit Tyrio questusque reliquit.  
 Uixdum clara dies summa lustrabat in Oeta  
 Herculei monumenta rogi, cum consul adire  
 Accirique iubet Libyas. tum limina templi  
 Uidimus intrantem. quae consultata senatus, 455  
 Quasue uiri uoces extremum curia maerens  
 Audierit, placido nobis ipse edidit ore.  
 Intulit ut gressus, certatim uoce manuque  
 Ad solitam sedem et uestigia nota uocabant.  
 Abnuat antiquumque loci aspernatus honorem. 460  
 At circumfusi non secius undique dextram  
 Prensare ac, patriae ductorem nomine tanto

---

434 nota *Heinsius* 449 fas duc **LF** fas est **OV** 451 clu-  
 sit **Cm** *Ep.* 71 secluserit **L** seduserit **F** seduxit **O** se duxit **V**  
 453 adiri *Heinsius* 454 Libyas **Ch** 455 tum quae consu-  
 lta *Gronov* quatenus consulta *Heinsius* — senatu *Lefebure*  
 456 Quasque *Ruperti* 459 uocabant **Ch** uocabat **S** 460 uulgo  
 additur est, quod deest in **S** et **Ch** — aspernatur *Heinsius*



Redderet, orabant; captiua posse redemptum  
 Pensari turba, ac Tyrias tum iustius arces  
 Arsuras dextra, fuerit quae uincta catenis. 465

Tum palmas simul attollens ac lumina caelo:  
 "Iustitiae rectique dator, qui cuncta gubernas,  
 Nec leuior mihi diua Fides Sarranaque Iuno,  
 Quos reditus testes iurata mente uocaui,  
 Si mihi fas me digna loqui Latiosque tueri 470  
 Uoce focos, ibo ad Tyrios non segnior," inquit,  
 "Stante fide reditus et saluo foedere poenae.

Sic nobis rerum exitio desistite honorem  
 Tendere. tot bellis totque annis fregimus aeuum;  
 Nunc etiam uinclis et longo carcere torpent 475

Captiuo in senio uires. fuit ille nec umquam,  
 Dum fuit, a duro cessauit munere Martis  
 Regulus. exangui spectatis corpore nomen.

At non Carthago, fraudum domus, inscia quantum  
 E nobis restet, iuuenes parat, aspera ferro 480  
 Pectora, captiuos nostra pensare senecta.

Ite dolos contra, gensque astu fallere laeta  
 Discat, me capto quantum tibi, Roma, supersit.  
 Nec uero placeat, nisi quae de more parentum  
 Pax erit. exposcunt Libyes nobisque dedere 485

Haec referenda, pari libeat si pendere bellum  
 Foedere et ex aequo geminas conscribere leges.  
 Sed mihi sit Stygios ante intrauisse penatis,  
 Talia quam uideam ferientis pacta Latinos."

Haec fatus Tyriae sese iam reddidit irae, 490  
 Nec monitus spernente grauis fidosque senatu,  
 Poenorum dimissa cohors. quae maesta repulsa  
 Ac minitans capto patrias properabat ad oras.  
 Prosequitur uulgas patres, ac planctibus ingens

---

464 hac *Heinsius* — iustior **S** 467 sator *Heinsius* pater  
 uel stator *Ruperti* 468 Serranaque **Ch** 470 Si **Ch OV**  
 sit **LF**, quod *prob. Bothe* 473 Sit **S** In nobis et 474 Per-  
 dere *Withof* Uendere *Heinsius* 480 En nobis **Ch** 485 Li-  
 byes **Ch** 491 fidoque **Ch S**

Personat et luctu campus. reuocare libebat 495  
Interdum et iusto raptum retinere dolore.

At trepida et subito ceu stans in funere coniux  
Ut uidit puppi properantem intrare, tremendum  
Uociferans, celerem gressum referebat ad undas:  
"Tollite me, Libyes, comitem poenaeque necisque. 500  
Hoc unum, coniux, uteri per pignora nostri  
Unum oro: liceat tecum quoscumque ferentem  
Terrarum pelagique pati caelique labores.  
Non ego Amyclaeum ductorem in proelia misi,  
Nec nostris tua sunt circumdata colla catenis. 505  
Cur usque ad Poenos miseram fugis? accipe mecum  
Hanc prolem. forsan duras Carthaginis iras  
Flectemus lacrimis, aut, si praecloserit aures  
Urbs inimica suas, eadem tunc hora manebit  
Teque tuosque simul; uel, si stat rumpere uitam, 510  
In patria moriamur. adest comes ultima fati."

Has inter uoces uinclis resoluta moueri  
Paulatim et ripa coepit decedere puppis.  
Tum uero infelix, mentem furiata dolore,  
Exclamat, fessas tendens ad litora palmas: 515  
"En, qui se iactat Libyae populisque nefandis  
Atque hosti seruare fidem! data foedera nobis  
Ac promissa fides thalamis ubi, perfide, nunc est?"  
Ultima uox duras haec tunc penetrauit ad auris;  
Cetera percussi uetuerunt noscere remi. 520

Tum fluuio raptim ad pelagi deuoluimur oras  
Ac legimus pontum pinuque immane cauata  
Aequor et immensas curua trabe findimus undas.  
Ludibrium necis horrescens, uis aspera ponti  
Obrueret, scopulisque ratem furor improbus Euri 525

---

495 campus **V**, ut conī. *Liuiueius* campis **LF0**, unde personat, et luctu campis r. libebat *uulgo* 496 raptum **V**  
captum **LF0** 498 puppi **Ch** puppim **V** 500 Libyes **Ch**  
509 eadem atque una *Heinsius* 514 uero **V** uere **LF** uē **O**  
— mente **S** 515 a litore *Schrader* 522 immane **Cm**  
*Ep. 71 L* in umane **F** minante **OV** (*T. p. 225*)

Frangeret, optabam; letum id commune fuisset.  
Sed nos ad poenam moderato flamine lenes  
Uexerunt Zephyri Tyrioque dedere furori.

Infelix uidi patriamque remissus in urbem  
Narrator poenae dura mercede reuerti. 530  
Nec tibi nunc ritus imitantem irasque ferarum  
Pygmalioneam tentarem expromere gentem,  
Si maius quicquam toto uidisset in orbe  
Gens hominum, quam quod uestri ueneranda parentis  
Edidit exemplum uirtus. pudet addere questus 535  
Suppliciis, quae spectauī placido ore ferentem.  
Tu quoque, care puer, dignum te sanguine tanto  
Fingere ne cessa atque orientis comprime fletus.  
Praefixo paribus ligno mucronibus omnes  
Armantur laterum crates, densumque per artem 540  
Texitur erecti stantisque ex ordine ferri  
Infelix stimulus, somnisque hac fraude negatis  
Quocumque inflexum perducto tempore torpor  
Inclinauit iners, fodiunt ad uiscera corpus.  
Absiste, o iuuenis, lacrimis. patientia cunctos 545  
Haec superat currus. longo reuirescet in aeuo  
Gloria, dum caeli sedem terrasque tenebit  
Casta Fides; dum uirtutis uenerabile nomen,  
Uiuet; eritque dies, tua quo, dux inclite, fata  
Audire horrebunt a te calcata minores.' 550  
Haec Marus et maesta refouebat uulnera cura.

Interea, rapidas perfusa cruoribus alas,  
Sicut sanguinea Thrasymenni tinxerat unda,  
Uera ac ficta simul spargebat fama per urbem.  
Allia et infandi Senones captaeque recursat 555

---

526 et 527 uerba letum — poenam, quae uulgo ommissa  
erant, inser. Cm Ep. 71; exstant in S quoque, sed in poenam S  
538 orientis ChLF haurientis OV 540 densumque Ch V  
densusque LFO 543 flexum Ch — perducto S producto uulgo  
— torpor Dausqueius tortor LFO tactor V 546 Haec s.  
currus ChL Hos FOV 548 post nomen distinxit Lefebure  
554 per orbem OV

Attonitis arcis facies. excussit habenas  
 Luctificus Pauor, et tempestas aucta timendo.  
 Hic raptim ruit in muros. uox horrida fertur,  
 Hostis adest. iaciuntque sudas et inania tela.  
 Ast aliae, laceris canentes crinibus, alta 560  
 Uerrunt tecta deum et seris post fata suorum  
 Sollicitant precibus. requiem tenebraeque diesque  
 Amisere; iacent portis ululante dolore  
 Dispersum uulcus, remeantumque ordine longo  
 Seruat turba gradus; pendent ex ore loquentum, 565  
 Nec laetis sat certa fides, iterumque morantur  
 Orando et, uultu interdum sine uoce precati,  
 Quod rogitant, audire pauent. hinc fletus, ubi aures  
 Percussae grauiore malo; metus inde, negatum  
 Si scire, et dubius responsi nuntius haesit. 570  
 Iamque ubi conspectu redeuntum uisa propinquo  
 Corpora, sollicite laeti funduntur et ipsis  
 Oscula uulneribus figunt superosque fatigant.  
 Hic inter trepidos, curae uenerandus, agebat  
 Serranum Marus; atque olim post fata mariti 575  
 Non egressa domum uitato Marcia coetu  
 Et lucem causa natorum passa, ruebat  
 In luctum similem antiquo; turbata repente  
 Agnoscensque Marum: 'Fidei comes inclite magnae,  
 Hunc certe mihi reddis,' ait. 'leue uulnus? an alte 580  
 Usque ad nostra ferus penetrauit uiscera mucro?  
 Quicquid id est, dum non uinctum Carthago catenis  
 Abripiat poenaeque instauret monstra paternae,  
 Gratum est, o superi. quotiens heu nate, petebam,  
 Ne patrias iras animosque in proelia ferres, 585

---

558 Hinc O      559 rapiuntque Bothe      561 Uertunt OV  
 563 ululantque dolore Heinsius      566 laetis] leti Blass  
 568 hinc Gronov alique hic S      571 redeuntum Dausqueius  
 redeuntis S redeuntia Drakenborch      572 sollicite laeti Ch —  
 affunduntur Heinsius      576 Marcia Ch OV martia LF      580 Hunc  
 Cm Ep. 68 LF Nunc OV      581 muro L      582 quidquid id  
 est Cm l. l.



Neu te belligeri stimulare in arma parentis  
 Triste decus. nimium uiuacis dura senectae  
 Supplicia expendi. quaeso, iam parcite, si qua  
 Numina pugnastis nobis.'

At cladis acerbae

Discussa ceu nube, patres conquirere fessis 590

Iam rebus meditantur opem, atque ad munera belli

Certatur, pulsusque timor grauiore periclo.

Maxima curarum, rectorem ponere castris,

Cui Latium et moles rerum quassata recumbat,

Spectante occasum patria. Iouis illa ruenti 595

Ausoniae atque Italidis tempus protendere regnis

Cura fuit; nam Tyrrhenos Poenumque secundis

Albana surgens respexerat arce tumentem,

Qui ferre in muros uictricia signa parabat.

Tum quassans caput: 'Haud umquam tibi Iupiter,' inquit,

'O iuuenis, dederit portas transcendere Romae 601

Atque inferre pedem. Tyrrhenas sternere ualles

Caedibus, et ripas fluuiorum exire Latino

Sanguine fas fuerit. Tarpeium accedere collem

Murisque aspirare ueto.' Quater inde coruscum 605

Contorsit dextra fulmen, quo tota reluxit

Maeonidum tellus, atramque per aethera uoluens

Abrupto fregit caelo super agmina nubem.

Nec Poenum auertisse satis; dat numine magno

Aeneadis mentem, gremio deponere tuto 610

Romuleam sedem Fabioque salutis habenas

Credere ductori. cui postquam tradita belli

Iura uidet: 'Non hunc,' inquit, 'superauerit unquam

---

586 Neu te ChLF Non te OV 589 at Ch ac LFV et O  
 590 Discissa Ch 592 timor S dolor *uulgo* 595 Sperante  
 Blass 600 Tum S Tunc *uulgo* 601 dederim *Drakenborch* —  
 porta L — transcendere *Lefebure ex cod. Tell.* rescindere Blass  
 604 accedere S ascendere *uulgo* accendere *Ruperti* 605 Mu-  
 risque *Lefebure* — corusca *Ruperti* 611 Romuleam sedem  
*scr. R.* tandem S gentem *Liuius* molem *Withof* sortem  
*Ruperti* Romam illam tandem *Bothe*

Inuidia aut blando popularis gloria fuco;  
 Non astus fallax, non praeda aliusue cupido. 615  
 Bellandi uetus ac laudum cladumque quieta  
 Mente capax; par ingenium castrisque togaeque.  
 Sic genitor diuum recipitque ad sidera gressum.  
 Hic, circumspectis nulli deprensus in armis  
 Laudatusque Ioui, Fabius mirabile quantum 620  
 Gaudebat reducem patriae annumerare reuersus,  
 Duxerat egrediens quam secum in proelia, pubem.  
 Nec membris quisquam natouae pepercit amato  
 Acrius, aut uidit socium per bella cruorem  
 Tristior. atque idem, perfusus sanguine uictor 625  
 Hostili, plenis repetebat moenia castris.  
 Stirpe genus clarum caeloque affinis origo.  
 Nam remeans longis olim Tirynthius oris  
 Et triplicis monstri famam et spectacula captas  
 Mira boues hac, qua fulgent nunc moenia Romae, 630  
 Egit ouans. tunc Arcadius, sic fama, locabat  
 Inter desertos fundata Palatia dumos  
 Paupere sub populo ductor; cum regia uirgo,  
 Hospite uicta sacro, Fabium de crimine laeto  
 Procreat et magni commiscet seminis ortus 635  
 Arcas in Herculeos mater uentura nepotes.  
 Ter centum domus haec Fabios armauit in hostem,  
 Limine progressos uno; pulcherrima quorum  
 Cunctando Fabius superauit facta ducemque  
 Hannibalem aequando. tantus tunc, Poene, fuisti. 640  
 Dum se perculsi renouant in bella Latini,  
 Turbatus Ioue et exuta spe moenia Romae  
 Pulsandi, collis Umbros atque arua petebat  
 Hannibal, excelso summi qua uertice montis  
 Deuexum lateri pendet Tuder, atque ubi latis 645

614 blando **ChLF** libido **O** libido (c *supra* d). **V** (*T. p.* 224  
*et* 244) 615 praedae *Bothe* 616 bellandi est uetus *Bothe*  
 620 mirabile quantum **Ch** (*T. p.* 203) 630 nunc *deest in OV*  
 634 laeto **Ch** 643 Pulsando **Ch** 644 summi **Ch** summū **V**  
 — excelsi summo *Thilo* 645 lateris *Heinsius* — laetis *Heinsius*

Proiecta in campis nebulas exhalat inertis,  
 Et sedet ingentem pascens Meuania taurum,  
 Dona Ioui; tum Palladios se fundit in agros  
 Picenum diues praedae atque errantibus armis,  
 Quo spolia inuitant, transfert populantia signa; 650  
 Donec pestiferos mitis Campania cursus  
 Tardauit bellumque sinu indefensa recepit.

Hic dum stagnosi spectat templumque domosque  
 Literni ductor, uaria splendentia cernit  
 Pictura belli patribus monumenta prioris 655  
 Exhausti — nam porticibus signata manebant —  
 Quis inerat longus rerum et spectabilis ordo.  
 Primus bella truci suadebat Regulus ore,  
 Bella neganda, uiro si noscere fata daretur.  
 At princeps Poenis indicta more parentum 660  
 Appius astabat pugna lauroque reuinctus  
 Iustum Sarrana ducebat caede triumphum.  
 Aequareum iuxta decus et nauale trophaeum,  
 Rostra gerens niuea surgebat mole columna;  
 Exuias Marti donumque Duilius, alto 665  
 Ante omnis mersa Poenorum classe, dicabat.  
 Cui, nocturnus honos, funalia clara sacerque  
 Post epulas tibicen adest; castosque penatis  
 Insignis laeti repetebat murmure cantus.  
 Cernit et extremos defuncti ciuis honores: 670  
 Scipio ductoris celebrabat funera Poeni,  
 Sardoa uictor terra. uidet inde ruentem  
 Litoribus Libycis dispersa per agmina pubem;  
 Instabat crista fulgens et terga premebat  
 Regulus; Autololes Nomadesque et Maurus et Hammon  
 Et Garamas positis dedebant oppida telis. 676

---

649 Picentum *Liuiineius* — dices *Lefebure* cupidus *Nicander*  
 654 Literni Ch 660 poenis F penis L potius O potius V —  
 indicta pugna ChLF pugnae OV 665 domum: que dulius L  
 donumque dulius F domū coma q̄ dulius O donum coinaque  
 dulius V 671 celebraret Ch, unde cernit, ut — celebraret  
*scribendum putat Heinsius*

Lentus harenoso spumabat Bagrada campo  
 Uiperea sanie, turmisque minantibus ultro  
 Pugnat serpens et cum duce bella gerebat.  
 Necnon proiectum puppi frustraue uocantem 680  
 Numina Amyclaeum mergebat perfida ponto  
 Rectorem manus, et feras tibi, Regule, poenas  
 Xanthippus digni pendebat in aequore leti.  
 Addiderant geminas medio consurgere fluctu  
 Aegatis; lacerae circum fragmenta uideres 685  
 Classis et effusos fluitare in gurgite Poenos.  
 Possessor pelagi pronaque Lutatius aura  
 Captiuas puppis ad litora uictor agebat.  
 Haec inter iuncto religatus in ordine Hamilcar,  
 Ductoris genitor, cunctarum ab imagine rerum 690  
 Totius in sese uulgi conuerterat ora.  
 Sed Pacis faciem et pollutas foederis aras  
 Deceptumque Iouem ac dictantis iura Latinos  
 Cernere erat. strictas trepida ceruice securis  
 Horrebat Libys, ac summissis ordine palmis 695  
 Orantes ueniam iurabant irrita pacta.  
 Haec Eryce e summo spectabat laeta Dione.  
 Quae postquam infesto percensuit omnia uultu  
 Arridens Poenus, lenta proclamat ab ira:  
 'Non leuiora dabis nostris inscribere tectis 700  
 Acta meae dextrae: captam, Carthago, Saguntum  
 Da spectare, simul flamma ferroque ruentem,  
 Perfodiant patres natorum membra; nec Alpes

678 ultro] umbris F corr. m. 1 in ultro — ultor *Liuius*  
*et Heinsius* 682 Rectorem Cm Ep. 68 683 aequore Cm l. l.  
 686 affusos *Heinsius* 689 sic uersus extat in S, nisi quod  
 in O iunctos m. 1 corr. in iuncto — uictos Ch iuncto legatus  
 i. o. H. *Marsus* Hic inter uictos rel. i. o. H. *Dausqueius* Hoc  
 inter uictos rel. i. o. H. *Heinsius* Haec inter cinctus legatorum  
 ordine H. uel iunctus — ordine *Ruperti* Hac inter uinctos  
 religatus i. o. *Bothe* Haec inter uinclis religatis o. H. *Buchwald*  
 Haec inter uinctorum iratus i. ordinem H. *Schlichteisen* (p. l.)  
 690 cuncta harum *Bothe* iunctarum *Heinsius* 692 Pacis pro  
 pacis scr. *Ruperti*



Exiguus domitas capiet locus; ardua celsis  
 Persultet iuga uictor equis Garamasque Nomasque. 705  
 Adde Ticini spumantis sanguine ripas  
 Et nostrum Trebiam et Thrasymenti litora Tusci  
 Clausa cadaueribus. ruat ingens corpore et armis  
 Flaminius; fugiat consul manante cruore  
 Scipio et ad socios nati ceruice uehatur. 710  
 Haec mitte in populos, et adhuc maiora dabuntur.  
 Flagrantem effinges facibus, Carthago, Libyssis  
 Romam et deiectum Tarpeia rupe Tonantem.  
 Interea uos, ut dignum est, ista, ocius ite,  
 O iuuenes, quorum dextris mihi tanta geruntur, 715  
 In cineres monumenta date atque inuoluite flammis.'

## SILI ITALICI

## P U N I C O R U M

## LIBER SEPTIMUS.

Interea trepidis Fabius spes unica rebus.  
 Ille quidem socios atque aegram uulnere praeceps  
 Ausoniam armabat uiridique ad dura laborum  
 Bellator senio iam castra mouebat in hostem.  
 Sed mens humana maior non tela nec enses 5  
 Nec fortis spectabat equos. tot milia contra  
 Poenorum inuictumque ducem, tot in agmina solus  
 Ibat et in sese cuncta arma uirosque gerebat.  
 Ac ni sacra seni uis impressumque fuisset,

706 Adde et *Scaliger* 707 Tusci *Blass* tuscis S  
 712 effinges *LF*, ut *coni.* *Modius* effugies *Cm Ep.* 68 effingens *OV*  
 714 ista] ite *Liuius* 715 gerantur *Blass* 1 rabidis *Ch*  
 5 mens *LFV* mente *O* — mente humano *Barth* — non tela S  
 nec t. *uulgo*

Sistere Fortunam cunctando aduersa fouentem, 10  
 Ultima Dardanii transisset nominis aetas.  
 Ille modum superis in Punica castra fauoris  
 Addidit et Libyae finem inter prospera bella  
 Vincendi statuit. tumefactum cladibus ille  
 Hesperiiis lento Poenum moderamine lusit. 15  
 Summe ducum, qui regna iterum labentia Troiae  
 Et fluxas Latii res maiorumque labores,  
 Qui Carmentis opes et regna Euandria seruas,  
 Surge, age et emerito sacrum caput insere caelo.

At Libyae ductor, postquam noua nomina lecto 20  
 Dictatore uigent, raptim mutata Latinis  
 Imperia haud frustra reputans, cognoscere hauebat,  
 Quae fortuna uiro, quodnam decus; ultima fessis  
 Ancora cur Fabius, quem post tot Roma procellas  
 Hannibali putet esse parem. feruore carentes 25  
 Angebant anni fraudique inaperta senectus.  
 Ocius accitum captiuo ex agmine poscit  
 Progeniem ritusque ducis dextraeque labores.  
 Cilnius, Arreti Tyrrhenis ortus in oris,  
 Clarum nomen erat; sed laeua adduxerat hora 30  
 Ticini iuuenem ripis, fususque ruentis  
 Uulnere equi, Libycis praebebat colla catenis.  
 Hic ardens — extrema malis — abrumpere uitam:  
 'Non cum Flaminio tibi res, nec feruida Gracchi  
 In manibus consulta,' inquit. 'Tirynthia gens est; 35  
 Quam si fata tuis genuissent, Hannibal, oris,  
 Terrarum imperium Carthaginis arce uideres.  
 Non ego te longa serie per singula ducam.  
 Hoc sat erit, nosces Fabios certamine ab uno:

---

10 Fortunam cunctando Ch cunctando Fortunam S 18 regna]  
 tecta Heinsius scepra Withof signa Bothe 22 habebat LOV  
 agebat F 25 carentes Barth calentes S 28 labores S  
 laborem Ch 29 Cilnius Ch Cilinus S — Arreti Ch 33 sic  
 interpunxi et abrumpere scr. et rumpere S H. a. e. malis, et r.  
 v. uulgo — mali atque abrumpere u. Heinsius H. a. extrema,  
 malis erumpere Marsus, quod prob. Bothe

Ueientum populi uiolata pace negabant 40  
 Acceptare iugum, ac uicino Marte furebat  
 Ad portas bellum, consulque ciebat ad arma.  
 Dilectus uetiti, priuataque castra penates  
 Herculei impleuere; domo, mirabile, ab una  
 Patricius iunctis exercitus ibat in armis. 45  
 Ter centum exiluire duces; quocumque liberet,  
 Uno non pauidus rexisses bella magistro.  
 Sed — dirum egressis omen — Scelerata minaci  
 Stridentis sonitu tremuerunt limina portae,  
 Maximaque Herculei mugiuit numinis ara. 50  
 Inuasere hostem, numerarique aspera uirtus  
 Haud est passa uiros, et plures milite caedes.  
 Saepe globo densi, saepe et per deuia passim  
 Dispersi subiere uices; meritique labore  
 Aequato nulli quisquam uirtute secundus, 55  
 Ducere ter centum Tarpeia ad templa triumphos.  
 Spes heu fallaces oblitaque corda caducum,  
 Mortali quodcumque datur! grex ille uirorum,  
 Qui Fabia gente incolumi deforme putabat  
 Publica bella geri, pariter cecidere deorum 60  
 Inuidia, subitis circumuenientibus armis.  
 Nec tamen occisos est cur laetere; supersunt,  
 Quot tibi sint Libyaeque satis; certauerit unus  
 Ter centum dextris. tam uiuida membra laborque  
 Prouidus et cauta sollertia tecta quiete. 65  
 Nec uero, calidi, nunc tu, cui sanguinis aetas,  
 Foderis in pugna uelocius ilia planta  
 Bellatoris equi frenisque momorderis ora.  
 Quem cernens auidum leti post talia Poenus:  
 'Nequicquam nostras, demens,' ait, 'elicis iras 70

---

41 furebat Ch      43 Dilectus Ch Delectus O      46 quae-  
 cunque Heinsius      49 Stridentes s. tr. limine p. Ch — ge-  
 muerunt Heinsius      54 D. subiere, uicis Heinsius      55 inter-  
 punctionem post Aequato sustuli      57 neu S      63 Quot tibi  
 sit S (cf. u. 113) — supersunt. Quod tibi sit L. satis, c. Heinsius  
 67 pugnam uel pugnas Heinsius

Et captiua paras moriendo euadere uincla.  
 Uiuendum est. arta seruentur colla catena.  
 Haec iuuenis, diuisque tumens ausisque secundis.

At patres Latiasque nurus raptabat ad aras  
 Cura deum. maesto suffusae lumina uultu 75  
 Feminus matres graditur chorus; ordine longo  
 Iunoni pallam conceptaque uota dicabant:  
 'Huc ades, o regina deum, gens casta precamur  
 Et ferimus, digno quaecumque est nomine, turba  
 Ausonidum pulchrumque et, acu et subtemine fuluo 80  
 Quod nostrae neuere manus, uenerabile donum.  
 Ac dum decrescit matrum metus, hoc tibi, diua,  
 Interea uelamen erit. si pellere nostris  
 Marmaricam terris nubem dabis, omnis in auro  
 Pressa tibi uaria fulgebit gemma corona.' 85  
 Necnon et proprio uenerantur Pallada dono  
 Phoebumque armigerumque deum primamque Dionen.  
 Tanta adeo, cum res trepidae, reuerentia diuum  
 Nascitur; at rarae fumant felicibus arae.

Dum Roma antiquos templis indicit honores, 90  
 Iam Fabius, tacito procedens agmine et arte  
 Bellandi lento similis, praecluserat omnis  
 Fortunaque hostique uias. discedere signis  
 Haud licitum, summumque decus, quo tollis ad astra  
 Imperii, Romane, caput, parere docebat. 95  
 Uerum ubi prima satis conspecta in montibus altis  
 Signa procul, fulsitque nouis exercitus armis,  
 Arrectae spes Sidonii, feruetque secundis

74 matres *Schrader* 75 lumina] flumine *Ruperti* —  
 uultu] fletu *Drakenborch* luctu *Schrader* 76 h. uersum  
*spuriū censet Ruperti* 77 dicantes *Heinsius* 79 dignum  
 uel digno quodcumque e. n. turbae *Heinsius* dignum, quo-  
 cumque es nomine, turba A. — donum *Drakenborch* dignae,  
 quocumque es nomine, t. A. *Withof* 80 acu et S, ut *coni.*  
*Liuius* acu subt. uulgo — subtemine Cd (*T. p. 215*) subteg-  
 mine LV sub tebmīne F sub mine O — acus subtemine *Ruperti*  
 87 dionon S 89 at Ch ac S 91 tacito Ch tanto S cauto  
*uulgo* 96 ubi om. LF 98 Sidonii Ch sidoniae S



Fortunae iuuenis. uincendi sola uidetur,  
 Quod nondum steterint acies, mora: 'Pergite,' clamāt,  
 'Ite citi, ruite ad portas, propellite uallum 101  
 Pectoribus. quantum campi distamus, ad umbras  
 Tantum hosti superest. resides ad bella uocantur,  
 Quis pudeat certare, senes. quodcumque uidetis, 104  
 Hoc reliquum est, primo damnatum, ut inutile bello.  
 En, ubi nunc Gracchi atque ubi nunc sunt fulmina gentis  
 Scipiadae? pulsi Ausonia non ante pauentem  
 Dimisere fugam, quam terror ad ultima mundi  
 Oceanumque tulit; profugus nunc errat uterque,  
 Nomina nostra tremens, et ripas seruat Hiberi. 110  
 Est etiam, cur Flaminio mihi gloria caeso  
 Creuerit, et titulis libeat cur figere nostris  
 Crudum Marte uiri nomen. quot demere noster  
 Huic annos Fabio gladius ualet! at tamen audet.  
 Audeat. haud ultra faxo spectetur in armis.' 115

Talia uociferans uolucris rapit agmina cursu  
 Ac, praeuectus equo, nunc dextra prouocat hostem,  
 Nunc uoce increpitat, missa nunc eminus hasta  
 Fertur ouans pugnaeque agitat simulacra futurae.  
 Ut Thetidis proles Phrygiis Uulcania campis 120  
 Arma tulit, clipeo amplexus terramque polumque  
 Maternumque fretum totumque in imagine mundum.

Cassarum sedet irarum spectator et alti  
 Celsus colle iugi domat exultantia corda  
 Infractasque minas dilato Marte fatigat 125  
 Sollers cunctandi Fabius. ceu nocte sub atra  
 Munitis pastor stabulis per ouilia clausum  
 Impaudus somni seruat pecus; effera saeuit

102 quanto *Heinsius*, sed cf. VI. 422 105 ut *Cm*  
*Ep.* 68 — Huic reliquum et pr. d. *Heinsius* — comma post  
 inutile *del. Ruperti* 106 En — atque — nunc sunt *Cm l. l.*  
 sunt nunc *S* 107 pauentem *Cm l. l.* 109 profugus *Cm l. l.*  
 113 quot *V* quod *LFO* 114 Huic *ed. Basil. 1522* Hinc *S* —  
 at tamen *Ch* et tamen *S* 121 clipei *Heinsius* 122 in *om. L*  
 123 speculator *Heinsius*

Atque impasta trucidis ululatus turba luporum  
Exercet morsuque quatit restantia claustra. 130

Irritus incepti mouet inde atque Apula tardo  
Arua Libys passu legit ac nunc ualle residit  
Conditus occulta, si praecipitare sequentem  
Atque inopinata detur circumdare fraude;  
Nunc nocturna parat caecae celantibus umbris 135

Furta uiae retroque abitum fictosque timores  
Assimulat; tum castra citus deserta relictā  
Ostentat praeda atque inuitat prodigus hostem.  
Qualis Maeonia passim Maeandrus in ora,  
Cum sibi gurgitibus flexis reuolutus oberrat. 140

Nulla uacant incepta dolis; simul omnia uersat  
Miscetque exacuens uaria ad conamina mentem.  
Sicut aquae splendor, radiatus lampade solis,  
Dissultat per tecta, uaga sub imagine uibrans  
Luminis, et tremula laquearia uerberat umbra. 145

Iamque dolore furens ita secum immurmurat irae:  
'Obuia si primus nobis hic tela tulisset,  
Nullane nunc Trebiae et Thrasymenni nomina? nulli  
Lugerent Itali? numquam Phaethontius amnis  
Sanguinea pontum turbasset decolor unda? 150

Inuentum, dum se cohibet, terimurque sedendo,  
Uincendi genus; en quotiens, uelut obuius iret,  
Discinxit ratione dolos fraudesque resoluit!  
Haec secum, medio somni cum bucina noctem  
Diideret; iamque, excubias sortitus iniquas, 155

136 abitum *ed. Basl.* 1522 abditum L aditum FOV  
137 tum LFV tunc O nunc uulgo 139 passim it Bothe  
146 immurmurat irae Ch 148 sic S Nullane num Trebiae,  
Thrasymenni Ch Nulla essent uulgo — *notas interrogandi appo-*  
*suit Ruperti* — Nulli amnem Trebiae, Thras. nomina nulli  
Lug. It. *Heinsius* Nulla nurus Tr. et Thr. nomina, n. L. I. Bothe  
— nulli Lugerent Itali ChLF Ingererent tituli OV (*T. p. 225*)  
152 en LFO et V — genus est. quotiens *edd. cum Liuiueio*  
154 et post secum *inserit Liuiueius* — medio somni Ch mediam  
somni LOV medio acci somnij F media insomnem dum b. n.  
*Heinsius* mediam insomni (*sc. Hannibali*) Bothe

Tertius abrupta uigil iret ad arma quiete.  
 Uertit iter Dauniquē retro tellure relicta  
 Campanas remeat notus populator in oras.  
 Hic uero, intrauit postquam uberis arua Falerni —  
 Dives ea et numquam tellus mentita colono — 160  
 Addunt frugiferis inimica incendia ramis.

Haud fas, Bacche, tuos tacitum tramittere honores,  
 Quamquam magna incepta uocent. memorabere, sacri  
 Largitor laticis, grauidae cui nectare uites  
 Nullum dant prelis nomen praeferre Falernis. 165  
 Massica sulcabat meliore Falernus in aeuo,  
 Ensibus ignotis, senior iuga. pampinus umbras  
 Nondum uuae uiridis nudo texebat in aruo,  
 Pocula nec norant sucis mulcere Lyaei.  
 Fonte sitim et pura soliti defendere lymphā. 170  
 Attulit hospitio pergentem ad litora Calpes  
 Extremumque diem pes dexter et hora Lyaeum,  
 Nec pigitum paruosque lares humilisque subire  
 Limina caelicolam tecti. cepere uolentem  
 Fumosi postes et ritu pauperis aeui 175  
 Ante focos mensae; laetus nec senserat hospes  
 Aduenisse deum; sed enim de more parentum  
 Grato cursabat studio instabatque senectae,  
 Donec opes festas puris nunc poma canistris  
 Composuit, nunc irriguis citus extulit hortis 180  
 Rorantis humore dapes. tum lacte fauisque  
 Distinxit dulcis epulas nulloque cruore  
 Polluta castus mensa cerealia dona  
 Attulit ac primum Uestae deterisit honorem  
 Undique et in mediam iecit libamina flammam. 185

159 Falenti Ch (*T. p. 212*)

163 uocent s uocant uulgo

165 Nullum Bothe Nulli s — preliis L plis F plenis OV

167 Ensibus ign. s Signis ign. Ch Ens. ignotus D. Heinsius  
 Finibus uel Censibus Heinsius

168 uuae Bothe uua s

169 miscere Peerlcamp ad Hor. od. III. 19. 6 179 poma Ch LF  
 coma OV

184 deterisit Cm Ep. 16 L deterpsit corr. in de-  
 cerpsit F deterpsit Q' decerpsit V

Deesse tuos latices, hac sedulitate senili  
 Captus, Iacche, uetas. subito, mirabile dictu,  
 Fagina pampineo spumarunt pocula suco,  
 Pauperis hospitii pretium; uilisque rubenti  
 Fluxit mulctra mero, et quercu in cratera cauata 190  
 Dulcis odoratis humor sudauit ab uuis.

‘En cape,’ Bacchus ait, ‘nondum tibi nota, sed olim  
 Uiticolae nomen peruulgatura Falerni  
 Munera’ — et haud ultra latuit deus. inde nitentem  
 Lumine purpureo frontem cinxere corymbi, 195  
 Et fusae per colla comae, dextraque pendit  
 Cantharus, ac uitis, thyrsos delapsa uirenti,  
 Festas Nysaeo redimiuit palmite mensas.  
 Nec facilis laeto certasse, Falerne, sapor,  
 Postquam iterata tibi sunt pocula, iam pede risum,  
 Iam lingua titubante moues, patrique Lyaeo 201  
 Tempora quassatus, grates et praemia digna  
 Uix intellectis conaris reddere uerbis,  
 Donec composuit luctantia lumina Somnus,  
 Somnus, Bacche, tibi comes additus. hic ubi primo 205  
 Ungula dispersit rores Phaethontia Phoebos,  
 Uuiferis late florebat Massicus aruis,  
 Miratus nemora et lucentis sole racemos.  
 It monti decus, atque ex illo tempore diues  
 Tmolus et ambrosiis Ariusia pocula sucis 210  
 Ac Methymna ferox lacubus cessere Falernis.

Haec tum uasta dabat terrisque infestus agebat  
 Hannibal, et sicci stimulabant sanguinis enses,  
 Ludificante ducem Fabio; iamque improba castris

---

190 Elusit multra L Fulsit mulctra, *sed in marg.* fluxit F  
 Elusit militia OV 191 in uuis OV 192 nondum tibi quippe Ch  
 (T. p. 247) 201 patrique ChOV patrioque LF 205 hic Ch  
 hinc S 207 Uuiferis Cm Ep. 31 Uuiferis LF Uuiferis O  
 Uuiferis V 208 lucentes Cm Ep. 31 lucenti O turgentes  
 Schrader liuentes Heinsius 209 It monti Cm l. l. S Id Modius,  
 sed cf. Val. Fl. IV. 217 210 et om. S 211 ferox Cm l. l. —  
 lacubus Modius latibus Cm l. l. S (in F m. 2 corr. in laribus  
 T. p. 232) 212 tum S dum Ch 213 ut sicci Barth



Ausoniis nota et pugnandi praua libido 215  
 Gliscebat; proni decurrere monte parabant.

Da famae, da, Musa, uirum, cui uincere bina  
 Concessum castra et geminos domitare furores.  
 'Feruida si nobis corda abruptumque putassent  
 Ingenium patres et si clamoribus,' inquit, 220  
 'Turbari facilem mentem, non ultima rerum  
 Et deplorati mandassent Martis habenas.

Stat pensata diu belli sententia: uincam  
 Seruare inuitos urgentisque ultima fata.  
 Nulli per Fabium e uobis cecidisse licebit. 225

Si lucis piget, et supremis esse cupido est  
 Nominis Ausonii, taedetque in tempore tali  
 Nullum clade noua claraeque fragore ruinae  
 Insignem fecisse locum, reuocandus ab atris  
 Flaminius nobis est sedibus. ille ruendi 230

Iam dudum properans signum auspiciumque dedisset.  
 An nondum praeceps uicinaque fata uidetis?  
 Una, ut debellet, satis est uictoria Poeno.

State, uiri, et sentite ducem. cum optabile tempus  
 Deposcet dextras, tunc ista ferocia dicta 235  
 Aequentur factis. non est, mihi credite, non est

Arduus in pugnas ferri labor. una reclusis  
 Omnes iam portis in campum effuderit hora.  
 Magnum illud solisque datum, quos mitis euntis  
 Iupiter aspexit, magnum est, ex hoste reuerti. 240

Fortunae Libys incumbit flatuque secundo  
 Fidit agens puppim. dum desinat aura, sinusque  
 Destituat tumidos subducto flamine uentus,

In rem cunctari fuerit. non ulla perenni  
 Amplexu Fortuna fouet. iam copia quanto 245  
 Artior, et — nullo Tyriis certamine — quantum  
 Detritum est famae! quin inter cetera nostra

223 bellis *Heinsius et Bothe* — uincam] ciues *Heinsius*  
 mecum *Withof*, sed cf. IV. 429 230 nobis s uobis *uulgo*

242 Figit s 243 uentos *Ch* 246 Artior et *Chs* artior est  
 n. T. certamine! *uulgo*

Haud laude afuerit, modo qui — sed parcere dictis  
 Sit melius. iam uos acies et proelia et hostem  
 Poscitis? o maneat, superi, fiducia talis! 250  
 Interea, exclusa maioris sorte pericli,  
 Me solum, quaeso, toti me opponite bello.  
 His dictis fractus furor, et rabida arma quierunt.  
 Ut cum turbatis placidum caput extulit undis  
 Neptunus totumque uidet totique uidetur 255  
 Regnator ponto; saeui fera murmura uenti  
 Dimittunt nullasque mouent in frontibus alas;  
 Tum, sensim infusa tranquilla per aequora pace,  
 Languentes tacito lucent in litore fluctus.  
 Sensit cnra sagax Poeni fraudisque ueneno 260  
 Aggreditur mentes. pauca atque haec ruris auiti  
 Iugera nec multis Fabius uertebat aratris;  
 Massicus uuiferis addebat nomina glebis.  
 Hinc pestem placitum moliri et spargere causas  
 In castra ambiguas. ferro flammisque pepercit 265  
 Suspectamque loco pacem dedit arte maligna,  
 Ceu clandestino traheretur foedere bellum.  
 Intellectus erat Fabio, Tyriosque uidebat  
 Dictator saeuire dolos; sed non uacat aegram  
 Inuidiam gladios inter lituosque timere 270  
 Et dubia morsus famae depellere pugna,  
 Donec reptantem, nequicquam saepe trahendo  
 Huc illuc castra ac scrutantem proelia Poenum,  
 Qua nemorosa iuga et scopulosi uertice colles  
 Exurgunt, clausit sparsa ad diuortia turma. 275  
 Hinc Laestrygoniae saxoso monte premebant

---

248 afuerit Ch affuerit S — nostrae laudi *Heinsius* — qui  
 sed V quis et LFO 250 maneat L 253 arma] ora *Schrader*  
 255 totique Ch totoque S 264 placitum Ch placidam S  
 269 sed scr. et S (cf. u. 248) at uulgo — ualet O, unde uelit *Blass*  
 — aegram *Bothe* aegre S aegro uel acrem *Heinsius* agri *Barth*  
 aequae *Withof* 272 et post reptantem, quod est in S, del.  
*Bothe* reptantem et trahentem *Liuius* captantem nequicquam,  
 s. tr. *Heinsius* 274 scopuloso *Schrader* et *van Veen*

A tergo rupes, undosis squalida terris,  
 Hinc Literna palus; nec ferri aut militis usum  
 Poscebat regio. saeptos sed fraude locorum  
 Arta fames, poenas miserae exactura Sagunti, 280  
 Urgebat, finisque aderat Carthaginis armis.

Cuncta per et terras et lati stagna profundi  
 Condiderat somnus, positoque labore dierum  
 Pacem nocte datam mortalibus orbis agebat.  
 At non Sidonium curis flagrantia corda 285

Ductorem uigilesque metus haurire sinebant  
 Dona soporiferae noctis. nam membra cubili  
 Erigit et fului circumdat pelle leonis,  
 Qua super instratos proiectus gramine campi  
 Presserat ante toros. tunc ad tentoria fratris 290

Fert gressus uicina citos; nec degener ille  
 Belligeri ritus, taurino membra iacebat  
 Effultus tergo et mulcebat tristia somno.  
 Haud procul hasta uiri terrae defixa propinquae,  
 Et dire summa pendebat cuspide cassis; 295

At clipeus circa loricaque et ensis et arcus  
 Et telum Baliare simul tellure quiescunt.  
 Iuxta lecta manus, iuuenes in Marte probati;  
 Et sonipes strato carpebat gramina dorso.  
 Ut pepulere leuem intrantis uestigia somnum: 300

'Heus!' inquit pariterque manus ad tela ferebat,  
 'Quae te cura uigil fessum, germane, fatigat?'  
 Ac iam constiterat sociosque in caespite fusos  
 Incussa reuocat castrorum ad munera planta,  
 Cum Libyae ductor: 'Fabius me noctibus aegris, 305  
 In curas Fabius nos excitat; illa senectus,  
 Heu fatis quae sola meis currentibus obstat!  
 Cernis, ut armata circumfundare corona,

---

280 Arta fames Cd (T. p. 215) 288 Eripit Heinsius  
 Exigit Drakenborch 295 dire s dira e uulgo clara  
 L. Müller d. r. m. p. 173 Tyria Heinsius 296 clipeus iuxta Ch  
 299 stricto uel strictus — loro Ruperti 305 aegrum Nicander  
 aliiue

Et uallet clausos collectus miles in orbem.  
 Uerum, age, nunc quoniam res artae, percipe porro, 310  
 Quae meditata mihi. latos correpta per agros  
 Armenta assueto belli de more secuntur.  
 Cornibus arentis edicam innectere ramos  
 Sarmentique leuis fronti religare maniplos;  
 Admotus cum feruorem disperserit ignis, 315  
 Ut passim exultent stimulante dolore iuueni  
 Et uaga per collis ceruice incendia iactent.  
 Tum terrore nouo trepidus laxabit iniquas  
 Custos excubias maioraque nocte timebit.  
 Si cordi consulta — moras extrema recusant — 320  
 Accingamur,' ait. Geminio tentoria gressu  
 Inde petunt. ingens clipeo ceruice reposta  
 Inter equos interque uiros interque iacebat  
 Capta manu spolia et rorantia caede Maraxes  
 Ac dirum, in somno ceu bella capesseret, amens 325  
 Clamorem tum forte dabat dextraque tremente  
 Arma toro et notum quaerebat feruidus ensem.  
 Huic Mago, inuersa quatiens ut dispulit hasta  
 Bellantem somnum: 'Tenebris, fortissime ductor,  
 Iras compesce atque in lucem proelia differ. 330  
 Ad fraudem occultamque fugam tutosque receptus  
 Nunc nocte utendum est. arentis nectere frondes  
 Cornibus et latis accensa immittere siluis  
 Armenta, oppositi reserent qua claustra manipuli,  
 Germanus parat, atque obsessa euellere castra. 335  
 Emergamus, et hic Fabio persuadeat astus,  
 Non certare dolis.' Nihil hinc cunctante, sed acris  
 Incepti laeto iuuenene, ad tentoria Acherrae

---

309 confertus *Buchwald* — clauso collectos *Heinsius* —  
 orbem *Ruperti* orbe S 310 hic uersus in codd. sic exstat:  
 uerum age nunc quomodo res arctae nunc percipe porro L  
 pro quomodo — quomodo F i. marg. quando, quō O quo V (cf. u. 533)  
 318 Tum O Cum LFV 328 Hinc S 329 Bellantem Cm  
 Ep. 31 334 Sarmenta *Heinsius* — qua Ch S quo uulgo  
 337 Non et hinc Cm Ep. 31 Nos et hic *Nicander* aliique



Festinant; cui parca quies minimumque soporis,  
 Nec notum somno noctes aequare; feroci 340  
 Peruigil inseruibat equo fessumque leuabat  
 Tractando et frenis ora exagitata fouebat.  
 At socii renouant tela arentemque cruorem  
 Ferro detergent et dant mucronibus iras.  
 Quid fortuna loci poscat, quid tempus, et ipsi 345  
 Quaenam agitent, pandunt et coeptis ire ministrum  
 Haud segnem hortantur. discurrit tessera castris;  
 Intentique docent, quae sint properanda, monentque  
 Quisque suos; instat trepidis stimulatque ruentis  
 Nauus abire timor, dum caeca silentia dumque 350  
 Maiores umbrae. rapida iam subdita peste  
 Uirgulta atque altis surgunt e cornibus ignes.  
 Hic uero ut, gliscente malo et quassantibus aegra  
 Armentis capita, adiutae pinguescere flammae  
 Coepere, et uincens fumos erumpere uertex: 355  
 Per collis dumosque — lues agit atra — per altos  
 Saxosi scopulos montis lymphata feruntur  
 Corpora anhela boum, atque obsessis naribus igni  
 Luctantur frustra rabidi mugire iuueni.  
 Per iuga, per uallis errat Uulcania pestis, 360  
 Nusquam stante malo; uicinaque litora fulgent.  
 Quam multa, affixus caelo sub nocte serena,  
 Fluctibus e mediis sulcator nauita ponti  
 Astra uidet; quam multa uidet, feruoribus atris  
 Cum Calabros urunt ad pinguia pabula saltus, 365  
 Uertice Gargani residens incendia pastor.  
 At facie subita uolitantum montibus altis  
 Flammarum, quis tunc cecidit custodia sorti,  
 Horrere atque ipsos, nullo spargente, uagari  
 Credere et indomitos pasci sub collibus ignes. 370  
 Caelone exciderint, et magna fulmina dextra

343 At V Ac LFO      344 detergent ChLF detergent OV  
 348 monetque LF monetque OV      349 instat trepidus Cm  
 Ep. 31    362 adfixus coelo Cm l. l. — clauo Blass    367 At Cm  
 l. l. Ac S    368 cedit S    371 Coelone Cm l. l. LF Coeloue OV

Torserit Omnipotens, an caecis rupta cauernis  
 Fuderit egestas accenso sulphure flammās  
 Infelix tellus, media in formidine quaerunt.  
 Iamque abeunt; faucesque uiae citus occupat armis 375  
 Poenus et in patulos exultans emicat agros.  
 Huc tamen usque uigil processerat arte regendi  
 Dictator Trebiam et Tusci post stagna profundi,  
 Esset ut Hannibali Fabium Romanaque tela  
 Euasisse satis. quin et uestigia pulsi 380  
 Et gressus premeret castris, ni sacra uocarent  
 Ad patrios ueneranda deos. tum, uersus ad urbem,  
 Alloquitur iuuenem, cui mos tramittere signa  
 Et belli summam primasque iubebat habenas,  
 Atque his praeformat dictis fingitque monendo: 385  
 'Si factis nondum, Minuci, te cauta probare  
 Erudiit Fortuna meis, nec ducere uerba  
 Ad uerum decus ac prauis arcere ualebunt.  
 Uidisti clausum Hannibalem; nil miles et alae  
 Iuuere aut densis legio conferta manipulis. 390  
 Testor te, solus clausi nec deinde morabor —  
 Dis sine me libare dapem et sollempnia ferre —  
 Hunc iterum atque iterum uinctum uel montibus altis,  
 Annibus aut rapidis — modo pugna absistite — tradam.  
 Interea — crede experto, non fallimus — aegris 395  
 Nil mouisse salus rebus. sit gloria multis  
 Et placeat, quippe egregium, prosternere ferro  
 Hostem; sed Fabio sit uos seruasse triumphus.  
 Plena tibi castra atque intactus uulnere miles  
 Creditur; hos nobis — erit haec tibi gloria — redde.  
 Iam cernes Libycum huic uallo assultare leonem, 401

---

372 rupta Cm l. l.      375 Iamque Cm l. l.      386 Minuci]  
 inimici LF (F i. marg. l. uinci T. p. 232) mnuci O om. V  
 391 uersum Heinsio auctore uncis includit Drakenborch  
 393 Hunc ChLF Nunc OV Tunc Lefebure et Ernesti      395 falli-  
 mus Ch (T. p. 203) fallimur S      396 nouisse S      398 sit S  
 sic Ch      400 uobis Ch — erit haec se gloria ChS haec sed gl.  
 ed. Rom. sec. sat Lefebure      401 huc S hunc edd. recentt.

Iam praedas offerre tibi, iam uertere terga,  
 Respectantem adeo atque iras cum fraude coquentem.  
 Claude, oro, castra et cunctas spes eripe pugnae.  
 Haec monuisse satis. sed si compescere corda 405  
 Non datur oranti, magno te iure pioque  
 Dictator capere arma ueto.' Sic castra relinquens  
 Uallarar monitis ac se referebat ad urbem.

Ecce autem flatu classis Phoenissa secundo  
 Litora Caietae Laestrygoniosque recessus 410  
 Sulcabat rostris portusque intrarat apertos,  
 Ac totus multo spumabat remige pontus,  
 Cum trepidae fremitu uitreis e sedibus antri  
 Aequeoreae pelago simul emersere sorores  
 Ac possessa uident infestis litora proris. 415  
 Tum magno perculsa metu Nereia turba  
 Attonitae propere refluunt ad limina nota,  
 Teleboum medio surgunt qua regna profundo  
 Pumiceaeque procul sedes. immanis in antro  
 Conditur abrupto Proteus ac spumea late 420  
 Cautibus obiectis reiectat caerula uates.

Is postquam — sat gnarus enim rerumque metusque —  
 Per uarias lusit formas et terruit atri  
 Serpentis squamis horrendaque sibila torsit,  
 Aut fremuit toruo mutatus membra leone: 425  
 'Dicite,' ait, 'quae causa uiae? quisue ora repente  
 Peruasit pallor? cur scire futura libido?'

Ad quae Cymodoce, Nympharum maxima natu  
 Italidum: 'Nosti nostros, praesage, timores.  
 Quid Tyriae classes ereptaque litora nobis 430  
 Portendunt? num migrantur Rhoeteia regna  
 In Libyam superis? aut hos Sarranus habebit

---

406 pieque *Bothe* 412 tortus *Heinsius* (cf. XIV. 360)  
 413 uitrei se *Heinsius* 416 perculsa S percussa *uulgo*  
 418 Teleboum *Heinsius* Teleboi *LFV* Teleboa O Telebois *Daus-*  
*queius* 421 despectat *Heinsius* receptat uel reflectit *Ruperti*  
 428 cymodoce L cimdore F cridonote O crinodoce V

Nauita iam portus? patria num sede fugatae  
Athlantem et Calpen extrema habitabimus antra?’

Tunc sic, inuoluens repetita exordia, retro 435  
Incipit ambiguus uates reseratque futura:  
‘Laomedonteus Phrygia cum sedit in Ida  
Pastor et, errantis dumosa per auia tauros  
Arguta reuocans ad roscida pascua canna,  
Audiuit sacrae lentus certamina formae; 440  
Tum matris currus niueos agitabat olores,  
Tempora sollicitus litis seruasse, Cupido.  
Paruulus ex humero gorytos et aureus arcus  
Fulgebat, nutuque uetans trepidare parentem,  
Monstrabat grauidam telis se ferre pharetram. 445  
Ast alius niuea comebat fronte capillos,  
Purpureos alius uestis religabat amictus,  
Cum sic suspirans roseo Uenus ore decoros  
Alloquitur natos: “Testis certissima uestrae  
Ecce dies pietatis adest. quis credere saluis 450  
Hoc ausit uobis? de forma atque ore — quid ultra  
Iam superest rerum? — certat Uenus. omnia paruis  
Si mea tela dedi blando medicata ueneno,  
Si uester, caelo ac terris qui foedera sancit,  
Stat supplex, cum uultis, auus: uictoria nostra 455  
Cypron Idumaeas referat de Pallade palmas,  
De Iunone — Paphos centum mihi fumet in aris.”  
Dumque haec aligeris instat Cytherea, sonabat  
Omne nemus gradiente dea. iam bellica uirgo,

434 Calpes *Heinsius* 435 Tunc s Tum *edd.* — euoluens  
*Heinsius* 440 lectus *Markland ad Stat. Silv. V. 2. 175*  
441 curru *Heinsius* 442 liti *Heinsius* 443 gorytos L  
444 nutuque OV tuituque L mutuque F 446 niueo — dente  
*Markland ad Stat. Silv. III. 4. 87* — capillos, Purpureos alius  
*Heinsius* capillos Purpureos, alius *uulgo* — uestis] cesto  
*uel cesti Heinsius, quod probb. Drakenborch et Bothe, sed cf.*  
*Ruperti a. h. l.* 455 nostram *Heinsius* 456 Cypros *Scaliger*  
457 De Iunone ChV Et Iunone LFO 458 hec LFO om. V  
*hic ed. Rom. pr. hoc Heinsius his Drakenborch his aligeros*  
*Ruperti* 459 nam *Blass*



Aegide deposita atque assuetum casside crinem 460  
 Inuolui tunc compta tamen pacemque serenis  
 Condiscens oculis, ibat lucoque ferebat  
 Praedicto sacrae uestigia concita plantae.  
 Parte alia intrabat iussis Saturnia siluis,  
 Iudicium Phrygis et fastus pastoris et Iden 465  
 Post fratris latura toros; postrema nitenti  
 Affulsit uultu ridens Uenus. omnia circa  
 Et nemora et penitus frondosis rupibus antra  
 Spirantem sacro traxerunt uertice odorem.  
 Nec iudex sedisse ualet; fessique nitoris 470  
 Luce cadunt oculi, ac metuit dubitasse uideri.  
 Sed uictae fera bella deae uexere per aequor,  
 Atque excisa suo pariter cum iudice Troia.  
 Tum pius Aeneas, terris iactatus et undis,  
 Dardanios Itala posuit tellure penatis. 475  
 Dum cete ponto innabunt, dum sidera caelo  
 Lucebunt, dum sol Indo se litore tollet,  
 Hic regna et nullae regnis per saecula metae.  
 At uos, o natae, currit dum immobile filum,  
 Hadriaci fugite infaustas Sasonis harenas. 480  
 Sanguineis tumidus ponto miscebitur undis  
 Aufidus et rubros impellet in aequora fluctus;  
 Damnatoque deum quondam per carmina campo  
 Aetolae rursus Teucris pugnabitis umbrae.  
 Punica Romuleos quatient mox spicula muros, 485  
 Multaque Hasdrubalis fulgebit strage Metaurus.  
 Hinc ille in furto genitus patruique piabit  
 Idem ultor patrisque necem; tum litus Elissae  
 Implebit flammis auelletque Itala Poenum

---

461 Inuolui *Gronov* Inuoluit *ChS* — tunc *S* tum *uulgo* —  
 tamen] manu *Heinsius* non compta tamen *Barth* 465 idem *S*,  
*unde* Iden *Heinsius* Idam *uulgo* 466 toros postrema, *n*.  
*Bothe*, sed cf. *Koch p. 20* 473 Troia *ChS* Troia est *uulgo*  
 476 ponto innabunt *Ch* 480 Sasonis *Ch* 486 Multaque *Ch*  
 — turgebit *Heinsius* — Metaurus *Ch* 487 in furto *Ch*  
 furto *S* e furto *uulgo* 488 fratrisque *S*

Uiscera torrentem et propriis superabit in oris. 490  
 Huic Carthago armis, huic Africa nomine cedit.  
 Hic dabit ex sese, qui tertia bella fatiget  
 Et cinerem Libyae ferat in Capitolia uictor.'

Quae dum arcana deum uates euoluit in antro,  
 Iam monita et Fabium bellicae equitumque magister  
 Exuerat mentem ac praeceps tendebat in hostem. 496  
 Pascere nec Poenus prauum ac nutrire furorem  
 Deerat et, ut paruo maiora ad proelia damno  
 Eliceret, dabat interdum simulantia terga.  
 Non aliter, quam qui sparsa per stagna profundi 500  
 Euocat e liquidis piscem penetralibus esca,  
 Cumque leuem summa uidit iam nare sub unda,  
 Ducit sinuato captium ad litora lino.

Fama furit uersos hostis, Poenumque salutem  
 Inuenisse fuga; liceat si uincere, finem 505  
 Promitti cladum; sed enim ditione carere  
 Uirtutem, et poenas uincentibus esse repostas.  
 Clausurum iam castra ducem rursusque referri  
 Uaginae iussurum enses, reddatur in armis  
 Ut ratio, et purget miles, cur uicerit hostem. 510  
 Haec uulgus; necnon patrum Saturnia mentes  
 Inuidiae stimulo fodit et popularibus auris.  
 Tunc indigna fide censent optandaque Poeno,  
 Quae mox haud paruo luerent damnata periclo.

Diuiditur miles, Fabioque equitumque magistro 515  
 Imperia aequantur geminis. cernebat, et expers  
 Irarum senior, magnas ne penderet alti  
 Erroris poenas patria inconsulta, timebat.

---

496 mente *Cellarius* 497 Poenos **S** Poeno **Ch** — furorem  
*Liuiineius* (*T. p. 210*) fauorem **S** 503 captium sinuato *uulgo*,  
*quod prob. Bothe* 509 Uaginae iussurum enses **Ch** Uaginae **LOV**  
 Uiginea **F** — iussurum **LFV** insuciu **O** 513 Tum **O** — poeni **S**  
 516 geminis *scr.* penitus **LOV** gemitus **F** (*cf. VI. 403*) aequan-  
 tur · penitus *c. uulgo* aequantur penitus. cernebat *Burmman et*  
*Drakenborch* — cernebat] spernebat *Heinsius* cedebat *uel tem-*  
*nebat Withof*

Ac tum, multa putans secum, ut remeavit ab urbe,  
 Partitus socias uires, uicina propinquis 520  
 Signa iugis locat et specula sublimis ab alta  
 Non Romana minus seruat, quam Punica castra.  
 Nec mora; disiecto Minuci uecordia uallo  
 Perdendi simul et pereundi ardebat amore.

Quem postquam rapidum uidit procedere castris 525  
 Hinc Libys, hinc Fabius, simul accendere sagacis  
 In subitum curas. propere capere arma manipulis  
 Edicit uallique tenet munimine turmas  
 Ausonius; torquet totas in proelia uires  
 Poenorum ductor propellitque agmina uoce: 530  
 'Dum dictator abest, rape, miles, tempora pugnae.  
 Non sperata diu plano certamina campo  
 Offert ecce deus. quoniam data copia, longum  
 Detergete situm ferro multoque cruore  
 Exsatiare, uiri, plenos rubiginis enses.' 535

Atque ea Cunctator pensabat ab aggere ualli,  
 Perlustrans campos oculis, tantoque periclo  
 Discere, quinam esset Fabius, te, Roma, dolebat.  
 Cui natus, iuncta arma ferens: 'Dabit improbus,' inquit,  
 'Quas dignum est, poenas; qui per suffragia caeca 540  
 Inuasit nostros haec ad discrimina fasces.  
 Insanae spectate tribus! pro lubrica rostra  
 Et uanis fora laeta uiris! nunc munera Martis  
 Aequent imperio et solem concedere nocti  
 Sciscant imbelles. magna mercede piabunt 545  
 Erroris rabiem et nostrum uiolasse parentem.'  
 Tum senior, quatiens hastam lacrimisque coortis:  
 'Sanguine Poenorum, iuuenis, tam tristia dicta

---

523 Minici Ch nimia L minima (*sed in marg. m. 2 nimia*) F  
 mimica O inimica V (*T. p. 236*) - 528 uallique Cm Ep. 94  
 nulloque S 531 tempora Cm l. l. 532 Non sp. tibi uel  
 Nunc sp. diu Heinsius Tam sp. diu Withof Nam sp. diu opinor  
 533 quoniam] quomodo L (*cf. v. 310*) quō (*i. marg. quando*) F  
 qm̄ OV quando ex ed. Rom. sec. Lefebure 538 quinam Ch  
 540 est uulgo omittitur — quas dignus ex ed. Rom. pr. Lefebure

Sunt abolenda tibi. patiarne ante ora manusque  
 Ciuem deleri nostras? aut uincere Poenum, 550  
 Me spectante, sinam? non aequauisse minorem  
 Soluentur culpa, si sunt mihi talia corda?  
 Iamque hoc, ne dubites, longaeui, nate, parentis  
 Accipe et aeterno fixum sub pectore serua:  
 Succensere nefas patriae; nec foedior ulla 555  
 Culpa sub extremas fertur mortalibus umbras.  
 Sic docuere senes. quantus qualisque fuisti,  
 Cum pulsus lare et extorris Capitolia curru  
 Intrares exul! tibi corpora caesa, Camille,  
 Damnata quot sunt dextra! pacata fuissent 560  
 Ni consulta uiro mensque impenetrabilis irae,  
 Mutassentque solum sceptris Aeneia regna,  
 Nullaque nunc stares terrarum uertice, Roma.  
 Pone iras, o nate, meas. socia arma feramus  
 Et celeremus opem.' Iamque intermixta sonabant 565  
 Classica, procursusque uiros colliserat acer.

Primus claustra manu portae dictator et altos  
 Disiecit postis rupitque in proelia cursum.  
 Non grauiore mouent uenti certamina mole  
 Odrysus Boreas et Syrtim tollere pollens 570  
 Africus: obnixa cum bella furentia torquent,  
 Distraxere fretum ac diuersa ad litora uoluunt  
 Aeque quisque suum; sequitur stridente procella  
 Nunc huc, nunc illuc, raptum mare et intonat undis.  
 Haud prorsus daret ullus honos tellusque subacta 575  
 Phoenicum et Carthago ruens, iniuria quantum  
 Orta ex inuidia decoris tulit; omnia namque  
 Dura simul deuicta uiro, metus, Hannibal, irae,  
 Inuidia, atque una fama et fortuna subactae.

Poenus ab excelso rapidos decurrere uallo 580

---

549 abolenda **Ch**    551 non **Ch** **LFV** nos **O** — minorem **S**  
 nos aequauisse minori *uulgo*    552 Soluentur *scr.* (*cf. uu. 544 sq.*)  
 Soluetur **S**    562 Mutassentque solum] Mutauisse sonum **S**  
 Mutassent solium *Heinsius*    565 Et celeremus **S** Acceleremus  
*uulgo* — iamque intermixta sonabant **Ch**



Ut uidit, tremuere irae, ceciditque repente  
 Cum gemitu spes haud dubiae praesumpta ruinae;  
 Quippe aciem denso circumuallauerat orbe,  
 Hausurus clausos coniectis undique telis.  
 Atque hic Dardanius prauo certamine ductor 585  
 Iam Styga et aeternas intrarat mente tenebras —  
 Nam Fabium auxiliumque uiri sperare pudebat —  
 Cum senior, gemino complexus proelia cornu,  
 Ulteriore ligat Poenorum terga corona  
 Et modo claudentis aciem nunc, extima cingens, 590  
 Clausos ipse tenet. maiorem surgere in arma  
 Maioremque dedit cerni Tirynthius. altae  
 Scintillant cristae et, mirum, uelocibus ingens  
 Per subitum membris uenit uigor; ingerit hastas  
 Auersumque premit telorum nubibus hostem. 595  
 Qualis post iuuenem, nondum subeunte senecta,  
 Rector erat Pylius bellis aetate secunda.

Inde ruens Thurin et Buten et Narin et Arsen  
 Dat leto fisumque manus conferre Mahalcen,  
 Cui decus insigne et quaesitum cuspide nomen. 600  
 Tum Garadum largumque comae prosternit Adherben  
 Et geminas acies superantem uertice Thulin,  
 Qui summas alto prensabat in aggere pinnas.  
 Eminus hos. gladio Sapharum gladioque Monaesum  
 Et Morinum pugnas aeris stridore cientem, 605  
 Dexteriore gena cui sedit letifer ictus,  
 Perque tubam fixae decurrens uulnere malae,  
 Extremo fluxit propulsus murmure sanguis.

---

584 Hausurus **ChLF** Ausurus **OV** 590 aciem nunc,  
 extima cingens, *Cl. interpunctum Rupertio* aciem, nunc extima,  
 cingens *uulgo* 595 Auersumque **Cm Ep. 94 LF** Aduer-  
 sumque **OV** 597 pyleus **L** pileus **OV** plis, *sed in marg.*  
 peleus (i *supra* e) **F** 598 Thurin **Cd** (*T. p. 215*) — Buten]  
 bucen **S** Beucen **Ch** — Narin **Ch** uarin **L** uarim **F** marin **O**  
 nazin **V** 599 Mahalcem **Ch** maleon **S** 602 thidin **L** thu-  
 lim **FOV** Tylin *uel* Thylin *edd.* 606 cui sedit *scr.* sedit  
 cui **S** consedit **Ch**

Proximus huic iaculo Nasamonius occidit Idmon.  
 Namque super tepido lapsantem sanguine et aegra  
 Lubrica nitentem nequicquam euadere planta 611  
 Impacto prosternit equo trepideque leuantem  
 Membra afflicta solo pressa uiolentius hasta  
 Implicuit terrae telumque in caede reliquit.  
 Haeret humi cornus motu tremefacta iacentis 615  
 Et campo seruat mandatum affixa cadauer.

Necnon exemplo laudis furiata iuuentus,  
 Syllaeque Crassique simul iunctusque Metello  
 Furnius ac melior dextrae Torquatus, inibant 620  
 Proelia et unanimi uel morte emisse uolebant  
 Spectari Fabio. miser hinc uestigia retro  
 Dum rapit et molem subducto corpore uitat  
 Intorti Bibulus saxi atque in terga refertur,  
 Strage super lapsus socium, qua fibula morsus  
 Loricae crebro laxata resoluerat ictu, 625  
 Accepit lateri penitusque in uiscera adegit,  
 Extabat fixo quod forte cadauere, ferrum.  
 Heu sortem necis! euasit Garamantica tela  
 Marmaridumque manus, ut inertis cuspide fusus  
 Occideret, telo non in sua uulnera misso. 630  
 Uoluitur exanimis, turpatque decora iuuenta  
 Ora nouus pallor; membris dimissa solutis  
 Arma fluunt, erratque niger per lumina somnus.

Uenerat ad bellum Tyria Sidone, nepotum  
 Excitus prece, et auxilio socia arma ferebat, 635  
 Eoa tumidus pharetrati militis ala,  
 Gens Cadmi, Cleadas; fulua cui plurima passim  
 Casside et aurato fulgebat gemma monili.  
 Qualis ubi Oceani renouatus Lucifer unda

---

609 huic **OV** hinc **LF** — hidmon **OV** 612 trepidoque —  
 solo **Ch** 616 campo **ChS** campis *uulgo* 618 Syllaeque  
 Crassique **Cm** *Ep. 94* **F0V** Syllaeque et **L** (*T. p. 236*) 619 Fur-  
 nius **Cm** *l. l.* 620 *h. uersum, qui deest in S, inser. Cm l. l.*  
 (*T. p. 173*) 621 Spectari **Cm** *l. l.* Spectati **S** (*T. p. 237*) —  
 hic **S** 631 iuuentae *Heinsius*

Laudatur Ueneri et certat maioribus astris. 640  
 Ostro ipse ac sonipes ostro totumque per agmen  
 Purpura Agenoreis saturata micabat aënis.  
 Hic auidum pugnae et tam clarum excidere nomen  
 Brutum exoptantem, uarie nunc laeuis in orbem,  
 Nunc dexter leuibus flexo per deuia gyris 645  
 Ludificatus equo, uolucrum post terga sagittam  
 Fundit, Achaemenio detractans proelia ritu.  
 Nec damnata manus, medio sed, flebile, mento  
 Armigeri Cascae penetrabilis haesit harundo,  
 Obliquumque secans surrecta cuspide uulnus 650  
 Umenti ferrum admouit tepefacta palato.  
 At Brutus, diro casu turbatus amici,  
 Ausum multa uirum et spargentem in uulnera saeuos  
 Fraude fugae calamos, iam nullis cursibus instat  
 Prendere cornipedis, sed totam pectoris iram 655  
 Mandat atrox hastae telumque uolatile nodo  
 Excutit et summum, qua laxa monilia crebro  
 Nudabant uersu, tramittit cuspide pectus.  
 Labitur intento cornu transfossus, et una  
 Arcum laeua cadens, dimisit dextra sagittam. 660  
 At non tam tristi sortitus proelia Marte  
 Phoebei Soractis honor Carmelus agebat;  
 Sanguine quippe suo iam Bagrada tinxerat ensem,  
 Dux rectorque Nubae populi; iam fusus eidem  
 Zeusis, Amyclaei stirps impacata Phalanti, 665  
 Quem tulerat mater claro Phoenissa Laconi.  
 Talia dum metuit, nec pugnae fisus in hoste  
 Tam rapido nec deinde fugae, suadente pauore,  
 Per dumos miser in uicina cacumina quercus

---

642 aënis Ch      643 et om. S — excidere S exscindere  
*uulgo*      645 breuibus Gronov      646 post Cm Ep. 94 V  
 per LFO      651 Umenti Ch Uiuenti S      652 casu OV casus LF  
 658 uersu Ch cursu S — tramittit Ch      659 transfossus Ch —  
 una] uda LFO unda V      661 non tam] nunquam Liuius  
 662 Carmeus Jordan      664 Iubae populis Liuius      665 Zeuxis  
*Bothe*      668 fugae Cm Ep. 94 fuga S      669 in Cm l. l.

Repserat atque alta sese occultabat in umbra 670  
 Hampsicus, insistens tremulis sub pondere ramis.  
 Hunc longa multa orantem Carmelus et altos  
 Mutantem saltu ramos transuerberat hasta;  
 Ut, qui uiscata populatur harundine lucos,  
 Dum nemoris celsi procera cacumina sensim 675  
 Substructa certat tacitus contingere meta,  
 Sublimem calamo sequitur crescente uolucrem.  
 Effudit uitam, atque alte manante cruore  
 Membra pependerunt curuato exsanguia ramo.  
 Iamque in palantis ac uersos terga feroces 680  
 Pugnabant Itali, subitus cum mole pauenda  
 Terrificis Maurus prorumpit Tunger in armis.  
 Nigra uiro membra, et furui iuga celsa trahebant  
 Cornipedes, totusque nouae formidinis arte  
 Concolor aequabat liuentia currus equorum 685  
 Terga; nec erectis similes imponere cristis  
 Cessarat pennas, aterque tegebat amictus.  
 Ceu quondam aeternae regnator noctis, ad imos  
 Cum fugeret thalamos, Hennaea uirgine rapta,  
 Egit nigrantem Stygia caligine currum. 690  
 At Cato, tum prima sparsus lanugine malas,  
 Quod peperere decus Circaeo Tuscula dorso  
 Moenia, Laertae quondam regnata nepoti,  
 Quamquam tardatos turbata fronte Latinos  
 Collegisse gradum uidet, imperterritus ipse 695  
 Ferrata calce atque effusa largus habena  
 Cunctantem impellebat equum. negat obuius ire  
 Et trepidat cassa sonipes exterritus umbra.  
 Tum celer in pugnam dorso delatus ab alto  
 Alipedem planta currum premit atque uolanti 700  
 Assilit a tergo. cecidere et lora repente

671 Hampsicus **ChLF** Nampsicus **OV** 674 uiscata *Barth*  
*alique* uiscatos **S** 676 Substructa **Ch** Substructa **LF** Sub-  
 structa **OV** 682 Tunger **Ch** niger **S** Tinger *Blass* 683 furui  
*Dausqueius* fului **S** 696 effusae l. habenae uel effusam l.  
 habenam *Ruperti*



Et stimuli; ferrumque super ceruice tremiscens  
Palluit infelix subducto sanguine Maurus.

Ora rapit gladio praefixaque cuspide portat.

At saeuo Mauorte ferox perrumpit anhelum 705

Dictator cum caede globum. miserabile uisu,

Uulneribus fessum ac multo labente cruore

Ductorem cernit suprema ac foeda precantem.

Manauere genis lacrimae, clipeoque pauentem

Protegit et natum stimulans: 'Fortissime, labem 710

Hanc pellamus,' ait; 'Poenoque ob mitia facta,

Quod nullos nostris ignes disperserit aruis,

Dignum expendamus pretium.' Tunc, arte paterna

Ac stimulis gaudens, iuuenis circumdata Poenum

Agmina deturbat gladio campumque relaxat, 715

Donec Sidonius decederet aequore ductor;

Ceu, stimulante fame, rapuit cum Martius agnum

Auerso pastore lupus fetumque trementem

Ore tenet presso; tum, si uestigia cursu

Auditis celeret balatibus obuia pastor, 720

Iam sibimet metuens, spirantem dentibus imis

Reiectat praedam et uacuo fugit aeger hiatu.

Tum demum, Tyrium quas circumfuderat atra

Tempestas, Stygiae tandem fugere tenebrae.

Torpebant dextrae, et sese meruisse negabant 725

Seruari, subitisque bonis mens aegra natabat.

Ut, qui collapsa pressi iacuere ruina,

Eruta cum subito membra, et nox atra recessit,

Conniuent solemque pauent agnoscere uisu.

Quis actis, senior, numerato milite laetus, 730

Collis et tuto repetebat in aggere castra.

---

705 At L Ac **FOV** — laeuo et prorumpit *Bothe* 712 ar-  
uis **S** agris *uulgo* 713 tum *Ruperti*, sed cf. u. 513 — Marte  
paterno *Heinsius* 719 cursim *Heinsius* 723 Tyrium *scr.*  
tiriis **LFO** tyriis **V** terris *uulgo* Tyrii *Bothe* Teucris uel turmis  
*Gronov* tetrae *Ruperti* demptis Tyriis *Schlichteisen* (p. l.)  
725 dextrae *edd. recc.* dextra **S** 731 Colles **Cm** *Ep. 84* Col-  
libus **S**, in **F** m. 2 corr. in Collis (*T. p. 233*)

Ecce autem e media iam morte renata iuuentus,  
 Clamorem tollens ad sidera et ordine longo  
 Ibat ouans Fabiumque decus Fabiumque salutem  
 Certatim et magna memorabant uoce parentem. 735  
 Tum, qui partitis dissederat ante maniplis:  
 'Sancte,' ait, 'o genitor, reuocato ad lucis honorem  
 Si fas uera queri, cur nobis castra uirosque  
 Diuidere est licitum? patiens cur arma dedisti,  
 Quae solus rexisse uales? hoc munere lapsi 740  
 Aeternas multo cum sanguine uidimus umbras.  
 Ocius huc aquilas seruataque signa referte.  
 Hic patria est, murique urbis stant pectore in uno.  
 Tuque dolos, Poene, atque astus tandem exue notos;  
 Cum solo tibi iam Fabio sunt bella gerenda.' 745  
 Haec ubi dicta dedit, mille hinc, uenerabile uisu,  
 Caespite de uiridi surgunt properantibus arae.  
 Nec prius aut epulas, aut munera grata Lyaei  
 Fas cuiquam tetigisse fuit, quam multa precatus  
 In mensam Fabio sacrum libauit honorem. 750

## SILI ITALICI

## P U N I C O R U M

## LIBER OCTAUIUS.

Primus Agenoridum cedentia terga uidere  
 Aeneadis dederat Fabius. Romana parentem  
 Solum castra uocant, solum uocat Hannibal hostem  
 Impatiensque morae fremit: ut sit copia Martis,  
 Expectanda uiri fata optandumque sub armis 5  
 Parcarum auxilium; namque, hac spirante senecta,

735 memorabant **Ch** 736 dissederat **Cm l. l. F** disce-  
 derat **LOV** (*T. p. 221 et 226*) 737 reuocato **Cm l. l.** 747 pro-  
 perantibus **S**, ut *coni. Liuius* properantius *uulgo*

Nequicquam sese Latium sperare cruorem.  
 Iam uero concors miles signisque relatis  
 Indiuisus honos, iterumque et rursus eidem  
 Soli obluctandum Fabio, maioribus aegrum 10  
 Angebant curis. lentando feruida bella  
 Dictator cum multa adeo, tum miles egenus  
 Cunctarum ut rerum Tyrius foret, arte sedendi  
 Egerat et, quamquam finis pugnaque manuque  
 Haud dum partus erat, iam bello uicerat hostem. 15  
 Quin etiam ingenio fluxi, sed prima feroces,  
 Uaniloquum Celtæ genus ac mutabile mentis,  
 Respectare domos; maerebant caede sine ulla —  
 Insolitum sibi — bella geri, siccasque cruore  
 Inter tela siti Mauortis hebescere dextras. 20  
 His super internæ labes et ciuica uulnus  
 Inuidia augebant; laeuus conatibus Hannon  
 Ductoris non ulla domo summittere patres  
 Auxilia aut ullis opibus iuuisse sinebat.  
 Quis lacerum curis et rerum extrema pauentem 25  
 Ad spes armorum et furialia uota reducit  
 Praescia Cannarum Iuno atque elata futuris.  
 Namque hac accitam stagnis Laurentibus Annam  
 Affatur uoce et blandis hortatibus implet:  
 'Sanguine cognato iuuenis tibi, diua, laborat 30  
 Hannibal, a uestro nomen memorabile Belo.  
 Perge, age et insanos curarum comprime fluctus.  
 Excute sollicito Fabium. sola illa Latinos  
 Sub iuga mittendi mora. iam discingitur armis.  
 Cum Uarrone manus et cum Uarrone serenda 35  
 Proelia, nec desit fatis ad signa mouenda.  
 Ipsa adero. tendat iamdudum in Iapyga campum.  
 Huc Trebiae rursus et Thrasymenni fata sequentur.'

19 cruori O cruoris *Heinsius* 20 siti S situ *D. Heinsius*  
 (*T. p. 203*) sati *ed. Mediol.* 21 tabes *Heinsius* 22 auge-  
 bant ChO angebant LFV — Hannon Ch 28 Iamque *Daus-*  
*queius* — excitam *Liuiueius* 31 a uestro — Belo Ch 33 ille  
*Heinsius* 36 nec ChS ne *edd.* — mouendum *Heinsius*

Tum diua, indigetis castis contermina lucis:  
 'Haud,' inquit, 'tua ius nobis praecepta morari. 40  
 Sit fas, sit tantum, quaeso, retinere fauorem  
 Antiquae patriae mandataque magna sororis,  
 Quamquam inter Latios Annae stet numen honores.' —

Multa retro rerum iacet atque ambagibus aevi  
 Obtegitur densa caligine mersa uetustas, 45  
 Cur Sarrana dicent Oenotri numina templo,  
 Regnisque Aeneadum germana colatur Elissae.  
 Sed pressis stringam reuocatam ab origine famam  
 Narrandi metis breuiterque antiqua reuoluam:

Iliaco postquam deserta est hospite Dido, 50  
 Et spes abrupta e medio, in penetralibus atram  
 Festinat furibunda pyram. tum corripit ensem  
 Certa necis, profugi donum exitiale mariti.  
 Despectus taedae regnis se imponit Iarbas,  
 Et tepido fugit Anna rogo. quis rebus egenis 55  
 Ferret opem, Nomadum late terrente tyranno?  
 Battus Cyrenen molli tum forte fouebat  
 Imperio, mitis Battus lacrimasque dedisse  
 Casibus humanis facilis. qui, supplice uisa,  
 Intremuit regum euentus dextramque tetendit. 60  
 Atque ea, dum flauas bis tondet messor aristas,  
 Seruata interea sedes; nec longius uti  
 His opibus Battoque fuit. nam ferre per aequor  
 Exitium miserae iam Pygmaliona docebat.  
 Ergo agitur pelago, diuis inimica sibique, 65  
 Quod se non dederit comitem in suprema sorori,

---

40 ius **Cm** *Ep.* 28 **OV** uis **LF** 41 sic extat uersus in **S**,  
 nisi quod in **O** Sic fas legitur, quod probat Barth Sit fas, sit  
 cautum **Cm** l. l. sit tantum **Ch** (*T. p.* 211) Sed fas sit cautum  
*ed. Marsi* Si fas, sit cautum *Lefebure* — quae detinuisse **Ch**  
 quin detinuisse *Heinsius* quaeso tenuisse *Ruperti* 46 uersus  
*deest in Col.* (*T. p.* 173) 47 Regnis **Ch** 51 spes abruptae  
 medio *Barth* spes abruptae; mediis penetralibus *Heinsius*  
 55 fugit Anna **Cm** *Ep.* 28 **LF** arma **V** arnia **O** (*T. p.* 224)  
 61 bis **O** his **LFV** 65 agitur **L** agit ut **FO** ait ut **V**



Donec iactatam laceris, miserabile, uelis  
 Fatalis turbo in Laurentis expulit oras.  
 Non caeli, non illa soli, non gnara colentum  
 Sidonis in Latia trepidabat naufraga terra. 70  
 Ecce autem Aeneas, sacro comitatus Iulo,  
 Iam regni compos, noto sese ore ferebat.  
 Qui terrae defixam oculos et multa timentem  
 Ac deinde allapsam genibus lacrimantis Iuli  
 Attollit mitique manu intra limina ducit. 75  
 Atque ubi iam casus aduersorumque pauorem  
 Hospitii leniuit honos, tum discere maesta  
 Exposcit cura letum infelicis Elissae.  
 Cui sic, uerba trahens largis cum fletibus, Anna  
 Incipit et blandas addit pro tempore uoces: 80  
 'Nate dea, solus regni lucisque fuisti  
 Germanae tu causa meae; mors testis et ille —  
 Heu cur non idem mihi tum! — rogas. ora uidere  
 Postquam est ereptum miserae tua, litore sedit  
 Interdum, stetit interdum; uentosque secuta 85  
 Infelix oculis, magno clamore uocabat  
 Aenean comitemque tuae se imponere solam  
 Orabat paterere rati. mox turbida anhelum  
 Rettulit in thalamos cursum subitoque tremore  
 Substitit et sacrum timuit tetigisse cubile. 90  
 Inde amens nunc sideream fulgentis Iuli  
 Effigiem fouet amplexu, nunc tota repente  
 Ad uultus conuersa tuos, ab imagine pendet  
 Conqueriturque tibi et sperat responsa remitti.  
 Non umquam spem ponit amor. iam tecta domumque  
 Deserit et rursus portus furibunda reuisit, 96  
 Si qui te referant conuerso flamine uenti.  
 Ad magicas etiam fallax atque improba gentis  
 Massylae leuitas descendere compulit artes.  
 Heu sacri uatum errores! dum numina noctis 100

---

85 uentosque *Ruperti et Koch, sed cf. u. 97* 91 fulgentis  
*deest in S (T. p. 217) sideream Iulique tuamque uulgo*

Eliciunt spondentque nouis medicamina curis —  
 Quod uidi decepta nefas! — conguessit in atram  
 Cuncta tui monumenta pyram et non prospera dona.'

Tunc sic Aeneas dulci repetitus amore:

'Tellurem hanc iuro, uota inter nostra frequenter 105  
 Auditam uobis; iuro caput, Anna, tibi que  
 Germanaeque tuae dilectum mitis Iuli,  
 Respiciens aegerque animi tum regna reliqui  
 Uestra nec abscessem thalamo, ni magna minatus  
 Meque sua ratibus dextra imposuisset et alto 110  
 Egisset rapidis classem Cyllenius Euris.  
 Sed cur — heu seri monitus! — cur tempore tali  
 Incustodito saeuire dedistis amori?'

Contra sic infit, uoluens uix murmur anhelum  
 Inter singultus labrisque trementibus Anna: 115  
 'Nigro forte Ioui, cui tertia regna laborant,  
 Atque atri sociae thalami noua sacra parabam,  
 Quis aegram mentem et trepidantia corda leuaret  
 Infelix germana tori, furuasque trahebam  
 Ipsa manu, properans ad uisa pianda, bidentis; 120  
 Namque asper somno diris me impleuerat horror:  
 Terque suam Dido, ter cum clamore uocarat  
 Et laeta exultans ostenderat ora Sychaeus.  
 Quae dum abigo menti et, sub lucem ut uisa secudent,  
 Oro caelicolas ac uiuo purgor in amni, 125  
 Illa, cito passu peruecta ad litora, mutae

104 Tunc **LO** Tum **FV** 105 frequenti **Ch S** 106 uobis **OV**  
 nobis **LF** — iuro hoc caput *Blass* 107 dilectum mitis  
 Iuli **ChF** (*T. p. 226*) dilecti in uultus **L** dilecti uultus **OV**  
 (*T. p. 233*) dilecti, inuitus, Iuli Respiciensque *Heinsius* 114 uix **Cm**  
*Ep. 28* sic **S** 115 labrisque **Cm l. l.** labiisque **S** 121 asper  
 somno **V a.** summo **LFO** — diris *scr.* dirus **S** curis *Gronov* —  
 Nam somno aspersam *Heinsius* Nam me asper s. dirusque  
*Ernesti* Namque asper s. dirusque *Luenemann* Namque asper  
 somno diffusam *Ruperti* aspro somno *Bothe* Namque super s.  
*Lachmann ad Lucr. VI. 514* 124 uulgo distinguitur et sub  
 lucem, ut, quod probat *D. Heinsius* 125 amni **Cm l. l.** **LF**  
 antro **OV** (*T. p. 225*)

Oscula, qua steteras, bis terque infixit harenae.  
 Deinde amplexa sinu late uestigia fouit,  
 Ceu cinerem orbatae pressant ad pectora matres.  
 Tum rapido praeceps cursu resolutaque crinem 130  
 Euasit propere in celsam, quam struxerat ante  
 Magna mole, pyram; cuius de sede dabatur  
 Cernere cuncta freta et totam Carthaginiis urbem.  
 Hic Phrygiam uestem et bacatum induta monile,  
 Postquam illum infelix hausit, quo munera primum  
 Sunt conspecta, diem et conuiuia mente reduxit 136  
 Festasque aduentu mensas teque ordine Troiae  
 Narrantem longos, se peruigilante, labores,  
 In portus amens rorantia lumina flexit:  
 ‘Di longae noctis, quorum iam numina nobis 140  
 Mors instans maiora facit, precor,’ inquit, ‘adeste  
 Et placidi uictos ardore admittite manis.  
 Aeneae coniux, Ueneris nurus, ulta maritum,  
 Uidi constructas nostrae Carthaginiis arces.  
 Nunc ad uos magni descendet corporis umbra. 145  
 Me quoque fors dulci quondam uir notus amore  
 Expectat, curas cupiens aequare priores.’  
 Haec dicens ensem media in praecordia adegit,  
 Ensem Dardanii quaesitum in pignus amoris.  
 Uiderunt comites tristique per atria planctu 150  
 Concurrunt; magnis resonant ululatibus aedes.  
 Accepi infelix dirisque exterrita fati,  
 Ora manu lacerans, lymphato regia cursu  
 Tecta peto celsosque gradus euadere nitor.  
 Ter diro fueram conata incumbere ferro, 155  
 Ter cecidi exanimae membris reuoluta sororis.  
 Iamque ferebatur uicina per oppida rumor.

133 iuncta *Heinsius* 136 reclusit *L* 144—223 *hi*  
*uersus non extant in S (T. p. 188); primum leguntur in Aldi*  
*et Andreae Asulani ed. Ven. 1523); cum Heinsio aliisque fictos*  
*eos esse censeo ad lacunam explendam* 157 *serebatur*  
*Heinsius*

Tum Cyrenaeam fatis agitantibus urbem  
Deuenio; hinc uestris pelagi uis appulit oris. 159

Motus erat placidumque animum mentemque quietam  
Troius in miseram rector suscepit Annam.

Iamque omnis luctus omnisque e pectore curas  
Dispulerat, Phrygiis nec iam amplius aduena tectis  
Illa uidebatur. tacito nox atra sopore

Cuncta per et terras et lati stagna profundi 165

Condiderat, tristi cum Dido aegerrima uultu  
Has uisa in somnis germanae effundere uoces:

‘His, soror, in tectis longae indulgere quieti,  
Heu nimium secura, potes? nec, quae tibi fraudes  
Tendantur, quae circumstent discrimina, cernis? 170

Ac nondum nostro infaustos generique soloque  
Laomedontae nosis telluris alumnos?

Dum caelum rapida stellas uertigine uoluet,  
Lunaque fraterno lustrabit lumine terras,  
Pax nulla Aeneadas inter Tyriosque manebit. 175

Surge, age, iam tacitas suspecta Lauinia fraudes  
Molitur dirumque nefas sub corde uolutat.

Praeterea — ne falsa putes haec fingere somnum —  
Haud procul hinc paruo descendens fonte Numicus  
Labitur et leni per ualles uoluitur amne. 180

Huc rapies, germana, uiam tutosque receptus.  
Te sacra excipient hilares in flumina Nymphae,  
Aeternumque Italis numen celebrabere in oris.’

Sic fata in tennem Phoenissa euauit auram.

Anna nouis somno excutitur perterrita uisis, 185  
Itque timor totos gelido sudore per artus.

Tunc, ut erat tenui corpus uelamine tecta,  
Prosiluit stratis humilique egressa fenestra  
Per patulos currit plantis pernicipibus agros,  
Donec harenoso, sic fama, Numicius illam 190  
Suscepit gremio uitreisque abscondidit antris.

171 Ac *Drakenborch* At *ed. Ven.* An uel Ah *Heinsius*

172 nosis] sentis *Liuius* nescis *ed. Gryph.* nosti *Blass*



Orta dies totum radiis impleuerat orbem,  
 Cum nullam Aeneadae thalamis Sidonida nacti  
 Et Rutulum magno errantes clamore per agrum,  
 Uicini ad ripas fluuii manifesta secuntur 195  
 Signa pedum, dumque inter se mirantur, ab alto  
 Annis aquas cursumque rapit. tum sedibus imis  
 Inter caeruleas uisa est residere sorores  
 Sidonis et placido Teucros affarier ore.

Ex illo primis anni celebrata diebus 200  
 Per totam Ausoniam uenerando numine culta est.

Hanc postquam in tristis Italum Saturnia pugnas  
 Hortata est, celeri superum petit aethera curru,  
 Optatum Latii tandem potura cruorem.

Diua deae parere parat magnumque Libyssae 205  
 Ductorem gentis nulli conspecta petebat.

Ille, uirum coetu tum forte remotus ab omni,  
 Incertos rerum euentus bellique uolutans,  
 Anxia ducebat uigili suspiria uoce.

Cui dea sic dictis curas solatur amicis: 210

‘Quid tantum ulterius, rex o fortissime gentis  
 Sidoniae, ducis cura aegrescente dolorem?

Omnis iam placata tibi manet ira deorum,  
 Omnis Agenoridis rediit fauor. eia, age, segnis  
 Rumpe moras, rape Marmaricas in proelia uires. 215

Mutati fasces. iam bellum atque arma senatus  
 Ex inconsulto posuit Tirynthius heros;

Cumque alio tibi Flaminio sunt bella gerenda.  
 Me tibi, ne dubites, summi matrona Tonantis  
 Misit. ego Oenotris aeternum numen in oris 220

Concelebror, uestri generata e sanguine Beli.  
 Haud mora sit; rapido belli rape fulmina cursu,  
 Celsus Iapygios qua se Garganus in agros

---

204 potitura *Barth* 209 uoce] nocte *Liuius et Hein-*  
*sius* corde *Bentley et Schrader* uoto *Bothe* 213 manet]  
 namque *Heinsius* 216 senatu *Liuius* 217 En ex con-  
 sulto uel Ecce e consulto *Heinsius* — Mutati fasces iam; bellum  
 a. a. senatus Exin consulto *ed. Lefebure*

Explicat. haud longe tellus; huc dirige signa.  
Dixit et in nubes humentia sustulit ora. 225

Cui dux, promissae reuirescens pignore laudis:  
'Nympha, decus generis, quo non sacratius ullum  
Numen,' ait, 'nobis, felix oblata secundes.  
Ast ego te, compos pugnae, Carthaginis arce  
Marmoreis sistam templis iuxtaque dicabo 230  
Aequatam gemino simulacri munere Dido.'

Haec fatus socios stimulat tumefactus ouantis:  
'Pone grauis curas tormentaue lenta sedendi,  
Fatalis Latio miles. placauimus iras  
Caelicolum; redeunt diui. finita maligno 235

Hinc Fabio imperia et mutatos consule fascēs  
Nuntio. nunc dextras mihi quisque atque illa referto,  
Quae Marte exclusus promittere magna solebas.

En, numen patrium spondet maiora peractis.  
Uellantur signa, ac diua ducente petamus 240  
Infaustum Phrygibus Diomedis nomine campum.'

Dumque Arpos tendunt instincti pectora Poeni,  
Subnixus rapto plebei muneris ostro,  
Saeuit iam rostris Uarro, ingentique ruinae  
Festinans aperire locum, fata admouet urbi. 245  
Atque illi sine luce genus surdumque parentum  
Nomen, et immodice uibrarat in ore canoro  
Lingua procax. hinc auctus opes largusque rapinae,  
Infima dum uulgi fouet oblatratque senatum,  
Tantum in quassata bellis caput extulit urbe, 250

---

224 hic L 225 humentia *edd. recc.* amentia Ch uiuentia S uuentia *ed. Gryph.* euanida Wolf *in ed. Basil.* 1522 *aliique* 228 secundes *Liuius* secundis S 231 munere *ed. Rom.* 1 numine S 232 tumefactus *Barth* tum factus Ch S tum festus *uulgo* — ouantes Ch 234 iras S omnes Ch (*T. p.* 248) omen *Heinsius* 236 mutato *Heinsius* 238 clusus Ch, unde quae Marti clusus *pr. ed. Lefebure* 242 instincti Ch LF instructi OV 243 Subnexus *Heinsius* 244 Saeuit iam Ch Seuitiam S 247 at Bentley — uibrarat S uibrabat *uulgo* — canoro Ch 248 opum *Liuius* *aliique* 249 Infima *Liuius* et *Barth* Intima S

Momentum ut rerum et fati foret arbiter unus,  
 Quo conseruari Latium uictore puderet.  
 Hunc Fabios inter sacrataque nomina Marti  
 Scipiadas interque Ioui spolia alta ferentem  
 Marcellum fastis labem suffragia caeca 255  
 Addiderant, Cannasque malum exitiale fouebat  
 Ambitus et Graio funestior aequore Campus.  
 Idem, ut turbarum sator atque accendere sollers  
 Inuidiam prauusque togae, sic debilis arte  
 Belligera Martemque rudis uersare nec ullo 260  
 Spectatus ferro, lingua sperabat adire  
 Ad dextrae decus atque e rostris bella ciebat.  
 Ergo alacer Fabiumque morae increpitare professus,  
 Ad uulgum in patres, ut ouans iam, uerba ferebat:  
 'Uos, quorum imperium est, consul praecepta modumque  
 Bellandi posco. sedeone an montibus erro, 266  
 Dum mecum Garamas et adustus corpora Maurus  
 Diuidit Italiam? an ferro, quo cingitis, utor?  
 Exaudi, bone dictator, quid Martia plebes  
 Imperitet: pelli Libyas Romamque leuari 270  
 Hoste iubent. num festinant, quos plurima passos  
 Tertius exurit lacrimosis casibus annus?  
 Ite igitur, capite arma, uiri. mora sola triumpho  
 Paruum iter est. quae prima dies ostenderit hostem,  
 Et patrum regna et Poenorum bella resoluet. 275  
 Ite alacres, Latia deuinctum colla catena  
 Hannibalem Fabio ducam spectante per urbem.'  
 Haec postquam increpuit, portis arma incitus effert  
 Impellitque moras, ueluti cum carcere rupto

253 Hunc **OV** Nunc **LF** 260 ulli *Heinsius* 264 ut  
 ouans iam *scr.* ut ouantia **S** et ouantia *uulgo* resonantia *Daus-*  
*queius* petulantia *Heinsius* uiolentia *Withof* ululantia *Bothe*  
 266 an] aut *Liuiueius* ac *Heinsius* — sedeone in montibus ergo  
*Withof* 270 pelli Libyas **Cm** *Ep.* 28 **V** bello **LFO** 271 iu-  
 bent **S** iubet *uulgo* 272 annus **V** annis (*u suprascr.*) **O**  
 amnis **LF** 273 rapite *Schrader et Ruperti* 276 deuinc-  
 tum **LFV** deuinctum **Ch** deuicta **O**

Auriga indocilis totas effudit habenas 280  
 Et, praeceps trepida pendens in uerbera planta,  
 Impar fertur equis; fumat male concitus axis,  
 Ac frena incerto fluitant discordia curru.  
 Cernebat Paulus — namque huic communia Campus  
 Iura atque arma tulit — labi, mergente sinistro 285  
 Consule, res pessumque dari; sed mobilis ira est  
 Turbati uulgi, signataque mente cicatrix  
 Undantis aegro frenabat corde dolores.  
 Nam cum perdomita est armis iuuenilibus olim  
 Illyris ora uiri, nigro allatrauerat ore 290  
 Uictorem inuidia et uentis iactarat iniquis.  
 Hinc inerat metus et durae reuerentia plebis.  
 Sed genus admotum superis summumque per altos  
 Attingebat auos caelum. numerare parentem  
 Assaracum retro praestabat Amulius auctor 295  
 Assaracusque louem; nec, qui spectasset in armis,  
 Abnueret genus. huic Fabius iam castra petenti:  
 'Si tibi cum Tyrio credis fore maxima bella  
 Ductore — inuitus uocem hanc e pectore rumpam —  
 Frustraris, Paule. Ausonium te proelia dira 300  
 Teque hostis castris grauior manet — aut ego multo  
 Nequicquam didici casus praenoscerē Marte.  
 Spondentem audiui — piget heu taedetque senectae,  
 Si, quas prospicio, restat passura ruinas! —  
 Cum duce tam fausti Martis, qua uiderit hora, 305  
 Sumpturum pugnam. quantum nunc, Paule, supremo  
 Absumus exitio, uocem hanc si consulis ardens  
 Audiuit Poenus! iam latis obuia credo

---

280 effudit **Ch** effundit **LOV** infundit **F** 283 At **L**  
 284 namque **V** nam **LFO** 285 emergente *Bothe* 286 ira  
 est **ChS** ira *edd.* 287 uulgi **S** 289 iuuenalibus *Ruperti*  
*(cf. II. 312)* 291 Inuidia *Ruperti* 295 amullius **S** 296 ne  
 qui **LFV** neque **O** 300 Paule. Ausonium te *Luc. Mueller*  
*d. r. m. p. 173* ausoniam **S** Paule, Ausoniam. te *uulgo* 303 prae-  
 noscere **S** pernoscerē *edd. nett.* — marte **FO** in arte **LV** 305 ora **S**  
*(cf. III. 141)* 308 Audierit *Heinsius*



Stat campis acies, expectaturque sub ictu  
 Alter Flaminius. quantos, insane, ciebis 310  
 Uarro uiros, tu — pro superi! — tu pronus in arma?  
 Tu campum noscas ante exploresque trahendo,  
 Qui ritus hostis! tu non, quae copia rerum,  
 Quae natura locis, quod sit, rimabere sollers,  
 Armorum genus, et stantem super omnia tela 315  
 Fortunam aspicias. fer, Paule, indeuia recti  
 Pectora; cur, uni patriam si affligere fas est,  
 Uni sit seruare nefas? eget improbus arto  
 Iam uictu Libys, et, belli feruore retuso,  
 Laxa fides socium est. non hic domus hospita tecto  
 Inuitat patrio, non fidae moenibus urbes 321  
 Excipiunt, renouatque pari se pube iuuentus.  
 Tertia uix superest, crudo quae uenit Hiberno,  
 Turba uirum. persta et cauti medicamina belli  
 Lentus ama. si qua interea irritauerit aura 325  
 Annueritque deus, uelox accede secundis.'

Cui breuiter maesto consul sic ore uicissim:  
 'Mecum erit haec prorsus pietas, mentemque feremus  
 In Poenos, inuicte, tuam. nec me unica fallit  
 Cunctandi ratio, qua te grassante senescens 330  
 Hannibal oppressum uidit considerare bellum.  
 Sed quatenam ira deum? consul datus alter, opinor,  
 Ausoniae est, alter Poenis. trahit omnia secum  
 Et metuit demens, alio ne consule Roma  
 Concidat. e Tyrio consortem accite senatu, 335

---

311 tu pronus in arma *scr. (sublato exclamationis signo post uiros)* tam pronus in arma *Heinsius* tu protinus arma **LOV** protinus harena **F** *sed i. marg.* l'arma — prouidus *Thilo*  
 313 Qui *Ruperti* Quam ritus hostis **Ch** Quantum ritus hostis **LF** rictus **OV** Quantum hosti uictus *Heinsius* Quantum hostis ritus ualeat, quae c. r. *edd. uett.* 314 locis **S** loci *edd. recc.* 316 *interrogationis signum post aspicias sustuli* — indeuia **S**, quod recte probat *Maduig in Aduers. crit. II. p. 161* in deuia *edd. recc.* 319 retuso **Ch** recluso **S** 323 superest crudo, quae *interp. Ruperti* 324 medicamina **S** meditanina *Heinsius* 325 irritauerit **S** inuitauerit *uulgo* 335 accite **Cm** *Ep. 28* accire **S**

Non tam saeua uolet. nullus, qui portet in hostem,  
 Sufficit insano sonipes; incedere noctis,  
 Quae tardent cursum, tenebras dolet; itque superbus  
 Tantum non strictis mucronibus; ulla retardet  
 Ne pugnas mora, dum uagina ducitur ensis. 340  
 Tarpeiae rupes cognataque sanguine nobis  
 Tecta Iouis, quaeque arce sua nunc stantia linquo,  
 Moenia felicitis patriae, quocumque uocabit  
 Summa salus, testor, spreto discrimine iturum.  
 Sed si surda mihi pugnabunt castra monenti, 345  
 Haud ego uos ultra, nati, dulcemque morabor  
 Assaraci de gente domum, similem uidebit  
 Uarroni Paulum redeuntem saucia Roma.'

Sic tum diuersa turbati mente petebant  
 Castra duces. at praedictis iam sederat aruis 350  
 Aetolos Poenus seruans ad proelia campos.  
 Non alias maiore uirum, maiore sub armis  
 Agmine cornipedum concussa est Itala tellus.  
 Quippe extrema simul gentique urbique timebant,  
 Nec spes certandi plus uno Marte dabatur. 355

Faunigenae socio bella inuasere Sicano  
 Sacra manus Rutuli, seruant qui Daunia regna  
 Laurentique domo gaudent et fonte Numici;  
 Quos Castrum Phrygibusque grauis quondam Ardea misit,  
 Quos, celso deuexa iugo Iunonia sedes, 360  
 Lanuium atque altrix casti Collatia Bruti;  
 Quique immite nemus Triuiæ, quique ostia Tusci  
 Amnis amant tepidoque fouent Almone Cybelen.  
 Hinc Tibur, Catille, tuum sacrisque dicatum  
 Fortunae Praeneste iugis Antemnaque, prisco 365  
 Crustumio prior, atque habiles ad aratra Labici;

336 tam saena **Cm** l. l. iam s. **S** 337 incedere **LV** in-  
 cendere **O** incidere **F** 338 Quae — itque **Cm** l. l. — tenebrae **S**  
 341 Tarpeias *Casaubonus* 345 mouenti **OV** 349 tum di-  
 nersa *Liuius* tumidi uersa **S** 350 at **Ch** ac **S** 361 La-  
 nuuium **Ch** **LF** Lauinium **OV** 363 trepidoque **OV** — cybelen **L**  
 cibelen **O** cibellem **FV** Cybeben *Ruperti cum aliis*

Necnon sceptriferi qui potant Thybridis undam,  
 Quique Anienis habent ripas gelidoque rigantur  
 Simbrunio rastrisque domant Aequicula rura.  
 His Scaurus monitor, tenero tunc Scaurus in aevo, 370  
 Sed iam signa dabat nascens in saecula uirtus.  
 Non illis solitum crispare hastilia campo,  
 Nec mos pennigeris pharetram impleuisse sagittis;  
 Pila uolunt breuibisque habiles mucronibus enses;  
 Aere caput tecti surgunt super agmina cristis. 375

At, quos ipsius mensis seposita Lyaei  
 Setia et incelebri miserunt ualle Uelitrae,  
 Quos Cora, quos spumans immiti Signia musto,  
 Et quos pestifera Pomptini uligine campi,  
 Qua Saturae nebulosa palus restagnat, et atro 380  
 Liuentis coeno per squalida turbidus arua  
 Cogit aquas Ufens atque inficit aequora limo,  
 Ducit auis pollens nec dextra indignus auorum  
 Scaeuola, cui dirae caelatur laudis honora  
 Effigie clipeus: flagrant altaribus ignes, 385  
 Tyrrhenum ualli medio stat Mucius ira  
 In semet uersa, saeuitque in imagine uirtus.  
 Tanta ictus specie finire hoc bella magistro  
 Cernitur effugiens ardentem Porsena dextram.

---

369 Simbrunio **ChLFV** Simbrunio **O** 374 uolant *Heinsius*  
 colunt *Ruperti* uibrant *van Veen*, sed cf. *II. 518. Verg. Aen.*  
*VII. 340.* 377 Setia] Phetia **Ch** Rhetia **L** Retia **F** Rhe-  
 cia **OV** — incelebri **FV** in celebri **LO** e celebri *Heinsius*  
 378 immiti **Ch** inimico **S** 379 Pomptini **ChF** pontini **LV**  
 promptini **O** 387 saeuitque imagine **S** 388 sic scripsi  
*cum uiro quodam docto, quem laudat Ruperti in appendice* Tunc  
 ictae (uel ictae) species iniere ac bella magistro **ChLF** — nuere  
 ac **OV** Tunc icti specie ruere acri in bella m. *uulgo* Tunc icti  
 specie finire hoc b. m. *Lefebure* Tunc ictus specie pauitare hoc  
 b. m. *Ruperti* Tanta ictus specie renuens hoc b. m. Cernitur et  
 fugiens *Thilo* Uindictae specimen trepidare (uel specimenque  
 timere) ac bella magistri *Baehrens* Tunc istas species inhiare  
 ac bella magistra *Koch* — Hac acti specie ruere acri in bella  
 magistri *Ernesti* transpositis *uu. 388 et 389, id quod iam Bar-*  
*thius et Liuius suasere*

Quis Circaea iuga et scopulosi uerticis Anxur 390  
 Hernicaque impresso raduntur uomere saxa,  
 Quis putri pinguis sulcaris Anagnia gleba,  
 Sulla Ferentinis Priuernatumque manipulis  
 Ducebat simul excitis; Soraque iuuentus  
 Addita fulgebat telis. hic Scaptia pubes, 395  
 Hic Fabrateriae uulgus; nec monte niuoso  
 Descendens Atina aberat detritaque bellis  
 Suessa atque a duro Frusino haud imbellis aratro.  
 At, qui Fibreno miscentem flumina Lirim  
 Sulphureum tacitisque uadis ad litora lapsum 400  
 Accolit, Arpinas, accita pube Uenafro  
 Ac Larinatum dextris, socia hispidus arma  
 Commouet atque uiris ingens exhaurit Aquinum.  
 Tullius aeratas raptabat in agmina turmas,  
 Regia progenies et Tullo sanguis ab alto. 405  
 Indole pro quanta iuuenis quantumque daturus  
 Ausoniae populis uentura in saecula ciuem!  
 Ille, super Gangen, super exauditus et Indos,  
 Implebit terras uoce et furialia bella  
 Fulmine compescet linguae nec deinde relinquet 410  
 Par decus eloquio cuiquam sperare nepotum.

Ecce inter primos Therapnaeo a sanguine Clausi  
 Exultat rapidis Nero non imitabilis ausis.  
 Hunc Amiterna cohors et Bactris nomina ducens  
 Casperia, hunc Foruli magnaеque Reate dicatum 415  
 Caelicolum Matri necnon habitata pruinis  
 Nursia et a Tetrica comitantur rupe cohortes.  
 Cunctis hasta decus clipeusque retortus in orbem  
 Conique implumes et laeво tegmina crure.

---

390 anxur **F** axur **ChOV** assur **L** 398 Sessa **ChS**  
 402 Larinatum] Lirinatum *Cellarius* Cassinatum *Ruperti et*  
*Bothe* 411 eloqui *Drakenborch ex ed. Parm.* 413 rabidis  
*Luc. Mueller d. r. m. p. 173* — mutabilis **S** 415 Casperia **Ch**  
 Casperula **S** 418 retortus *scr. cum Bothe* refertur **S** reffectus  
*Ruperti* 419 Conique **Cm** *Ep. 48 LF* Denique **V** Denique  
 et **O** — et laeво tegmina crure **Cm l. l.** — et **S** ac uulgo



Ibant et laeti pars Sancum uoce canebant, 420  
 Auctorem gentis, pars laudes ore ferebat,  
 Sabe, tuas, qui de proprio cognomine primus  
 Dixisti populos magna dititione Sabinos.

Quid, qui Picenae stimulat telluris alumnos,  
 Horridus et squamis et equina Curio crista, 425  
 Pars belli quam magna uenit! non aequore uerso  
 Tam creber fractis albescit fluctus in undis,  
 Nec coetu leuiore, ubi mille per agmina uirgo  
 Lunatis acies imitatur Martia peltis,  
 Perstrepit et tellus et Amazonius Thermodon. 430  
 Hic et, quos pascunt scopulosae rura Numanae,  
 Et quis litoreae fumant altaria Cuprae,  
 Quique Truentinas seruant cum flumine turris,  
 Cernere erat; clipeata procul sub sole corusco  
 Agmina sanguinea uibrant in nubila luce. 435

Stat fucare colus nec Sidone uilior Ancon  
 Murice nec Libyco; statque humectata Uomano  
 Hadria et inclemens hirsuti signifer Ascli.  
 Hoc Picus quondam, nomen memorabile ab alto  
 Saturno, statuit genitor, quem carmine Circe 440  
 Exutum formae uolitare per aethera iussit  
 Et sparsit croceum plumis fugientis honorem.  
 Ante, ut fama docet, tellus possessa Pelasgis,  
 Quis Aesis regnator erat fluuioque reliquit  
 Nomen et a sese populos tum dixit Asilos. 445

Sed non ruricolae firmarunt robore castra  
 Deteriore, cauis uenientes montibus, Umbri.  
 Hos Aesis Sapisque lauant rapidasque sonanti

---

420 sancum LF Sanctum Cm l. l. O scūz V 421 ferebat S  
 ferebant *uulgo* 422 proprio Cm l l. 429 aciem minitatur  
*uel* meditatur *Heinsius* — paltia pertis(!) F 439 Hoc Picus  
*Heinsius* Uopicus Col. (T. p. 203 et 204) S Uepicus *uulgo* Ut  
 Picus *ed. Rom. 1, quod probat Bothe* Cui Picus *Gronov* Uos Picus  
*Barth* — Picus quondam, nomen *interpunxi* Picus, quondam  
 n. *edd.* 442 croceum plumis ChS pl. cr. *uulgo* 445 Asisos  
*Scaliger* Asisi *Bothe* 447 cauis OV canis LF

Uertice contorquens undas per saxa Metaurus,  
 Et lauat ingentem perfundens flumine sacro 450  
 Clitumnus taurum Narque, albescentibus undis  
 In Thybrim properans, Tiniaeque inglorius humor  
 Et Clanis et Rubico et Senonum de nomine Sena.  
 Sed pater ingenti medios illabitur amne  
 Albula et admota perstringit moenia ripa. 455  
 His urbes Arna et laetis Meuania pratis,  
 Hispellum et duro monti per saxa recumbens  
 Narnia et infestum nebulis humentibus olim  
 Iguuium patuloque iacens sine moenibus aruo  
 Fulginia; his populi fortes: Amerinus et, armis 460  
 Uel rastris laudande Camers, his Sassina, diues  
 Lactis, et haud parci Martem coluisse Tudertes.  
 Ductor Piso uiros spernacēs mortis agebat,  
 Ora puer pulcherque habitum, sed corde sagaci  
 Aequabat senium atque astu superauerat annos. 465  
 Is primam ante aciem pictis radiabat in armis,  
 Arsacidum ut fuluo micat ignea gemma monili.  
 Iamque per Etruscos legio completa maniplos  
 Rectorem magno spectabat nomine Galbam.  
 Huic genus orditur Minos illusaque tauro 470  
 Pasiphaë, clarique dehinc stant ordine patres.  
 Lectos Caere uiros, lectos Cortona, superbi  
 Tarchonis domus, et ueteres misere Grauiscae.

---

449 Mataurus **Ch** (cf. VII. 486) 452 Tiniaeque] tunneque **L**  
 tumiaeque **FOV** Teneaeque *Casaubonus* 453 Clasis *corr.*  
*Cluuerus* — Sena **Ch** sene **S** 455 admota **Ch** immota **S**  
 456 arma **S** 457 Hisbellum **Ch** 458 Arnia **LV** Anna **F**  
 Aruia **O** — uiuentibus **O**, unde uuentibus *Barth et Heinsius*  
 459 Ignuium **Ch** Igninum **LFO** Ingenum **V** 460 Fulmina **S**  
 461 Camars **ChS** — Sassina **ChLFO** saxina **V** 464 Ora puer  
 pulcherque habitum **Cm** *Ep. 48* pulcherque habitu **LF** puerque  
 habitu **OV** Ore puer, puerique habitu *uulgo* 467 ut **ChLF**  
 et **OV** 470 Hinc **S** — orditor **Cm l. l.**, quod probat *Modius*  
 — inlusaque **ChF** inclusaque **Cm l. l.** inuiseque **L** inuisaque **OV**  
 insessaque *Withof* illisaque *Bothe* 472 Caere **Ch** — co-  
 rona **S** — post Cortona *distinxit Ruperti* 473 Tarchonis **LV**  
 Trachonis **F** Tarcontis **O** Tarconis *Ruperti* — Grabiscae **Ch**

Necnon Argolico dilectum litus Halaeso  
 Alsium et obsessae campo squalente Fregenae. 475  
 Affuit et, sacris interpretes fulminis alis,  
 Faesula et, antiquus Romanis moenibus horror,  
 Clusinum uulgu; cum, Porsena magne, iubebas  
 Nequicquam pulsos Romae imperitare Superbos.  
 Tunc, quos a niueis exegit Luna metallis, 480  
 Insignis portu, quo non spatiosior alter  
 Innumeras cepisse rates et claudere pontum,  
 Maeoniaeque decus quondam Uetulonia gentis.  
 Bissenos haec prima dedit praecedere fasces  
 Et iunxit totidem tacito terrore securis; 485  
 Haec altas eboris decorauit honore curulis  
 Et princeps Tyrio uestem praetexuit ostro;  
 Haec eadem pugnas accendere protulit aere.  
 His mixti Nepesina cohors Aeque Falisci,  
 Quique tuos, Flauina, focos, Sabatia quique 490  
 Stagna tenent Ciminique lacum, qui Sutria tecta  
 Haud procul et sacrum Phoebo Soracte frequentant.  
 Spicula bina gerunt; capiti cudone ferino  
 Sat cautum; Lycios damnant hastilibus arcus.  
 Hae bellare acies norant; at Marsica pubes 495  
 Et bellare manu et chelydris cantare soporem  
 Uipereumque herbis hebetare et carmine dentem.  
 Aeetae prolem, Angitiam mala gramina primam  
 Monstrauisse ferunt tactuque domare uenena  
 Et lunam excussisse polo, stridoribus amnes 500  
 Frenantem, ac siluis montes nudasse uocatis.

---

474 Halaeso *Blass* Haleso **ChS** (cf. XIV. 218) 475 Al-  
 sium] Usium **LOV** Uisunt **F** — Fregenae *ed. Marsi* fregellae **O**  
 fragellae **LFV** 477 Faesula **Ch** 484 procedere **O**, quod  
 probat *Heinsius* 489 His mixti **Ch** His mixta **S** Hos iuxta  
 uulgo 490 flauina **OV** flamna **LF** 493 codone **Cm** *Ep.* 48  
 494 Sat **Cm l. l.** **LF** Stat **OV** — clamant **S** 495 Hac **S** —  
 at **Cm l. l.** ac **O** 496 atque hydrys *Heinsius* 498 Aeetae]  
 Ac te **S** — Angitiam **ChF** angiciam **LV** angeciam **O** Anguitiam  
 uulgo, quod probat *Ruperti*

Sed populis nomen posuit metuentior hospes,  
 Cum fugeret Phrygias trans aequora Marsya Crenas,  
 Mygdoniam Phoebi superatus pectine loton.  
 Marruuium, ueteris celebratum nomine Marri, 505  
 Urbibus est illis caput, interiorque per udos  
 Alba sedet campos pomisque rependit aristas.  
 Cetera in obscuro famae et sine nomine uulgi,  
 Sed numero castella ualent. coniungitur acer  
 Pelignus, gelidoque rapit Sulmone cohortes. 510

Nec cedit studio Sidicinus sanguine miles,  
 Quem genuere Cales. non paruus conditor urbi,  
 Ut fama est, Calais, Boreae quem rapta per auras  
 Orithyia uago Geticis nutriuit in antris.  
 Haud ullo leuior bellis Uestina iuuentus 515  
 Agmina densauit, uenatu dura ferarum;  
 Quae, Fiscelle, tuas arces Pinnamque uirentem  
 Pascuaque haud tarde redeuntia tondet Aueiae;  
 Marrucina simul, Frentanis aemula pubes,  
 Corfini populos magnumque Teate trahebat. 520  
 Omnibus in pugnam fertur sparus, omnibus alto  
 Assuetae uolucrum caelo demittere fundae.  
 Pectora pellis obit caesi uenatibus ursi.

Iam uero, quos diues opum, quos diues auorum  
 E toto dabat ad bellum Campania tractu, 525  
 Ductorum aduentum uicinis sedibus Osci

---

502 posuit nomen populis **F** 503 Marsya *Heinsius*  
 Marsua **Ch** marsia **LOV** martia **F** — Phrygias — Crenas *Sal-*  
*masius ad Solin. p. m. 586* phrygios — frenos **S** Phrygios —  
 Crenos *uulgo* Phrygios — threnos *Heinsius* 504 phoebus **S**  
 — loten **S** 506. 507 integriorque — Alma seges *Gronov*  
 511 studii *Heinsius* — sidicinus **LF** Siricinus **Ch** uicinus **OV**  
 512 cales **V** tales **LFO** — Quemque ruere Cales *Bothe* 515 belli  
*Heinsius* 516 uenatu induta ferarum *Heinsius* 518 ton-  
 det **O** tundet **V** condet **LF** — Aueiae *scr cum Heinsio* auellae **S**  
 Auiae *Lefebure* 519 Marrutioque simul **Ch** 520 Teate **ChLFV**  
 reate **O** 521 in pugnam fertur *Heinsius* in pugna offer-  
 tur **ChLFV** affertur **O** — alta **Ch** 524 Iam **OV** Tam **LF**  
 525 E toto **Ch** 526 aduentu **S** — Osci] hosti **S**



Seruabant; Sinuessa tepens fluctuque sonorum  
 Uulturnum, quasque euertere silentia, Amyclae  
 Fundique et regnata Lamo Caieta domusque  
 Antiphatae, compressa freto, stagnisque palustre 530  
 Liternum et quondam fatorum conscia Cyme.  
 Illic Nuceria et Gaurus, naualibus acta  
 Prole Dicarchea; multo cum milite Graia  
 Illic Parthenope ac Poeno non peruia Nola,  
 Allifae et Clanio contemptae semper Acerrae. 535  
 Sarrastis etiam populos totasque uideres  
 Sarni mitis opes; illic, quos sulphure pingues  
 Phlegraei legere sinus, Misenus et ardens  
 Ore giganteo sedes Ithacesia Bai;  
 Non Prochyte, non ardentem sortita Typhoea 540  
 Inarime, non antiqui saxosa Telonis  
 Insula, nec paruis aberat Calatia muris;  
 Surrentum et pauper sulci cerealis Abella;  
 In primis Capua, heu rebus seruare serenis  
 Inconsulta modum et prauo peritura timore! 545  
 Laetos rectoris formabat Scipio bello.  
 Ille uiris pila et ferro circumdare pectus  
 Addiderat; leuiores domo de more parentum  
 Gestabant tela, ambustas sine cuspidibus cornos;  
 Aclydis usus erat factaeque ad rura bipennis. 550  
 Ipse inter medios uenturae ingentia laudis  
 Signa dabat, uibrare sudem, transmittere saltu

531 Liternum **Ch** Linternum **S** — Cyme] crine **S** 532.533 naua-  
 libus acta **ChLF** n. apta **OV** — Prole Dicarchea **ChLF** Pr. di-  
 carcheia **V** dichearcheia **O** — Nuceria: et Gauri n. a. Pr. Di-  
 carchea, m. c. milite, Gr. I. P. *Heinsius* Gauris (= *Gauranis*)  
*Bothe* Nuceria et Gaurus n. aptus. Pr. D., m. c. m. Gr. *Lefebure*  
 Nuceria et Gaurus: n. a. Pr. Dicarchea, m. c. m. Gr. *Ruperti*  
 535 Allifae **ChS** Alliphe *uulgo* 539 Baii **Ch** — ithaces iabai  
**L** i. iabai **F** ichaces iabai **O** ythaces ya baey **V** Baii *Hein-*  
*sius* 545 timore **S** 546 Laetos **Ch** 548 domo] adeo  
 uel duo *Heinsius* manu *Burmann* modo *Schrader* 549 Ge-  
 starant *Drakenborch* 550 Aclydis **Ch** — bipennis *Schrader*  
 bipennes **S**

Muralis fossas, undosum frangere nando  
 Indutus thoraca uadum; spectacula tanta  
 Ante acies uirtutis erant. saepe alite planta 555  
 Ilia perfossum et campi per aperta uolantem,  
 Ipse pedes, praeuertit equum; saepe arduus idem  
 Castrorum spatium et saxo tramisit et hasta;  
 Martia frons facilesque comae nec pone retroque  
 Caesaries breuior; flagrabant lumina miti 560  
 Aspectu, gratusque inerat uisentibus horror.

Affuit et Samnis, nondum uergente fauore  
 Ad Poenos, sed nec ueteri purgatus ab ira.  
 Qui Batulum Nucrasque metunt, Bouiania quique  
 Exagitant lustra, aut Caudinis faucibus haerent, 565  
 Et quos aut Rufrae, quos aut Aesernia, quosue  
 Obscura incultis Herdonia misit ab agris.

Bruttius, haud dispar animorum, unaque iuuentus  
 Lucanis excita iugis Hirpinaque pubes  
 Horrebat telis et tergo hirsuta ferarum. 570  
 Hos uenatus alit. lustra incoluere sitimque  
 Auertunt fluuiio, somnique labore parantur.

Additur his Calaber Sallentinaeque cohortes  
 Necnon Brundisium, quo desinit Itala tellus.  
 Parebat legio audaci permissa Cethego. 575  
 Cui socias uires atque indiscreta manipulis  
 Arma recensebant: nunc sese ostendere miles  
 Leucosiae e scopulis, nunc, quem Picentia Paesto

554. 555 *uerba spectacula* — erant *Blass uncis includi iubet* 564 Batalum *Ch S* — Nucrasque *Ch mucrasque S* Macrasque *Dausqueius Bucamque Ruperti* — metunt *Ch LF* mutant *O deest in V* 565 Exagitant *Ch* Fatigant *S* Exercent *uulgo* Uestigant *Lefebure* 566 Rufrae *Heinsius* Rufae *Ch* rufret *L* refere (*u suprascr.*) *F* rufrie *OV* — Aesernia *Heinsius* cesernia *LF* cesarina *O* cesirinia *V* Esernia *uulgo* 568 haud *F* aut *LOV* 573 Sallentinaeque *Ch V* sallantinaeque *LF O* 574 Brundisium *Ch LF* brundusium *OV* 575 cethego *O* cetego *LFV* 576. 577 Qui — recensebat *Bothe et Blass* 578 Leucasiae *Heinsius* — scopulis] populis *Cd S*

Misit et exhaustae mox Poeno Marte Cerillae,  
Nunc Silarus quos nutrit aquis, quo gurgite tradunt  
Duritiem lapidum mersis inolescere ramis. 581

Ille et pugnacis laudauit tela Salerni,  
Falcatos ensis, et, quae Buxentia pubes  
Aptabat dextris, irrasae robora clauae.  
Ipse, humero exertus gentili more parentum, 585  
Difficili gaudebat equo roburque iuuentae  
Flexi cornipedis duro exercebat in ore.

Uos etiam, accisae desolataeque uirorum  
Eridani gentes, nullo attendente deorum  
Uotis tunc uestris, casura ruistis in arma. 590  
Certauit Mutinae quassata Placentia bello;  
Mantua mittenda certauit pube Cremonae,  
Mantua, Musarum domus atque ad sidera cantu  
Euecta Aonio et Smyrnaeis aemula plectris.

Tum Uerona, Athesi circumflua, et undique sollers 595  
Arua coronantem nutrire Fauentia pinum.  
Uercellae fuscique ferax Pollentia uilli

Et, quondam Teucris comes in Laurentia bella,  
Oeni prisca domus paruique Bononia Rheni.  
Quique graui remo, limosis segniter undis, 600  
Lenta paludosae proscindunt stagna Rauennae.

Tum Troiana manus, tellure antiquitus orti  
Euganea profugique sacris Antenoris oris.  
Necnon cum Uenetis Aquileia superfluit armis.  
Tum pernix Ligus et sparsi per saxa Uagenni 605  
In decus Hannibalis duos misere nepotes.  
Maxima tot populis rector fiducia Brutus

---

579 Cerillae ChFO terillae L carille V 583 buxentia F  
busantia LV buxancia O 585 humerum *Liuius et Ruperti*  
587 Flexi Cm Ep. 48 LF Flexu OV 588 accisae Cm l. l. ac-  
cisae S attritae uulgo 594 Aonio Ch achino S, sed in F m.  
1 corr. in aonio — Ausonio Blass 596 pinum] uitem  
*Ruperti* 599 Oeni] Oeni OV Otim L Ocum F 604 super-  
fluit OV superfluit LF perfurit uulgo 605 Tum OV Tunc LF —  
Uagenni Ch bagenni F bageum LOV

Ibat et hortando notum accendebat in hostem.  
 Laeta uiro grauitas ac mentis amabile pondus  
 Et sine tristitia uirtus. non ille rigoris 610  
 Ingratas laudes nec nubem frontis amabat  
 Nec famam laeuo quaerebat limite uitae.

Addiderat ter mille uiros, in Marte sagittae  
 Expertos, fidus Sicola regnator ab Aetna.  
 Non totidem Ilua uiros, sed laetos cingere ferrum 615  
 Armarat patrio, quo nutrit bella, metallo.

Ignosset, quamuis auido committere pugnam,  
 Uarroni, quicumque simul tot tela uideret.  
 Tantis agminibus Rhoeteo litore quondam  
 Feruere, cum magnae Troiam inuasere Mycenae, 620  
 Mille rates uidit Leandrius Hellespontus.

Ut uentum ad Cannas, urbis uestigia priscae,  
 Defigunt diro signa infelicia uallo.  
 Nec, tanta miseris iamiam impendente ruina,  
 Cessarunt superi uicinas prodere clades. 625  
 Per sudum attonitis pila exarsere manipulis,  
 Et celsae toto ceciderunt aggere pinnae,  
 Nutantique ruens prostrauit uertice siluas  
 Garganus, fundoque imo mugiuit anhelans  
 Aufidus, et magno late distantia ponto 630  
 Terruerunt pauidos accensa Ceraunia nautas.  
 Quaesiuit Calaber, subducta luce repente  
 Immensis tenebris, et terram et litora Sipus;  
 Obseditque frequens castrorum limina bubo.  
 Nec densae trepidis apium se inuoluere nubes 635

---

610 rigoris **V** uigoris **LFO** 614 Expertus **S** 615 ilua **V**  
 illa **LFO** — laetos **ChLF** lectos **O** *deest in V* — cingere] gig-  
 nere **ChLF** gingere **OV** stringere *Heinsius et Schrader* 617 Ig-  
 nosset **LF** Ignoscet **O** Ingnoscet **V** 619. 620 Rhoeteia litora  
 qu. F., c. m. Tr. i. Mycenes M. rates, u. *Schrader* 624 iamiam  
*Liuius* iamque **S** 626 Per sudum **LF**, *ut con. Schrader* P. su-  
 bitum **OV** 633 Immensis] Immersus *Nodell, Schrader, Lefebure*  
 Emersis *Heinsius* 634 limina **OV** lumina **LF** (*cf. I. 66*)  
 635 apium *Dausqueius* absum **ChS** absunt *uulgo* auium *Liuius*



Cessarunt aquilis; non unus crine coruseo,  
 Regnorum euersor, rubuit letale cometes.  
 Castra quoque et uallum rabidae sub nocte silenti  
 Irrupere ferae raptique ante ora pauentum  
 Adiunctos uigilis sparserunt membra per agros. 640  
 Ludificante etiam terroris imagine somnos,  
 Gallorum uisi bustis erumpere manes;  
 Terque quaterque solo penitus tremuere reuulsae  
 Tarpeiae rupes, atque atro sanguine flumen  
 Manuit Iouis in templis, lacrimaeque uetusta 645  
 Effigie patris large fluxere Quirini.  
 Maior et horrificis sese extulit Allia ripis.  
 Non Alpes sedere loco, non nocte dieue  
 Ingentis inter stetit Apenninus hiatus.  
 Axe super medio, Libyes a parte, coruscae 650  
 In Latium uenere faces, ruptusque fragore  
 Horrisono polus, et uultus patuere Tonantis.  
 Aetnaeos quoque contorquens e cautibus ignis  
 Uesbius intonuit, scopulisque in nubila iactis  
 Phlegraeus tetigit trepidantia sidera uertex. 655  
 Ecce inter medios belli praesagus, et ore  
 Attonito sensuque simul, clamoribus implet  
 Miles castra feris et anhelat clade futura:  
 'Parcite, crudeles superi; iam stragis aceruis  
 Deficiunt campi; uideo per densa uolantem 660  
 Agmina ductorem Libyae currusque citatos  
 Arma uirum super atque artus et signa trahentem.  
 Turbinibus furit insanis et proelia uentus  
 Inque oculos inque ora rotat. cadit, immemor aevi,  
 Nequicquam, Thrasymerne, tuis Seruilius oris 665  
 Subductus. quo, Uarro, fugis? pro Iupiter! ictu  
 Procumbit saxi, fessis spes ultima, Paulus.

636 Cessarunt **Ch**      638 rapidae **OV**      639 raptimque  
*Scaliger*      642 nisi **S** — erumpere manes **Cm** *Ep. 48 LF* er.  
 nitores **OV** (*T. p. 244*)      644 fulmen **S**, *quod prob. Heinsius*  
 654 Uesbius *Heinsius* Lesbios **ChV** *Lerbius LFO* Lemnius *uulgo*  
 662 artus] artes **Ch** arcis **S**

Cesserit huic Trebia exitio. pons ecce cadentum  
 Corporibus struitur, ructatque cadauera fumans  
 Aufidus, ac uictrix insultat belua campis. 670  
 Gestat Agenoreus nostro de more secures  
 Consulis, et sparsos lictor fert sanguine fasces.  
 In Libyam Ausonii portatur pompa triumphi.  
 O dolor! hoc etiam, superi, uidisse iubetis?  
 Congesto, laeuae quodcumque auellitur, auro 675  
 Metitur Latias uictrix Carthago ruinas.'

---

SILI ITALICI  
 P U N I C O R U M

LIBER NONUS.

Turbato monstris Latio cladisque futurae  
 Signa per Ausoniam prodentibus irrita diuis,  
 Haud secus, ac si fausta forent et prospera pugnae  
 Omina uenturae, consul traducere noctem  
 Exsomnia telumque manu uibrare per umbras 5  
 Ac modo segnitie Paulum increpitare, modo acris  
 Exercere tubas nocturnaue classica uelle.  
 Nec minor in Poeno properi certaminis ardor.  
 Erumpunt uallo, fortuna urgente sinistra,  
 Consertaeque manus; nam sparsi ad pabula campis 10  
 Uicinis raptanda Macae fudere uolucrum  
 Telorum nubem. ante omnis iuuadere bella

---

668 pons] ponis **LF** penis **V** penus **O** 669 ructatque  
*Gronov* recitatque cadauera fumans **Cm** *Ep.* 86, unde reicitque  
*Modius* tacita **L** tacitoque **FOV** restatque cadauere *Liuius*  
*et Heinsius* 4 Omnia **O** et uulgo 5 Exsomnia **Cd** (*T. p.* 215)  
 6 segnitie **LF** segniciae **O** segnitiae **V** 10 nam **LFV** iam **O**  
 et uulgo

Mancinus gaudens hostilique unguere primus  
 Tela cruore cadit; cadit et numerosa iuuentus.  
 Nec pecudum fibras Uarro et contraria Paulo 15  
 Auspicia incusante deum compesceret arma,  
 Ni sors alterni iuris, quo castra reguntur,  
 Arbitrium pugnae properanti in fata negasset.  
 Quae tamen haud ualuit perituris milibus una  
 Plus donasse die. rediere in castra, gemente 20  
 Haud dubie Paulo, qui crastina iura uideret  
 Amenti cessura uiro, frustraue suorum  
 Seruatas a caede animas; nam turbidus ira  
 Infensusque morae dilata ob proelia ductor:  
 'Sicine, sic,' inquit, 'grates pretiumque rependis, 25  
 Paule, tui capitis? meruerunt talia, qui te  
 Legibus atque urnae dira eripuerunt minanti?  
 Tradant immo hosti reuocatos ilicet enses,  
 Tradant arma, iube aut pugnantum deripe dextris.  
 Sed uos, quorum oculos atque ora humentia uidi, 30  
 Uertere cum consul terga et remeare iuberet,  
 Ne morem et pugnae signum expectate petendae;  
 Dux sibi quisque uiam rapito, cum spargere primis  
 Incipiet radiis Gargana cacumina Phoebus.  
 Pandam egomet propere portas. ruite ocus atque hunc  
 Ereptum reuocate diem.' Sic turbidus aegra 36  
 Pestifero pugnae castra incendebat amore.

At Paulus, iam non idem nec mente nec ore,  
 Sed qualis stratis deletis milite campis  
 Post pugnam stetit, ante oculos atque ora futuro 40  
 Obuersante malo; ceu iam spe lucis adempta,  
 Cum stupet exanimata parens natiue tepentis  
 Nequicquam fouet extremis amplexibus artus:

---

25 Sicine sic Ch Sicine nunc S 29 aut] et *Liuius*  
 — dextris *Heinsius* dextras S 30 humentia LF umentia Cd  
 (*T. p. 215*) uiuentia O liuentia V 32 Memorem S 33 ra-  
 pito Cm *Ep.* 86 sapito S capito *uulgo* — primis S primus *uulgo*  
 35 Pandam LF Pangam OV — propere portas Ch 38 At FV  
 Ac L Ut O 39 delecto F deiecto *Heinsius* dilecto *uulgo*

'Per totiens,' inquit, 'concussae moenia Romae,  
 Perque has, nox Stygia quas iam circumuolat umbra,  
 Insontis animas, cladi parce obuius ire; 46  
 Dum transit diuum furor, et consumitur ira  
 Fortunae, nouus Hannibalis, sat, nomina ferre  
 Si discit miles nec frigidus aspicit hostem.  
 Nonne uides, cum uicinis auditur in aruis, 50  
 Quam subitus linquat pallentia corpora sanguis?  
 Quamque fluant arma ante tubas? cunctator et aeger,  
 Ut rere, in pugnas Fabius quoscumque sub illis  
 Culpatis duxit signis, nunc arma capessunt,  
 At, quos Flaminius — sed dira auertite diui. 55  
 Sin nostris animus monitis precibusque repugnat,  
 Aures pande deo. cecinit Cymaea per orbem  
 Haec olim uates et te praesaga tuosque  
 Uulgauit terris proauorum aetate furores.  
 Iamque alter tibi, nec perplexo carmine, coram 60  
 Fata cano uates: sistis ni crastina signa,  
 Firmabis nostro Phoebeae dicta Sibyllae  
 Sanguine. nec Graio posthac Diomede ferentur,  
 Sed te, si perstas, insignes consule campi.  
 Haec Paulus, lacrimaeque oculis ardentibus ortae. 65  
 Necnon et noctem sceleratus polluit error.  
 Xanthippo captus Libycis tolerarat in oris  
 Seruitium Satricus, mox inter praemia regi  
 Autololum dono datus ob uirtutis honorem.  
 Huic domus et gemini fuerant Sulmone relictis 70  
 Matris in uberibus nati, Mancinus et una  
 Nomine Rhoeteo Solimus; nam Dardana origo  
 Et Phrygio genus a proauo, qui, sceptrum secutus  
 Aeneae, claram muris fundauerat urbem

49 Sic S    50 aruis] armis S    51 segnis L    55 At F  
 (in marg. m. 2 aut) Aut LOV Haud uulgo    54. 55 non arma  
 capessunt, At quos Flaminius. *Baehrens in Fleckeis. ann. 1872*  
*p. 631*    57 cymaea L Cumaea Ch crinea FOV    61 in S  
 63 posthac L post haec FOV    70 Hinc S    72 rhoeteo F  
 theteo LOV — Solimus ChF solymus L solrinus OV



Ex sese dictam Solimon; celebrata colonis 75  
 Mox Italís, paulatim attrito nomine, Sulmo.  
 At tum barbaricis Satricus cum rege cateruis  
 Aduectus, quo non spretum — si posceret usus —  
 Noscere Gaetulis Latias interprete uoces.  
 Postquam posse datum Peligna reuisere tecta 80  
 Et patrium sperare larem, ad conamina noctem  
 Aduocat ac furtim castris euadit iniquis.  
 Sed fuga nuda uiri; sumpto nam prodere coepta  
 Uitabat clipeo et dextra remeabat inermi.  
 Exuias igitur prostrataque corpora campo 85  
 Lustrat et exutis Mancini cingitur armis.  
 Iamque metus leuior; uerum, cui dempta ferebat  
 Exangui spolia et cuius nudauerat artus,  
 Natus erat, paulo ante Maca prostratus ab hoste.  
 Ecce sub aduentum noctis primumque soporem 90  
 Alter natorum, Solimus, uestigia uallo  
 Ausonio uigil extulerat, dum sorte uicissim  
 Alternat portae excubias, fratrisque petebat  
 Mancini stratum sparsa inter funera corpus,  
 Furtiua cupiens miserum componere terra. 95  
 Nec longum celerarat iter, cum tendere in armis  
 Aggere Sidonio uenientem conspicit hostem.  
 Quodque dabat fors in subitis necopina, sepulcro  
 Aetoli condit membra occultata Thoantis.  
 Inde, ubi nulla sequi propius pone arma uirumque  
 Incomitata uidet uestigia ferre per umbras, 101  
 Prosiliens tumulo contorquet nuda parentis  
 In terga haud frustra iaculum; Tyriamque sequentum  
 Satricus esse manum et Sidonia uulnera credens,  
 Auctorum caeci trepidus circumspicit ictus. 105  
 Uerum ubi uictorem iuuenili robore cursus  
 Attulit, et notis fulsit lux tristis ab armis,

---

77 At s Ac uulgo 83 nam] quia *Nicander* 89 Macae Ch  
 mace s — uersus in F m. 2 in marg. adscriptus 96 cele-  
 brarat s

Fraternusque procul, luna prodente, retextit  
 Ante oculos sese et radiauit comminus umbo,  
 Exclamat iuuenis, subita flammatus ab ira: 110  
 'Non sim equidem Sulmone satus tua, Satrice, proles  
 Nec frater, Mancine, tuus fatearque nepotem  
 Pergameo indignum Solimo, si euadere detur  
 Huic nostras impune manus. tu nobile gestes  
 Germani spoliū ante oculos referasque superba, 115  
 Me spirante, domus Pelignae perfidus arma?  
 Haec tibi, cara parens Acca, ad solatia luctus  
 Dona feram, nati ut figas aeterna sepulcro.'  
 Talia uociferans stricto mucrone ruebat.

Ast illi iam tela manu iamque arma fluebant, 120  
 Audita patria natisque et coniuge et armis,  
 Ac membra et sensus gelidus stupefecerat horror.  
 Tum uox semanimi miseranda effunditur ore:  
 'Parce, precor, dextrae, non ut mihi uita supersit,  
 — Quippe nefas hac uelle frui — sed sanguine nostro  
 Ne damnes, o nate, manus. Carthaginis ille 126  
 Captiuus, patrias nunc primum aduectus in oras,  
 Ille ego sum Satricus, Solimi genus. haud tua, nate,  
 Fraus ulla est. iaceres in me cum feruidus hastam,  
 Poenus eram. uerum, castris elapsus acerbis, 130  
 Ad uos et carae properabam coniugis ora.  
 Hunc rapui exanimi clipeum; sed iam, unice nobis,  
 Haec fratris tumultis arma excusata reporta.  
 Curarum tibi prima tamen sit, nate, referre  
 Ductori monitus Paulo, producere bellum 135  
 Nitatur Poenoque neget certamina Martis.  
 Augurio exultat diuum immensamque propinqua

111 sim **Cm** *Ep.* 86 **LF** sum **OV**, ut conī. *L. Mueller d. r. m.*  
*p.* 284 112 fatearque **S** fateorque *uulgo* 114 sic **Cm** *l. l.* Hinc  
 nostra *i. manu* **LF** Hinc uestra *i. m.* **OV** 117 Haec **LF** Nec **OV**—  
 Acca **Cm** *l. l.* acta **S** 123 Cum **O** — semanimi **Ch** semi-  
 animi **S** 125 hac **LF** hoc **OV** 127 auectus **F** 130 uerum  
 ut *Scaliger* 132 unice **OV** imite **L** nance *corr. m. 1 in*  
 unice **F** 133 arma a me exuta *Blass, sed cf. u. 146*

Stragem acie sperat. quaeso, cohibete furentem  
 Uarronem; namque hunc fama est impellere signa.  
 Sat magnum hoc miserae fuerit mihi cardine uitae 140  
 Solamen, cauuisse meis. nunc ultima, nate,  
 Inuento simul atque amisso redde parenti  
 Oscula.' Sic fatus galeam exuit atque rigentis  
 Inuadit nati tremebundis colla lacertis,  
 Attonitoque timens uerbis sanare pudorem 145  
 Uulneris impressi, telum excusare laborat:  
 'Quis testis nostris, quis conscius affuit actis?  
 Non nox errorem nigranti condidit umbra?  
 Cur trepidas? da, nate, magis, da iungere pectus.  
 Absoluo pater ipse manum, atque in fine laborum 150  
 Hac condas oculos dextra, precor.' At miser, imo  
 Pectore suspirans, iuuenis non uerba uicesque  
 Alloquio uocemue refert; sed sanguinis atri  
 Sistere festinat cursum laceroque ligare  
 Ocius illacrimans altum uelamine uulnus. 155  
 Tandem inter gemitus miserae erupere querelae:  
 'Sicine te nobis, genitor, Fortuna reducit  
 In patriam? sic te nato natumque parenti  
 Impia restituit? felix o terque quaterque  
 Frater, cui fatis genitorem agnoscere ademptum! 160  
 Ast ego, Sidoniis imperditus, ecce, parentem  
 Uulnere cognosco. saltem hoc, Fortuna, fuisset  
 Solamen culpa, dubia ut mihi signa dedisses  
 Infausti generis. uerum linquetur iniquis  
 Non ultra superis nostros celare labores.' 165  
 Haec dum amens queritur, iam, deficiente cruore,

---

138 cohibete Ch 145 Attonitoque timens S Attonitum-  
 que *Liuius* Attonitumque tenens (*uel uidens*) — et telum  
*Schrader* Attoniti et nitens *edd. Gryph.* Attonito et nitens *edd.*  
*aliae* 149 magis] manus *D. Heinsius* genas *Schrader et Ernesti*  
 153 uocine *Schrader* 161 imperditus Cm l. l. 162 tulisset  
*Schrader* 165 nostros celare Cm l. l. tolerare LFO tollerare V  
 (T. p. 242) 166 deficiente puella (!) F, *sed in marg.* l' cruore  
 — calore *Bothe*

In uacuas senior uitam disperserat auras.  
 Tum iuuenis, maestum attollens ad sidera uultum:  
 'Pollutae dextrae et facti Titania testis  
 Infandi, quae nocturno mea lumine tela 170  
 Dirigis in patrium corpus, non amplius,' inquit,  
 'His oculis et damnato uiolabere uisu.'  
 Haec memorat, simul ense fodit praecordia et, atrum  
 Sustentans uulnus, mananti sanguine signat  
 In clipeo mandata patris: FUGE PROELIA UARRO;  
 Ac summi tegimen suspendit cuspide teli 176  
 Defletumque super prosternit membra parentem.  
 Talia uenturae mittebant omina pugnae  
 Ausoniis superi, sensimque abeuntibus umbris  
 Conscia nox sceleris roseo cedebat Eoo. 180  
 Ductor in arma suos Libys et Romanus in arma  
 Excibant de more suos; Poenisque redibat,  
 Qualis nulla dies omni surrexerit aeuo.  
 'Non uerborum,' inquit, 'stimulantum,' Poenus, 'egetis,  
 Herculeis iter a metis ad Iapygis agros 185  
 Uincendo emensi; nusquam est animosa Saguntos;  
 Concessere Alpes; pater ipse superbus aquarum  
 Ausonidum Eridanus captiuo defluit alueo.  
 Strage uirum mersus Trebia est, atque ora sepulcro  
 Lydia Flaminio premitur, lateque refulgent 190  
 Ossibus ac nullo sulcantur uomere campi.  
 Clarior his titulus, plusque allatura cruoris  
 Lux oritur. mihi magna satis, sat uero superque  
 Bellandi merces sit gloria; cetera uobis  
 Uincantur. quicquid diti deuexit Hiberno, 195

---

171 Derigis **LF** (cf. *II. 92*) 173 memorans *Heinsius*  
 179 sensumque **S** 184 Non **ChLF** Nec **OV** 185 Iapygas  
*Heinsius* 187 Consedere *Schrader* 188 Ausonium **S**  
 189 sepulcro — Flaminio **ChV** sepulchro **O** sepulto **LF**, sed **F**  
*in marg. m. 2* ara sepulchro 190 relucet *Schrader* 192 titulus  
 plusque **Cm l. l. V** titulis **LFO** 193 uero] certa *Heinsius*  
 clara *L. Mueller d. r. m. p. 339* satis mera satque superque  
*Blass* 194 sit **V** sic **LFO**



Quicquid in Aetnaeis iactauit Roma triumphis,  
 Quin etiam Libyco si quid de litore raptum  
 Condidit, in uestros ueniet sine sortibus enses.  
 Ferte domos, quod dextra dabit; nil ductor honoris  
 Ex opibus posco. raptor per saecula longa 200  
 Dardanus edomitum uobis spoliauerit orbem.  
 Qui Tyria ducis Sarranum ab origine nomen,  
 Seu Laurens tibi, Sigeo sulcata colono,  
 Arridet tellus, seu sunt Byzacia cordi  
 Rura magis, centum Cereri fruticantia culmis, 205  
 Electos optare dabo inter praemia campos.  
 Addam etiam, flaua Thybris quas irrigat unda,  
 Captiuus late gregibus depascere ripas.  
 Qui uero externo socius mihi sanguine Byrsae  
 Signa moues, dextram Ausonia si caede cruentam 210  
 Attolles, hinc iam ciuis Carthaginis esto.  
 Neu uos Garganus Daunique fefellerit ora,  
 Ad muros statis Romae; licet auia longe  
 Urbs agat et nostro procul a certamine distet,  
 Hic hodie ruet, atque ultra te ad proelia miles 215  
 Nulla uoco; ex acie tende in Capitolia cursum.'

Haec memorat. tum, propulso munimine ualli,  
 Fossarum rapuere moras, aciemque locorum  
 Consilio curuis accommodat ordine ripis.  
 Barbaricus laeuo stetit ad certamina cornu 220  
 Bellator Nasamon unaque immanior artus  
 Marmarides, tum Maurus atrox Garamasque Macesque  
 Et Massylae acies et ferro uiuere laetum  
 Uulgus Adyrmachidae pariter, gens accola Nili,

196 et Aetnaeis *Nicander* 198 uenient **V** — fortibus **S**  
 199 ductor] uictor *edd. nonnullae* 201 uobis **LF** nobis **OV**  
 202 sarranum **V** serranum **LFO** 204 Byzacia **Ch** bizantia **LV**  
 bizancia **FO** 206 praemia **Cm Ep. 50 LF** proelia **OV** 208 Cap-  
 tiuus l. gregibus depascere **Cm l. l.** 209 externo — san-  
 guine **Cm l. l. extremo S** 210 mouens **Ch** 211 iam hinc **S**  
 215 Hic **Cm l. l. FV** Hee **LO** — ruit **L** 219 Consimilem  
*Heinsius* 221 artus **Cm l. l.** 224 adyrmachidae **OV** adirma-  
 chidae **ChLF** (*cf. III. 279*) Adyrmachidae, et pariter *Drakenborch*

Corpora ab immodico seruans nigrantia Phoebō; 225  
 Quis positum agminibus caput imperiumque Nealces.  
 At parte in dextra, sinuat qua flexibus undam  
 Aufidus et curuo circum errat gurgite ripas,  
 Mago regit. subiere leues, quos horrida misit  
 Pyrene, populi uarioque auxere tumultu 230  
 Flumineum latus; effulget caetrata iuuentus;  
 Cantaber ante alios nec tectus tempora Uasco  
 Ac torto miscens Baliaris proelia plumbo  
 Baetigenaeque uiri. celsus media ipse coerces  
 Agmina, quae patrio firmauit milite quaeque 235  
 Celtarum Eridano perfusis saepe cateruis.  
 Sed qua se fluuius retro labentibus undis  
 Eripit et nullo cuneos munimine uallat,  
 Turritas molēs ac propugnacula dorso  
 Belua nigranti gestans, ceu mobilis agger, 240  
 Nutat et erectos attollit ad aethera muros.  
 Cetera iam Numidis circumuolitare uagosque  
 Ferre datur cursus et toto feruere campo.

Dum Libys incenso dispensat milite uires  
 Hortandoque iterum atque iterum insatiabilis urget  
 Factis quemque suis et se cognoscere iactat, 246  
 Qua dextra ueniant stridentis sibila teli,  
 Promittitque uiris nulli se defore testem:  
 Iam Uarro, exacta uallo legione, mouebat  
 Cladum principia; ac pallenti laetus in unda 250  
 Laxabat sedem uenturis portitor umbris.  
 Stant primi, quos sanguineae pendente uetabant  
 Ire notae clipeo, defixique omine torpent.  
 Iuxta terribilis facies; miseranda iacebant  
 Corpora in amplexu, natusque in pectore patris 255

---

230 auxere **LF** anxere **O** ausere **V** et uario cinxere *Heinsius et van Veen* 233 At **L** — balearis **S** 234 ipsa **O**  
 236 perfudit *Blass* 239 Turritae **S** 241 euectos *Heinsius*  
 242 uagosque **Cm l. l.** girosque **S** (*T. p. 244*) 243 datur **Cm l. l.**  
 244 incenso **FV** intenso **LO** 249 legione] legare(l) **L** 250 ac **Ch**  
 254 iacebat **Ch** 255 in pectora *Liuius*

Imposita uulnus dextra letale tegebat.  
 Effusae lacrimae, Mancinique inde reuersus  
 Fraterna sub morte dolor, tum triste mouebat  
 Augurium et similes defuncto in corpore uultus.  
 Ocius erroris culpam deffendaque facta 260  
 Ductori pandunt atque arma uetantia pugnam.  
 Ille, ardens animi: 'Ferte haec,' ait, 'omnia Paulo;  
 Namque illum, cui femineo stant corde timores,  
 Mouerit ista manus, quae, caede imbuta nefanda,  
 Cum Furiae expeterent poenas, fortasse paterno 265  
 Signauit moriens sceleratum sanguine carmen.'

Tum minitans propere describit munera pugnae;  
 Quaque feras saeuus gentes aciemque Nealces  
 Temperat, hac sese Marso cum milite cumque  
 Samnitum opponit signis et Iapyge alumno. 270  
 At campi medio — namque hac in parte uidebat  
 Stare ducem Libyaë — Seruilius obuia adire  
 Arma et Picentis Umbrosque inferre iubetur.  
 Cetera Paulus habet dextro certamina cornu.  
 His super insidias contra Nomadumque uolucrum 275  
 Scipiadae datur ire manum; quaeque arte dolisque  
 Scindent se turmae, praedicat spargere bellum.

Iamque propinquabant acies, agilique uirorum  
 Discursu mixtoque simul calefacta per ora  
 Cornipedum hinnitu et multum strepitantibus armis  
 Errabat caecum turbata per agmina murmur. 281  
 Sic, ubi prima mouent pelago certamina uenti,  
 Inclusam rabiem ac sparsuras astra procellas  
 Parturit unda freti fundoque emota minacis

---

260 facta **S** fata *uulgo* 262 omnia **LFO** omina **V** et *uulgo*  
 266 mordens **S** 269 hac **V** ac **LFO** 274 laeue *Draken-*  
*borch, sed cf. Cosack p. 33* 276 quaeque **Ch** quaque *Bothe*  
 279 mistoque **L** 280 hinnitu **OV** innitu **L** inuicte **F**, *sed in*  
*marg. m. 2* l'hinnitu (*T. p. 232*) hinnitum **Ch** — strepitan-  
 tibus **Cm** l. l. **V** trepidantibus **LO** crepitantibus **F** 282 Sic  
 tibi **O** 283 castra **O** 284 minacum **Ch**

Expirat per saxa sonos atque acta cauernis 285  
Torquet anhelantem spumanti uertice pontum.

Nec uero, fati tam saeuo in turbine, solum  
Terrarum fuit ille labor; discordia demens  
Intrauit caelo superosque ad bella coegit.  
Hinc Mauors, hinc Gradium comitatus Apollo 290  
Et domitor tumidi pugnat maris; hinc Uenus amens,  
Hinc Uesta et, captae stimulatus caede Sagunti,  
Amphitryoniades, pariter ueneranda Cybele  
Indigetesque dei Faunusque satorque Quirinus  
Alternusque animae mutato Castore Pollux. 295

Contra cincta latus ferro Saturnia Iuno  
Et Pallas, Libycis Tritonidos edita lymphis,  
Ac patrius flexis per tempora cornibus Hammon  
Multaque praeterea diuorum turba minorum.  
Quorum ubi mole simul uenientum et gressibus alma  
Intremuit tellus; pars impleuere propinquos 301  
Diuisi montes, pars sedem nube sub alta  
Ceperunt; uacuo descensum ad proelia caelo.

Tollitur immensus deserta ad sidera clamor,  
Phlegraeis quantas effudit ad aethera uoces 305  
Terrigena in campis exercitus; aut sator aeui,  
Quanta Cyclopas noua fulmina uoce poposcit,  
Iupiter, exstructis uidit cum montibus ire  
Magnanimos raptum caelestia regna gigantas.  
Nec uero prima in tantis concursibus hasta 310  
Ulla fuit. stridens nimbus certante furore  
Telorum simul effusus, cupidaeque cruoris  
Hinc atque hinc animae gemina cecidere procella.  
Acrius insanus dextra qua ducitur ensis,

---

289 Intrauit caelo **ChLF** Luctauit **OV** 290 mauor **L**,  
ut u. 357 293 Cybeben *Ruperti* (cf. *VIII. 363*) 297 Tri-  
tonidos **ChLF** titronidos **O** tridonidos **V** Tritonides *uulgo*  
303 discensum **ChS** (*T. p. 188*) 304 immensus **OV** immen-  
sos **LF** 305 effudit **S** effundit *uulgo* 309 gigantas **LF**  
gigantes **OV** 312 rapidaeque **O** rabidaeque *edd. nonnullae*  
*uett.* 314 Acri ast uel Ast acri *Heinsius* Ac prius — quam  
*Gronov et Burmann* Ac prior *Schrader*



Bellantum pars magna iacet. super ipsa suorum 315  
 Corpora consistunt auidi calcantque gementis.  
 Nec magis aut Libyco protrudi Dardana nisu  
 Auertiue potest pubes, aut ordine pelli  
 Fixa suo Sarrana manus, quam uellere sede  
 Si coeptet Calpen impacto gurgite pontus. 320  
 Amisere ictus spatium, nec morte peracta  
 Artatis cecidisse licet. galea horrida flictu  
 Aduersae ardescit galeae, clipeusque fatiscit  
 Impulsu clipei, atque ensis contunditur ense,  
 Pes pede, uirque uiro teritur; tellusque uideri 325  
 Sanguine operta nequit, caelumque et sidera pendens  
 Abstulit ingestis nox densa sub aethere telis.  
 Quis astare loco dederat Fortuna secundo,  
 Contorum longo et procerae cuspidis ictu,  
 Ceu primas agitent acies, certamina miscent. 330  
 At, quos deinde tenet retrorsum inglorius ordo,  
 Missilibus certant pugnas aequare priorum.  
 Ultra clamor agit bellum, milesque, cupiti  
 Martis inops, saeuis impellit uocibus hostem.  
 Non ullum deficit teli genus. hi sude pugnas, 335  
 Hi pinu flagrante cient, hi pondere pili;  
 At saxis fundaque alius iaculoque uolucris.  
 Interdum stridens per nubila fertur harundo,  
 Interdumque ipsis metuenda falarica muris.  
 Speramusne, deae, quarum mihi sacra coluntur, 340  
 Mortali totum hunc aperire in saecula uoce  
 Posse diem? tantumne datis confidere linguae,  
 Ut Cannas uno ore sonem? si gloria uobis

---

317 nisu LF uisu OV      318 potest OV post LF — belli S  
 320 Si coeptet Ch — calmen incapto F      322 flictu LF fluctu OV  
 323 fatescit S      329 et delet Heinsius      335 Non ullum Ch LF  
 Nec OV — insude S      337 At V Ac LF Ad O      338. 339 sic Ch S;  
*uulgo uersus transpositi erant deleto que uocabulo*      340 Spera-  
 musne OV Speramusue LF Speramusne Blass      341 aperiri  
*Heinsius et Blass, sed cf. X. 20, XII. 388*      342 tantumne OV  
 tantumue LF (cf. u. 340) — considerare L

Nostra placet, neque uos magnis auertitis ausis,  
 Huc omnis cantus Phoebumque uocate parentem. 345  
 Uerum utinam posthac animo, Romane, secunda,  
 Quanto tunc aduersa, feras! satque hactenus, oro,  
 Nec libeat tentare deis, an Troia proles  
 Par bellum tolerare queat. tuque, anxia fati,  
 Pone, precor, lacrimas et adora uulnera, laudes 350  
 Perpetuas paritura tibi. nam tempore, Roma,  
 Nullo maior eris. mox sic labere secundis,  
 Ut sola cladum tuearis nomina fama.

Iamque inter uarias Fortuna utrimque uirorum  
 Alternata uices incerto eluserat iras 355  
 Euentu, mediaque diu pendente per ambas  
 Spe gentis, paribus Mauors flagrabat in armis.  
 Mitia ceu uiridis agitant cum flamina culmos,  
 Necdum maturas impellit uentus aristas,  
 Huc atque huc it summa seges nutansque uicissim 360  
 Alternando lente motu incuruata nitescit.  
 Tandem barbaricis perfractam uiribus acri  
 Dissipat incurrens aciem clamore Nealces.  
 Laxati cunei, perque interualla citatus  
 Irrupit trepidis hostis. tum turbine nigro 365  
 Sanguinis exundat torrens; nullumque sub una  
 Cuspide procumbit corpus. dum uulnera tergo  
 Bellator timet Ausonius, per pectora saeuas  
 Exceptat mortes et leto dedecus arcet.

Stabat cum primis mediae certamine pugnae, 370  
 Aspera semper amans et par cuicumque periclo,  
 Scaeuola; nec tanta uitam iam strage uolebat,  
 Sed dignum proauo letum et sub nomine mortem.  
 Is postquam frangi res atque augescere uidit  
 Exitium: 'Breuis hoc uitae, quodcumque relictum, 375

---

344 nos O                      347 satque Blass sitque FOV sicque L  
 stetque Dausquius sisque Heinsius                      361 uirescit Liwineius  
 rigescit uel resurgit Schrader                      364 Lassati LV                      365 Irrupit  
 trepidus hostis Ch, unde trepidos Heinsius — nigri Ch                      366 sub  
 una Cuspide Ch ima S                      370 certamine Ch

Extendamus, ait; nam uirtus futile nomen,  
 Ni decori sat sint pariendo tempora leti.  
 Dixit et in medios, qua dextera concita Poeni  
 Limitem agit, uasto connixus turbine fertur.  
 Hic exultantem Caralim atque erepta uolentem 380  
 Induere excelso caesi gestamina trunco  
 Ense subit, capuloque tenus ferrum impulit ira.  
 Uoluitur ille ruens atque arua hostilia morsu  
 Appetit et mortis premit in tellure dolores.  
 Nec Gabaris Sicchaeque uirum tenere furentes 385  
 Concordi uirtute manus; sed perdidit acer,  
 Dum stat, decisam Gabar inter proelia dextram.  
 At Siccha auxilium, magno turbante dolore,  
 Dum temere accelerat, calcato improuidus ense  
 Succidit ac nudae sero uestigia plantae 390  
 Damnauit dextraque iacet morientis amici.  
 Tandem conuertit fatalia tela Nealcae  
 Fulminei gliscens iuuenis furor. exilit ardens,  
 Nomine tam claro stimulante, ad praemia caedis.  
 Tum silicem scopulo auulsum, quem montibus altis  
 Detulerat torrens, raptum contorquet in ora 396  
 Turbidus. incusso crepuerunt pondere malae,  
 Ablatusque uiro uultus; concreta cruento  
 Per nares cerebro sanies fluit, atraque manant  
 Orbibus elisis et trunca lumina fronte. 400  
 Sternitur unanimo Marius, succurrere Capro  
 Conatus metuensque uiro superesse cadenti.  
 Lucis idem auspiciū ac patrium et commune duobus  
 Paupertas; sacro iuuenes Praeneste creati

---

377 Ni decori sat sint *Heinsius* Ni decoris assint **ChLFV**  
 Ne decoris adsint **O** Ni decori prosint *Withof* Ni decori  
 assignet *Blass* 378 dextra **S** 380 clarim **O** 383 arua **Cm**  
*Ep. 50* arma **O** 384 Oppetit *Lefebure* — ut m. premat  
*Drakenborch* 385 Gabaris *Scaliger* gabari **S** — Sicchaeque **Ch**  
 sudiaeque **F** 387 decisam] densam **L** (*cf. I. 524*) 390 sero **Ch**  
 394 plia **FO** 396 Detulerat **S** Depulerat *edd. c. cod. Put.*  
 401 Capro *ed. Rom. 1* caspro **S** 403 ac patriae *Heinsius*

Miscuerant studia et iuncta tellure serebant. 405  
 Uelle ac nolle ambobus idem sociataque toto  
 Mens aeuo ac paruis diues concordia rebus.  
 Occubuere simul; uotisque ex omnibus unum  
 Id Fortuna dedit, iunctam inter proelia mortem.  
 Arma fuere decus uictori bina Symaetho. 410  
 Sed longum tanto laetari munere casus  
 Haud licitum Poenis. aderat terrore minaci  
 Scipio, conuersae miseratus terga cohortis,  
 Et cuncti fons Uarro mali flauusque comarum  
 Curio et a primo descendens consule Brutus. 415  
 Atque his fulta uiris acies repararet ademptum  
 Mole noua campum, subito ni turbine Poenus  
 Agmina frenasset iam procurrentia ductor.  
 Isque ut Uarronem procul inter proelia uidit  
 Et iuxta sagulo circumuolitare rubenti 420  
 Lictorem: 'Nosco pompam atque insignia nosco;  
 Flaminius modo talis,' ait. tum feruidus acrem  
 Ingentis clipei tonitru praenuntiat iram.  
 Heu miser! aequari potuisti funere Paulo,  
 Si ibi non ira superum tunc esset ademptum 425  
 Hannibalis cecidissee manu. quam saepe querere,  
 Uarro, deis, quod Sidonium defugeris ensem!  
 Nam, rapido subitam portans in morte salutem  
 Procursum incepta, in sese discrimina uertit  
 Scipio. nec Poenum, quamquam est ereptus opimae 430  
 Caedis honor, mutasse piget maiore sub hoste  
 Proelia et erepti Ticina ad flumina patris  
 Exigere oblato tandem certamine poenas.  
 Stabant educti diuersis orbis in oris,

---

409 uictam V 410 Symaetho ChLF simaetho OV 411 le-  
 tali S 415 descendens F 416 repararat Heinsius et Bentley  
 421 Littorem L 429 sic scripsi et interpunxi incepta sese  
 in LFV incepta sese O incepta ad sese ed. Rom. 1 incoepta,  
 sese in edd. Ald. 1523 et Gryph. 1547 coepta in sese Heinsius  
 c. ed. Lugd. 1578 coepta sese in aliae edd. suscepta ad  
 se Blass



Quantos non alios uidit concurrere tellus 435  
 Marte, uiri dextraque pares, sed cetera ductor  
 Anteibat Latius, melior pietate fideque.

Desiluere caua turbati ad proelia nube,  
 Mauors Scipiadae metuens, Tritonia Poeno;  
 Aduentuque deum, intrepidis ductoribus, ambae 440  
 Contremuere acies. ater, qua pectora flectit  
 Pallas, Gorgoneo late micat ignis ab ore,  
 Sibilaque horrificis torquet serpentibus aegis.  
 Fulgent sanguinei, geminum uibrare cometem  
 Ut credas, oculi; summaque in casside largus 445  
 Undantis uoluit flammās ad sidera uertex.

At Mauors, moto proturbans aëra telo  
 Et clipeo campum inuoluens, Aetnaea Cyclopum  
 Munere fundentem loricam incendia gestat  
 Ac pulsat fulua consurgens aethera crista. 450

Ductores pugnae intenti, quantumque uicissim  
 Audent, propius mensi, tamen arma ferentis  
 Sensere aduenisse deos et, laetus uterque  
 Spectari superis, addebant mentibus iras.  
 Iamque ictu ualido libratam a pectore Poeni 455  
 Pallas in obliquum dextra detorserat hastam,  
 Et Gradivus, opem diuā portare ferocis  
 Exemplo doctus, porgebat protinus ensem .  
 Aetnaeum in pugnas iuueni ac maiora iubebat.  
 Tum Uirgo, ignescens penitus, uiolenta repente 460  
 Suffudit flammis ora atque, obliqua retorquens  
 Lumina, turbato superauit Gorgona uultu.

435 alios **Ch** alias **S** alio *Heinsius* 436 Macte **L**  
 438 Desiluere **Ch** Dissiluere **O** 441 ater qua **FO** aterque **L**  
 acer **V** 442 ab orbe *Heinsius* 444 cometem **LV** cometē **FO**  
 cometen *edd.* 445 e casside **Ch** 447 proturbans **Ch** pe-  
 turbans **O** 448 aetnea **F** ethnaeo **V** ernea **LO** 449 Mu-  
 nera *Heinsius* 452 Audent *Barth* Audere **S** Audere est  
*edd. pleraeque c. cod. Put.* Aderet *Nicander aliique* 459 Eth-  
 naeum **L** Aetneum **F** Enaeum **O** Aethnaeum **V** — uidebat **O**  
 460 ignescens **LF** ignoscens **OV**

Erexere omnes immania membra chelydri  
 Aegide commota, primique furoris ad ictus  
 Rettulit ipse pedem sensim a certamine Mauors. 465  
 Hic dea conuulsam rapido conamine partem  
 Uicini montis scopulisque horrentia saxa  
 In Martem furibunda iacit, longeque relatos  
 Expauit sonitus, tremefacto litore, Sason.

At non haec superum fallebant proelia regem. 470  
 Demittit propere succinctam nubibus Irim,  
 Quae nimios frenet motus, ac talia fatur:  
 'I, dea, et Oenotris uelox allabere terris  
 Germanoque truces, dic, Pallas mitiget iras  
 Nec speret fixas Parcarum uertere leges; 475  
 Dic etiam: ni desistis, — nam uirus et aestus  
 Flammiferae noui mentis — nec colligis iram,  
 Aegida praecellant quantum horrida fulmina, nosces.'

Quae postquam accepit dubitans Tritonia uirgo  
 Nec sat certa diu, patriis an cederet armis: 480  
 'Absistemus,' ait, 'campo. sed Pallade pulsa  
 Num fata auertet? caeloque arcebit ab alto  
 Cernere Gargani feruentia caedibus arua?'  
 Haec effata caua Poenum in certamina nube  
 Sublatum diuersa tulit terrasque reliquit. 485

At Gradius atrox remeantis in aethera diuae  
 Abscessu reuocat mentes fusosque per aequor  
 Ipse manu magna, nebulam circumdatus, acri  
 Restituit pugnae. conuertunt signa nouamque  
 Instaurant Itali, uersa formidine, caedem: 490  
 Cum uentis positus custos, cui flamina carcer

---

465 sensum O      469 Sason Ch      473 enotriis LOV aeno-  
 triis F — elabere O      474 Germanoque Ch Germaneque S  
 476 ni desistis] in dextris F — iam O      477 corrigis Bentley  
 corripis Blass      478 Aegida ed. Rom. 1 Aegide S Aegidi  
 Bentley      480 sat certa sui Heinsius      483 Sternere Blass  
 487 fusosque Ch fusorque LOV fusorque F.      488 nebulam —  
 acri Ch nebula S — atra F (T. p. 234)      489 pugnae F pug-  
 nam LOV (T. p. 236)      491 cui V qui LFO

Imperio compressa tenet caelumque ruentes  
 Eurique et Boreae parent Corique Notique,  
 Iunonis precibus, promissa haud parua ferentis,  
 Regnantem Aetolis Uulturnum in proelia campis 495  
 Effrenat. placet hic irae exitiabilis ultor.  
 Qui, se postquam Aetnae mersit candente barathro  
 Concepitque ignes et flammea protulit ora,  
 Euolat horrendo stridore ac Daunia regna  
 Perflat, agens caecam glomerato puluere nubem. 500  
 Eripuere oculos aurae uocemque manusque;  
 Uertice harenoso candentis, flebile dictu,  
 Torquet in ora globos Italum et bellare manipulis  
 Iussa laetatur rabie. tum mole ruinae  
 Sternuntur tellure et miles et arma tubaeque; 505  
 Atque omnis retro flatu occursante refertur  
 Lancea, et in tergum Rutulis cadit irritus ictus.  
 Atque idem flatus Poenorum tela secundant,  
 Et uelut ammento contorta hastilia turbo  
 Adiuvat ac Tyrias impellit stridulus hastas. 510  
 Tum, denso fauces praeclusus puluere, miles  
 Ignauam mortem compresso maeret hiatu.  
 Ipse, caput flauum caligine conditus atra,  
 Uulturnus, multaque comam perfusus harena,  
 Nunc uersos agit a tergo stridentibus alis, 515  
 Nunc, mediam in frontem ueniens clamante procella,  
 Obuius arma quatit patuloque insibilat ore.  
 Interdum intentos pugnae et iam iamque ferentis  
 Hostili iugulo ferrum conamine et ictu  
 Auertit dextramque ipso de uulnere uellit. 520

---

493 Eurique **OV** Furique **LF** 494 furentis **O** 495 Ae-  
 tolis *Heinsius* aeoliis **FV** eolus **LO** 497 aethnae **O** ethnae **FV**  
 hethnee **L** — cadente **O** 503 in ora **OV** mora **LF** 504 lae-  
 tatur **ChL** laceratur **FOV** (*cf. XI. 45*) 505 tellure miles  
 (*om. et*) **S** — iubaeque *Liuius* 507 in tergum *Barth* in-  
 terdum **S** 508 secundant **Ch** 511 percussus **O** 517 ori  
 et 518 prementes *Heinsius* 519 contamine et ictu **LF** c.  
 dictu **OV** nicto *Blass* ducto *edd. pleraeque*

Nec satis Ausonias passim foedare cohortes,  
In Martem uomit immixtas mugitibus auras  
Bisque dei summas uibrauit turbine cristas.

Quae dum Romuleis exercet proelia turmis  
Aeolius furor et Martem succendit in iras, 525  
Affatur Uirgo, socia Iunone, parentem:  
'Quantos Gradius fluctus in Punica castra,  
Respice, agit quantisque furens se caedibus implet!  
Nunc, quaeso, terris descendere non placet Irim?  
Quamquam ego non Teucros — nostro cum pignore regnet  
Roma, et Palladio sedes hac urbe locarim — 531  
Non Teucros delere aderam; sed lumen alumnae  
Hannibalem Libyae pelli florentibus annis  
Uita atque exstingui primordia tanta negabam.'

Excipit hic Iuno longique laboris ab ira: 535  
'Immo,' ait, 'ut noscant gentes, immania quantum  
Regna Iouis ualeant, cunctisque potentia quantum  
Antistet, coniux, superis tua, disice telo  
Flagranti — nil oramus — Carthaginis arces  
Sidoniamque aciem uasto telluris hiatu 540  
Tartareis immerge uadis aut obrue ponto.'

Contra quae miti respondet Iupiter ore:  
'Certatis fatis et spes extenditis aegras.  
Ille, o nata, libens cui tela inimica ferebas,  
Contundet Tyrios iuuenis ac nomina gentis 545  
Induet et Libycam feret in Capitolia laurum.  
At, cui tu, coniux, cui das animosque decusque —  
Fata cano — auertet populis Laurentibus arma.  
Nec longe cladis metae. uenit hora diesque,  
Qua nullas umquam transisse optauerit Alpes.' 550  
Sic ait atque Irim propere demittit Olympo,

---

522 auras] iras Ch      523 uibrauit LF librauit O libauit V,  
ut coni. Gronov      531 hac L ac FOV      535 hic OV hec LF  
538 disice LV disire uel disice corr. in dissijce F dissite O  
discute uulgo      539 nil obstamus Heinsius      545 iuuenis  
Tyrios Bothe, sed cf. X. 23 (L. Mueller d. r. m. p. 326)      548 auer-  
tet] uertit LF uertet O uertent V



Quae reuocet Martem iubeatque abscedere pugna.  
 Nec uetitis luctatus abit Graduius in altas  
 Cum fremitu nubes, quamquam lituique tubaeque  
 Uulneraque et sanguis et clamor et arma iuuarent. 555

Ut patuit liber superum certamine tandem  
 Laxatusque deo campus, ruit aequore ab imo  
 Poenus, quo sensim caelestia fugerat arma,  
 Magna uoce trahens equitemque uirosque feraeque  
 Turrigerae molem tormentorumque labores. 560

Atque ubi turbantem leuioris ense cateruas  
 Agnuit iuuenem, scintillauitque cruentis  
 Ira genis: 'Quaenam Furiae quisue egit in hostem,  
 En, Minuci, deus, ut rursus te credere nobis  
 Auderes?' inquit. 'genitor tibi natus ab armis 565  
 Ille meis, ubi nunc Fabius? semel, improbe, nostras  
 Sit satis euasisse manus.' Atque inde superbis  
 Hasta comes dictis murali turbine pectus  
 Transforat et uoces uenturas occupat ictu.

Nec ferro saeuire sat est. appellitur atra 570  
 Mole fera, et monstris componitur Itala pubes.  
 Nam, praeuectus equo, moderantem cuspide Lucas  
 Maurum in bella boues stimulis maioribus ire  
 Ac raptare iubet Libycarum armenta ferarum.  
 Immane stridens agitur, crebroque coacta 575  
 Uulnere, bellatrix properos fert belua gressus.  
 Liuenti dorso turris, flammaque uirisque  
 Et iaculis armata, sedet; procul aspera grando  
 Saxorum super arma ruit, passimque uolanti  
 Celsus telorum fundit Libys aggere nimbium. 580  
 Stat niueis longum stipata per agmina uallum  
 Dentibus, atque ebori praefixa comminus hasta

---

553 uetitis] uentis F      563 quae iam Furiae, quis te e.  
 i. h. An, M. Barth — 564 En] Nunc Schrader — Minuci Cd  
 minici L munci F mimici OV      572 praeuectus Ch pro-  
 uectus O      575 Immani (uulnere) *Liuiueius* Immanis (belua)  
 Blass      577 flaminaque L      578 hic u. in F m. 2 in marg.  
 adscr.

Fulget ab incuruo directa cacumine cuspis.  
 Hic, inter trepidos rerum, per membra, per arma  
 Exigit Ufentis sceleratum belua dentem 585  
 Clamantemque ferens calcata per agmina portat.  
 Nec leuius Tadio letum: qua tegmine thorax  
 Multiplicis lini claudit latus, improba sensim,  
 Corpore non laeso, penetrarunt spicula dentis  
 Et sublime uirum, clipeo resonante, tulerunt. 590  
 Haud excussa noui uirtus terrore pericli.  
 Utitur ad laudem casu geminumque citato.  
 Uicinus fronti lumen transuerberat ense.  
 Extimulata graui sese fera tollit ad auras  
 Uulnere et erectis excussam cruribus alte 595  
 Pone iacit uoluens reflexo pondere turrim.  
 Arma uirique simul spoliataque belua uisu  
 Sternuntur subita, miserandum, mixta ruina.  
 Spargi flagrantis contra bellantia monstra  
 Dardanius taedas uictor iubet et facis atrae, 600  
 Quos fera circumfert, compleri sulphure muros.  
 Nec iusso mora: collectis fumantia lucent  
 Terga elephantorum flammis; pastusque sonoro  
 Ignis edax uento per propugnacula fertur.  
 Non aliter, Pindo Rhodopeue incendia pastor 605  
 Cum iacit, et siluis spatiatur feruida pestis,  
 Frondosi ignescunt scopuli; subitoque per alta  
 Collucet iuga dissultans Uulcanius ardor.  
 It fera candenti torrente bitumine corpus  
 Amens et laxo diducit limite turmas. 610  
 Nec cuiquam uirtus propiora capessere bella:

---

583 directa **ChFV** de recta **L** deiecta **O** 585 Exiit **Ch**  
 (cf. I. 642) 586 furens *Heinsius et Ruperti* 587 Nec]  
 Hic *Blass* — Tadio **Ch** radio **O** — letum **S** laeuum *uulgo mu-*  
*tata interpunctione* — qua **OV** que **LF** 595 ereptis **V**  
 arrectis *Heinsius* 596 Pone **LF** Pene **OV** 598 mirandum  
*Bothe* 599 Spargi **Ch** 600 uictor] ductor uel rector *Barth*  
*et Heinsius* 602 coniectis *Heinsius* correptis *Schrader*  
 603 pastusque **Cm** *Ep. 1* partusque **LFV** parcusque **O** 610 di-  
 ducit **FV** deducit **LO**

Longinquis audent iaculis et harundinis ictu.  
 Uritur impatiens et magni corporis aestu  
 Huc atque huc iactas accendit belua flammās,  
 Donec uicini tandem se fluminis undis 615  
 Praecipitem dedit et, tenui decepta liquore  
 Stagnantis per plana uadi, tulit incita longis  
 Extantem ripis flammam; tum denique sese  
 Gurgitis immersit, molem capiente profundo.

At qua pugna datur, necdum Maurusia pestis 620  
 Igne calet, circumfusi Rhoeteia pubes  
 Nunc iaculis, nunc et saxis, nunc alite plumbo  
 Eminus incessunt, ut qui castella per altos  
 Oppugnat munita locos atque assidet arces.  
 Ausus digna uiro, fortuna digna secunda, 625  
 Extulerat dextram atque aduersum comminus ensem  
 Mincius, infelix ausi; sed stridula, anhelum  
 Feruorem effundens, monstri manus abstulit acri  
 Implicitum nexu diroque ligamine torsit  
 Et superas alte miserum iaculata per auras 630  
 Telluri elisis afflixit, flebile, membris.

Has inter clades uiso Uarrone sub armis  
 Increpitans Paulus: 'Quin imus comminus,' inquit,  
 'Ductori Tyrio, quem uinctum colla catenis  
 Staturum ante tuos currus promissimus urbi? 635  
 Heu patria, heu plebes scelerata et praua fauoris!  
 Haud umquam expedies tam dura sorte malorum,  
 Quem tibi non nasci fuerit per uota petendum,  
 Uarronem Hannibalemne magis.' Dum talia Paulus,  
 Urget praecipitis Libys atque in terga ruentum 640  
 Ante oculos cunctas ductoris concitat hastas.

---

614 *sic* Cm *Ep. 1*      619 immergit F      623 ut] ne S  
 624 assidet Cm *l. l.* LOV absidet F obsidet *uulgo*      626 dextra-  
 que Ch dextramque S      627 Mincius Cm *l. l.*      631 Telluri  
 elisis afflixit Cm (*T. p. 211*) Tellure elisit ac flexit FOV flixit L  
 636 scelerataque S      637 expies F      639 Hannibalemne F,  
*ut con.* Bentley Hannibalemue LOV      640 praecipiti Ch      641 Atque  
 oculos Ch — iunctas Heinsius

Pulsatur galea, et quatiuntur consulis arma;  
Acrius hoc Paulus medios ruit asper in hostis.

Tum uero, excussus mentem, in certamina Paulo  
Aua diducto, conuertit Uarro manuque 645  
Cornipedem inflectens: 'Das,' inquit, 'patria, poenas,  
Quae, Fabio incolumi, Uarronem ad bella uocasti.  
Quaenam autem mentis uel quae discordia fati?  
Parcarumque latens fraus est? abrumpere cuncta  
Iamdudum cum luce libet. sed comprimit ensem 650  
Nescio qui deus et meme ad grauiora reseruat.  
Uiuamne? et fractos sparsosque cruore meorum  
Hos referam populo fascēs? atque ora per urbes  
Iratas spectanda dabo? et, quo saeuus ipse  
Hannibal haud poscat, fugiam et te, Roma, uidebo?' 655  
Plura indignantem telis propioribus hostes  
Egere, et sonipes rapuit laxatus habenas.

## SILI ITALICI

## P U N I C O R U M

### LIBER DECIMUS.

Paulus, ut aduersam uidet increbrescere pugnam,  
Ceū fera, quae, telis circumcingentibus, ultro  
Assilit in ferrum et per uulnera colligit hostem,  
In medios fert arma globos seseque periclis  
Ingerit atque omni letum molitur ab ense. 5  
Increpat horrendum: 'Perstate et fortiter, oro,  
Pectoribus ferrum accipite ac sine uulnere terga

645 diducto Ch deducto O 651 Nescio qui deus Ch  
Nescio qui. deus est? mene *Bothe* 657 rapuit OV rapiat LF  
1 increbrescere O 2 circumfulgentibus *Schrader* 3 cor-  
ripit *Schrader*



Ad manis deferte, uiri. nisi gloria mortis,  
 Nil superest. idem sedes adeuntibus imas  
 Hic uobis dux Paulus erit.' Uelocius inde 10  
 Haemonio Borea pennaque citatior ibat,  
 Quae redit in pugnas fugientis harundine Parthi;  
 Atque ubi certamen primi ciet immemor aevi,  
 Plenus Gradiuo mentem, Cato, fertur in hostis  
 Ac iuuenem, quem Uasco leuis, quem spicula densus  
 Cantaber urgebat, letalibus eripit armis. 16  
 Abscessere retro pauidique in terga relatos  
 Abduxere gradus. ut, laetus ualle remota  
 Cum capream uenator agit fessamque propinquo  
 Insequitur cursu et sperat iam tangere dextra, 20  
 Si ferus aduerso subitum se protulit antro  
 Et stetit ante oculos frendens leo: deserit una  
 Et color et sanguis et tela minora periclo,  
 Nec iam speratae cura est in pectore praedae.  
 Nunc in restantis mucronem comminus urget, 25  
 Nunc trepidos ac terga mala formidine uersos  
 Assequitur telis. furere ac decorare labores  
 Et saeuire iuuat; cadit ingens nominis expers  
 Uni turba uiro; atque alter si detur in armis  
 Paulus Dardaniis, amittant nomina Cannae. 30  
 Tandem inclinato cornu sine more ruebat  
 Prima acies, non parca fugae. Labienus et Ocre  
 Sternuntur leto atque Opiter, quos Setia colle  
 Uitifero, celsis Labienum Cingula saxa  
 Miserunt muris. iunxit fera tempora leti 35  
 Sidonius non consimili discrimine miles:  
 Nam Labienus obit penetrante per ilia corno;  
 Fratres, hic humero, cecidere, hic poplite, caesis.

8 deferte. uiris, n. *Burmann* 10 uelocior *Withof et*  
*Cortte ad Lucan. I. 229* 14 Plenus uel Fetus *Heinsius* Poe-  
 nus **ChF** Penus **LOV** 15 uasto **LOV** nesca **F** — densis **Ch**  
 densans *Liuiueius* densens *Heinsius* 18 Adduxere *Heinsius*  
 32 Ocre *Heinsius* acres **S** Ocris *uulgo* 37 corno **Ch** cor-  
 non **LF** cornu **OV** (*cf. u. 121*) 38 poplite caesis **Ch**

Oppetis et Tyrio super inguina fixe ueruto  
 Maecenas, cui Maeonia uenerabile terra 40  
 Et sceptris olim celebratum nomen Etruscis.  
 Per medios agitur, proiecto lucis amore  
 Hannibalem lustrans, Paulus. sors una uidetur  
 Aspera, si occumbat ductore superstite Poeno.

Quam metuens molem — neque enim, certamine sumpto,  
 Tempestas tanta et rabies impune fuisset — 46

In faciem pauidi Iuno conuersa Metelli:  
 'Quid uanos,' inquit, 'Latio spes unica consul,  
 Incassumque moues, fato renuente, furores?  
 Si superest Paulus, restant Aeneia regna; 50

Sin secus, Ausoniam tecum trahis. ire tumentem  
 Tu contra iuuenem et caput hoc abscidere rebus  
 Turbatis, o Paule, paras? nunc Hannibal ipsi —  
 Tam laetus bello est — ausit certare Tonanti.  
 Et iam conuersis — uidi nam flectere — habenis 55  
 Euasit Uarro ac sese ad meliora reseruat.

Sit spatium fatis; et, dum datur, eripe leto  
 Hanc nostris maiorem animam; mox bella capesses.'

Ad quae suspirans ductor: 'Mortemne sub armis  
 Cur poscam, causa ista parum est, quod talia nostrae  
 Pertulerunt aures suadentem monstra Metellum? 61

I, demens, i, carpe fugam. non hostica tela  
 Excipias tergo, superos precor. integer, oro,  
 Intactusque abeas atque intres moenia Romae  
 Cum Uarrone simul. talin', pauidissime, dignum 65  
 Me uita pulchraque indignum morte putasti?  
 Quippe sinit Poenus, qui nunc contraria bella  
 Ipsi ferre Ioui ualeat. pro degener altae

---

40 Maecenas Ch Macenas S 43 sors] mors D. Heinsius  
 46 fuisset S fuissent edd. recc. 49 Incassumque moues ChLF  
 Incassum remoues OV renouas Pomponius Laetus 52 absci-  
 dere Ch abscindere O 54 belli Heinsius 58 Hanc S  
 Huc Ch Nunc Bothe Huic Blass 60 poscam] parcam LF  
 pascam OV 61 Pertulerunt Ch Pertulerint O 67 sinit LEV  
 sunt ChO furit edd. pleraeque ex ed. Marsi

Uirtutis patrum! quando certamen inire,  
Cuiue uirum mallet memet componere, quam qui 70  
Et uictus dabit et uictor per saecula nomen?’

Talibus increpitat mediosque aufertur in hostis  
Ac retro cursum tendentem ad crebra suorum  
Agmina et in densis furantem membra maniplis  
Per conferta uirum et stipata umbonibus arma 75  
Consequitur, melior planta, atque obtruncat Acherram.  
Ut canis occultos agitatur cum Belgicus apros  
Erroresque ferae sollers per deuia mersa  
Nare legit tacitoque premens uestigia rostro  
Lustrat inaccessos uenantum indagine saltus 80  
Nec sistit, nisi, conceptum sectatus odorem,  
Deprendit spissis arcana cubilia dumis.

At coniux Iouis, ut Paulum depellere dictis  
Nequicquam fuit, et consul non desinit irae,  
In faciem Mauri rursus mutata Gelestae, 85  
Auocat ignarum saeuo a certamine Poenum:  
‘Huc tela, huc,’ inquit, ‘dextram implorantibus affer,  
O decus aeternum Carthaginis. horrida iuxta  
Stagnantis consul molitur proelia ripas;  
Et laus haud alio maior datur hoste perempto.’ 90  
Haec ait et iuuenem diuersa ad proelia raptat.

Flumineo Libycam turbabat in aggere pubem —  
Cristae nomen erat. bis terni iuncta ferebant  
Arma senem circa nati; pauperque penatum,  
Sed domus haud obscura Tudor, notusque per Umbros  
Bellator populos factis et caede docebat 96  
Natorum armigeram pugnare tractare cohortem.  
Unanima inde phalanx, crudo ducente magistro,  
Postquam hominum satiata necem, prostrauerat ictu

---

69 certamina O 70 Cuiue uirum Ch V uiro LFO 76 Acherram Ch acerram S 77 belgicus S bellicus Cd 84 destitit van Veen — irae Cm Ep. 1 86 sic Cm l. l. LF aduocat ignauum saeua ad certamina OV 93 Cristae Ch Cristi O 96 ducebat L 99 necem S nece est Liwineius aliique

Innumero cum turre feram facibusque secutis 100  
 Ardentem monstri spectabat laeta ruinam,  
 Cum subitus galeae fulgor conoque coruscae  
 Maiore intremuere iubae; nec tarda senectus —  
 Agnouit nam luce uirum — rapit agmina, natos,  
 Saeua parens ultro in certamina et addere passim 105  
 Tela iubet nec manantis ex ore feroci,  
 Aut quae flagrarent galea, exhorrescere flammās.  
 Armiger haud aliter magni Iouis, anxia nido  
 Cum dignos nutrit gestanda ad fulmina fetus,  
 Obuersam spectans ora ad Phaethontia prolem, 110  
 Explorat dubios Phoebea lampade natos.  
 Iamque suis daret ut pugnae documenta uocantis,  
 En — medias hasta uelox praeteruolat auras.  
 Haesit multiplici non alte cuspis in auro  
 Ac senium inualido dependens prodidit ictu. 115  
 Cui Poenus: 'Quinam ad cassos furor impulit ictus  
 Exanguem senio dextram? uix prima momordit  
 Tegmina Callaici cornus tremebunda metalli.  
 En, reddo tua tela tibi; memorabilis ista  
 A nobis melius discet bellare iuuentus.' 120  
 Sic propria miseri transfigit pectora corno.  
 At contra, horrendum, bis terna spicula dextra  
 Torta uolant, paribusque ruunt conatibus hastae.  
 Haud secus ac Libyca fetam tellure leaenam  
 Uenator premit obsesso cum Maurus in antro, 125

100 secutis LFV secutus ChO 101 laeta ruinam] latya  
 romam (!) F 104 agmina natos Ch agmine n. S 110 phe-  
 dontia S 112 uocantis S (sic coni. Heinsius) uacantis Ch  
 uocatis uulgo (an uacantis restituendum coll. Stat. Theb. VIII. 186?)  
 113 En Lefebure et Ruperti Et S — praeteruolat] transuerberat  
 uel diuerberat Ruperti 115 Ac senium ChLF Ac senem O  
 Atque senem V — deprensens L dependens F deprehendens OV  
 116 quisnam edd. nonnullae 117 senio dextram Ch d. s. S  
 119 ista LOV hastae F, ut coni. Heinsius 121 corno Ch  
 cornu S 124 Libyca fetam primum ed. Basil. 1543 et coni.  
 Heinsius prob. Bentley Libycam Cm Ep. 1 S — fera L ferax F  
 saeua OV — leaenam Cm l. l. 125 uersum, qui deerat in edd.  
 uett., inser. Modius Ep. 1



Inuadunt rabidi iam dudum et inania tentant  
 Nondum sat firmo catuli certamina dente.  
 Consumit clipeo tela et, collectus in arma,  
 Sustinet urgentis crepitantibus ictibus hastas  
 Sidonius ductor; nec iam per uulnera credit 130  
 Aut per tot caedes actum satis; iraque anhelat,  
 Ni leto det cuncta uirum iungatque parenti  
 Corpora et excidat miseros cum stirpe penatis.

Tunc Abarim affatur; namque una hic armiger ira  
 Flammabat Martem atque omnis comes ibat in actus:  
 'Suppedita mihi tela. uadis liuentis Auerni 136  
 Demitti globus ille cupit, qui nostra lacessit  
 Tegmina, iam stultae fructus pietatis habebit.'  
 Haec fatus iaculo Lucam, qui maximus aevi,  
 Transadigit; pressa iuuenis cum cuspide labens 140  
 Arma super fratrum resupino concidit ore.  
 Mortiferum inde manu properantem uellere ferrum  
 Pilo Uolsonem — namque hoc de strage iacentum  
 Fors dabat — affixa sternit per tegmina nare. 144  
 Tum Uesulum, calido lapsantem in sanguine fratrum,  
 Ense metit rapido plenamque — heu barbara uirtus! —  
 Abscisi galeam capitis, ceu missile telum,  
 Conuersis in terga iacit. Telesinus, ad ossa  
 Illiso saxo, qua spina interstruit artus,  
 Occumbit; fratrisque uidet labentia membra 150  
 Quercentis, quem funda procul per inane uoluta  
 Sopierat, dum supremam Telesinus in auras  
 Exhalat lucem et dubitantia lumina condit.  
 At fessus maerore simul cursuque metuque  
 Et tamen haud irae uacuuus, non certa per aequor 155  
 Interdum insistens Perusinus membra ferebat;  
 Hunc sude, quam raptam Libyci per terga iacentis

---

126 rabidi Cm l. l. 129 urgentis *Heinsius* ingentis S  
 (cf. V. 158) 134 abarim LV abarum F abarmi O 137 lacessat  
*edd. nonnullae* 140 prensa *Bothe* — labens] habenis L 151 Quer-  
 centis Cm *Ep. 1* LF Quertontis O Quertentis V Quaerentis *uulgo*

Armiger obtulerat monstri, super inguina fixum  
 Obtruncat quercuque premit uiolentus obusta.  
 Tentarat precibus saeuum lenire furorem, 160  
 Sed Stygius primos impleuit feruor hiatus,  
 Et pulmone tenuis demisit anhelitus ignem.  
 Tandem cum toto cecidit grege, nomen in Umbro  
 Clarum, Crista, diu populo. ceu fulmine celsa  
 Aesculus aut, proauis ab origine cognita, quercus 165  
 Cum fumat percussa Ioui, sacrosque per aeuum  
 Aetherio ramos populantur sulphure flammae,  
 Donec uicta deo late procumbit et omnem  
 Collabens operit spatioso stipite prolem. 169  
 Atque ea dum iuxta Tyrius stagna Aufida ductor  
 Molitur, Paulus, numerosa caede futuram  
 Ultus iam mortem, ceu uictor bella gerebat  
 Inter mille uiros. iacet ingens Phorcys ab antris  
 Herculeae Calpes, caelatus Gorgone parmam,  
 Unde genus tristique deae manabat origo. 175  
 Hunc obiectantem sese atque antiqua tumentem  
 Nomina saxificae monstrosa e stirpe Medusae,  
 Dum laeuum petit incumbens uiolentius inguen,  
 Detrahit, excelsi correptum uertice coni,  
 Afflictumque premens, tergo qua balteus imo 180  
 Sinuatur, coxaeque sedet munimen utrique,  
 Coniecto fodit ense super; uomit ille calentem  
 Sanguinis effundens per hiantia uiscera riuum,  
 Et subit Aetolos Athlanticus accola campos.

---

162 demisit **Ch** dempsit **O** depressit *uulgo* 163 Tandem]  
 Tantum **S** (*cf. ad I. 71*) 165 cognita] consita *Heinsius* 169 ope-  
 rit **LF** aperit **OV** 172 mortem] noctem **O** — *post* gerebat  
*interpunxit Lefebure* 173 Phorcys *Heinsius* Porcis **Ch** por-  
 tus **LF** porcus **V** *deest uocabulum in O* Phorcus *uulgo (cf. III. 402)*  
 175 tristique deae **Ch** tristisque d. **S** tristisque dea *Barth*  
 176 Hunc **S** Hinc *edd. nonnullae* 177 e] a **O** 178 inguen **L**  
 ignem **FOV** 181 Sumatur **S** — utrique **Ch**, unde coxaeque  
*Heinsius* coxaeque — utraque **S** 182 super uomit **ChS** (*in O*  
 uomet) superuomit *uulgo*

Has inter strages rapido terrore coorti, 185  
 Inuadunt terga atque auerso turbine miscent  
 Bella inopina uiri, Tyrius quos fallere doctos  
 Hanc ipsam pugnae rector formarat ad artem;  
 Succinctique dolis, fugerent ceu Punica castra,  
 Dediderant dextras. tum totis mentibus actam 190  
 In caedes aciem pone atque in terga ruentes  
 Praecipitant. non hasta uiro, non deficit ensis.  
 E strage est ferrum atque euulsa cadauere tela.  
 Raptum Galba procul — neque enim uirtutis amorem  
 Aduersa exemisse ualent — ut uidit ab hoste 195  
 Auferri signum, conixus corpore toto  
 Uictorem assequitur letalique occupat ictu.  
 Ac dum comprehensam caeso de corpore praedam  
 Auellit, tardeque manus moribunda remittit,  
 Transfixus gladio propere accurrentis Amorgi 200  
 Occidit, immoriens magnis non prosperus ausis.

Haec inter, ueluti nondum satiasset Enyo  
 Iras saeua truces, sublatum puluere campum  
 Uulturnus rotat et candentis torquet harenas.  
 Iamque reluctantis stridens immane procella 205  
 Per longum tulit ad campi suprema cauisque  
 Afflictos ripis tumidum demersit in amnem.  
 Hic tibi finis erat, metas hic Aufidus aevi  
 Seruabat tacito, non felix Curio, leto.  
 Namque, furens animi dum consternata moratur 210  
 Agmina et oppositu membrorum sistere certat,  
 In praeceps magna propulsus mole ruentum  
 Turbatis hauritur aquis fundoque uolutus  
 Hadriaca iacuit sine nomine mortis harena.

185 cohorti S coorto *Heinsius* coacti *Burmam* 186 ad-  
 uerso F euerso Ch 187 doctus *Heinsius et Bothe* 192 uiro S  
 uiros *Heinsius, sed cf. VIII. 659* 193 euulsa cadauere Cm  
*Ep. 13* auulsa S 195 uadent LFV uadunt O 200 accurren-  
 tis Cm l. l. occurrentis O 201 prosperus Cm l. l. 202 Enyo]  
 euro LOV erinis F (*T. p. 244*) 205 procella LF reluctantes — pro-  
 cellas Ch procella O procellam V 206 canisque S 208 erit Ch

Ingens ferre mala et Fortunae subdere colla 215  
 Nescius, aduersa fronte incurrebat in arma  
 Uincentum consul; pereundi Martius ardor  
 Atque animos iam sola dabat fiducia mortis;  
 Cum Uiriathus agens telis, regnator Hiberæ  
 Magnanimus terræ, iuxta atque ante ora furentis 220  
 Obtruncat Pauli fessum certaminis hostem.  
 Heu dolor, heu lacrimæ! Seruilius, optima belli,  
 Post Paulum belli pars optima, corrui ictu  
 Barbarico magnamque cadens leto addidit uno  
 Inuidiam Cannis. tristem non pertulit iram 225  
 Consul et, insani quamquam contraria uenti  
 Exarmat uis atque obtendit puluere lucem,  
 Squalentem rumpens ingestæ toruus harenæ  
 Ingreditur nimbum ac ritu iam moris Hiberi  
 Carmina pulsata fundentem barbarâ caetra 230  
 Inuadit laeuaque fodit uitalia mammae.  
 Hic fuit extremus caedum labor. addere bello  
 Haud ultra licuit dextram, nec tanta relictum est  
 Uti, Roma, tibi posthac ad proelia Paulo.  
 Saxum ingens, uasto libratum pondere, caeca 235  
 Uenit in ora manu et, perfractæ cassidis aera  
 Ossibus infodiens, compleuit sanguine uultus.  
 Inde pedem referens, labentia membra propinquo  
 Imposuit scopulo atque, undanti uulnere anhelans,  
 Sedit terribilis clipeum super ore cruento: 240  
 Immanis ceu, depulsis leuioribus hastis,  
 Accepit leo cum tandem per pectora ferrum,  
 Stat teli patiens media tremebundus harena  
 Ac, manante iubis rictuque et naribus unda  
 Sanguinis, interdum languentia murmura torquens, 245  
 Effundit patulo spumantem ex ore cruorem.

219 Uiriathus ChOV uiriattus L uirat tus F 220 ante  
 om. LFO 229 iam moris] uictoris *Ruperti* 233 relictum  
 est Ch relictum S 235 Saxo S 239 uulnere Cm *Ep. 1*  
 241 delapsis O 243 impatiens *Heinsius* — fremebundus  
*Gronov et Heinsius*



Tum uero incumbunt Libyes super, ipse citato  
 Ductor equo, qua flatus agit, qua peruius ensis,  
 Qua sonipes, qua belligero fera belua dente.  
 Obrutus hic telis ferri per corpora Piso 250  
 Rectorem ut uidit Libyae, conixus in hastam  
 Ilia cornipedis subrecta cuspide transit  
 Collapsoque super nequicquam incumbere coeptat:  
 Cum Poenus, propere collecto corpore, quamquam  
 Cernuus inflexo sonipes effuderat armo: 255  
 'Umbræne Ausoniae rediuiua bella retractant  
 Post obitum dextra? nec in ipsa morte quiescunt?'  
 Sic ait atque aegrum coeptanti attollere corpus  
 Arduus insurgens totum permiscuit ensem.  
 Ecce, Cydonea uiolatus harundine plantam, 260  
 Lentulus effusis campum linquebat habenis,  
 Cum uidet in scopulo rorantem saxa cruore  
 Toruoque obtutu labentem in Tartara Paulum.  
 Mens abiit, puduitque fugae. tum uisa cremari  
 Roma uiro, tunc ad portas iam stare cruentus 265  
 Hannibal; Aetoli tum primum ante ora fuere  
 Sorbentes Latium campi. 'Quid deinde relictum,  
 Crastina cur Tyrios lux non deducat ad urbem,  
 Deseris in tantis puppim si, Paule, procellis?  
 Testor caelicolas,' inquit, 'ni damna gubernas 270  
 Crudelis belli uiuisque in turbine tanto  
 Inuitus, plus, Paule — dolor uerba aspera dictat —  
 Plus Uarrone nocēs. cape, quaeso, hunc, unice rerum  
 Fessarum, cape cornipedem. languentia membra  
 Ipse leuabo humeris et dorso tuta locabo.' 275

247 incumbunt Libyes super **Ch** Libyes, super *interp.* *Bothe*  
 252 subrecta **OV** subiecta **LF** 254 Cum Poenus **ChS** Cui Poenus  
*uulgo* 256. 257 rediuiua — dextra **S** rediuiua in b. — dextras  
*uulgo* 262 cruorem **Cd** (*T. p. 212*) 264 abiit] rediit *Blass*  
 265 uiros **S** — cruentos **S** 266 Aetoli *scr. cum Heinsio* et toti **LFV**  
 et totum **O** — tum **LFV** tū **O** tunc *uulgo* 267 quid deinde  
 relictum **Ch** relictum est **S** 268 deducat **OV** deducit **LF**  
 269 si **Ch** sic **S** 273. 274 cape, spes, hunc, unica r. F. cape c.  
*uel* cape, dux, quaeso, unice r. F., hunc cape c. *Burmān*

Haec inter, lacero manantem ex ore cruorem  
 Eiectans, consul: 'Macte o uirtute paterna!  
 Nec uero spes angustae, cum talia restent  
 Pectora Romuleo regno. calcaribus aufer, 279  
 Qua uulnus permittit, equum atque hinc: ocius urbis  
 Claudantur portae, ruet haec ad moenia pestis,  
 Dic, oro; rerum Fabio tradantur habenae.  
 Nostris pugnavit monitis furor. amplius acta  
 Quid superest uita, nisi caecae ostendere plebi 284  
 Paulum scire mori? feror an consumptus in urbem  
 Uulneribus? quantine emptum uelit Hannibal, ut nos  
 Uertentis terga aspiciat? nec talia Paulo  
 Pectora, nec manis tam parua intramus imago.  
 Ille ego — sed uano quid enim te demoror aeger,  
 Lentule, conquestu? perge atque hinc cuspide fessum  
 Eripe quadrupedem propere.' Tum Lentulus urbem, 291  
 Magna ferens mandata, petit; nec Paulus inultum,  
 Quod superest de luce, sinit. ceu uulnere tigris  
 Letifero cedens tandem proiectaque corpus  
 Luctatur morti et languentem pandit hiatum 295  
 In uanos morsus, nec sufficientibus irae  
 Ictibus extrema lambit uenabula lingua.  
 Iamque coruscanti telum propiusque ferenti  
 Gressum exultantem et securo caedis Iertae  
 Non expectatum surgens defixerat ense 300  
 Sidoniumque ducem circumspectabat, in illa  
 Exoptans animam certantem ponere dextra.  
 Sed uicere uirum coeuntibus undique telis  
 Et Nomas et Garamas et Celtae et Maurus et Astur.

---

282 oro **LF** ergo **OV**      283 actae — uitae *Heinsius*  
 285 feror **ChLF** furor **OV** — in urbem **Cm Ep. 13**    286 quantine  
 emptum **Cm l. l.** quantine **S** quantique *Liuius* quanti heu  
*Heinsius*    289 uano **Cm l. l. LF** uario **OV**    291 Eripe **OV**  
 Erige **ChLF** Exige *Heinsius*    297 Rictibus *Heinsius*    299 Ier-  
 tae **ChLF** in erte **O** inerte **V** Ierdae *Cellarius*    300 deflexerat **Cd**  
 302 restantem *Heinsius* luctantem *Drakenborch*    303 fixere  
*Heinsius*    304 Celta *Burmman*

Hic finis Paulo. iacet altum pectus et ingens 305  
 Dexterâ, quem, soli si bella agitanda darentur,  
 Aequares forsâ Fabio. mors additur urbi  
 Pulchra decus misitque uiri inter sidera nomen.

Postquam spes Italum mentesque in consule lapsae,  
 Ceu truncus capitis, saeuus exercitus armis 310  
 Sternitur, et uictrix toto fremit Africa campo.  
 Hic Picentum acies, hic Umber Martius, illic  
 Sicana procumbit pubes, hic Hernica turma.  
 Passim signa iacent, quae Samnis belliger, et quae  
 Sarrastes populi Marsaeque tulere cohortes; 315  
 Transfixi clipei galeaeque et inutile ferrum  
 Fractaque conflictu parmarum tegmina et ore  
 Cornipedum derepta fero spumantia frena.  
 Sanguineus tumidas in campos Aufidus undas  
 Eiectat redditque furens sua corpora ripis. 320  
 Sic Lagea ratis, uasto uelut insula ponto  
 Conspecta, illisit scopulis ubi nubifer Euris,  
 Naufragium spargens operit freta. iamque per undas  
 Et transtra et mali laceroque aplustria uelo  
 Ac miseri fluitant reuomentes aequora nautae. 325

At Poenus, per longa diem certamina saeuus  
 Caedibus emensus, postquam eripuerunt furori  
 Insignem tenebrae lucem, tum denique Martem  
 Dimisit tandemque suis in caede pepercit.  
 Sed mens inuigilat curis noctisque quietem 330  
 Ferre nequit. stimulat dona inter tanta deorum  
 Hortatus, nondum portas intrasse Quirini.

---

307 addidit *Dausqueius* — urbi] illi *Blass* 311 fremit *Ch*  
 furit *S* 312 illuc *S* 317 ori *Heinsius* 318 derepta *ChOV*  
 direpta *L* derecta *F* 320 Eiectat *Ch* — ferens *Heinsius*  
 323 Naufragio *Heinsius* 324 amplustria *OV* 332 Hortatus  
*scr. (ut sit subst.)* Hortatur *S* Hortatus dudum *Liuius* Hor-  
 tator *Barth* Hortatu *Heinsius* Cunctatum *Burmman* Culpatur uel  
 Culpatum *Schrader* Corda pudor *Bentley* Sacratâs *Withof* Op-  
 tatas *Ernesti et Luc. Mueller d. r. m. p. 173* Corque acuit  
*Ruperti* Hastatum (*sc. se*) *Bothe* Corda uiri uel ducis *Blass* Or-  
 batas *Koch* — nondum] nudi *Lefebure*, qui Hortatur retinet

Proxima lux placet. hinc strictos ferre ocius enses,  
 Dum feruet cruor, et perfusae caede cohortes, 334  
 Destinatus ac iam claustra manu, iam moenia flamma  
 Occupat et iungit Tarpeia incendia Cannis.

Quo turbata uiri coniux Saturnia coepto  
 Irarumque Iouis Latiiue haud inscia fati,  
 Incautum ardorem atque audas ad futile uotum  
 Spes iuuenis frenare parat. ciet inde quietis 340  
 Regnantem tenebris Somnum; quo saepe ministro  
 Edomita inuiti componit lumina fratris.

Atque huic arridens: 'Non te maioribus,' inquit,  
 'Auis, diue, uoco nec posco, ut mollibus alis  
 Des uictum mihi, Somne, Iouem. non mille premendi  
 Sunt oculi tibi, nec spernens tua numina custos 346  
 Inachiae multa superandus nocte iuuencae.

Ductori, precor, immittas noua somnia Poeno,  
 Ne Romam et uetitos cupiat nunc uisere muros,  
 Quos intrare dabit numquam regnator Olympi.' 350

Imperium celer exequitur curuoque uolucris  
 Per tenebras portat medicata papauera cornu.  
 Ast ubi, per tacitum allapsus, tentoria prima  
 Barcae petiit iuuenis, quatit inde soporas  
 Deuexo capiti pennas oculisque quietem 355  
 Irrorat, tangens Lethaea tempora uirga.

Exercent rabidam truculenta insomnia mentem:  
 Iamque uidebatur multo sibi milite Thybrim  
 Cingere et insultans astare ad moenia Romae.  
 Ipse refulgebat Tarpeiae culmine rupis, 360  
 Elata torquens flagrantia fulmina dextra,  
 Iupiter, et lati fumabant sulphure campi,  
 Ac gelidis Anien trepidabat caerulus undis;  
 Et densi ante oculos iterumque iterumque tremendum

---

333 huc *Heinsius* 337 Que **LOV** Quae **F** 338 inscia **Ch**  
 343 hinc **S** 345 non] nec **F** 361 Elata **OV** Flata **LF**  
 362 lati] Latii *Heinsius* 363 gelidus **LF** — Anien *scr.*  
 anies **LF** anie **O** anio **V**



Uibrabant ignes. tunc uox effusa per auras: 365  
 'Sat magna, o iuuenis, prensa est tibi gloria Cannis.  
 Siste gradum; nec enim sacris irrumpere muris,  
 Poene, magis dabitur, nostrum quam scindere caelum.'  
 Attonitum uisis maioraque bella pauentem  
 Post confecta Sopor Iunonia iussa relinquit; 370  
 Nec lux terribili purgauit imagine mentem.

Quos inter motus somni uanosque tumultus  
 Dedita per noctem reliquo cum milite castra  
 Nuntiat et praedam pleno trahit agmine Mago.  
 Huic ductor laetas Tarpeio uertice mensas 375  
 Spondenti, cum quinta diem nox orbe tulisset,  
 Celatis superum monitis clausoque pauore,  
 Uulnera et exhaustas saeuo certamine uires  
 Ac nimium laetis excusat fidere rebus.  
 Tum spe deiectus iuuenis, ceu uertere ab ipsis 380  
 Terga iuberetur muris ac signa referre:  
 'Tanta mole,' inquit, 'non Roma, ut credidit ipsa,  
 Sed Uarro est uictus. quaenam tam prospera Martis  
 Munera destituis fato patriamque moraris?  
 Mecum exultet eques; iuro hoc caput, accipe muros  
 Iliacos portasque tibi sine Marte patentis.' 386

Dumque ea Mago fremit cauto non credita fratri,  
 Iam Latius sese Canusina in moenia miles  
 Colligere et profugos uicino cingere uallo  
 Cooperat. heu rebus facies inhonora sinistris! 390  
 Non aquilae, non signa uiris, non consulis altum

---

365 per aures Ch, unde offusa p. a. coni. Heinsius 366 Stat OV  
 — prensa O, unde pressis — Cannis Heinsius parta Drakenborch  
 367 nec enim LFO neque enim V 368 scandere Casaubonus  
 exscindere Heinsius 372 monitus somni Gronov et Heinsius  
 motus animi Burmann — uariosque O 375 Huic FV Hinc LO —  
 Tarpeio uertice ChV tarpeia in u. L tarpeio in u. FO 376 dies OV  
 378 exhaustas OV conchaustas L exhaustas F 379 Ac] Nec  
 Blass 382 ut credidit ipsa Heinsius ut credidit, ipsa uulgo  
 383 quenam S, unde quaenam iam Lefebure quonam uulgo  
 384 destituis O distituis LfV 387 tanto O 389 profugus  
 Heinsius

Imperium, non subnixae lictore sécures.  
 Trunca atque aegra metu, ceu magna elisa ruina,  
 Corpora debilibus nituntur sistere membris.  
 Clamor saepe repens et saepe silentia fixis 395  
 In tellurem oculis, nudae plerisque sinistrae  
 Detrito clipeo; desunt pugnacibus enses;  
 Saucius omnis eques; galeis carpsero superbum  
 Cristarum decus et dainnarunt Martis honores.  
 At multa thorax perfossus cuspide, et haerens 400  
 Loricae interdum Maurusia pendet harundo.  
 Interdum maesto socios clamore requirunt.  
 Hic Galba, hic Piso et, leto non dignus inertī,  
 Curio deflentur, grauis illic Scaeuola bello.  
 Hos passim; at Pauli pariter, ceu dira parentis 405  
 Fata gemunt: ut uera mali praesentia numquam  
 Cessarit canere et Uarronis sistere mentem,  
 Utque diem hunc totiens nequicquam auerterit urbi,  
 Atque idem quantus dextra. Sed cura futuri  
 Quos premit, aut fossas instant praeducere muris, 410  
 Aut portarum aditus, ut rerum est copia, firmant.  
 Quaque patet campus planis ingressibus hostis,  
 Ceruorum ambustis imitantur cornua ramis,  
 Et stilus occulitur, caecum in uestigia telum.  
 Ecce, super clades et non medicabile uulnus, 415  
 Reliquias belli atque imperdita corpora Poenis  
 Impia formido ac maior iactabat Erinnyes.  
 Trans aequor Tyrios enses atque arma parabant  
 Punica et Hannibalem mutato euadere caelo.  
 Dux erat exilio collectis Marte Metellus, 420

---

397 Detecto L Detracto uel Deterto uel Deterso uel De-  
 repto *Heinsius* — pugnacibus LF pugnantibus OV 398 equus  
*Blass* 399 Martis] mortis S 400 Ac *Heinsius* 404 de-  
 flentur Ch defletur O — illic LF ibi OV 405 at V ac LFO  
 406 praesentia] pñcia O praesagia *Barth et Bentley* — dura  
 mali impendentia *Blass* 408 Utque Ch Atque S 410 prae-  
 ducere *Liuius et Heinsius* producere S 412 hostis S hosti  
*uulgo* 413 imitantes F mutant LV mutantus O 414 sti-  
 lus Ch 420 exilis *Liuius* ex illo (Marte) *Heinsius*

Sed stirpe haud parui cognominis. is mala bello  
 Pectora degeneremque manum ad deformia agebat  
 Consulta atque alio positas spectabat in orbe,  
 Quis sese occulerent, terras, quo nomina nulla  
 Poenorum, aut patriae penetraret fama relictæ. 425

Quæ postquam accepit flammata Scipio mente,  
 Quantus Sidonium contra, fera proelia miscens,  
 Ductorem stetit in campis, rapit ocus ensem  
 Atque, ubi turpe malum Latioque extrema coquebant  
 Coepta uiri, ruptis foribus sese arduus infert. 430  
 Tum, quatiens strictum cum uoce ante ora pauentum  
 Mucronem: 'Tarpeia, pater, qui templa secundam  
 Incolis a caelo sedem, et Saturnia, nondum  
 Iliacis mutata malis, tuque aspera pectus  
 Aegide Gorgoneos uirgo succincta furores, 435  
 Indigetesque dei, sponte en per numina uestra  
 Perque caput, nullo leuius mihi numine, patris  
 Magnanimi iuro: numquam Lauinia regna  
 Linquam nec linqui patiar, dum uita manebit.  
 Ocius en testare deos, si moenia taedis 440  
 Flagrabunt Libycis, nullas te ferre, Metelle,  
 Ausurum in terras gressus. ni talia sancis,  
 Quem tremis et cuius somnos formidine rumpis,  
 Hannibal hic armatus adest. moriere, nec ullo  
 Poenorum melior parietur gloria caeso.' 445  
 His excussa incepta minis. iamque ordine iusso

---

421 parui uir nominis *Ruperti* — is mala *Gronov ex ed. Rom.* 3 is mana *Ch S (T. p. 188)* is noua *uulgo* 423 ore *S*  
 430 arduus *LF* arctius *OV* 433 ac caelo *S* 434 Italicis *Ch*  
 436 sponte en per n. u. *Lefebure et Withof* sponte inter n. uestra *Ch LFV* — nostra *O* spondens per n. u. *Heinsius* positi per n. nostra *Schrader* sponte et p. n. n. *Bothe* 438 iuro *F*  
 uiro *LOV (in V m. 2 i. marg. iuro)* 440 antestare *Heinsius* — taedis *O* cedis *LFV* 441 nullos *Scaliger* 442 interrus *F*  
 e terra hac *Thilo* extorres *Blass* nullas efferre, *M.*, Orsurum uel Ausonia i. t. g. *Heinsius* — sancis *F* saucis *LOV* 444 moriere *Cm Ep. 13* 446 iussi *Burmman*

Obstringunt animas patriae dictataque iurant  
Sacramenta deis et purgant pectora culpa.

Atque ea dum Rutulis turbata mente geruntur,  
Lustrabat campos et saevae tristia dextrae 450

Facta recensebat, pertractans uulnera uisu,  
Hannibal et, magna circumstipante caterua,  
Dulcia praebebat trucibus spectacula Poenis.  
Quas strages inter, confossus pectora telis,  
Seminecem extremo uitam exhalabat in auras 455

Murmure deficiens iam Cloelius oraque nisu  
Languida uix aegro et dubia ceruice leuabat.  
Agnouit sonipes, arrectisque auribus acrem  
Hinnitum effundens, sternit tellure Bagesum,  
Quem tum captiuo portabat in agmina dorso. 460

Hinc, rapidum glomerans cursum, per lubrica pingui  
Stante cruore soli et mulcata cadauera caede  
Euolat ac domini consistit in ora iacentis.

Inde, inclinatus colla et submissus in armos,  
De more inflexis praebebat scandere terga 465

Cruribus ac proprio quodam trepidabat amore.

Milite non illo quisquam felicius acri

Insultarat equo, uel si resupina citato

Proiectus dorso ferretur membra, uel idem

Si nudo staret tergo, dum rapta uolucris 470

Transigeret cursu sonipes certamina campi.

At Libys, humanos aequantem pectore sensus

---

454 confossis pectora **LF** confossis pectore **OV** 455 exha-  
labat **Ch** 456 Murmure *Gronov et Heinsius* Munere **S** —  
delius **L** doelius *corr. m. 1 in clodius F* clodelius **OV** (*T. p. 243*)  
— nisu **F** uisu **LOV** 459 Hinnitum **OV** Hinnitum **F** Inuitum **L**  
— Bagesum **ChLFO** uagesum **V** 460 tum **S** tunc *edd.* 461 pin-  
gui **Ch** 462 mulcata c. caede *scr. cum Drackenborchio*  
(*cf. u. 505 lacerata corpora*) mulcata c. caedi **ChLO** multata **FV**  
caedis uel mactata caedi *Heinsius (coll. Uerg. Aen. XI. 197)*  
cumulata c. caede *Bentley et Baehrens* mutilata *Thilo* macu-  
lata *Blass* 463 in ore *Heinsius* ad ora *Burmman* 464 in-  
clinatus colla et **Ch** 466 properio **O** propero *Barth* 469 ferretur  
*Gronov* aliiue ferret cum **S** ferret sua *Burmman* 472 pectora **Cd**



Haud parce miratus equum, quinam ille sinistrae  
 Depugnet morti iuuenis, nomenque decusque  
 Erogitat letique simul compendia donat. 475  
 Hic Cinna — ad Tyrios namque is sua uerterat arma,  
 Credulus aduersis, et tum comes ibat ouanti —:  
 'Auribus huic,' inquit, 'ductor fortissime, origo est  
 Non indigna tuis. quondam sub regibus illa,  
 Quae Libycos renuit frenos, sub regibus olim 480  
 Roma fuit. sedenim, solium indignata Superbi,  
 Ut sceptrā exegit, confestim ingentia bella  
 Clusina uenere domo, si Porsena fando  
 Auditus tibi, si Cocles, si Lydia castra.  
 Ille, ope Maeonia et populo succinctus Etrusco, 485  
 Certabat pulsos per bella reponere reges.  
 Multa adeo nequicquam ausi; pressitque tyrannus  
 Ianiculum incumbens. ubi mox, iam pace probata,  
 Compressere odia, et positum cum foedere bellum,  
 Obsidibusque obstricta fides — mansuescere corda 490  
 Nescia, pro superi! et nil non immite parata  
 Gens Italum pro laude pati — bis Cloelia senos  
 Nondum complerat primaevi corporis annos,  
 Una puellarum Laurentum et pignora pacis  
 Inter uirgineas regi tramissa cateruas; 495  
 — Facta uirum sileo — rege haec et foedere et annis  
 Et fluuio spretis, mirantem interrita Thybrim  
 Tranauit, frangens undam puerilibus ulnis.  
 Cui si mutasset sexum natura, reuerti  
 Forsan Tyrrhenas tibi non licuisset in oras, 500  
 Porsena. sed iuueni, ne sim tibi longior, hinc est  
 Et genus et clara memorandum uirgine nomen.'  
 Talia dum pandit, uicinus parte sinistra  
 Per subitum erumpit clamor. permixta ruina  
 Inter et arma uirum et lacerata cadauera Pauli 505

476 Hic Ch 477 aduersis et tum Ch aduersi sat tunc LFV  
 tum O 488 incumbens urbi. mox p. p. Blass 489 tum OV  
 492 si delia seuos LOV saeuis F 498 undis F corr. in uinclis,  
 i. marg. m. 2 ulnis

Eruerant corpus media de strage iacentum.  
 Heu quis erat! quam non similis modo Punica telis  
 Agmina turbanti! uel cum Taulantia regna  
 Uertit, et Illyrico sunt addita uincla tyranno!  
 Puluere canities atro arentique cruore 510  
 Squalebat barba, et perfracti turbine dentes  
 Muralis saxi, tum toto corpore uulnus.

Quae postquam aspexit geminatus gaudia ductor  
 Sidonius: 'Fuge, Uarro,' inquit, 'fuge, Uarro, superstes,  
 Dum iaceat Paulus. patribus Fabioque sedenti 515  
 Et populo consul totas edissere Cannas.  
 Concedam hanc iterum, si lucis tanta cupido est,  
 Concedam tibi, Uarro, fugam. at, cui fortia et hoste  
 Me digna haud paruo caluerunt corda uigore,  
 Funere supremo et tumuli coretur honore. 520  
 Quantus, Paule, iaces! qui tot mihi milibus unus  
 Maior laetitiae causa es. cum fata uocabunt,  
 Tale precor nobis, salua Carthagine, letum.'  
 Haec ait et socium mandari corpora terrae,  
 Postera cum thalamis Aurora rubebit apertis, 525  
 Imperat armorumque iubet consurgere acruos,  
 Arsuros, Gradiue, tibi. tum munera iussa,  
 Defessi quamquam, accelerant sparsoque propinquos  
 Agmine prosternunt lucos; sonat acta bipenni  
 Frondosis silua alta iugis. hinc ornus et altae 530  
 Populus alba comae, ualidis accisa lacertis,  
 Scinditur, hinc ilex, proauorum condita saeclo.  
 Deuoluunt quercus et amantem litora pinum  
 Ac, ferale decus, maestas ad busta cupressos.  
 Funereas tum deinde pyras certamine texunt, 535

512 totum in *Bentley* unum toto *Lefebure* toto unum  
*Barth* 513 Quae postquam *Ch* — geminatus *FV* gematus *LO*  
 514 uarro *V* uero *LFO* 520 Munere *Gronov* et *Schrader*  
 523 nobis *OV* uobis *LF* 525 ruebat *S* 528 sparsoque *Cm*  
*Ep. 13* 529 icta *Gronov* et *Heinsius* 530 silua atra *Hein-*  
*sius* — alte *LV* altae *FO* albae *edd.* 531 alba *LV* alma *O*  
 alta *F* 532 consita *Heinsius* et *Bentley* 534 Ac *V* At *LFO*  
 535 certamine *L* certamina *FOV*

Officium infelix et munus inane peremptis,  
 Donec anhelantis stagna in Tartessia Phoebus  
 Mersit equos, fugiensque polo Titania caecam  
 Orbita nigranti traxit caligine noctem.  
 Post, ubi fulserunt primis Phaethontia frena 540  
 Ignibus, atque sui terris rediere colores,  
 Supponunt flammam et manantia corpora tabo  
 Hostili tellure cremant. subit horrida mentem  
 Formido incerti casus, tacitusque pererrat  
 Intima corda pauor, si fors ita Martis iniqui 545  
 Mox ferat, hac ipsis inimica sede iacendum.  
 At tibi, bellipotens, sacrum, constructus aceruo  
 Ingenti mons armorum surgebat ad astra.  
 Ipse, manu celsam pinum flammaque comantem  
 Attollens, ductor Gradium in uota ciebat: 550  
 'Primitias pugnae et laeti libamina belli  
 Hannibal Ausonio cremat haec de nomine uictor,  
 Et tibi, Mars genitor, uotorum haud surde meorum,  
 Arma electa dicat spirantum turba uirorum.'  
 Tum, face coniecta, populatur feruidus ignis 555  
 Flagrantem molem, et, rupta caligine, in auras  
 Actus apex claro perfundit lumine campos.  
 Hinc citus ad tumulum donataque funera Paulo  
 Ibat et hostilis leti iactabat honorem.  
 Sublimem eduxere pyram mollisque uirenti 560  
 Stramine composuere toros. superaddita dona,  
 Funereum decus: expertis inuisus et ensis  
 Et clipeus, terrorque modo atque insigne superbum,  
 Tum laceri fascēs captaeque in Marte secures.  
 Non coniux nativae aderant, non iuncta propinquo 565  
 Sanguine turba uirum, aut celsis de more feretris  
 Praecedens prisca exequias decorabat imago.

546 hac *Heinsius* ast **S** ac *edd.* atque *Lefebure* — iacentum **Ch** 547 At **S** Ac **Ch** Ast *edd.* 549 conantem **S**, sed in **V** corr. 550 nota **LOV** noua **F** 554 superantum *Heinsius* 563 terrorque modum **S** terror Nomadum *Barth* 564 deest in *Col.* (*T. p. 173*) — laceri **OV** lateri **LF**

Omnibus exuuiis nudo iamque Hannibal unus  
 Sat decoris laudator erat; fulgentia pingui  
 Murice suspirans inicit uelamina et auro 570  
 Intextam chlamydem ac supremo affatur honore:  
 'I, decus Ausoniae, quo fas est ire superbas  
 Uirtute et factis animas. tibi gloria leto  
 Iam parta insigni. nostros Fortuna labores  
 Uersat adhuc casusque iubet nescire futuros.' 575  
 Haec Libys; atque repens, crepitantibus undique flammis,  
 Aetherias anima exultans euasit in auras.

Fama dehinc gliscente sono iam sidera adibat;  
 Iam maria ac terras primamque intrauerat urbem.  
 Diffidunt muris; solam pauitantibus arcem 580  
 Sperauisse sat est. nec enim superesse iuuentam,  
 Ac stare Ausoniae uacuum sine corpore nomen.  
 Quodque adeo nondum portis irruperit hostis,  
 Contemptu cessare putant. iam tecta cremari,  
 Ac delubra rapi, caedesque ante ora nefandae 585  
 Natorum, septemque arces fumare uidentur.  
 Lux una euersas bis centum in strage curulis,  
 Ac iuuenum bis tricenis orbata gemebat  
 Milibus exhaustae nutantia moenia Romae;  
 Atque ea post Trebiam, post Tusci stagna profundi,  
 Nec socium numero pariter leuiore perempto. 591  
 Sed uero sed enim reliqui pia turba senatus  
 Munera sortito inuadunt. celer omnia lustrans  
 Clamitat attonitis Fabius: 'Non ulla relictæ est,  
 Credite, cunctandi ratio. appropere mus, ut hostis 595  
 Nequicquam armatos ausit succedere muros.  
 Dura inter pauidos alitur fortuna sedendo,  
 Et gliscunt aduersa metu; ite ocius, arma  
 Deripite, o pubes, templis. uos atria raptim

---

579 primamque] pauidamque uel patriamque Gronov 587 in  
 strage Marsus instare S (cf. XI. 529) hac strage uel infame  
 Burmann 594 attonitis Liuius alique attonitus S 595 ac  
 properemus S 598 auersa F — ite ocius Cas (T. p. 215)  
 ite, ite edd. nonnullae 599 Diripite OV



Nudate et clipeos in bella refigite captos. 600  
 Sat patriae sumus, e numero si ad proelia nostro  
 Nil minuit pauor. in patulis illa horrida campis  
 Sit metuenda lues; muros haud fregerit umquam,  
 Exultare leuis nudato corpore, Maurus.'

Dum Fabius lapsas acuit formidine mentes, 605  
 Uarronem aduentare uagus per moenia rumor  
 Spargit et occulto perfundit pectora motu.  
 Haud secus, ac fractae rector si forte carinae  
 Litoribus solus uacuis ex aequore sospes  
 Adnatet, incerti trepidant, tendantne negentne 610  
 Iactato dextras, ipsamque odere salutem  
 Unius amissa superantis puppe magistri.  
 Quam restare uiro labem, qui accedere portis  
 Audeat ac dirum ueniat pauitantibus omen!

Hos mulcens questus Fabius deforme docebat 615  
 Cladibus irasci uulguumque arcebat ab ira.  
 Aduersis etenim ferri non esse uirorum,  
 Qui Martem inscribant genti, non posse dolores  
 Condere et ex poena solatia poscere luctus.  
 Si uero exprobrare sinant, sibi tristius illum 620  
 Illuxisse diem, quo castris uiderit ire  
 Uarronem, quam quo uideat remeare sine armis.  
 His dictis sedere minae, et conuersa repente  
 Pectora: nunc fati miseret, nunc gaudia Poeno  
 Consulibus reputant caesis erepta duobus. 625  
 Ergo omne effundit longo iam se agmine uulgu  
 Gratantum, magnaue actum se credere mente  
 Testantur, quod, fisus auis sceptrisque superbis,  
 Laomedontiadum non desperauerit urbi.

Nec minus infelix culpa grandique pudore 630  
 Turbatus, consul titubantem ad moenia gressum  
 Portabat lacrimans; deiectum attollere uultum

601 nostro *Marsus* nostre **LOV** nostrae **F** noster *Ruperti*  
 605 lassas **V** 610 tendantne negentne *Bentley* tendantne  
 negentne **ChS** 617 ferri **Ch** frangi **S** 618 nec *Blass* 620 uera  
*Gronov et Bentley* 627 arcum **LOV** arcum **F**

Ac patriam aspicere et luctus renouare pigebat.  
 Quod uero reduci tum se populusque patresque  
 Offerrent, non gratari, sed poscere natos 635  
 Quisque suos fratresque simul miseraeque parentes  
 Ire uidebantur laceranda ad consulis ora.  
 Sic igitur muto lictore inuectus in urbem,  
 Damnatum superis aspernabatur honorem.

At patres Fabiusque, procul maerore remoto, 640  
 Praecipitant curas. raptim delecta iuuenta  
 Seruitia armantur; nec claudit castra saluti  
 Postpositus pudor. infixum est Aeneia regna  
 Parcarum in leges quacumque reducere dextra  
 Proque arce et sceptris et libertatis honore 645  
 Uel famulas armare manus. primaeva suorum  
 Corpora praetexto spoliant uelamine et armis  
 Insolitis cingunt. puerilis casside uultus  
 Clauditur atque hostis pubescere caede iubetur.  
 Idem obsecrantis, captium uulgus ut auro 650  
 Pensarent paruo — nec pauca fuere precantum  
 Milia — miranti durarunt prodere Poeno.  
 Cuncta adeo scelera et noxam superauerat omnem,  
 Armatum potuisse capi. tunc terga dedisse  
 Damnatis Siculas longe meritare per oras 655  
 Impositum, donec Latio decederet hostis.  
 Haec tum Roma fuit; post te cui uertere mores  
 Si stabat fatis, potius, Carthago, maneres.

---

633 renouare **Ch** reuocare **S** 638 muto] multo **S** amoto  
 igitur *Heinsius* nullo *Lefebure aliquo* misso uel nullo *L. Mueller*  
*d. r. m.* 173 642 claustra **OV** 652 duranti mirarunt **L**

---







**University of Toronto  
Library**

---

**DO NOT  
REMOVE  
THE  
CARD  
FROM  
THIS  
POCKET**

---

**Acme Library Card Pocket  
Under Pat. "Ref. Index File"  
Made by LIBRARY BUREAU**

